

Collegij Moenacensis.

DEFENSOR PACIS:

S I V E

A D V E R S V S
V S V R P A T A M R O M.

PONTIFICIS IVRISDICTIONE-
M, MARSILII PATAVINI PRO
inuictis. & constantis. Rom. Imperatore LV-
DOVICO IV. BAVARICO, à tribus
Rom. Pontificibus indigna
perpesso,

A P O L O G I A;

Qua politica & ecclesiastica potestatis limites
doctissime explicantur: circa annum
DOMINI M C C C X X I V.
conscripita.

N V N C vero ad omnium Principum, Magistratum &
ecclesia Catholica, ac nominatim Christianiss.
Galliarum & Nauarra Regis, &c. HENRICI IV.
(à tribus etiam Rom. Pontificibus inique oppu-
gnati) eiusque regni & ecclesiarum auctorita-
tem ac libertatem demonstrandam utilissima.

F R A N C I S C V S G O M A R V S B R V-
G E N S I S recensuit: Capitulum argumentis &
N O T I S ad marginem illustrauit.

F R A N C O F V R T I

Excudebat IOANNES WECHELVS,

Venit in officina Vignoniana.

c l o l o x c i i .





ILLVSTRISSIMO

POTENTISSIMO QVE

PRINCIPI AC DOMINO, D.

FRIDERICO IV. COMITI PALATI-
no ad Rhenum, Bauariæ Duci, Sacri Roma-
ni Imperii Electori primario, Domino suo
clementissimo, Gratiam & Pacem à DEO.

PRINCEPS Bauarici glo-
ria sanguinis,
*Sunt quos eloquii copia diuitis
Ad cælum meritis laudibus extulit;
Hunc iuris decorat culta scientia;
Illum Pæoniæ nobilitant manus;
Multos aut sophiæ aut historiæ decus
Immortale dedit scriptio nobilis:
Virtus Marsilium docta vetat mori,
Quâ pacem coluit, quâ columnen boni
Ludvicû Bauaro stemmate Cæsarem.*

E P I S T O L A

*Qui ferre indocilis turpe iugum Papæ
Iniecit rabidæ frena superbiæ.*

*O princeps animi cedere nescii,
Cunctis digne coli! te tamen improbi,
Queis cordi potius Pontificum dapes
Quam verum, lacerât dentibus inuidis.
Non fert Marsilius; sed patriæ patris
Hostes aggrediens, & scelerum caput
Quod septem Latii collibus insidet,
Inuictis calami viribus obruit.*

*Ac fraudes reteggit queis sibi subdidit
Terrarum dominos: quaque libidine
Ciuili Imperium Marte repleuerit.
Hunc postliminio luce beauimus
Extinctum prope; ne facta celebra
Stirpis Bauaricæ iniuria temporis,
Aut linguæ rabies deprimat inuidæ:
Neu Franci metuant irrita fulmina
Diri Pontificis sanguine turgidi,
Densantis miseræ funera Gallix;
Sed fortes animi robore militent
Henrico Duce (cui laus super æthera)*

Regum

DEDICATORIA.

Regum Christicolūm sidere lucido,
 Pressæ magnanimo vindice patriæ,
 Quem causæ bonitas, armaq; protegunt.
 Dignum luce virum Marsilium, tibi
 Princeps Bauarici gloria sanguinis
 Magni progenies inclyta Cæsaris,
 Hoc æui, supero munere Iosia,
 Lubens, atque atavi iure tuum, sacro.
 Quem si celsa hilari fronte potentia
 Gratum, grati animi μνημόσυνον, capit;
 Hoc viam reliquo tempore lætior.
 Quæ spe, qui superis præsidet arcibus
 Et cuncta arbitrio temperat, apprecor
 Firma pace beet (★ nominis omine,
 Felici) pietas quam decoret comes,
 Et seruet columem, quē Nicer & pater
 Rhenus, præsidium dulce suum, colunt.

* Frideri-
 chus enim
 pace abun-
 dantem si-
 gnificat.

Illustris. C. T.

obsequentis. cliens

Franciscus Gomarus
 Brugenſis.

A 3

CANDIDO LECTORI



ÆQVO LECTORI R I S.

SOLENNE multis, beneuo-
le lector, vt nullius fere momen-
ti scripta, speciosis titulis commendent. De
quibus vere illud vsurpaueris; *Fumus ex ful-
gore*. Verum si quam ex huius operis in-
scriptione spem conceperis, lectum & in-
tellectum abunde satisfaciet. Nec te sty-
lus incultior moueat: non auctoris; sed se-
culi vitium. Notum illis, quibus non igno-
ti Scholastici. Et ne tyrones hæreant, emen-
dauimus pleraque, & Capitulorum argumentis
ac Notis ad marginem illustrauimus. A
quo nec deterruit dicacis huius æui inui-
dia, nec adduxit ambitio; sed reipublicæ,
cui nati sumus, vtilitas. Vt enim præcipuo
quodam amore digni sunt, qui præclaris
ingenii sui monumentis, rem literariam
promouere conantur; sic nec illorum ope-
ra respuenda, qui veteres quasi postliminio
reuocatos, ab interitu vendicant. Quam-
uis enim seipsa veritas nitatur, nec alienis
opus

S A L V T E M.

opus habeat adminiculis : mirum tamen in omnium animis antiquitate pondus obtinet. Hinc spero, nec Marfilio decus, nec mihi bonorum benevolentiam defore. Nam si ætatem spectes ; ea vixit qua mera regnabat barbaries, & veritas infinitis sophismatibus non tam pressa, quam sepulta. Adeo ut illa memoria, veri aliquid quasi pertransennam vidisse, pluris æstimandum sit ; quam nostra, vel acutissime perspicere. Si materiam vero consideres : quænam illustrior, aut ad ecclesiæ & reipublicæ salutem accommodatior? Nam cum *nulla salus bello* : noster auctor PACIS DEFENSIONEM suscepit. Atque in ea tractanda sic versatur, ut omnium admirationem & amorem suo quodam iure sibi conciliet. Monet enim primum quanta pacis sit præstantia & necessitas : quam graue discordiæ malum : quam serio ab omnibus colenda concordia. Hinc ad illius descriptionem accedens, qua ratione facta tecta seruari queat, docet ; perpetuo nimirum & interrupto magistratus ac populi in officio probe se continentium vinculo

CANDIDO LECTORI

ac consensu. Ac propterea vtriusque officium ex naturæ luce declarat ac distinguit. Eius enim violatio discordiæ parens. Cuius testem adducit seditiosam Papæ in Principes rebellionem & dominandi libidinem: quæ bellorum & malorum Iliada in orbem Christianum inuexit. Ideoque altera libri parte, vt paci consulat, Papæ nebulas, quas falso religionis prætextu imperitioribus offundit, accurate discutit, ac sacrarum literarum auctoritate & orthodoxo Patrum consensu Principum auctoritatem tueretur: & Romani Pontificis & episcoporum tyrannidem in lucem protrahit, ac refutat: & imminentem eius ruinam graphice & quasi prophetico spiritu delineat ac prædicit. Videat & iudicet Gallia. Deinde ecclesiasticæ potestatis limites doctissime definit ac confirmat. Quamobrem cum omnis bonorum auctorum laus in eo potissimum versetur, vt aut mentem aut mores excolat: egregie vero vtrumque præstet Marsilius; dignus luce, indignus qui diutius suppressatur, hac potissimum tempestate, vere (inquam) tempestate: qua Marsiliani seculi

S A L V T E M.

culi conditio non adumbrata, sed expressa. Ceterum quod Meritorum, Purgatorii, Transubstantiationis meminit, fidem auctoris non eleuat; sed cōfirmat, ac veritatis studio, non odio religionis Romanę hanc prouinciam sibi sumpsisse testatur. Quod vero in priori libri parte Aristotelem laudet crebrius, ne mirare. Vt enim apud Philosophos de Homero, & Pythagorę auditores de præceptore decantatum illud, αὐτὸς ἔφα : ita postquam ab Alexandro Aphrodisseo Seueri Imperat. liberorum pædagogo in scholas introductus Aristoteles, quasi oracula singulæ eius sententiæ celebratæ sunt. Vt liquet ex Thomæ, Scoti & reliquorum disputationibus. Hinc alicubi eum **DIVVM** vocat auctor noster: more Laconū; quib. in vsu erat, quē præceteris admirabantur, hoc * nomine decorare. Quid mirum igitur, si in quæstionibus politicis (quibus prima libri pars tanquam operis præcentio insumitur) philosophorum fere principem, testem citet? Nam cum ad rem peruenit secūda libri parte : quam sincere aduersariorū argumenta & cōtrouersiam proponit! quam

* *Aristotel.*
Ethic. 7.
cap 1.

CAND. LECTORI S.

solide sacrarum literarum auctoritate & Patrum testimoniis suam sententiam munit & contrariam diluit ! Quare meum hoc in Marsilio edendo quaecumque studium, boni consule benevole lector ; & quod errorum nonnullorum typographicorum qui irrepererunt hac editione , catalogum non addiderim, domestico funestæ domus dolori tribue : & si hæc placuerint, meliora expecta. Vnum tamen te monitum velim, secunda libri parte à capite v i. numerum capitum male annotatum, ne v i i. desiderari putes : & alicubi meorum Notarum seriem interruptam, operis typographicis, ob characterum exiguitatem, condonabis.

Vale ac faue.

O R D O



ORDO ET ARGV- MENTA CAPITVM

DICTIONIS PRIMÆ.

CAPVT I,

PAGINA,

DE scopo & proposito auctoris: scopi causa:
& libri dedicatione ac diuisione. 1

2, Ordinis huius libri ratio: distinctio signifi-
cationum, Regni, Ciuitatis, Pacis, ac Dis-
cordia descriptio. 7

3, De origine communitatis ciuilis: Ex familiis
vicos seu vicinias; ab his vero ciuitatem
ortam. 9

4, Ciuitatis definitio & finis: eiusque partium
distinctio & necessitatis ac finis adum-
bratio. 11

5, Expolitio precedentium, seu accuratior par-
tium ciuitatis, earumque necessitatis ac fi-
nis explicatio. 14

6, De veri sacerdotii fine & origine à Deo post
lapsum Adami. 21

7, De reliquis causis partiũ seu officiorũ ciuita-
tis, duplici materia, forma, efficiente. 26

8, De generibus Politiarum temperato & vitia-
to: eorumque diuisione: & specierum de-
finitionibus. 28

9, Politiarũ causa efficiens: Monarchia genera:
& electionis principatus præstantia. 30

10, Legis significationes distinguuntur: & qua
huic loco propria, indicatur 36

INDEX ET ORDO

- 11, *Legis proprie sic dicta necessitas ac finis duplex.* 39
- 12, *De causa efficiente legum humanarum; seu cuius sit leges condere, approbare, interpretari, abrogare. Unde apparet penes quem sit electi principis confirmatio.* 47
- 13, *Obiectiones aliquot diluuntur: & legum ferendarum ratio explicatur.* 52
- 14, *Qualem & quibus instructum esse principem deceat.* 59
- 15, *De causa efficiente electionis principis & reliquarum partium civitatis.* 64
- 16, *Virum magis expediat politia certum aliquem monarcham cum tota posteritate imperio praeferre: aut novum subinde eligere?* 72
- 17, *Vnum in regno aut civitate principatum statuendum: & qua ratione principatus, civitas eiusque partes, vnum dicantur.* 86
- 18, *An principum delicta iudicio coercenda sint: a quibus: & quanam?* 93
- 19, *Causa efficiens pacis aut discordiae publicae, communis ac singularis: & ad secundam huius libri partem transitio.* 96

DICTIONIS SECVNDÆ

CAPVT I,

PAGINA.

TRIA huic operi imminetia pericula, & aduersus ea auctoris constantia: scopus & ordo sequentium. 106

2, *Distin-*

CAPITULUM.

- 2, *Distinctio harum dictionum; Ecclesia, Index, Spirituale, Temporale: quibus in quaestione explicanda est utendum.* 110
- 3, *Aduersariorum argumenta Theologica & Politica, quibus Papa dominium defendunt, proponuntur.* 117
- 4, *Nec Papam, nec ullum ministrum Evangelii iure diuino in politica aut ecclesia habere dominium: nec oblatum ei ab aliis, suscipiendum: sed magistratui subesse debere demonstratur Christi testimoniis & exemplo, ac Patrum orthodoxo consensu.* 122
- 5, *Præcedentis capitis argumentum Apostolorum Pauli & Petri auctoritate, & Patrum orthodoxo consensu probatur.* 137
- 6, *Hactenus refutata est ea potestas quam Papa & sacerdotes falso sibi adscribunt. Sequitur de vera eorum potestate: seu auctoritate primum clauium (quæ consistit in Sacramento Pœnitentie & Excommunicatione, cuius natura explicatur) deinde Transsubstantiationis.* 153 **
- 8, *Actionum humanarum diuisio; earumque regule; descriptio & usus humana & diuina legis: legum subiectum, humana legis index, magistratus, eiusque in Papam & clericos potestas.* 171
- 9, *Legis diuina index solus Christus; non autem Episcopi: legis duplex consideratio: Quando Christus iudicaturus: Sacerdotes & Episcopos Principibus subesse debere.* 178
- 10, *A quibus, quando, & quomodo puniendi heretici.* 188

INDEX ET ORDO

- 11, *Argumentum quarti, quinti, octavi, noni, & decimi capitum precedentium porro confirmatur signis quibusdā & testimoniis. Episcopos & presbyteros nec principatum, nec diuitias amplas decere. Paparum, Cardinalium, Episcoporum & Presbyterorum flagitiosiores deplorantur.* 198
- 12, *Distinctio vocum ambiguarum, Ius (cui additur, Præceptum, Prohibitum, Promissum) Dominium; Possessio; Proprium; Commune; Dives; Pauper. Quæ necessaria ad quæst. de paupertatis statu explicandum.* 204
- 13, *Ex precedentibus conclusiones: locus communis de paupertate; Domini ecclesiæ ministrorum refutatio.* 213
- 14, *Quæ precedenti capite de Paupertate explicata sunt, obiectionum refutatione illustrantur.* 233
- 15, *Sacerdotalis potestas per se; & per accidens; illa non esse sacerdotem inferiorem Episcopo, sed hac solum.* 253
- 16, *Apostoli æquales inter se officio & dignitate; eorum successores quivis episcopi, qui similiter pares dignitate.* 262
- 17, *De auctoritate instituendi episcopos, ac ceteros ecclesiæ ministros certo populo & loco, ac bonorum ecclesiasticorum distributione & usu.* 276
- 18, *De origine ac statu primitivæ ecclesiæ: & unde Papa, seu Romanus episcopus, & ecclesiæ suam illam auctoritatem & primum assumserit.* 292
- 19, *Quibus*

CAPITV M.

- 19, *Quibus scriptis, aut Sacrarum litterarum interpretationibus ad salutem necessario credendum.* 299
- 20, *Controuersias de religione, non Papa, sed concilii auctoritate dirimendas. Quinam, & quò ad concilium conuocandi; quodq, singulorum in eo officium.* 305
- 21, *Cuius sit concilium generale cogere: & qui decreta illius violarint, punire: deinde ritus ecclesiasticos pro imperio praescribere: Principes praterea aut populum excommunicare, aut a sacris arcere: adhuc bona ecclesiastica, vel decimas, disciplinarum gradus (ut vocant) & titulos pro arbitrio conferre: deniq, quosdam in Sanctorum numerum referre.* 313
- 22, *Expedire ut unus episcopus & ecclesia ceteris praesint; & quomodo: qua etiam ratione Romano episcopo, eiusque ecclesiae hic honor conueniat.* 328
- 23, *An plenitudo potestatis Papa conueniat: & unde, ac quibus gradibus eam sibi adscripserit.* 344
- 24, *Qua ratione speciatim potestatis Plenitudine in ecclesiasticis ad ecclesiae perniciem sceleratissime abusi sint Papa: Romana curia mores profligatissimi, & ruina graphice, & quasi prophetico afflatu exprimuntur.* 353
- 25, *Quoniam modo & progressu plenitudine potestatis peculiariter in ciuilibus abusi sint Papa, accuratissime explicatur* 364

INDEX ET ORDO CAP.

- 26, *Quomodo plenitudine potestatis abusi sint.
Papa contra Imperatorem Romanorum*
381
- 27, *Obiectiones pro Papa tyrannica potestate*
404
- 28, *Præcedentium obiectionum refutatio.* 412
- 29, *Obiectionum theologicarum pro Papa pri-
matu, quæ initio huius dictionis propositæ
sunt, refutatio.* 449
- 30, *Obiectionum politicarum pro Papa prima-
tu, refutatio.* 459

DICTIONIS TERTIÆ

CAPVT I,

PAGINA.

- A** NACEPHALÆOSIS, & ordo totius libri
471
- 2, *Conclusiones XLII, quibus principantes &
subditi intentum huius libri facilius asse-
quantur.* 472

DEFEN-



DEFENSOR PACIS:

SIVE

ADVERSUS vsurpatam *Romani Pontificis* iurisdictionem, *Marsilii Patavini*, pro Inuictis. & Constantis. Romanorum Imperatore *Ludovico Bavarico*, à tribus Papis indigna perpesso, Apologia, in tres partes (quas *dictiones* appellat) diuisa.

DICTIONIS PRIMÆ

CAPVT I.

De scopo & proposito auctoris: scopi causa: & libri dedicatione ac diuisione.

QUONIAM QUI REGNO DESIDERABILIS debet esse tranquillitas, in qua & populi proficiunt, & utilitas gentium custoditur. Hæc est enim bonarum artium decora mater. Hæc mortalium genus reparabili successione multiplicans, facultates protendit, mores excolit. Et tantarum rerum ignarus agnoscitur, qui eam minime quassisse sentitur. Cassiodorus in prima suarum epistolarum, hac serie iam præmissa, tranquillitatis seu pacis ciuiliū regiminum commoditates & fructus expressit, ut per hos tanquam optimos, humanum optimum, eius vitæ scilicet sufficientiam explicans (quam sine pace ac tranquillitate nemo consequi potest) ad pacem habendam inuicem, & hinc tranquillitatem, voluntates hominum excitaret. In quo beati Iob sententiæ pronuntiavit cōformiter, ubi 22. iucap. dixit, *Habeto pacem, & per hanc habebis fru-*

*Pax regno dei
siderabili,
ratione uti-
litatis:*

*& ad beatitudi-
nem necessaria.*

*Eoque, auctore
Iob, colenda.*

2 DEFENSORIS PACIS

Tam quia natali Domini nuntiatur:

* Lucæ 2.14. & à Christo discipulis optatur ac præcipitur:

* Ioann. 20. 21. 26.
* Marci 9.50.

* Matt. 10. 12. & hereditatis loco traditur:

eamque optant Apostoli iussu & exemplo Christi.

Contra, discordia regni pestis.

Exemplum ab imperio Romano.

Etus optimos. Hanc siquidem propterea CHRISTVS DEI Filius, sui noui natalis signum & nuntiam fore decreuit, dum militiæ cælestis oraculo, in eodem voluit decantari: * *Gloria in altissimis DEO, & in terra pax hominibus bonæ voluntatis.* Propter hoc etiam, idem suis discipulis pacem optabat persæpe. Vnde * Ioannes, *Venit IESVS, & stetit in medio discipulorum suorum, & dixit, Pax vobis.* De pacis inuicem obseruatione monens eosdem, dixit in * Marco, *Pacem habete inter vos.* Nec solum hanc inuicem ipsos habere, verum eandem aliis optare docebat. Vnde * Matthæus, *Intrantes autem in domum, salutate eam, dicentes, Pax huic domui.* Hæc rursus fuit hæreditas, quam sibi passionis & mortis instante tempore, suis discipulis testamento reliquit, dum Ioannis 14. dixit, *Pacem relinquo vobis, pacem meam do vobis.* Cuius instar tanquam veri hæredes, & ipsius imitatores, Apostoli hanc optauerunt, quibus per ipsorum epistolas euangelica documenta & monita dirigebant; cognoscentes fructus pacis optimos fore, quemadmodum ex Iob inductum est, & per Cassiodorum amplius explicatum.

Verum, quia contraria per se factiua sunt contrariorum, ex opposita tranquillitati discordia, prouenient ciuili regimini seu regno cuiuslibet, fructus & incommoda pessima: vt videre sat est, & quasi cuiuslibet in occultum, ab Italico regno. Dum enim ipsius incolæ conuixerunt pacifice, fructus pacis enumeratos pridem suauiter perceperunt. Ex his & in his proficientes in tantum, vt vniuersam habitabilem suæ ditioni subdiderint: inter ipsos vero discordia seu lite oborta, laboribus & incommodis multimodis vexatum est regnum ipsorum, & alienarum atque inuisarum gentium subiuit imperium. Sicque etiam rursus propter litem laceratum est vndique, quasi solutum, quod occupare volenti, & vtcunque potenti facilis cuiuslibet ad ipsum iam patet ingressus, nulla siquidem tali euentu admiratione digno: quoniam (in his quæ de Catilina) teste Salustio, *Concordia parua res crescunt, discordia vero maxima dilabuntur.*

Ob

Ob quam quidem, in erroris seducti deuium, vita
sufficienti priuantur indigenæ, pro quiete quæsitâ
labores grauiiores, pro libertate vero dura iuga ty-
rannidum continue subeunt, sicque demum cete-
ris viuentibus ciuilitate infeliciores effecti, vt ipso-
rum patronymicum nomen, gloriam & immunita-
tem inuocantibus præbere solitum, in passionem
ignominia à reliquis nationibus exprobratur eis-
dem. In has ergo miseri præcipites feruntur tenebras
propter discordiam seu litem ipsorum inuicem, quæ
velut animalis ægritudo, sic praua ciuilis regiminis
dispositio, fore dignoscitur. Cuius quidem etsi cau-
sæ primitiuae sint plures & coniunctæ non paucae
(quas solitis modis euenire possibiles, * philoso-
phorum eximius in ciuili scientia, omnes fere descri-
psit) est tamen extra illas vna quædam singularis &
occulta valde, qua Romanum imperium dudum la-
borauit, laboratque continue, vehementer conta-
giosa, nil minus & prona serpere in reliquas omnes
ciuilitates & regna, ipsorumque iam plurima sui
auuiditate tentauit inuadere. Hanc siquidem eius-
que ortum & speciem, nec Aristoteles, aut philoso-
phorum alter sui temporis vel prioris, conspiciere po-
tuit. Est enim hæc & fuit opinio peruersa quædam
in posteris, explicanda nobis, * occasionaliter autem
sumpta, ex effectu mirabili post Aristotelis, tempo-
ra dudum à suprema causa producta, præter inferioris
naturæ possibilitatem, & causarum solitam ac-
tionem in rebus. Hæc nempe sophistica honesti at-
que conferentis faciem gerens, hominum generi
perniciosa prorsus existit, omnique ciuilitati ac pa-
triæ si non prohibeatur, nocumentum tandem im-
portabile paritura. Sunt igitur (vt diximus) pacis
seu tranquillitatis fructus optimi, oppositæ vero li-
tis importabilia nocumenta: propter quod pacem
optare, non habentes quærere, quæsitam seruare, li-
temque oppositam omni conamine repellere debe-
mus. Ad ea quoque singuli fratres, eoque magis
collegia & communitates se inuicem iuuare tenen-
tur, tam supernæ charitatis affectu, quam vinculo

*Cuius discordia
primaria & cō-
munes causa
sunt plures:
* Aristot. Pol.
lib. 5.*

*Singularis vero
occulta est ac
veteribus phi-
losophis ignota.*

** Huius rei
explicationē
vide cap. 19.
huius dictio.
& 1. secundæ.*

*Paci itaq; stu-
dendum: dis-
cordia repel-
lenda.
à singulis &
cunctis cum cha-
ritatis summa
sua lege.*

4 DEFENSORIS PACIS

*Idque Philo-
phorum Plato-
nis & Ciceronis
auctoritate.*

** Plato epist.
9. Architæ
Tarent.*

*Eoque discor-
dia publica sin-
gularis causa
necessario de-
claranda:*

*non autem ti-
more, segnitie,
aut alia de cau-
sa dissimulan-
da.*

*Vt liquet au-
thoritate Pauli:
& exemplo
Christi.*

*Qui hac in re
imitandus:*

*ab iis præser-
tim quibus res
notior.*

*ne ingratitu-
dinis crimen in-
currant:*

teste Iacobo.

siue iure societatis humanæ. Quod etiam * Plato nos admonet (teste Tullio De Officiis libro) qui dixit; *Non nobis solum nati sumus, ortusque nostri partem patria vendicat, partem amici.* Cuius sententiæ subdit Tullius consequenter: *Atque (v: Stoicis placet) quæ in terris gignuntur, ad usum hominum omnia creari, homines autem hominum causa generatos esse: in hoc naturam ducem sequi debemus, communes utilitates in medium afferre.* Quodque communis utilitas non parua foret, quinimo necessitas, iam dictæ singularis causæ litium (regnis atque communitatibus omnibus nocumenta non parua minantis) referare sophisma: curam vigilem, diligentemque operam, huic præbere tenetur quilibet, commune volens & potens vtile cernere. Hoc enim immanifesto, nequaquam pestis hæc evitari potest, nec ipsius perniciosus effectus à regnis seu ciuilitatibus rescari perfecte. Non debet autem curam hanc negligere quispiam timore vel segnitie, aut quouis alio malignitatis spiritu. Nam 2. ad Timotheum 1. *Non dedit nobis Deus timoris spiritum, sed virtutis & dilectionis:* virtutis inquam & dilectionis, propalandæ veritatis. vnde subdit ibidem Apostolus: *Noli itaque erubescere testimonium Domini nostri.* Hoc autem fuit testimonium veritatis, ad quod perhibendum CHRISTVS se venisse dixit in mundum, dum Ioannis 18. inquit, *Ego ad hoc natus sum, & ad hoc veni in mundum, ut testimonium perhibeam veritati:* ducenti scilicet humanum genus ad salutem æternam. Ipsius ergo instar, docendæ veritati, qua ciuiliū regiminum iam dicta pestis cessari valeat, ab humano maxime Christicolarum genere, veritati inquam, ad salutem ciuilis vitæ ducenti, ad æternam quoque proficienti non parum, is magis obligatur intendere, cui gratiarum dator, harum rerum intelligentiam amplius inspirauit, grauiternque velut ingratus, hoc sciens & potens, peccat omittens, teste Iacobo suæ canonicæ cap. 4. cum dixit: *Scienti bonum facere & non facienti, peccatum est illi.* Non aliter enim nequitia hæc, humani generis commu-

nis

nis hostis, succidetur perfecte; nec perniciosi, quos haecenus produxit, fructus arescent, nisi suae causae siue radicis primum pandatur & arguatur iniquitas. Hac namque via, non alia, tute ingredi potest principantium coactiua potestas, ad huius malitiae patronos improbos, & defensores pertinaces, finaliter expugnandos. Præmissis itaque CHRISTI, sanctorum atque philosophorum monitis, attendens & obsequens * Antenorides ego quidam ex intelligentia rerum harum, si qua mihi gratia credita est, spiritu quoque confidentiae ministrato desursum (à quo, teste Iacobo, suae canonicae primo cap. *Omne datum optimum & omne donum perfectum, desursum descendens est à patre luminum*) propter dantis reuerentiam, propalandae veritatis amorem, patriae ac fratrum charitatis feruorem: oppressorum siquidem misericordiam & reseruationem, opprimentium vero ab erroris deuio reuocationem, eaque permittentium, his tamen obuiare debentium atque potentium excitationem, in te quoque respiciens singulariter, tanquam DEI ministrum huic operi finem daturum, quem extrinsecus optat inesse, inclutissime LVDOVICE Romanorum Imperator, cui sanguinis antiquo, speciali quasi quodam iure, nec minus singulari heroica tua indole, ac praeclara virtute insitus & firmatus est amor haereticos extirpare, catholicam veritatem omnemque aliam studiosam disciplinam extollere atque seruare, vicia cedere, studia propagare virtutum, lites extinguere, pacem seu tranquillitatem ubiq; diffundere ac nutrire: sequentium sententiarum summas post tempus diligentis & intentae perscrutationis, scripturae mandavi, ex his arbitrans iuuamentum quoddam euenire posse tuae vigili maiestati, praescriptis lapsibus atque contingentibus aliis reliquisque utilitatibus publicis providere curanti. Est ergo *propositum meum*, auxiliante DEO, singularem hanc litis causam solummodo pandere. Nam earum quae per * Aristotelem, assignatae fuerunt, numerum atque naturam iterare foret abundans: huius vero quam nec *Aristoteles*

Causa & scopus huius libri:

* Id est, Patavinus, ab Antenore Patavii (ut ferunt) conditore.

eiisque dedicatio Imperatori Romano Ludovico Quarto: cuius laudes recenset.

Auctoris diligentia hoc opere.

& propositum.

* Lib. 5. Polit.

6 DEFENSORIS PACIS

*Libri huius in
p. dictiones di-
uisio & mate-
ria:*

*eiisque per-
fectio:*

*ac diuisionis
utilitas du-
plex.*

conspicere potuit, nec post ipsum qui potuerit, de-
terminationem alter assumpsit, sic volumus reuela-
re velamen, vt à regnis seu ciuilitatibus omnibus de-
inceps facile possit excludi, exclusa vero possint se-
curius studiosi principantes & subditi tranquille vi-
uere, quod est desiderabile propositum in huius o-
peris initio, necessarium debentibus ciuili felicitate
frui, quæ in hoc seculo possibile homini desi-
deratorum optimum videtur, & vltimum actuum
humanorum. Propositum itaque mihi iam dictum
negotium distinguam per *tres dictiones*: in *prima* qua-
rum demonstrabo intenta, viis certis, humano in-
genio adiuuentis, constantibus ex propositionibus
per se notis cuiuslibet menti non corruptæ natura,
consuetudine, vel affectione peruersa. In *secunda*
vero, quæ demonstrasse credidero, confirmabo te-
stimoniis veritatis, in æternum fundatis, auctori-
tatibus quoque sanctorum illius interpretum, nec-
non & aliorum approbatorum doctorum fidei Chri-
stianæ: vt liber iste sit stans perse, nullius egens pro-
bationis extrinsecæ. Hinc etiam falsitates determi-
nationibus meis oppositas impugnabo, & impe-
dientia suis inuolutionibus aduersantium sophi-
smata referabo. In *tertia* siquidem conclusiones
quasdam seu perutilia documenta, ciuibus tam
principantibus quam subiectis obseruanda, infe-
ram ex prædeterminatis habentia certitudinem e-
uidentem. Vnamquamque vero harum dictionum
per capitula secabo, & capitulum quodlibet diui-
dam in certas partes, plures aut pauciores, secun-
dum capituli quantitatem: eritque dictarum diui-
sionum *utilitas vna*, facilitas inueniendi quæsitæ,
in quæ remittentur lectores huius, de dictionibus &
capitulis posterioribus ad priora, ex qua sequetur
voluminis abbreviatio *utilitas reliqua*. Cum enim
continget nos in posterioribus dictis assumere veri-
tatem aliquam, vel propter ipsam aut propter alia
demonstranda, cuius probatio aut certitudo in
prioribus sufficienter tradita fuerit, absque proba-
tionis nugatione remitemus lectorem ad dictio-
nem;

nem, capitulum, & partem suæ traditionis, vt sic quæsitum sui certitudinem possit faciliter reperire.

C A P V T I I.

Ordinis huius libri ratio: distinctio significationum Regni, Ciuitatis, Pacis, ac Discordiæ descriptio.

AGGREDIENTES itaque proposita, primum manifestare volumus, quid sit tranquillitas regni vel ciuitatis, horum autem prius tranquillitatem: hac enim non manifesta, intranquillitatem quid sit, ignorare necesse est. Et quoniam ambæ hæ videntur esse dispositiones ciuitatis aut regni (quod ex *Cassiodoro* supponatur) continuo declarandum manifestabimus consequenter, quid & propter quid sit regnum aut ciuitas, vnde etiam tranquillitatis & sui oppositi descriptiones apparebunt amplius. Volentes itaque secundum præmissum ordinem describere tranquillitatem ciuitatis aut regni, ne propter nominum multiplicitatem in proposito eueniat ambiguitas, oportet non latere, quod hæc dictio, *Regnum*, in vna sui significatione importat pluralitatem ciuitatum seu prouinciarum, sub vno regimine contentarum: secundum quam acceptionem, non differt regnum à ciuitate in politiæ specie, sed magis secundum quantitatem. In alia vero sui acceptione, significat hoc nomen, regnum, speciem quandam politiæ seu regiminis temperati, quam vocat Aristoteles monarchiam temperatam, quo modo potest esse regnum in vnica ciuitate sicut in pluribus, quemadmodum fuit circa ortum communitatum ciuiliū, quasi enim in pluribus erat rex vnus in vnica ciuitate. Tertia significatio huius nominis & famosior componitur ex prima & secunda. Quarta vero ipsius acceptio est commune quiddam ad omnem regiminis temperati speciem, siue in vnica siue in pluribus ciuitatibus, secundum quam si-

Ordinis huius libri ratio.

Regni, vitanda ambiguitas. distinctio in quatuor significationes.

8 DEFENSORIS PACIS

Et quam hoc
libro intelliga-
tur.

DESCRIPTIO

1. Ciuitatis, si-
milis illustrata;

2. Sanitatis bre-
uior:

3. Pacis seu
tranquilli-
tatis:

4. Sanitatis al-
tera illustrior:

5. Discordia, si-
milis declarata.

gnificationem sumpsit ipsum *Cassiodorus in oratio-
ne*, quam posuimus initium huius libri, qua etiam
vtemur hoc nomine in determinationibus quæsito-
rum. Debentes itaque describere tranquillitatem &
suum oppositum, suscipiamus cum Aristotele pri-
mo & quinto Politicæ suæ capitulo 3. *ciuitatem ef-
se velut animatam seu animale naturam quan-
dam*. Nam sicuti animal bene dispositum secun-
dum naturam, componitur ex quibusdam propor-
tionatis partibus inuicem ordinatis, suaque opera
sibi mutuo communicantibus, & ad totum; sic ci-
uitas ex quibusdam talibus constituitur, cum be-
ne disposita & instituta fuerit secundum rationem.
Qualis est igitur comparatio animalis & suarum
partium ad sanitatem; talis videbitur ciuitatis siue
regni & suarum partium ad tranquillitatem. Huius
vero illationis fidem accipere possumus ex eo, quod
de ipsarum vtraque comprehendunt omnes. Existi-
mant enim *sanitatem esse, dispositionem animalis o-
ptimam, secundum naturam*; sic quoque, *tranquil-
litatem, dispositionem optimam ciuitatis, secundum
rationem instituta*. Sanitas autem (vt aiunt peritio-
res physicorum, describentes ipsam) *est bona dispo-
sio animalis, qua potest unaquaque suarum partium,
perfecte facere operationes conuenientes sua natura:*
secundum quam siquidem analogiam, erit tran-
quillitas, *bona dispositio ciuitatis aut regni, qua po-
terit unaquaque suarum partium facere perfecte o-
perationes conuenientes sibi secundum rationem, &
suam institutionem*. Et quia bene definiens, contra-
ria consignificat, erit *intranquillitas, praua dispo-
sio ciuitatis aut regni* (quemadmodum infirmitas
animalis) *qua impediuntur omnes aut aliquæ partes
ipsius, facere opera sibi conuenientia, simpliciter vel
in complemento*. De tranquillitate quidem igi-
tur & intranquillitate opposita, sic
figuraliter sit dictum à
nobis.

C A P V T

CAPVT III.

De origine communitatis civilis. Ex familiis vicos seu vicinias; ab his vero ciuitatem ortam.

QVONIAM autem tranquillitatem diximus bonam dispositionem ciuitatis ad partium opus, oportet consequenter intendere quid & propter quid sit ciuitas secundum se: quæ sint & quot primæ partes ipsius: amplius de vniuscuiusque ipsarum conuenienti opere: adhuc de causis & earum ordine inuicem, præ opere enim sunt hæc, ad tranquillitatis & sui oppositi determinationem perfectam.

Pax seu tranquillitas quid. Ordinis ratio.

Ante tamen quam de ciuitate, illiusque speciebus aut modis agamus, quæ perfecta communitas est, debemus inducere primo ciuilium communitatum originem, suorumque regiminum & modorum viuendi: ex quibus, tanquam minus perfectis, processerunt homines ad perfectas communitates, regimina, & modos viuendi in eis. Nam ex minus perfectis ad perfectiora semper est naturæ atque artis, suæ imitatricis incessus. * *Nec homines aliter scire arbitrantur unumquodque, nisi cum causas illius primas & principia prima cognouerint usque ad elementa.* Secundum hunc itaque modum ingredientibus, oportet non latere, quod communitates ciuiles secundum diuersas regiones & tempora, incœperunt ex paruo & paulatim suscipientes incrementum, demum productæ sunt ad complementum, sicuti euenire iam diximus in omni actione naturæ vel artis. Prima namque humanarum & minima combinatio, ex qua etiam aliæ prouenerunt, fuit masculi & foeminæ, ut dicit Aristoteles philosophorum eximius primo Politica, capitulo primo, & apparet hæc amplius ex ipsius Oeconomia. Ex hac nempe propagati sunt homines, qui primo repleuerunt domum unicam;

Natura & artus ordo.

* Arist. Phys. lib. 1. cap. 1.

Communitates ciuiles ex paruo initium orta;

nimirum coniugio;

ex quo familiar

unde vicus: qui
prima commu-
nitas.

Diff: rentia re-
giminis domus
vnicæ & vicæ.

* Adam fra-
tricidam non
puniuit ob
hominum
paucitatem.
Lib. 5. cap. 6.

ex quibus ampliores factæ huiusmodi combinatio-
nes, tanta hominum propagatio facta est, vt eis non
suffecerit domus vnica, sed plures oportuerit facere
domos: quarum pluralitas vocata est *vicus seu vicini-
nia*: & hac fuit *prima communitas*, sicut scribitur et-
iam vbi supra. Verum quamdiu fuerunt homines in
vnica domo, ipsorum actus omnes, maxime quos
ciuiles infra vocabimus, regulabatur seniori eorum
tanquam discretiore, absque lege tamen aut consue-
tudine aliqua, eo quod nondum hæ potuerant inueniri.
Nec solum autem vnice domus homines regebantur
hoc modo, verum etiam quasi eodem *prima com-
munitas* vocata vicus, licet in aliquibus differenter.

Quoniam etsi patrifamiliæ domus vnica licuerit
remittere vel punire domesticas iniurias iuxta ipsius
votum & beneplacitum omnimode, non tamen illi
sic licuisset præfidenti primæ cōmunitate vocatæ vi-
co. In hac enim oportuit seniore disponere iusta &
conferentia rationabili aliqua ordinatione vel lege
quasi naturali, vt quia sic omnibus conueniens vide-
batur, æquitate quadam, absque magna exquisitio-
ne, solo communi dictamine rationis, & debito quo-
dam societatis humanæ. Huius autem differentia
causa regiminis in domo vnica & vicinia est & fuit:
quoniam si ex vnica & prima Oeconomia seu do-
mestica familia, frater occidisset aut aliter offendis-
set fratrem, absque discrimine inde accidente, lice-
bat patrifamiliæ, si volebat, delinquentem extremo
supplicio non punire; tum quia soli remittenti pa-
tri facta videbatur iniuria; tum propter hominum
paucitatem; tum etiam quia patrifamiliæ minus e-
rat damni atque tristitiæ, vno carere filio quam duo-
bus: quod etiam fecisse videtur primus auus noster

* Adam, dum filius eius Cain primogenitus, Abel
fratrem occidit. *Non enim est patris ad filium, proprie
ciuile iustum*, vt scribitur * quinto Ethicorum, vbi de
iustitia tractatus existit. In communitate vero pri-
ma, vico siue vicinia, non sic facere licuit nec licet, pro-
pter dissonantiam prædictorum: quinimo nisi per se-
niorem, vindicta seu equalitas iniuriarum illatarum

facere

facta fuisset aut fieret, contigisset vel contingeret inde pugna & vicinorum separatio. Multiplicatis autem vicis & facta cōmunitate ampliori, quod oportuit crescente propagatione, adhuc regebantur vno (vel propter defectum pluralitatis prudentum, aut aliam quandam alteram causam, ut scribitur tertio Politicæ, capitulo 11.) illo tamen qui senior aut melior habebatur, quamuis ordinationibus minus imperfectis, his quibus in vico seu sola vicinia disponebantur. Nec tamen habuerunt cōmunitates illæ primæ tantam partium distinctionē & ordinē, aut necessariorū artium atq; regularum viuēdi summam, quanta postmodū successiue reperta est in communitatibus perfectis. Fuit enim quandoq; idem homo princeps & agricola seu pastor ouium, veluti * Abrahā & alii posterorum quam plures, quod tamen in communitatibus perfectis nec expedit nec liceret.

Differentia viciniarum & civitatis.

* Abraham princeps & agricola seu pastor ouium.
Ex vicis civitates orta.

Augmentatis autem his successiue, aucta est hominum experientia, inuentæ sunt artes & regulæ ac modi viuendi perfectiores, distinctæ quoq; amplius communitatum partes. Demum vero quæ necesse sunt ad viuere & bene viuere, per hominū rationem & experientiam perducta sunt ad complementum, & instituta est perfecta communitas vocata ciuitas, cum suarum partium distinctione, cuius continuo determinationem aggrediemur. De ortu itaque ciuilis communitatis tanta sufficiant,

C A P V T I V.

Ciuitatis definitio & finis: eiusque partium distinctionis & necessitatis ac finis adumbratio.

EST autem ciuitas secundum Aristotelem 1. Politicæ cap. 2. perfecta communitas, omnem habens terminum per se sufficientia, ut consequens est dicere: facta quidē igitur viuendi gratia, existens autē gratia bene viuendi. Quod autem dixit Aristoteles, viuendi gratia facta, existens autem gratia bene viuendi, si-

Ciuitatis definitio.

ac finis, beata
vita:

quam omnes
naturā desi-
derant:

etiam bestia,
auctore Cice-
rone,

& experientia.

Vita autem ho-
minum beata
duplex, mun-
dana & ca-
lestis:
de hac non fu-
erūt solliciti phi-
losophi: quia,
nec per demon-
strationem, nec
per se nota.

Sed de illa:

ad quam con-
sequendam, ci-
uilis communi-
tatis necessita-
tem demon-
strant.

gnificat *causam finalem* ipsius perfectam, quoniam
viuentes ciuilitate, non solum viuunt (quod faciunt
bestiæ aut serui) sed bene viuunt; vacantes scilicet
operibus liberalibus, qualia sunt virtutum tam pra-
cticæ, quam speculatiuæ animæ. Sic itaque determi-
nata ciuitate propter *viuere & bene viuere, tanquam
finem*, oportet de ipso viuere, ac modis eius tractare
primum. Est enim vt diximus, cuius gratia ciuitas
instituta est & necessitas, omnium quæ sunt & fiunt
per hominum communitatem in ea. Hoc erga sta-
tuamus tanquam demonstrandorum omnium prin-
cipium naturaliter habitum, creditum, & ob omni-
bus sponte concessum: *Omnes scilicet homines non
orbatos aut aliter impeditos, naturaliter sufficientem
vitam appetere, hinc quoque nocua refugere & decli-
nare*: quod etiam nec solum de homine, verum de
omni animalium genere patet secundum Tullium
1. De officiis cap. 3. vbi sic inquit: *Principio generi ani-
mantium omni à natura tributum est, vt se, corpus,
vitamque tueatur, declinet ea quæ nocitura videan-
tur, omnia quæ necessaria sunt ad viuendum, acquirat
& paret*. Quod etiam ex inductione sensata palam
quilibet accipere potest.

Viuere autem ipsum & bene viuere conueniens
hominibus, est in *duplici modo*, quoddam temporale
siue mundanum, aliud vero æternum siue cæleste
vocari solitum. Quodque istud secundum viuere,
sempiternum scilicet, non potuit philosophorum v-
niuersitas per demonstrationem conuincere, nec
fuit de rebus manifestis per se, idcirco de traditione
ipsorum quæ propter ipsum sint, non fuerunt soli-
citi. De viuere autem & bene viuere, seu bona vita,
secundum primum modum mundanum scilicet, ac
de his, quæ propter ipsum necessaria sunt, compre-
henderunt per demonstrationem philosophi glorio-
si rem quasi completam. Vnde propter ipsum con-
sequendum concluderunt ipsi necessitatem ciuilis
communitatis, sine qua viuere hoc sufficiens obti-
neri non potest. Quorum etiam eximius Aristote-
les 1. suæ Politicæ cap. 1. dixit. *Omnes homines fueri*

ad ipsam, & secundum naturæ impetum propter hoc.

Quod quamuis experientia seruata doceat, eius ta- *Eius inductione partium, ad- umbratio.*
men causam quam diximus, inducere volumus dis-
tincte magis, dicētes, quod quia homo nascitur com-
positus ex contrariis elementis, propter quorum
contrarias actiones & passiones quasi continue cor-
rumpitur aliquid ex sua substantia: rursusque quo-
niam nudus nascitur & inermis, ab excessu conti-
nentis aeris & aliorum elementorum, passibilis &
corruptibilis (quemadmodum dictum est in scien-
tia naturarum) *indiguit artibus* diuersorum gene- *Necessitas*
rum & specierum ad declinandum nocumenta præ- *1. Artium:*
dicta: quæ quoniam exerceri non possunt nisi à mul-
ta hominum pluralitate, nec haberi, nisi per ipsorum
inuicem communicationem, oportuit *homines* si *2. Ciuium com- munitatis:*
mul congregari ad commodum ex his assequendum,
& incommodum fugiendum. Verum quia inter
homines sic congregatos eueniunt contentiones &
rixæ, quæ, per normam iusticiæ non regulatæ, causa-
rent pugnas & hominum separationem, & sic de-
mum ciuitatis corruptionem; oportuit in hac com- *3. Legum & magistratus:*
municatione statuere *iustorum regulam, & custodem*
sive factorem. Et, quoniam custos hic habet arcere
iniuriosos excedentes, & alios tam intrinsecus quam
extrinsecus singulos turbantes, aut communitatem
opprimere tentantes, oportuit ciuitatem ad hos *4. Artium mili- tarius;*
habere in se aliquid *quo resistat*. Rursusque quo-
niam indiget communitas aliquibus opportunita-
tibus, reparationibus, & custodiis rerum quarun-
dam, & aliis tempore pacis, aliisque tempore belli-
co, necesse fuit in ea esse *talium prouisores* ut commu- *5. Quæstura*
ni necessitati, cum expediuerit vel oportuerit, suc-
curri possit. Extra hæc autem iam dicta, quæ *solum*
necessitati presentis vite succurrunt, est quo indigent
communicantes ciuilitate pro statu futuri seculi, per
DEI reuelationem supernaturalem humano generi
promisso, & vtile etiam pro statu vitæ præsentis, *cul-*
tus videlicet ac DEI honoratio, & gratiarum actio
exhibenda, tam pro receptis in hoc seculo beneficiis, *6. Doctorum*
quam recipiendis etiam in futuro: *ad quæ docenda religionis.*

14 DEFENSORIS PACIS

Et in ipsis homines dirigendos oportuit ciuitatem quosdam determinare doctores. De quibus omnibus & reliquis supra dictis, quæ sint aut qualia, in sequentibus tractatibus exquisitè dicetur. Fuerunt igitur homines propter sufficienter viuere congregati, potentes sibi quærere necessaria numerata pridem, illa sibi communicantes inuicem. Hæc autem congregatio sic perfectæ, & terminum habens per se sufficientiæ, vocata est ciuitas, cuius si quidem *finalis causa* *et suarum partium pluralitatis*, iam dicta est aliquàlter nobis, & in sequentibus amplius distinguetur. Nam quia diuersa sunt necessaria bene volentibus viuere, quæ per homines vnius ordinis seu officii procurari nequeunt, oportuit esse diuersos ordines hominum, seu officia in hac communicatione diuersa huiusmodi exercentes seu procurantes, quibus pro vitæ sufficientia homines indigent. Hi autem hominū diuersi ordines seu officia, nō aliud sunt quā pluralitas & distinctio partium ciuitatis. Quid quidem igitur sit ciuitas, & propter quid facta sit talis cōmunicatio, amplius de suarum partiū diuisione sic figuraliter pertransisse, sufficiat.

C A P V T V.

Expolitio precedentium: seu, accuratior partium ciuitatis earumque necessitatis ac finis explicatio.

*Ciuitatis partes,
seu officia sex:*

POST QUAM præmissus est à nobis totalis sermo de partibus ciuitatis, in quarum actione & communicatione perfectæ inuicem, nec extrinsecus impedita, tranquillitatem ciuitatis consistere diximus, vt earū ampliori determinatione, tam ex operibus seu finibus quam aliis appropriatis causis ipsarum causæ tranquillitatis & sui oppositi manifestentur amplius, de ipsis resumentes, dicamus quod *partes seu officia ciuitatis sunt sex generum*, vt dixit Aristoteles 7. Politicæ, cap. 8. *Agricultura, artificium, militaris, pecuniatiua, sacerdotium, & iudicialis, seu*

consi-

consiliatiua. Quorum tria, videlicet sacerdotium, *earumque*
propugnatiua, & iudicialis *simpliciter sunt partes ci-* *discrimen.*
uitatis, quas etiam in communitatibus ciuilibus
honorabilitatem dicere solent. *Reliqua* vero dicun-
tur *partes large*, vt quia sunt officia necessaria ciui-
tati secundum Aristotelis sententiam 7. Politicæ,
capit. 8. Et solet horum multitudo dici vulgaris.
Sunt igitur hæ partes famosiores ciuitatis seu regni,
ad quas omnes aliæ conuenienter reduci possunt.
Quarum siquidem necessitas, licet vtcunque dicta
fuerit capitulo præcedenti, volumus tamen hanc
rursum dicere distincte magis, suscipientes tanquam
prius demonstratum ex per se noto, *Ciuitatem sci-* *Ciuitas quid.*
licet, communitatem esse institutam propter viuere
& bene viuere hominum in ea. Quod quidem *viue-* *Vita duplex.*
re duobus modis determinauimus prius: Vno, nam-
que vita seu viuere seculi huius, mundano videli-
cet; alio vero, vita seu viuere alterius seculi siue fu-
turi. Ex quibus siquidem viuendi modis, desidera-
tis homini velut *finibus*, assignabimus necessita-
tem distinctionis partium communitatis ciuilis.
Viuer igitur hominis *primo modo*, mundanum sci-
licet, *quandoq; accipitur pro esse viuentium*, vt in * 2.
De anima. *Viuer* viuentibus est esse, *quomodo vi-*
ta nil aliud est quam anima. Quandoque vero ac-
cipitur viuere pro actu seu actione aut passione ani-
mæ siue vitæ. Rursum *utrumque* horum *duplici-*
ter, quoniam aut in eodem esse naturali, vel in con-
simili, quod dicunt specificum. Et licet viuere vno-
quoque modorum dictorum, tam homini pro-
prium quam sibi & cæteris animantium communi,
dependeat à causis naturalibus, non tamen est ipsius
consideratio præsens, in quantum prouenit ab illis,
sed in ea quæ de plantis & animalibus, scientia natu-
rali: de ipsis autem secundum quod ab arte ac ra-
tione, quibus hominum genus viuit, suscipiunt
complementum, est nobis perscrutatio præsens. Et
propterea oportet attendere, quod si debeat homo
viuere & bene viuere, necesse est, vt ipsius actiones
fiant & bene fiant, nec solum actiones, verum etiam

Ciuitas quid.

Vita duplex.

*vita mundana
duobus modis
accipitur:
*Arist. de ani-
malib 2 cap. 4
pro anima:
eiusque actio-
ne.*

*Quando homo
bene viuat.*

passiones, bene inquam, id est, in temperamento conuenienti. Et quoniam ea quibus hæc temperamenta complentur, non accipimus à natura omni- quaq; perfecte, necessarium fuit homini ultra causas naturales per rationem aliqua formare, quibus con- pleatur efficientia & conseruatio suarum actionum & passionum secundum corpus & animam: & hæc sunt operum & operatorum genera, prouenientium à virtutibus & artibus tam practicis quam specula- tiuis.

Actiones & passionum hu- mana duplices: Naturales præ- ter cogniti- nem:

& intellectus ac voluntatis. Eaque duplices: Immanentes:

& Transeuntes.

Artium, & partium seu of- ficiorum ciui- satu origo & necessitas ge- neralis.

Necessitas sin- gularis

Actionum autem humanarum & suarum pas- sionum, *quædam* proueniunt à causis naturalibus præter cognitionem, quales fiunt per elementorum contrarietatem, nostra componentium corpora, pro- pter ipsorum permixtionem. In quo genere reponi possunt conuenienter actiones particulæ nutritiæ. Quod etiam capitulum ingrediuntur actiones, quas faciunt elementa nostrum corpus continentia, per alterationem suarum qualitatuum: de quorum ge- nere sunt etiam alterationes quæ fiunt ab ingredien- tibus humana corpora, veluti sunt, cibi, potus, me- dicinæ, venena, & reliqua similia his. *Aliæ vero sunt actiones & passionem* à nobis vel in nobis, per virtutes nostras cognoscentes & appetentes, *quarum quædam vocantur immanentes*, vt quia non transeunt in sub- iectum à faciente, nec exercentur per aliquod exte- riorum organorum seu membrorum motorum se- cundum locum, vt sunt cogitationes, & hominum desideria seu affectiones. *Aliæ vero sunt & dicuntur transeuntes*, quia modo altero vel vtroque prædi- ctorum opposite se habent immediate prædictis. Propter has ergo temperandas actiones & passionem omnes atque complendas in eo, ad quod natura pro- ducere nequit, inuenta fuerunt artificiorum diuersa genera, & reliquarum virtutum, quemadmodum diximus prius, institutique sunt homines diuerso- rum officiorum ad illa exercenda propter supplen- dam humanam indigentiā: qui ordines nihil aliud sunt, quam partes ciuitatis enumeratæ pridem. Ad temperandos enim atque saluandos actus nutritiæ partis animæ, qua cessante simpliciter corrumpetur ani-

tur animal secundum indiuiduum & speciem, instituta fuit *agricultura* camporum, & cura pecorum, ad quas conuenienter reducuntur omnes species venatiuæ, terrestrium, aquatiliū & volatiliū animalium, & omnes aliæ artes, quibus acquiritur alimentum commutatione aliqua, vel paratur ad esum: ut per ipsum reparetur tandem, quod deperditur ex substantia nostri corporis, & per id continuetur etiam in esse suo immortalī, quantum homini natura permisit. Ad moderandas vero actiones & passionēs nostri corporis, ab his quæ nos extrinsecus continent elementis, & ipsorum impressionibus, inuentum fuit genus *mechanicarum*, quas *Aristoteles* 7. *Politica*, cap. 8. vocat artes, sicuti lanificium, coriaria, sutoriæ, & omnes domificatiuæ species, & aliæ quædam mechanicæ aliis subseruientes officiis ciuitatis, mediate aut immediate: nec solum moderantes tactus aut gustus, verum etiam aliorū sensuum, quæ magis sunt ad voluptatem & bene viuere, quam ad vitæ necessitatem, velut pictoria cum sibi similibus, de quibus *Aristoteles* 4. *Politica*, cap. 4. inquit: *Harum autem artium has ex necessitate oportet existere, quæ sunt ad delicias & bene viuere.* Sub quo etiam genere reponitur medicinalis practica, architectonica, quodam modo ad plures prædictarum. Ad moderandos autem excessus actuum qui sunt à virtutibus motiuis secundum locum, per cognitionem & appetitum, quos transeuntes diximus, & qui possibiles sunt, fieri ad commodum vel incommodum seu iniuriam alterius à faciente pro statu præsentis seculi: statuta fuit necessario in ciuitate pars aliqua seu officium, per quam excessus talium actuum corrigantur, & ad æqualitatem aut proportionem debitam reducantur: aliter namque causarentur ex his pugna & inde ciuium separatio, demū ciuitatis corruptio, & vitæ sufficientis priuatio. Hæc autem pars ab *Aristotele* vocata est *iudicialis seu principans & consiliatina*, cum sibi subseruientibus, cuius est, iusta & conferentia communia regulare. Cæterū quia sufficiens vita duci non posset oppressis ciuibus, aut

1. *Agricultura*2. *Artium mechanicarum*:

quarum duo genera:

3. *Magistratus*

18 DEFENSORIS PACIS

4. *Artis mili-
tari:*

*qua ratione
probat.*

5. *Aristot. au-
toritate.*

6. *Questura:*

* *Id est, fru-
mentum.*

7. *Sacerdotii:
De qua non ita*

in seruitutem redactis per extrinsecus oppressores:
rursum quoniam iudicum sententias ad iniuriosos
& rebelles intrinsecos oportet exequi per potentiam
coactiuam; necesse fuit in ciuitate *militarem seu pro-
pugnatiuam partem* statuere, cui etiam mechanica-
rum multæ subseruiunt. Est enim ciuitas viuendi &
bene viuendi gratia constituta, quemadmodum di-
ctum est in cap. præcedenti: quod impossibile est, ci-
uibus in seruitutē redactis. Hoc enim dixit eximius
Aristoteles esse contra naturam ciuitatis. Vnde 4. Po-
liticæ, cap. 4. necessitatem huius partis assignans,
ait: *Quintum autem genus quod propugnans, quod his
quidem nihilo minus necessarium est existere, si debeant
non seruire inuadentibus. Nihil enim verius impossi-
bile quam dignum esse vocare ciuitatem natura ser-
uam. Per se sufficiens enim est ciuitas: quod autem
seruum, non per se sufficiens.* Huius vero partis necessi-
tas propter rebelles intrinsecos habetur ab Aristot-
ele 7. Politicæ, cap. 8. Seriem autem hic omisimus
propter abbreviationem, & quia ipsam inducimus
14. huius, parte 8. Rursumque quoniam in annis
mundanis quandoque sunt fructuum fertilitates,
quandoque sterilitates, adhæc quia ciuitas quando-
que pacifice disponitur ad vicinas, quandoque ali-
ter: suntque ipsius aliæ communes opportunita-
tes quibus indiget, vt viarum, pontium, & aliorum
ædificiorum constructiones aut reparationes, & re-
liquæ consimiles, quas nec opportunum hic est, nec
breue foret enumerare: oportuit pro his parandis
conuenienti tempore in ciuitate statuere partem
thesaurizantem, quam vocauit Aristoteles *pecunia-
tiuam*. Hæc enim pecunias, * blada, vina, olea, & reli-
qua necessaria congregat & custodit, & communia
conferentia vndecunque procurat, & quærit ad suc-
currendum futuræ necessitati, cui etiam subseruiunt
aliam quædam. Vocauit autem hanc Aristoteles
pecuniatiuam, quoniam pecuniarum custodia vi-
detur thesaurus omnium, eo quod in ipsas omnia
commutantur. Superest autem nobis de *sacerdota-*
lis potestatis necessitate dicere, de qua non omnes ho-
mines

omnes sic senserunt concorditer, ut de necessitate reliquarum partium ciuitatis. Et causa huius fuit, quodiam ipsius vera & prima necessitas non potuit comprehendendi per demonstrationem, nec fuit res manifesta per se. Conuenerunt tamen omnes gentes in hoc, quod ipsum conueniens sit instituere propter Dei cultum & honorationem, & consequens inde commodum pro statu presentis seculi vel venturi. Plurimæ enim legum siue sectarum, bonorum præmium, & malorum operatoribus supplicium promittunt, in futuro seculo distribuenda per Deum. At extra causas positionis legum, quæ absq; demonstratione creduntur, attenderunt philosophantes conuenienter valde aliam, & pro huius seculi statu, quasi necessariam causam traditionis legum diuinarum siue sectarum, ex quibus fuit Hesiodus, Pythagoras, & aliorum antiquorum quamplures. Hæc autem fuit bonitas & humanorum actuum monasticorum & ciuiliū, à quibus quies seu tranquillitas communis, & demum sufficiens vita presentis seculi, quasi tota dependet. Nam licet philosophorum aliqui, talium legum siue sectarum adiuventores, non senserint aut crediderint hominum resurrectionem, & illam vitam quæ vocatur æterna, ipsam tamen esse finxere, & persuaserunt, & in ipsa delectationes atq; tristitias, secundum qualitates humanorum operum in hac vita mortali; ut ex hoc inducerent hominibus Dei reuerentiam & timorem, desiderium fugiendi vitia & colendi virtutes. Sunt enim actus quidam, quo legislator humana lege regulare non potest, ut qui alicui non possunt probari, adesse vel abesse; quos tamen non potest latere Deum: quæ finxere ipsi talium legum latorem, & præceptorem observationis ipsarum, sub æternæ pœnæ, vel præmi comminatione bonorum aut malorum operationibus. Vnde dixerunt de differenter studiosis in hoc seculo, quod locabantur in firmamento cæli. Et hinc fortasse peruenierunt nomina quibusdam astris & figuris cælestibus. Agentium vero peruersæ quorundam, dixerunt animas diuersa brutorum ingredi

omnes consentiunt:

Quia nec demonstratione, nec per se nota. In eo tamen conuenerunt, ad Dei cultum pertinere & felicitatem uitæ æternæ.

& presentis.

Esse enim in æternam vitam non crediderint philosophi, finxerunt tamen:

ad pietatem & iustitiam.

Idcirco æternas pœnas malis bonis præmia proposuerunt.

Bona calum: Vnde nomina astrorum fortasse orta. Mala turpem, pro sceleribus

inferarum corpora migrationem:

atque alia tormentorum genera: quorum exemplum, fabula Tantalus:

& locum illis destinatum terribilem: quem tartara dixerunt.

Ex quorum terrore, fuga vitiorum & virtutis studium.

Vnde pax & felicitas.

Horum ergo præceptorum traditio fuit Gentilium sacerdotium:

Quorum doctores vocabantur sacerdotes, quod sacra tractarent.

Nec è vulgo: sed honoratioribus & senioribus creabantur:

convenienter Deo:

corpora, puta porcorum, qui intemperati fuerant secundum gustum: hircorum, qui secundum tactum & Venerea, sicque reliquorum in reliqua, iuxta proportionem humanorum vitiorum, ad damnabiles eorum proprietates. Sic etiam varia tormentorum assignauerunt genera prauorum operationibus, quomodo intemperato Tantalo, sitim & famem perpetuam, aquam & poma præsentia; quæ nec bibere aut manducare potest, semper amplius fugientia quam prosequi possit. Dixerunt quoque tartara loca quædam talium tormentorum voraginosæ & tenebrosæ, terribilibus & contristatiuis quasi omnibus intentionibus, talia describentes. Ex quorum terrore fugiebant homines peruerse agere, ad studiosa quoque operum, pietatis & misericordiæ, excitabatur, ad se ipsos atque alios disponebantur bene. Cessabantque propter hæc, in communitatibus, multæ contentiones & iniuriæ. Vnde pax etiam & tranquillitas ciuitatum & vita hominum sufficiens pro statu præsentis seculi difficile minus seruabatur, quod expositione talium legum siue sectarum sapientes illi finaliter intendebant. Fuit ergo Gentilium sacerdotium traditio talium præceptorum: ad quæ docenda statuere in suis communitatibus templa, in quibus colebantur ipsorum Dii, constituentes etiam doctores dictarum legum seu traditionum, quos sacerdotes vocabant, eo quod templorum sacra tractabant, ut libros, vasa, & huiusmodi reliqua deseruientia cultui diuinorum. Hæc siquidem ordinabant decenter iuxta ipsorum credulitates & ritus. Nam sacerdotes instituebant non quoscunque; sed ciues aliquos studiosos & approbatos, qui fuerant ex officio militari, iudiciario vel consiliatiuo: ciues inquam qui secularia negotia abdicauerant, excusati iam à muneribus & officiis ciuilibus propter ætatem. At talibus enim viris iam separatis à passionibus, & quorum dictis propter ætatem, & morum grauitatem amplius credebatur, decebat honorari Deos, & illorum sacra tractari, non à banausis seu mercenariis, qui vilia & maculatiua officia exercuerant. Vnde scriptum,

ptimo,

ptimo Politicæ, cap. 9. Neque enim agricolam neque banausum, sacerdotem constituendum. Verum quia Gentiles & omnium reliquæ leges aut sectæ, quæ sunt aut fuerunt extra catholicam fidem Christianam, aut quæ ante hanc fuit sanctorum patrum credulitatem, & generaliter extra traditionem eorum, quæ in sacro canone (vocata Biblia) continentur, non recte senserunt de Deo, ut quia humanum ingenium secuti sunt, aut falsos prophetas vel doctores errorum: ideoque nec de futura vita, ipsiusque felicitate vel miseria, nec de vero sacerdotio propterea instituto, recte sensere: locuti tamen sumus in ipsorum ritibus, ut eorum à vero sacerdotio, Christianorum scilicet, differentia & sacerdotalis partis necessitas in communitatibus manifestius appareret.

recte etiam Aristotele. Sed à vero aberrarunt:

humanum ingenium aut falsos prophetas secuti.

De eorū tamen religione actū, ut eius à vero sacerdotio differentia & sacerdotii necessitas appareret.

CAPUT VI.

De veri Sacerdotii fine & origine à DEO post lapsum Adami.

RELIQUVM autem sermonis huius est, dicere de *causa finali* propter quam fuit verum sacerdotium in communitatibus fidelium institutum. Est enim hæc moderatio humanorum actuum imperatorum per cognitionem & appetitum, tam immanentium quam transeuntium, secundum quod ex illis ordinatur genus humanum ad optimum vivere venturi seculi. Et propterea oportet attendere, quod licet primus homo Adam videlicet creatus fuerit principaliter propter Dei gloriam, sicuti ceteræ creaturæ, fuit ipse tamen creatus singulariter ab aliis speciebus corruptibilium, quoniam ad imaginem Dei & similitudinem, ut capax & particeps esset felicitatis æternæ post vitam præsentis seculi, fuit etiam creatus in statu innocentiae seu iustitiæ originalis & etiam gratiæ: ut probabiliter dicunt sanctorum aliqui, & scripturæ sacræ quidam doctores præcipui. In quo si quidem permansisset; nec sibi aut

Sacerdotii Christiani finis, institutio hominis ad vitam æternam.

Quæ proxima fuit creationis Adami ad imaginem Dei causa: licet principalis, Dei gloria.

Ad eo ut, si ea sanctitate qua

*natura donatus
erat, Deum co-
luisset, non opus
fuisset officii
civilibus.*

*Verum ab ea
defecit:*

*Atque inde or-
ta est hominis
miseria:*

*Privatio vite
aeternae:
& propagatio
peccati,*

*(quod origina-
le vocant.)
in omnes poste-
ros, præter Chri-
stum.*

*Sed Deus, pro
misericordia,
homines libe-
rare voluit:*

*Ut constet ex
institutione
& sine
Ritu holocau-
storum, &c.*

suæ posteritati necessaria fuisset officiorum civi-
lium institutio vel distinctio; eo quod opportu-
na quoque ac voluptuosa sufficientiæ huius vitæ
in paradiso terrestri seu voluptatis, natura produ-
xisset eidem, absque ipsius pœna vel fatigatione
quacunq;. Verum quia suam corruptit innocentiam
seu originalem iustitiam & gratiam in esu prohibiti
sibi ligni, diuinū in hoc transgrediendo mandatum,
repente lapsus est in culpam atq; miseriam siue pœ-
nam, pœnam inquam priuationis felicitatis æter-
næ, ad quam Dei gloriosi beneficio cum sua poster-
tate qualibet finaliter fuerat ordinatus. Demeruit
etiam ex iam dicti transgressione mandati, omnem
sui successionem in libidine propagare, in qua etiam
& cum qua quilibet homo postmodum conceptus
est & natus, ex hac peccatū contrahens, quod in lege
Christianorū originale vocatur, præter CHRISTUM
IESUM, quī absque peccato & libidine quibuscunq;
conceptus fuit de Spiritu sancto, natus est ex Maria
virgine, quod factum est, dum vna trium diuinarum
personarum, Filius videlicet, verus Deus, in vnitatem
sui suppositi, naturam assumpsit humanam. Ex hac
siquidem transgressione primorum parentum in-
firmata est secundum animam omnis humana suc-
cessio & infirma nascitur, quæ ante creata fuerat in
statu sanitatis perfectæ, innocentie atque gratie, pri-
uata quoque propter delictum, suo finali optimo, ad
quod fuerat ordinata. Quodque Dei proprium est,
misereri humano generi, facturę ac imagini sue (quā
præordinauerat ad beatam & æternā vitam) voluit:
qui nunquam facit frustra quicquam, neq; deficit in
necessariis, humani casus exhibere remedium, tra-
dendo scilicet præcepta quędam obedientię, seruan-
da homini, quæ tanquam contraria transgressioni,
sanare deberent ægritudinē culpæ, quæ prouenit ab
illa. Processitq; in his ordinate valde à facilioribus ad
difficiliora, velut peritus medicus. Præcepit namque
hominibus primo ritum *holocaustorum*, de frugum
primitiis & primogenitis animalium: quasi pœni-
tentiam & humanam obedientiam experiri vellet.

Quem

Quem ritum seruauerunt antiqui patres in Dei reuerentiam, fidem, obedientiam, & gratiarum actionem vsq; ad Abraë tempora. Cui siquidē iuxta prædictum, dedit aliud præceptum grauius, *circumcisionis* scilicet omnis humani & masculini sexus, in carne præputii; quasi videretur rursus Deus pœnitentiam & humanam obedientiam amplius experiri. Fuerunt autem præcepta hæc per aliquos obseruata vsq; in tempora Moyſi, per quem postmodū tradidit Deus Israelitico populo *legem*, per quam cum supra dictis ampliora præcepta statuit, tam pro statu præsentis seculi quam venturi, ipsiusque legis ministros etiam statuit *Sacerdotes atque Leuitas*. Horum siquidem omnium primorum præceptorū atq; Moſaicę legis obseruatoribus *utilitas* erat, purgatio quędam peccati siue culpę tam originalis quam actualis seu sponte commissę; Euasio quoq; seu præseruatio quędam ab æterna & temporali pœna sensus alterius seculi, quamuis ex horū obseruatione non merentur homines felicitatem æternā. Ad quam tamen quoniam ordinauerat misericors Deus humanū genus, volens ipsum à lapsu reducere seu restituere ad eandem secundū conuenientem ordinem, omnium nouissime humano generi, per Filiū eius IESVM CHRISTVM verum Deum & verum hominem, in suppositi vnitate, tradidit *legem euangelicam*, præcepta continentem credendorum, agendorū, & fugiendorum, atq; consilia eorum. Quorū obseruatione non solum à pœna sensus præseruātur homines, vt per priorum obseruantiam, verum ex ipsius gratiosa ordinatione merentur ex talibus, congruitate quadam, felicitatem æternā. Et propterea *lex gratia* vocata est, *tum* quia per CHRISTI passionem & mortem redemptum est humanum genus à culpa & pœna damni æternę beatitudinis, quam subiuerat ex lapsu seu peccato primorum parentum: *tum* quia per illius obseruationem & Sacramentorum cum ipsa institutorum receptionem, nobis cōfertur gratia diuina, collata roboratur, & amissa recuperatur: * per quā ex Dei ordinatione, cum merito passionis CHRISTI,

Circumcisionis

Legis Moſaicę

Etiamque Sacerdotum & Leuitarum

Legis euangelicę

Qua lex gratia vocatur duplici de causa

** Opera meritoria quomodo dicuntur*

* Limbus: in quo Patres ante Christum.

* Heb. 10. 1.
* Ratio Oeconomiz diuinae.

Eius denique doctorum & sacerdotum.

Sacerdotii Christiani finis:

ad quem etiam artes humanae spectant.

congruitate quadam (vt diximus) opera nostra fiunt meritoria felicitatis æternæ. Huius autem merito passionis, CHRISTI videlicet, non solum posteriores gratiam susceperunt, qua beatam vitam mereri valeant, verum etiam priorum præceptorum & Mosaicæ legis obseruatores inde gratiam consecuti sunt æternæ beatitudinis, qua quidem in alio seculo, & * in loco *quem limbum vocant*, priuati manserant vsq; in CHRISTI aduentum, passionem, mortem, & resurrectionem. Per quem repromissionem sibi datam à Deo acceperunt, quamuis in præceptis prioribus Prophetarum & legis Mosaicæ, talis gratiæ repromissio sub ænigmatico velamine traderetur eisdem: omnia enim illis contingebant in figura, vt dicit * Apostolus ad Hebræos. * Fuit autem deductio hæc diuina conueniens valde, quoniam de minus perfecto ad magis, & demum ad perfectissimum conuenientium humanæ saluti. Nec est opinandum propterea quin Deus potuisset, si voluisset, statim à principio lapsus humani remedium adhibere perfectum. Sed sic egit, quia sic voluit & decuit, hominum exigente delicto, vt ne veniæ nimis prompta facilitas præberet occasionem vltius delinquendi. Iam dictæ vero legis doctores, ac Sacramentorum secundum illam administratores instituti sunt quidam in communitatibus, vocati *Sacerdotes & Diaconi seu Leuitæ*, quorum officium est, legis euangelicæ Christianæ præcepta & consilia docere, in his quæ credenda sunt, agenda, & fugienda, finaliter pro statu venturi seculi, beato siquidem consequendo & opposito deuitando.

Sacerdotalis igitur officii *finis* est, hominum disciplina & eruditio, de his quæ secundum euangelicam legem necessarium est credere, agere, vel omittere propter æternam salutem consequendam & miseriam fugiendam. In hoc autem officium conuenienter veniunt omnes disciplinæ humano ingenio adiuuentæ, tam speculatiuæ quam actiuæ, humanorum actuum moderatiuæ tam immanētium quam transeuntium, ab appetitu & cognitione prouenientium,

tium, quibus bene disponitur homo secundum animam pro statu tam præsentis seculi, quam venturi. Has etenim quasi omnes habemus ex traditione admirabilis philosophi & reliquorum & gloriosorum virorum, enumerare tamen omisimus hic eas propter abbreviationem sermonis, & quoniam huiusmodi necessitas non habet considerationem præsentem. Debemus autem intelligere de hoc capitulo, & ipsum sequente continuo, alias esse, *causas officiorum ciuitatis*, iuxta quodlibet ipsarum genus, secundum quod officia sunt ciuitatis, & alias ipsorum, secundum quod sunt habitus corporis, aut mentis humanæ. Nam *finales* eorum *causæ* secundum quod habitus corporis, aut humanæ animæ, sunt opera quæ ab illis proueniunt immediate per se, vt nauifaciunt, nauis: militaris, armorum vsus aut pugna, sacerdotii vero prædicatio legis diuinæ, & secundum illam sacramentorum administratio, & sic conformiter in reliquis omnibus. Ipsorum autem *causæ finales* secundum quod officia in ciuitate determinata & instituta, sunt commoda & sufficientiæ perfectiue actionum & passionum humanarum, prouenientes ab operibus dictorum habituum, vel quæ sine his haberi nequeunt. Quomodo à pugna qui est actus seu finis militaris habitus, hominibus in ciuitate libertas prouenit & seruatur, quæ quidem finis est actuum & operum militaris. Sic etiam à domificatiue opere, seu fine qui domus est, prouenit hominibus seu ciuitati defensio, ab aëreis impressionibus nociuis, calidi, frigidi, humidi, aut sicci, quæ siquidem defensio causa finalis est, propter quam domificatiue officium fuit in ciuitate statutum. Eodemque modo ab obseruatione legis diuinæ, quæ finis est sacerdotii, prouenit hominibus æterna felicitas. Sic quoque de reliquis partibus seu officiis ciuitatis estimare oportet. Hoc etiam modo siue consimili, distinguuntur reliquæ causarum species officiorum dictorum, materialis, formalis, & efficiens, vt ex sequentibus apparebit. De numero quidem igitur partium ci-

Porro officiorum
fines duplices:

Quatenus sunt
habitus:

& quatenus
officia.

uitatis, ipsarumque necessitate ac distinctione propter finales sufficientias dicta sint tanta.

CAPVT VII.

De reliquis causis partium seu officiorum ciuitatis, duplici materia, forma, efficiente.

Officiorum seu partium ciuitatis

1. Materia, quatenus sunt habitus:

HIS autem consequens est dicere *de reliquis causis officiorum seu partium ciuitatis*. Et primum loquemur in causis materialibus & formalibus, deinde vero inquiremus de ipsarum causa mouente. Verum quia in rebus quæ ab humana mente recipiunt complementum, materia formæ præexistit in actu, prius loquamur in causa materiali. Et dicemus, quod *materia* propria officiorum diuersorum, secundum quod officia nominant habitus animæ, sunt homines ex ipsorum generatione seu natiuitate inclinati ad diuersas artes seu disciplinas. Cum enim natura non deficiat in necessariis, de nobilioribus magis sollicita, qualis inter corruptibilia est hominum species, ex qua perfecta, per diuersas artes aut disciplinas, oportet tanquam ex materia, constituere ciuitatem & partes distinctas in ipsa, necessarias ad vitæ sufficientiam consequendam, vt quarto & quinto huius ostensum est. Initiauit ipsa circa generationem hominum distinctionem hanc, quosdam in naturalibus dispositionibus producens aptos & inclinatos ad agriculturam, alios ad militiam, reliquos vero ad aliorum artificiorum & disciplinarum genera, diuersos tamen ad diuersas. Nec solum vnicū indiuiduum ad vnius speciei artem vel disciplinam, sed ipsorum plura in eandem artificii seu disciplinæ speciem inclinavit, veluti sufficientiæ necessitas exigebat. Quosdā ergo genuit aptos prudentiæ, quoniam ex prudentibus in ciuitate statui debet *iudicialis pars* & consiliatiua. quosdam vero ad robur & audaciam, quoniā ex talibus conuenienter statui-
tur

tur *militaris*. Sic quoque reliquos adaptauit ad operatiuorum & speculabilium habituum genera, quæ sunt ad viuere & bene viuere necessaria seu conuenientia, vt in omnib. scilicet perficeret de diuersitate naturalium inclinationum ad habitus diuersorum generum & specierum, quod necesse fuit ad diuersitatem partium ciuitatis. *Materiales vero causa officiorum ciuitatis*, secundum quod officia nominant partes ciuitatis, iam quasi apparent. Nam hæ sunt homines habituati per artes & disciplinas diuersorum generum & specierum, ex quibus diuersi ordines siue partes statuuntur in ciuitate, propter finales sufficientias prouenientes ab ipsorum artibus & disciplinis, quomodo proprie dicuntur partes ciuitatis officia quasi obsequia, quoniam considerata, vt statuta sic sunt in ciuitate, ad humanum obsequium ordinantur. Horum vero *formales causa* secundum quod humane mentis habitus, non aliæ sunt ab huiusmodi habitibus: nam ipsi forme sunt habentium cōplectiuæ seu perfectiuæ humanarum inclinationum in-existentium à natura. Vnde 7. Politicæ, cap. finali. *Omnis ars & disciplina quod deficit natura vult supplere. Formales autem officiorum causa*, secundum quod instituta & partes ciuitatis, sunt præcepta mouentis causæ, his tradita seu impressa, qui deputantur in ciuitate ad determinata opera exercenda. *Mouentis* quidem igitur *causa* seu factiuæ officiorum, vt animæ nominant habitus, sunt mentes & voluntates hominum per suas cogitationes & desideria diuisim aut coniunctim indifferenter. Et quorundam etiam cum his principium est motus & exercitium corporalium organorum. Ipsorum vero *causa efficiens*, secundum quod partes sunt ciuitatis, est humanus *legislator* frequenter & in pluribus: licet olim ratio & in paucissimis cuiusdam aut quarundam causa mouens immediata fuerit *Deus* absque humana determinatione, sicuti nono huius dicitur, & 12. & 15. de his amplius apparebit. De sacerdotio vero, diuersa quædā est institutionis ratio, de qua 15. & 17, secundæ dicitur ytique sufficienter.

quatenus partes ciuitatis.

1. Forma quatenus sunt habitus:

quatenus partes ciuitatis.

3. Efficiens quatenus sunt habitus:

quatenus partes ciuitatis:
1. Legulator frequenter:
Deus rarè.

Sacerdotii diuersa institutionis ratio.

De partibus itaque ciuitatis & ipsarum institutionis necessitate à reliquis trium causarum generibus, determinatum sit hoc modo.

CAPVT IIX.

De generibus Politiarum temperato & vitiato : eorumque diuisione : & specierum definitionibus.

Capiti scopus.

Politiarum genera duo.

Temperatum quid.

Vitiatum quid. Vtrumq; triplex.

QVONIAM autem in prioribus monstratum est aliquo modo, monstrandum tamen certius institutionem & distinctionem partiū ciuitatis, ab aliqua mouente causa fieri, quam pridem legislatorem diximus: Quodq; legislator idem has partes statuit, distinguit, & separat instar animalis naturæ, formando scilicet primum, seu instituendo in ciuitate partem vnā, quam principantem seu iudicialem diximus quinto huius: per hanc vero reliquas, vt declarabitur amplius 15. huius. Conuenit propterea nobis primum aliquid dicere de natura partis illius: cum enim sit aliarum prima, (vt ex sequentibus apparebit) ex ipsius efficientiæ manifestatione priori, conuenienter ingrediemur ad manifestationem institutionis & distinctionis actiue reliquarum partium ciuitatis. Sunt autem principatiue partis seu *principatum* genera duo, vnum quidem bene temperatum, reliquum vero vitiatum. Voco autem bene *temperatum* genus cum Arist. 3. Politicæ, cap. 5. in quo dominans principatum ad commune conferens secundum voluntatem subditorum: Vitiatum vero, quod ab hoc deficit. Horum rursus generum vtrumque diuiditur in *tres species*. Primum quidem, temperatum scilicet, in regalem monarchiam, aristocratiam, & politiam. Reliquum vero, vitiatum scilicet, in tres oppositas species diuiditur, tyrannicā monarchiam, oligarchiam, & democratiam. Et vnaquæq; rursus harum specierum modos habet, de quibus præsentis negotii

negotii non est exquisitè tractare. De his enim sufficienter tradidit *Aristoteles* tertio & quarto suæ Politicæ. Ad habendam vero ipsarum ampliorē notitiā, quæ necesse est aliquāliter propter sequentia declaranda, vnamquamq; dictarū principatus specierum iuxta intentionem *Aristotelis* describamus, dicentes primū, quod *Regalis monarchia* est temperatus principatus, in quo dominans est vnicus ad commune conferens, & subditorum voluntatem siue consensum. *Tyrannis* vero illi opposita, est principatus vitiatuſ, in quo dominans est vnicus ad conferens proprium, præter voluntatē subditorum. *Aristocratia* est principatus temperatus, in quo dominatur honorabilitas sola, iuxta subditorum voluntatem siue consensum & commune conferens. *Oligarchia* vero illi opposita, est principatus vitiatuſ, in quo dominantur aliqui ditiorum seu potentiorū ad ipsorum conferens, præter subditorum voluntatem. *Politia* vero licet in vna ſignificatione ſit cōmune quiddam ad omne genus vel ſpeciē regiminis ſeu principatus, in vna tamē ipſius ſignificatione importat ſpeciem quandam principatus temperati, in quo ciuis quilibet participat aliquāliter principatu vel conſiliatiuo viciffim iuxta gradum & facultatem ſeu conditionem ipſius, ad commune etiam conferens, & ciuium voluntatem ſiue conſenſum. *Democratia* vero illi opposita, est principatus, in quo vulgus seu egenorum multitudo ſtatuit principatum, & regit ſola, præter reliquorum ciuium voluntatem, ſiue conſenſum, nec ſimpliciter ad commune conferens, ſecundum proportionem conuenientem. Quis autem bene temperatorum principatum ſit optimus, aut quis vitiatorum peſſimus, de reliquorum quoque ordine in bonitate vel malitia dicere, non habet præſentem ſpeculationem. Hæc tamen de principatum diuiſione in ſuas ſpecies, ipſarumque deſcriptione dixiſſe ſufficiat.

*Definitio
Monarchia*

Tyrannidis

Aristocratiæ

Oligarchia

Politia

Democratia

Politiarum causa efficiens: Monarchia genera: & Electionis principatus prestantia.

DETERMINATIS autem his, consequens est dicere de modis efficiendi seu constituendi partem principantem. Ex ipsorum namque natura meliori vel deteriori, prouenientibus hinc ciuili regimini tanquam actionibus, arguere oportet causam agentem, à qua tam ipsi quam pars principans per ipsos ad Politiam utilius habeant prouenire. Verum *quia de causis & actionibus, à quibus secundum plurimum pars principans creari debet, intendimus in hoc libro:* antea volumus dicere modum & causam, per quem iam creata fuit pars hæc, licet raro, vt hunc modum seu actionem, & ipsius causam immediatam, discernamus à modis seu actionibus, & ipsarum immediatis causis, per quas huiusmodi pars regulariter & in pluribus creari debet, quas etiam humana demonstratione conuincere possumus. Prioris enim modi per demonstrationem certam, comprehensio nequit haberi. Hic autem modus seu actio & ipsius immediata causa, per quam formata est iam pars principans & reliquæ partes ciuitatis (præcipue sacerdotium) fuit diuina voluntas, immediate hoc præcipiens alicuius singularis creaturæ oraculo terminato, aut per se solam immediate fortassis, quo modo principatum Israelitici populi in personam Moyli & quorundam aliorum iudicū; post ipsum Sacerdotium quoque in personam Aaron & ipsius successorum instituit. De qua siquidem causa & ipsius actione libera, tradere seu dicere, cur sic aut aliter, nec sic esse aut fuisse factum, per demonstrationem nec quicquam dicere possumus, sed simplici credulitate absque ratione tenemus. Alia vero est principatuum institutio, quæ scilicet ab humana mente immediate prouenit, licet à Deo tanquam à causa remota, qui omnem

princi-

Causa efficiens proxima Politiarum duplex: communis & singularis.

Singularis causa est Dei voluntas:

eius exemplū in Politia Israelitica:

Nec demonstratio: sed fide cognoscitur.

Communis causa, remota quidem est Deus: proxima vero

principatum terrenum etiam concedit, vt * Ioan. 19. *mentes hu-*
 habetur, & aperte dicit Apostolus ad Rom. 13. & bea- *mana.*
 tus Augustinus 5. De ciuitate Dei, cap. 21. quod ta- ** Ioann. 19. 11.*
 men non est immediate semper, quinimo vt in plu-
 ribus & vbiq; quasi hos statuit per hominum men-
 tes, quibus talis institutionis concessit arbitrium. Et
 de hac causa quæ sit, aut quali actione talia debeat in-
 stituere, ex meliori aut deteriori ad Politiam, potest
 per humanam certitudinem assignari. Omissio ita- *Materia & or-*
 que modo quem per demonstrationem certificare *do sequentium.*
 non possumus, modos institutionum principatus
 per humanam voluntatem immediate factos, nar-
 rare volumus primum, deinde vero monstrabimus
 ipsorum certiore atque simpliciore: postmo-
 dum vero ex illius modi natura meliori, arguemus
 causam mouentem, à qua prouenire solummodo
 debet & potest: ex quibus etiam apparebit conse-
 quenter causa mouere debens ad institutionem o-
 ptimam & determinationem reliquarum partium
 ciuitatis: demum vero dicemus de principatus vni-
 tate, propter quam apparebit etiam, quæ sit vnitas
 ciuitatis aut regni. Prosequentes itaque proposita,
 primum enumerabimus modos institutionis rega-
 lis monarchiæ, loquendo scilicet in ipsorum origine.
 Species enim hæc principatus, videtur quasi cognata
 nobis, & propinqua statim domesticæ Oeconomix,
 vt apparet ex dictis, cap. 3. Post huius vero determi-
 nationem apparebit consequenter de modis institu-
 tionis reliquarum diuisionum principatus. Sunt au-
 tem modi siue institutiones regalis monarchiæ quin- *Monarchie ge-*
 que numero secundum Aristotelem 3. Politicæ 10. *nere aut modi*
 & 11. cap. *Vnus* quidem cum monarcha statuitur ad *quinque.*
 aliquod vnum opus determinatum, circa regimen
 communitatis tamen, vt ducatum exercitus, siue
 cum generis successione, siue pro solius vnicæ perso-
 næ periodo, quomodo instituebatur dux exercitus
 Agamemnon à Græcis. Vocatur autem officium
 hoc in communitatibus modernis *Capitaneatus aut*
Contestabularia. Hic vero exercitus dux de nullo se
 intromittebat iudicio tempore pacis, exercitu tamen

* *Διὰ τὸ ῥα*,
id est: domi-
nium, vel he-
rile impe-
rium.

Secundus mo-
dus partim re-
galis partim ty-
rannicus:
& quare,

Heroica tem-
pora cur sic
dicta.
Heroes qui.

militante, dominus erat occidendi aut aliter punien-
di transgressores. *Alius* autem modus est, quo qui-
dam in Asia principantur, habentes dominia ex præ-
decessoribus per successionem, secundum legem ta-
men, ad monarchæ conferens magis quam ad com-
mune simpliciter, quasi * despotia. Sustinent enim
habitatores illius regionis talem principatum nihil
contristati, propter ipsorum barbaram & seruilem
naturam, & consuetudinis auxilium. Hic siquidem
principatus regalis est, quia patrius, & voluntariis
subditis, ut quia primi habitatores fuerant regionis
præcessores monarchæ: aliquialiter tamen tyranni-
cus, propter non esse ipsius leges ad commune con-
ferens simpliciter, sed monarchæ. *Tertius* vero mo-
dus regalis principatus est, cum quis principatur ele-
ctus, non ex successionem patria seu paterna, secun-
dum tamen legem quæ non est ad commune confe-
rens simpliciter, sed monarchæ magis, quasi tyran-
nicam. Propter quod etiam vocauit *Aristoteles* ibi-
dem hanc speciem principatus, *electam tyrannidem*.
Tyrannidem quidem propter legis despotiam, ele-
ctam quidem propterea, quod non erat subditis in-
uoluntaria. *Quartus* autem modus est, quo per ele-
ctionem instituitur aliquis princeps, cum omni sui
generis successionem, secundum leges quæ sunt sim-
pliciter ad commune conferens. Et hoc utebantur
secundum heroica tempora, ut dicit ibidem. Vocata
vero sunt ea *heroica tempora*, vel quia tunc constella-
tio tales homines producebat, qui *heroes*, id est diui-
ni, credebantur propter virtutis excessum, aut quia
tales statuebantur principes, non alii, propter vir-
tutum & suorum beneficiorum excessum, ut quia
sparsam multitudinem collegerunt, & in communi-
tatem ciuilem congregauerunt, vel quia per pugnam
& armorum strenuitatem liberauerunt regionem ab
opprimentibus, aut quia fortasse regionem eme-
runt, vel alio conuenienti modo acquisiuerunt, &
inter subditos diuiserunt. Et (ad vnum dicere) *pro-*
pter magis beneficii collationem aut alterius virtutis
excessum, ad reliquam multitudinem instituti fuerunt
principes

principes cum posteritate seu successione tota, sicut etiam dixit *Aristot.* *5. *Politicae*, cap. 10. Sub hac autem monarchiae specie fortasse comprehendit Aristoteles eam, ad quam quis eligitur pro sola sui periodo vel parte periodi, vel eam fecit nos intelligere per hanc, & vocatam tyrannidem electam, eo quod utriusque participet. Quintus vero modus est & fuit, quo principans statuitur omnium dominus eorum quæ sunt in communitate, sic secundum suam voluntatem realia & personalia disponens, quemadmodum Oeconomus pro voto disponit de his quæ in propria domo sunt. Quod tamen, ut hæc *Aristotelis* dicta manifestentur amplius, & etiam modi omnes instituendi reliquos principatus ad capitulum reducantur, Dicemus, quod omnis principatus, vel est voluntariis subditis, vel inuoluntariis. *Principatuum genera duo.* Primum est genus bene temperatorum principatum, secundum vero vitiatorum. Distinguitur autem utrunque horum generum in tres species siue modos, sicut dictum est 8. cap. Et quoniam una specierum bene temperati principatus, & fortasse perfectior est regalis monarchia: ideoque præmissa recolligentes ab illius modis inchoemus sermonem dicentes, quod rex seu *monarcha* vel instituitur per electionem incolarum, seu ciuium, aut absque ipsorum electione rite obtinuit principatum. Si absque ciuium electione, vel sic est, quia primus inhabitauit regionem aut ipsius prædecessores, ex quibus traxit originem: vel quia terram & iurisdictionem emit, aut ipsam iusto bello acquisiuit, aut alio quouis licito modo, puta dono sibi de ipsa facto propter impensum seruitium. Participat autem quilibet dictorum modorum tanto amplius de vero regali, quanto magis est ad subditos voluntarios, & secundum legem latam ad commune conferens subditorum. Tanto vero amplius tyrannidem sapiens, quanto magis exit ab his, consensu videlicet subditorum, & lege ad ipsorum commune conferens instituta. Vnde 4. *Politicae* 10. cap. scribitur: *Erant autem propterea quod secundum legem, regales* (monarchiae sci-

* Vide etiam *Pol.* 3. cap. 10.

Principatuum genera duo.

Monarchia præstantia:

eiisque efficiens duplex.

* Quia herili
more præe-
rant.

*Monarchia
qua electione fit
genus duplex.*

*Monarchæ ele-
cti & non electi
conuenientia :
& differentia.*

*Principatus
electi præstan-
tia.*

licet) & quia monarchicabant voluntariis: tyranni-
ca autem, * propter despotice principari & secundum
suam sententiam (monarcharum scilicet) Hæc igitur
duo prædicta principatum temperatum & vitia-
tum separant (vt apparet ex Aristotelis aperta sen-
tentia) simpliciter autem aut magis subditorum
consensus. Quod si *monarcha* principans per electio-
nem incolarum fuerit institutus, hoc fieri conuenit
aliquo horum modorum, quoniam vel instituitur
cum sua tota posteritate seu successore, vel non. Si
enim non instituitur cum omni posteritate, hoc
contingit pluribus modis, quoniam vel instituitur
pro tota vnius vita tantummodo, vel pro vnius & a-
liquo sui successoris vnius aut plurium. Vel non in-
stituitur ad vitam totam alicuius, nec primi nec suc-
cessorum, sed solummodo pro aliqua parte temporis
terminata, vt annali aut biennali, longiori vel bre-
uiori; & rursum vel ad omne iudiciale officium exer-
cendum, vel ad solum vnicum, velut exercitus dux.
Conueniunt autem monarchæ regales electi cum nō
electis, quoniam vtrique voluntariis principantur.
Differunt autem, quoniam vt in pluribus *non electi*
principantur subditis minus voluntariis, & ipsos dis-
ponunt legibus minus Politicis ad commune con-
ferens, quales pridem barbaricas diximus. *Electi* ve-
ro magis voluntariis præsumt, eosque disponunt le-
gibus Politicis magis, quas diximus latas ad com-
mune conferens. Ex quibus patet, quod & in sequen-
tibus amplius apparebit, *genus electum principatus
præstantius esse non electo.* Est quoque sententia hæc
Aristotelis 3. Politicæ, cap. 10. quam induximus supra
de his qui statuebantur circa heroica tempora. Rur-
sum hic modus institutionis in cōmunitatibus per-
fectis permanentior est. Nam omnes alios in hunc
quandoque oportet reducere per necessitatem, non
econuerso, vt si generis successio defecerit, aut alia de
causa fiat genus illud importabile multitudini ab
excessu malitiæ sui regiminis, oportet tunc multitu-
dinem se conuertere ad electionem, quæ siquidem
electio deficere nunquam potest, generatione homi-
num

num indeficiente. Amplius, hoc solo modo institutionis habetur principans optimus. Nā cum expedit optimum esse illorum qui versantur in Politia: debet enim regulare actus ciuiles omnium aliorum. Modus vero institutionis aliarum specierum *principatus temperati*, ut plurimum est *electio*, & quandoque in aliquibus fors absque generis successione continua. *Vitiatorum autem principatum* institutiones, ut plurimum sunt *fraus*, aut *violentia*, aut *utrumque*. Quis vero principatum *temperatorū* sit præstantior, an *monarchia* vel reliquæ duæ species, *aristocratia* vel *Politia*: & rursus, *monarchiarum* an electa vel non electa: adhuc autem electarum, an ea quæ cum omni generis successione statuitur, aut in qua solus statuitur absque tali successione: quæ secatur in duas, ut eam scilicet quæ ad totam periodum alicuius aut aliquorum, vel ad partem solam temporis terminatam, puta *annalem*, *biennalem*, *longiorem* aut *breuiorem*, inquisitionem & dubitationem rationalem habet, quamuis indubie tenendum secundum veritatem, & Aristotelis apertam sententiam, electionem esse certiore regulam principatus, ut in 12. 16. & 17. huius certificabitur amplius. Hoc tamen non ignorare debemus, quod alia & altera multitudo, in alia vel diuersa regione ac tempore, disposita est ad alteram & diuersam Politiam, aliumque aut alterum ferre principatum, ut dicit Aristoteles tertio Politicæ, cap. 9. quæ attendenda sunt à legumlatoribus & principatum institutoribus. Nam sicuti non quilibet homo dispositus est ad optimam disciplinam, & propterea non ad illam acquirendam statuitur à dirigente conuenienter, sed ad quam, bonarum tamen, magis fuerit præparatus, sic fortasse multitudo aliqua, quandoque aut in loco aliquo, non est disposita ferre optimum principatum. Ideoque ad *temperatorum* sibi conuenientiore ipsam prius tentandum reducere. Ante enim Iulii Cæsaris monarchiam, Romanus populus diu ferre noluit monarchiam aliquem terminatum, nec cum generis successione, neque etiam

Principatus temperati efficiens plerumque electio: Vitiati, fraus, vi.

Monarchiarum genera.

Diuersa Politia pro regionum diuersitate.

Simile.

Exemplū à Romanis.

Qui diu monarchiam ferre non uoluerunt:

et qua causa.

ad totam vnius solius monarchæ periodum. Quod siquidem contingebat illi fortasse, propter heroicorum & principationum virorum multitudinem, tam secundum genera seu cognationes, quam secundum indiuidua personarum. Ex his ergo quæ à nobis determinata sunt, manifeste apparet, quod quærentes quis monarcharum sit præstantior ciuitati vel regnò, an qui per electionem vel qui per generis successionem principatur, inconuenienter interrogant & quærunt. Sed oportet corrigentes quærere primum, quis monarcharum sit præstantior, an electus aut non electus. Et si electus, rursus quis electorum, an cum omni sui generis successionem statuitur, vel qui absque generis successionem: quoniam licet non electus monarcha, quasi semper principatum transmittat hæredi, electus tamen non omnis, sed solum qui cum sui successionem omni statuitur principari. De modis itaque institutionis principatum, & quoniam ipsorum simpliciter præstantior est electio, determinatum sit hoc modo.

C A P V T X.

Legis significationes distinguuntur: Et qua huic loco propria, indicatur.

QUONIAM autem electionem diximus perfectiorem, atque præstantiorem modorum instituendi principatum, bene se habet inquirere illius effectiuam causam, à qua scilicet secundum complementum suæ bonitatis habeat prouenire. Nam ex hoc apparebit etiam factiua causa principatus electi, & similiter reliquarum partium Politicæ. Verum quia principatus regulare debet actus ciuiles humanos (vt demonstrauius quinto huius) & secundum regulam, quæ forma est & esse debet principantis, in quantum principans inquirere oportet huiusmodi regulam, si est, quid est, & propter quid. Est enim
fortassis

fortassis eadem ipsius effectiua causa, quæ principantis.

Hanc itaque regulam, quam statutum vel consuetudinem, & communi nomine legem appellant, *Ordo sequentium.* existere supponētes, quasi per se notum ex inductione in omnibus perfectis communitatibus, Primum ostendemus quid sit, deinde vero ipsius finalem assignabimus necessitatem, demum autem determinabimus per demonstrationem, cuius aut quorum & quali actione hanc statuere oporteat, quod erit inquirere legislatorem seu causam agentem ipsius, ad quam etiam electionem principatum pertingere putamus, & per demonstrationem in sequentibus ostendemus. Ex quibus etiam apparebit materia siue subiectum regulæ supradictæ, quam legem diximus. Nam hæc est pars principans, cuius est secundum legem regulare Politicos seu ciuiles hominum actus. *Magistratus officium.* Ad dicta quidem igitur procedentibus, ne propter nominis multiplicitatem eueniat *discolia, distinguere conuenit intentiones seu significata huius nominis *lex*: hoc enim nomen de numero multiplicium dictionum importat in *una* *Legis significationes.* sui significatione naturalem inclinationem sensitiuam ad actionem aut passionem aliquam, quomodo vocauit eam Apostolus ad Romanos septimo, cum dixit, *Video autem aliam legem in membris meis, repugnantem legi mentis meæ.* In alia vero *2. Forma.* ipsius acceptione dicitur hoc nomen *lex* de quolibet habitu operatiuo, & generaliter de omni forma rei operabilis, existente in mente, à qua tanquam exemplari siue mensura, formæ artificiatorum proueniunt, quomodo dicitur *Ezechielis 43. *Hæc ergo lex damus, ista autem mensura altaris.* Tertio vero modo sumitur *lex* pro regula continente monita humanorum actuum imperatorum, secundum quod ordinantur ad gloriam vel pœnam in seculo venturo, secundum quam significationem *lex Mosaica* dicta est *lex*, quantum ad aliquam sui partem: sic quoque *lex euangelica*, secundum se totam, *lex* dicitur. Vnde Apostolus ad *Hebr. de his ait, *Translato enim sacerdotio, necesse* *Heb. 7. 12.

est ut legis translatio fiat. Sic etiam de disciplina euangelica lex dicitur, Iacobi 1. *Qui autem prospexerit in legem perfectam libertatis, & in ea permanserit, &c. hic beatus in facto suo erit.* Hac etiam legis acceptione dicuntur leges omnes *sectæ*, ut quæ Machometi aut Persarum, secundum se totas aut aliquas sui partes, licet ex his Mosaica & euangelica, Christiana scilicet, solæ contineant veritatem. Sic etiam *sectas* leges vocauit * Aristot. 2. philosophiæ cum dixit: *Quantam vim habeat quod consuetum est, leges ostendunt.* & in 12. eiusdem: *Reliqua vero fabulose iam adducta sunt ad persuasionem multorum ad leges & conferens.* Quarto autem importat hoc nomen, *lex*, & famose magis scientiam seu doctrinam siue iudicium vniuersale iustorum & conferentium ciuiliū, & suorum oppositorum. Et sic accepta *lex* dupliciter considerari potest, vno modo secundum se, ut per ipsam solum ostenditur quid iustum aut iniustum, conferens aut nociuum, & in quantum huiusmodi iuris scientia vel doctrina *lex* dicitur. Alio modo considerari potest secundum quod de ipsius obseruatione datur præceptum coactiuum per pœnam aut præmium in præsentī seculo distribuenda, siue secundum quod per modum talis præcepti traditur, & hoc modo considerata propriissime *lex* vocatur, & est. Quam etiam sic sumptam definit Arist. 10. Ethicorum 9. cap. cum dixit: *Lex autem coactiuam habet potentiam sermonis ab aliqua prudentia & intellectu*, Politico scilicet, id est. ordinatiue de iustis & conferentibus, & ipsorum oppositis per prudentiam Politicam, *habens coactiuam potentiam*, id est, de cuius obseruatione datur præceptum quod quis cogitur obseruare, seu lata per modum talis præcepti *lex* est. Vnde iustorum & conferentium ciuiliū non omnes veræ cognitiones sunt leges, nisi de ipsarum obseruatione datum fuerit præceptum coactiuum, seu latæ fuerint per modum præcepti, licet talis vera cognitio ipsarum necessario requiratur ad legem perfectam. Quinimo quandoque falsæ cognitiones iustorum & conferentium, leges fiunt

* Metaphys.
lib. 1. breuiori
cap. 3.

4. Iustitia ciuiliū
norma: quæ vfi-
datur signifi-
catio:
Eaq; dupl. con-
sideratur:
quæ iuris scien-
tia:

aut quæ iuris
præceptum, pro-
posito premio
aut pœna.

Atque hac si-
gnific. maxime
propria.

Vnde iuris ciui-
lis cognitio pro-
prie non est *lex*:
si desit præce-
ptum:

nec præceptum:
si desit iuris co-
actiua

sunt cum de ipsis datur observationis præceptum, seu feruntur per modum præcepti, sicut apparet in regionibus barbarorum quorundam, qui tanquam iustum observari faciunt, homicidam absolui à culpa & pœna civili, reale aliquod precium exhibentem pro tali delicto, cum tamen hoc simpliciter sit iniustum, & per consequens ipsorum leges non perfectæ simpliciter. Esto enim quod formam habeant debitam, præceptum scilicet observationis coactivum, debita tamen carent conditione, videlicet debita & vera ordinatione iustorum. Comprehenduntur autem sub hac legis acceptione omnes iustorum & cō-

Legis hoc modo accepta generatur.

ferentium civilium regulæ, auctoritate humana institutæ, ut consuetudines, statuta, plebiscita, decretales, & omnes consimiles, quæ scilicet humanæ auctoritati, ut iam diximus, innituntur. Debemus tamen

Lex divina aut tertia, aut quarta significatione usurpatur.

non ignorare, quod tam lex evangelica, quam Moisaica, & fortasse sectarum reliquæ diuersimode cōsideratæ ac comparatæ in toto vel parte ipsarum, ad humanos actus pro statu præsentis seculi vel venturi, quandoque veniunt vel venerunt hætenus, aut venturæ sunt in tertiam legis significationem, & quandoque in ultimam, ut 8. & 9. Secundæ manifestabitur amplius, quædam quidem secundum veritatem, quædam vero secundum fantasiam falsam, & promissionem inanem. Quod quidem igitur sit regula, seu lex aliqua humanorum actuum civilium, & quid sit, ex iam dictis palam.

C A P V T X I.

Legis proprie sic dictæ necessitas ac finis duplex.

His itaque legis acceptionibus sic diuisis, eius secundum ultimam & propriissimam significationem, ostendere volumus necessitatem finale: principaliorē quidem, civile iustum & cōferens cōmune, affectivam vero quandā principatum, maxime se-

Capituli argumentum.

Necess. ac finis legu duplex:

Principalis, iustitia civilis, & communis utilitas:

Secundarius.

*Prioris necess.
demonstratio.
Propositio.*

*Assumptio:
Lex conseruat
recta iudicia.
Conclusio.*

*Propositio per se
nota.*

*Assumptio pro-
syllogismo fir-
matur.*

*Probof.
Assumptionis
bimembris
prior pars:
Lex prauas iud.
affect. tollit:*

Quia iu uacat,

*Assumptionis
consecutarium:*

*Et probatio au-
thoritate Ari-
stotelis,*

cundum generis successionem, securitatem & principatus diuturnitatem. *Primam ergo necessitatem sic;* Quoniam illud necessarium est in Politia statuere, absque quo ciuilia iudicia simpliciter recte fieri nequeunt, per quod rite feruntur, & à defectu quantum possibile est humanis actibus, præseruantur. Lex est huiusmodi, ut cum secundum ipsam determinatus fuerit principans ferre ciuilia iudicia: ergo legis institutio necessaria est in Politia. Prima propositio huius demonstrationis est quasi per se nota, & indemonstrabilibus propinqua valde. Cuius etiam certitudo accipi debet & potest ex quinto huius, parte 7. Secunda vero propositio manifestabitur ex hoc; quoniam ad iudicii complementum in bonitate requiritur affectio recta iudicum, & iudicandorum vera cognitio, quorū opposita, ciuilia corrumpunt iudicia. Nam peruersa iudicantis affectio, ut odii vel amoris, aut auaritiæ, desiderium iudicantis peruertit. Hæc autem à iudicio prohibentur: & ab his præseruatur, dum fuerit iudex seu principans determinatus secundum leges ferre iudicia, propterea quod lex omni caret affectione peruersa. Non enim facta est ad amicum aut inimicum utilem vel nocium, sed vniuersaliter ad agētem ciuilitate bene aut male. Omnia namque reliqua sibi accidunt, & extra legem sunt, non sic autem extra iudicem sunt. Quoniam personæ in iudicio constitutæ possunt esse amicæ vel inimicæ iudicanti, utiles vel nociuæ, dando aut aliquid promittendo. Sic quoque in reliquis intentionibus, quæ in iudice causare possunt affectionem, ipsius iudicium peruertentem, propter quod nullum iudicium, quantum possibile est, debet committi arbitrio iudicantis, sed lege determinari & secundum ipsam pronuntiari.

Hæc autem fuit sententia *diui Aristotelis* 3. Politicæ, cap. 11. ubi ex intentione perquirens, an melius sit regi Politiam optimo viro absque lege, vel ab optimis legibus, inquit sic: *Valentius autem* (id est præstantius ad iudicandum) *cui non adest, quod passionale omnino* (id est, affectio quæ iudicium peruertere

uertere potest) *quam cui connaturale. Legi quidem igitur hoc non inest* (passio videlicet siue affectio) *humanam autem animam necesse hoc habet omnem: & dixit, omnem, non excipiendo quemquam quantumcunq; studiosum. Quam siquidem sententiam repetens primo Rhetoricæ, cap. 1. sic ait. Omnium quidem maximum* (quæritur scilicet, nihil absque lege iudicandum relinqui debet arbitrio iudicantis) *quia iudicium quidem legislatoris* (id est lex) *non secundum partem* (id est, non est latū propter aliquem hominem particularem) *sed de futuris & vniuersalibus est. Præfectus autem & iudex iam de præsentibus & determinatis iudicant, ad quos & amare & odire, & proprium commodum annexa sunt sæpe, ut non adhuc possint videre sufficienter verum, sed attendere in iudicio proprium delectabile aut triste. Hoc etiam dicit eodem, 1. cap. 2. Non enim, inquit, similiter reddimus iudicia tristes & gaudentes, amantes vel odientes. Corruptitur adhuc iudicium propter iudicum ignorantiam, esto quod bonæ sint affectionis seu intentionis; quod etiam peccatum siue defectus per legem tollitur & suppletur, quoniam in ipsa determinatum est quasi perfecte, quid iustum aut iniustum, conferens aut nociuum secundum vnumquemque humanum actum civilem. Hoc autem nequit sic sufficienter fieri per vnicum hominem quantumcunque ingeniosum. Quoniam vnus solus homo, nec fortasse omnes vnus ætatis homines inuenire aut retinere possent omnes actus civiles determinatos in lege. Quinimo, quod de ipsis dixerunt inuentores primi, & omnes etiam eiusdem ætatis homines, talium obseruatores, fuit res modica & imperfecta, quæ postmodum ex additione posteriorum complementum suscepit. Quod quidem videre sat est experientia nota per additionem & subtractionem, ac totaliter in contrarium mutationem quandoque factam in legibus, secundum diuersas ætates, & secundum diuersa tempora eiusdem ætatis, Testatur autem & hoc Arist. 2. Politicæ cap. 3. cum dixit: Oportet autem nō hoc ipsum ignorare, quia oportet*

1. Assumptio-
nis pars:

Lex iudicium
ignorantiam
tollit:

Quia iustum &
iniustum, utile
& noxium desi-
nit perfecte.

Quod non est
vnius hominis:
imo nec ætatis.

Ut liquet ex le-
gi gradatim
constitutione
& perfectio-
ne:
tum experien-
tia:

& Aristotelis
auctoritate.

*tet attendere multo tempore & multis annis, in quibus non utique lateat si hæc bene se habuerunt; quæ scilicet statui debent tanquam leges. Idem dicit ipse, 1. Rhetoricæ, cap. 1. Deinde, inquit, legisationes quidem ex multo tempore consideratis sunt. Et confirmatur id ratione: quoniam legisationes indigent prudentia, ut pridem ex descriptione legis apparuit, prudentia vero longa eget experientia, hæc autem temporis multitudine. Vnde * 6. Ethicorum: *signum autem ipsius quod dictum est, & quod Geometri quidem iuvenes & disciplinati sunt & sapientes talia, prudentes autem non videntur fieri. Causa autem, & quoniam singularium est prudentia, quæ sunt cognita ex * experientia, iuuenis autem expertus non est: multitudo enim temporis faciet experientiam.* Et ideo quod unus solus homo inuenit, aut scire potest per seipsum, tam in scientia iustorum & cõferentium ciuiliū, quam in aliis scientiis, est parum aut nihil. Adhuc etiam quod vnius ætatis homines, respectu eius quod ex pluribus ætatibus obseruatur, imperfecta res est, propter quod de inuentione veritatis secundum vnāquamque artem & disciplinam, tractans Aristoteles 2. * Philosophiæ, cap. 1. sic inquit: *Secundum vnum quidem (inuentorem scilicet cuiusuis disciplinæ aut artis) nihil aut parum ei immittere, (id est de ipsa per se solum inuenire) ex omnibus coarticulatū fieri magnitudinem aliquam.* Secundum tamen translationem ex Arabico, magis aperta est hæc series, in qua sic habetur. *Et unusquisque eorum, (id est, inuentorum cuiusuis artis aut disciplinæ) aut nihil comprehendit de veritate, aut modicum. Cum igitur congregatum fuerit ex eo ab omnibus qui comprehendere, tunc congregatum erit alicuius quantitatis: quod maxime apparet de Astrologia. Sic ergo per auxilium hominum inuicem, & additionem posterius inuentorum ad inuenta prius, receperunt omnes artes & disciplinæ complementum. Quod figuraliter etiam declarat ibidem Aristoteles circa Musicæ inuentionem, cum dixit: Si Timotheus non fuisset, multam melodiam non haberemus: si autem Phrynos, Timotheus**

ac ratione,

que auctoritate

Arist. declaratur,

* Ethic. 6. cap. 8.

Experientiæ origo.

& artium inuentionu ac perfectionu comparatione.

* Metaph. lib. 1. breuiori cap. 1.

Unde artium perfectio.

theus non fuisset, ita perfectus scilicet in melodiis, nisi habuisset prius inuenta per Phrynem. Quæ verba exponens Auerroes 2. Commento, sic ait: *Et quod dicit in hoc cap. (Aristoteles scilicet) manifestum est. Nul-
lus enim potest inuenire per se artes operatiuas aut con-
sideratiuas (id est speculatiuas) in maiori parte, quia
non complentur, nisi per inuamentum prioris ad se-
quentem.* Idem dicit 2. Elenchorum, cap. finali, de in-
uentione Rhetoricæ & omnium aliarum, quicquid
fuerit de Logices inuentione, quam soli sibi absque
prioris alicuius inuentione seu auxilio perfectâ ascri-
bit: in quo singularis inter alios extitisse videtur. Hoc
etiam dicit ipse 8. Ethicorum cap. 1. *Duo, inquit, ve-
nientes (id est cōuenientes) agere & intelligere poten-
tiores sunt:* supple, vno solo. Quod si duo, magis plu-
res duobus, & simul, & successiue, quam solus vnus.
Et hoc est quod de proposito dicit 3. Politicæ, cap. 12.
*Incōueniens, inquit, forte utiq; videbitur, si melius per-
cipiat quis duobus oculis & duabus auribus iudicans,
& agens duobus pedibus & manibus, quā multi multis.*
Cum igitur lex sit oculus ex multis oculis, id est, cō-
prehensio examinata ex multis comprehensionibus
ad errorem euitandum circa ciuilia iudicia, & recte
iudicandū, tutius est ea fieri secundum legem, quam
secundū iudicantis arbitrium. Et propter hoc ipsam
statui necesse est, si debeant Politicæ quantum ad iusta
& cōferentia ipsarū ciuilia, disponi optime: per ipsam
enim ciuilia iudicia præseruantur ab ignorantia, &
iudiciū affectione peruersa, quæ fuit minor assumptæ
demonstrationis, qua ex principio capituli huius, ne-
cessitatē legū assignare tentauimus. Quo vero modo
subortam litem seu civilem causam, lege non deter-
minatam, definire seu iudicare oporteat, dicetur 14.
huius. Sunt ergo leges necessariæ ad excludendum à
ciuilibus iudiciis seu sententiis, iudicium malitiam
& errorem. Hæc propter cōsultuit Aristoteles, nulli
iudici seu principanti concedere arbitrium iudican-
di aut præcipiendi de ciuilibus, absque lege, in qui-
bus lex determinare potuit. Vnde 5. Ethicorum, cap.
6. in tractatu de iustitia dixit Aristoteles: Propter hoc

*Præced. de-
monst. conclusio
& summa:
Ergo lex necess.
ad iustit. & util.
ciuilem:
quia recta iudi-
cia ciuili. con-
seruat.
Nam ignorant.
& affect. præ-
nos iudicium
tallit.*

*Quod Aristot.
auctoritate
prob.*

non finimus principari hominem, sed secundum rationem, id est legem; causam assignans, quam induximus, affectionem peruersam scilicet, quæ in illo cadere potest. Item 3. Politicæ, cap. 7. cum dixit, *Prima autem dicta dubitatio facit manifestum, nihil sic alterum, quam quod oportet leges recte positas, esse dominas*; id est, dominari principantes secundum ipsas. Idem eodem cap. 12. dum dixit, *Quod quidem intellectum iubet principari, videtur principari iubere Deum & leges; qui autem hominem iubet*, (absque lege scilicet, secundum arbitrium proprium) *apposit & bestiam*. Parum post subiungens causam, cum dixit; *Propter quod sine appetitu intellectus, lex est*; quasi dicat legem intellectum seu cognitionem esse. absque appetitu, id est, affectione aliqua. Hanc quoque sententiam repetit primo Rhetoricæ, cap. 1. ubi sic inquit. *Maxime quidem igitur conuenit, rectas positas leges quacunque contingit, omnia determinare ipsas, & quam paucissima committere iudicantibus*: Assignans huiusmodi pridem adductas causas, exclusionem scilicet malitiæ atque ignorantia iudicum à ciuilibus iudiciis, quæ in legē cadere nequeunt sicut in iudicem, quemadmodū ostensum est prius. Et his amplius dicit aperte Aristoteles 4. Politicæ, cap. 4. *Vbi non principantur leges* (id est, vbi principantes non principantur secundum ipsas) *non est Politia* (temperata supple) *oportet enim legem quidem principari omnium*. Superest autem ostendere, quod principari secundum legem, nec præter ipsam, debent omnes principantes, horum vero maxime monarchæ, qui cum omni eorum successione principantur, ut ipsorum principatus securiores & diuturniores existant, quæ in huius capituli principio fuerat tanquam secundaria legum necessitas assignata. Hoc autem sic primum videre est, quoniam secundum legem principari, ipsorum iudicia præseruat à defectu, contingente propter ignorantiam & affectionem peruersam, vnde in seipsis & ad ciues subditos regulati, minus patiuntur seditiones, & per consequens suorum principatum solutiones, quæ illis

Secundaria necessitatis ac finis legum confirmatio:

Quia (ut demonstratum) lex iudiciorum æquitatem tuetur: Unde arcentur seditiones, quæ regni pestis.

illis contingerent agentibus prave secundum suum arbitrium, sicut patenter dicit Aristoteles 5. Politicæ, cap. 10. *Regnum enim* (inquit Aristoteles) *ab extrinsecis quidem minime corrumpitur, ex seipso autem plurimæ corruptiones accidunt. Corrumpitur autem secundum duos modos, uno quidem, seditionem facientibus his, qui participant regno: alio autem modo, magis tyrannice tentantibus gubernare, quando exegerint esse domini plurimum, & præter legem. Non sunt autem adhuc regna nunc, sed si fiant, monarchia, & tyrannides magis.* Obiecerit autem aliquis de optimo viro, quod careat ignorantia & affectione peruersa: nos autem dicamus rarissime id contingere, nec tamen æqualiter ipsi legi, ut pridem induximus ab Aristotele, à ratione & sensata experientia, quoniam omnem animam contingit habere hanc, id est, affectionem quandoque sinistram. Quod facile credere possumus ex *Danielis 13. Ibi namque scribitur, quod venerunt duo presbyteri iniqua cogitatione aduersus Susannam, ut interficerent eam. Hi autem erant senes & sacerdotes, & populi iudices anno illo: qui tamen falsum testimonium perhibuerunt aduersus eam, propterea quod ipsorum iniquæ concupiscentiæ acquiescere noluit. Et ideo si presbyteri & senes, de quibus minime videretur, corrupti fuerunt propter carnalem concupiscentiam, & quanto magis propter auaritiam & reliqua, quid de reliquis sentiendum? neminem certe quantumcunque studiosum, sic posse carere passione peruersa & ignorantia, quemadmodum lex. Ideoque tutius est regulari iudicia ciuilia lege quam arbitrio iudicantis committi, quantumcunque etiam studiosi.

Est tamen quam rarissimum aut impossibile quoddam, esse virum aliquem principantem sic heroicum, ut in ipso neque passio neque ignorantia cadat. Quid de natis dicemus, huic dissimiles entibus, qui propter ipsorum excessum in principatu secundum proprium arbitrium committent, unde principatu priuentur? nisi forte quis dixerit quod pater virorum optimus, illis principatum non tradet, quod

teste Aristotele.

Obiectio.

Responsio prima:

Exemplo illustrata:

* Historia de Susanna.

Altera.

Occupatio obiect.

Ratio prima : tamen audiri non debet, tum quia in ipso non est, filios hac successione priuare, ex quo generi principatus per successionem debetur : tum quia si in ipsius potestate foret, principatum in quem vellet transferre, non priuaret eo filios quantumcunque prauos. Vnde Aristoteles 3. Politicæ, cap. 11. huic respondens obiectioni, sic inquit, *Adhuc hoc credere* (scilicet patrem priuare filios principatu) *difficile est, & maioris virtutis, quam secundum humanam naturam.* Propter quod principantibus expedit magis lege regulari & determinari, quam arbitrio proprio iudicia ferre ciuilia : secundum legem enim nil prauum aut reprehensibile agent : vnde securior & diuturnior efficietur principatus ipsorum. Hoc autem fuit consilium eximii Aristoteles ad omnes principantes, quod tamen parum aduertunt, cum 5. Politicæ, cap. 11. dixit : *Quanto enim pauciorum sunt domini* (absque lege scilicet) *ampliori tempore necessarium manere omnem principatum. Ipsi enim* (principantes videlicet) *sunt minus ad dominationem dispositi, & moribus æqui magis, & à subditis inuidetur eis minus.* Et adducit consequenter testimonium cuiusdam prudentissimi regis vocati Theopompi, qui de potestate sibi concessa dimisit. Vnde iudicauimus conueniens, hic seriem Aristotelis inducere propter huius principis singularitatem & virtutem excellentem, & quasi per secula inauditam in alio quoquam. Dixit ergo Aristoteles; *Rursus Theopompo moderante* (id est, minorante potestatem suam quæ forte videbatur excedens) *& in aliis instituentem ephorum principatum. A potestate enim auferens* (scilicet sua) *auxit tempore regnum* (id est fecit durabilius) *Quare modo quodam fecit nō minus, sed maius ipsum. Quæ quidem* (id est hæc verba) *aiunt & ad uxorem respondisse ipsum quæ* (scilicet vxor) *dixerat : Si nihil* (id est si non) *verecundaretur, minus regnum tradens filiis, quod à patre accepit : cui* (verba iā dicta) *respondit, nō oportet hoc dicere, trado enim diuturnius.* O vox heroica ex inaudita prudentia Theopompi procedens, & quā notanda his qui extra leges vti volunt

Secunda,

Aristot. auctoritate summata,

Conclusio ac summa præcedentum,

illustrata insigni ex Aristotele sententiâ:

& singulari ac prudentissimo Theopompi exemplis.

Principibus immoderatoribus notando.

volunt plenitudine potestatis in subditos, quam inad-
 uertētes multi principantium corruerunt! Et nos
 quidem ex huiusmodi inaduententia regnorum nō
 minimū, modernis temporibus quasi totum nutare
 vidimus, dum ipsius princeps quidam insolitam &
 præter legem voluit subditis exactionem imponere.
 Sic itaque palam ex dictis, in Politiis necessarias esse
 leges, si debeant simpliciter recte disponi, & princi-
 patus diutius permanere.

*Nam ex huius
neglectu multo-
rum necessitas
& hinc, illa
lachryma.*

*Capituli conclu-
sio & argumen-
tum.*

CAPVT XII.

*De causa efficiente legum humanarum; seu
 cuius sit leges condere, approbare, inter-
 pretari, abrogare. Vnde apparet penes
 quem sit electi principis confirmatio.*

His autem habitum est dicere * de causa legum
 effectiua quam reddere possumus per demon-
 strationem. De illa enim institutione, quæ Dei ope-
 re vel oraculo immediate absque humano arbitrio
 fieri possibilis est, aut iam extitit (qualem Mosaicæ
 legis institutionem diximus, etiam quantum ad ea
 præcepta ciuiliū actuum quæ in ea sunt, pro statu
 præsentis seculi) non intendo hic assignationem fa-
 cere; sed de legum & principatum institutione tan-
 tummodo, quæ immediate proueniunt ex arbitrio
 humanæ mentis. Ad quam siquidem ingredientem,
 dicamus, quod legem sumptam quasi materialiter &
 secundū tertiam significationem, videlicet scientiam
 iustorū & conferentium ciuiliū, inuenire potest ad
 quemlibet ciuem pertinere, licet inquisitio hæc con-
 uenientius fieri possit ex obseruatione potētium va-
 care, seniorum & expertorū in agilibus quos pru-
 dentes appellant, quam ex mechanicorum conside-
 ratione, qui ad quærēda vitæ necessaria suis operibus
 habent intēdere. Verum quia cognitio seu inuentio
 vera iustorū & conferentium ac suorū oppositorum,
 non est lex secundum vltimam significationē & pro-
 priam, qua fit mensura humanorū actuum ciuiliū,

* *Εχόντων
ἰσὺν εἰπεῖν:
veloquitur
Aristoteles.*

Scopus capituli.

*Lex quæ ciuili-
lu iustitia scien-
tia, efficiens esse
potest quiniū ci-
uiū, præsertim
senes otiosi &
prudentes:*

*sed illa non est
lex propria
dicta:*

nisi præceptum
necessarium
accedat.

Propterea de
huius præcepti
efficiente agen-
dum:

Qua primum
& proprie to-
tius populi aut
potioris partis
electio.

Potior autem
ea qua maior:

Qua sit aut
per se,
aut aliorum
opera:
qui proprie non
sunt legisla-
tores:
sed comparate
solum.

Hinc consella-
rium: Pop. au-
ctor. leges ac ce-
tera que electi
fiunt, confirma-
ri debent:

(nec obstant ce-
remonia: que
non neceß sed
decoro ser-
uiunt)
aut mutari:
tum etiam pro-
mulgari:

ne quis ciuis aut
aduena praten-
dat ignorantia:

nisi dum de ipsius obseruatione præceptum coacti-
uum datum fuerit, seu per modum talis præcepti
lata fuerit ab eo, cuius auctoritate transgressores ar-
ceri debent & possunt: propterea dicere conuenit,
cuius aut quorum sit auctoritas ferendi tale præce-
ptum, & ipsius transgressores arcendi, quod quidem
est inquirere legislatorem siue factorem. Nos au-
tem dicamus secundum veritatem atque consilium
Aristotelis, 3. Politicæ, cap. 7. *legislatorem* seu cau-
sam legis effectiuā primam & propriam *esse populum*
seu ciuium vniuersitatē, aut eius valentiorē partem
per suam electionē seu voluntatē in generali ciuium
congregatione per sermonem expressam, præcipientem
seu determinantem aliquid fieri vel omitti cir-
ca ciuiles actus humanos sub pœna vel supplicio
temporali: valentiorē inquam partem, considera-
ta quantitate in communitate illa super quam lex
fertur, siue id fecerit vniuersitas prædicta ciuium
aut eius pars valentior per seipsam immediate, siue
id alicui vel aliquibus commiserit faciendum, qui
legislator simpliciter non sunt, nec esse possunt, se-
cundum solum ac aliquid & quandoque, ac secun-
dum primilegislatoris auctoritatem. Et dico con-
sequenter huic, quod eādē auctoritate prima, non
alia, debent leges, & aliud quodlibet per electionem
institutum, approbationem necessariam suscipere,
quicquid sit de ceremoniis seu solennitatibus qui-
busdam, quæ ad esse non exiguntur electorum, sed
ad bene, quibus etiam non factis nil minus electio
valida foret. Amplius quod ab eadem auctoritate
debent leges, & alia quæ per electionem statuuntur,
suscipere additionem aut diminutionem, vel tota-
lem mutationem, interpretationem & suspensionē,
secundum exigentiam temporum vel locorum, & re-
liquarum circumstantiarum, quibus horum aliquid
propter commune cōferens circa talia fuerit oppor-
tunum. Eadem quoque auctoritate promulgari seu
proclamari debent leges post earū institutionem, ne
quisquam ciuis aut aduena delinquens in eas, possit
per ipsarum ignorantiam excusari, *Ciuem autem dico*
(secundum

(secundum Aristotelem 3. Politicæ, capitulis 1. 3. & 8) eum qui participat in communitate civili, principatus autem consiliatiuo vel iudicatiuo secundum gradum suum. Per quam siquidem descriptionem separantur à ciuibus pueri, serui, aduenæ, ac mulieres, licet secundum modum diuersum. Pueri namq; ciuium, ciues sunt in propinqua potentia, propter solum ætatis defectum. Valentio-rem vero ciuium partem oportet attendere secundum Politiarum consuetudinem honestam, vel hanc determinare secundum sententiam Aristotelis 6. Politicæ, cap. 2. Sic itaque determinato ciue ac ciuium valentio-
Causa efficiens legum demonstratur.
 re multitudine, ad propositam intentionem redeamus, demonstrare scilicet legumlatoris auctoritatem humanam, ad solam ciuium vniuersitatem, aut eius valentio-rem partem pertinere, quod quidem sic primū infer-
1. Demonstr. propositio:
 retentabimus. Quoniam illius tantummodo est legum humanarum lationis seu institutionis aucto-ritas humana prima simpliciter, à quo solum opti-
Assumptio: A populo optima leges feruntur.
 mæ leges possunt provenire. Hoc autem est ciuium vniuersitas, aut eius pars valentior, quæ totam vni-
 uersitatem repræsentat. Quoniam non facile, aut non possibile, omnium personas in vnam conueni-
 re sententiam, propter quorundam esse naturam orbatam, aut malitia vel ignorantia singulari discor-
 dantem à communi sententia: propter quorum ir-
 rationabilem reclamationem seu contradictionem, non debent communia conferentia impediri vel omitti. Pertinet igitur ad vniuersitatem ciuium, aut
Conclusio:
 eius valentio-rem partem tantummodo legumlationis seu institutionis auctoritas. Prima propositio huius demonstrationis est valde propinqua per se
Propositio quasi per se nota.
 notis, quamuis eius robur & vltima certitudo sumi possit ex 11. huius. Secundam vero propositionem probo, videlicet quod ex vniuersæ multitudinis au-
Assumptio pro syllogis. firmata.
 ditu & præcepto tantummodo feratur lex optima, supponendo cum Aristotele 3. Politicæ, cap. 8. *legem optimam esse, quæ lata est ad commune conferens ciuium.* Vnde dixit. Rectum autem fore (in legibus scilicet) *ad conferens ciuitatis, & ad commune ciuium, nē utilitatem.*

50 DEFENSORIS PACIS

*Ass. Tales po-
puli:*

*1. Quia legum
verit. & utilit.
magis observat
& desiderat
quam pauci.*

*2. Quia in illu-
serendo culli-
bet, si noxia vi-
deantur, licet
reclamare: in
alio non item.*

*2. Demonstr.
Propositio:*

Assumptio:

Conclusio.

*Propositio
per se nota.*

*Assumptio pro-
syllogis. firmata.*

Propositio:

Assumptio:

*Propositionis
probatio.*

Hoc autem fieri optime per civium universitatem tantummodo, aut eius valentiorē partem, quod pro eodē de cetero supponatur, sic ostendo, quoniam illius veritas certius iudicatur, & ipsius communis utilitas diligentius attenditur, ad quod tota intendit civium universitas intellectu & affectu. Avertere enim potest magis defectum circa propositam legem statuendam maior pluralitas quacunque sui parte, cum omne totum corporeum saltem maius sit mole atque virtute qualibet sui parte seorsum. Adhuc ex universa multitudine magis attenditur legis cōmunis utilitas, eo quod nemo sibi nocet sciēter. Ibi autem inspicere potest quilibet an lex proposita magis declinet ad cuiusdam aut quorundam commodum, quam aliorum vel communis; & in contrarium reclamare: quod non fieret, si per vnum aut paucos quosdam, proprium magis quam commune attendentes commodum, lex ipsa feratur. Hanc quoque sententiam satis adiuvant, quæ de legum necessitate assignauimus in vndecimo huius.

Rursum ad principalem conclusionē sic, quoniam illius tantummodo est legumlationis auctoritas, per quem latæ melius, aut simpliciter observantur. Hoc autem est tantummodo civium universitas: ipsius igitur est auctoritas lationis legū. Prima propositio huius demonstrationis est per se notis propinqua valde: otiosa namque lex esset, nisi observaretur. Vnde Aristoteles 4. Politicæ, cap. 8. *Non est autem bona legum dispositio, bene poni leges, non obedire autem.* Idem 8. eiusdem cap. 6. *Nullus profectus est* (inquit Aristoteles) *ferri quidem sententias de iustis, has autem non accipere finem.* Secundam propositionem probo, quoniam lex illa melius observatur à quocunque civium, quam sibi quilibet imposuisse videtur: talis est lex lata ex auditu & præcepto universæ multitudinis civium. Prima propositio huius prosyllogismi apparet quasi. per se nam quia civitas est communitas liberorum, ut scribitur 3. Politicæ, cap. 4. *quilibet civis liber esse debet, nec alterius ferre despotiam, id est, servile dominium, hoc autem nō con-*
tingeret,

tingeret, si vnus aliquis aut pauciores ciuium legem ferrent auctoritate propria supra ciuium vniuersitatem: sic enim legem ferentes aliorū despotes essent. Et ideo reliqui ciuium, pars amplior scilicet, talem legem quantumcunque bonam, moleste ferrent, aut nullo modo, & contra illam contemptum passi, reclamarent, & non vocati ad illius lationem, nullatenus obseruarent: * latam vero ex auditu seu cōsensu omnis multitudinis etiam minus vtilem, quilibet ciuium faciliter obseruaret & ferret: eo quod hanc quilibet sibi statuisse videtur, ideoque contra illam reclamare non habet, sed æquo animo illam pœnis tolerare. Adhuc secūdam propositionem primi syllogismi probo ex alio sic. Quoniam illius est potestas obseruationis legum, cuius tantummodo est potentia transgressorum coactiua: hoc autem est vniuersitas, aut ipsius pars valentior, ergo ipsius solius est legum lationis auctoritas. Amplius ad principale sic, quoniam illud agibile, in cuius debita institutione cōsistit maxima pars communis sufficientiæ ciuium in hac vita, & in cuius praua institutione commune detrimentum imminet, per vniuersitatem ciuium tantummodo debet institui, hoc autem est lex, ergo ad vniuersitatem ciuium tantummodo illius pertinet institutio. Maior huius demonstrationis est per se notis propinqua, & stabilitur in immediatis veritatibus, quæ positiæ sunt 4. huius & quinto. Conuenerunt enim homines ad ciuilem communicationem propter commodum & vitæ sufficientiam consequendam, & opposita declinandum. Quæ igitur omnium tangere possunt commodum & incommodum, ab omnibus sciri debent & audiri, vt commodum assequi & oppositum repellere possint. Talia sunt leges, sicut in minori assumebatur. In ipsis enim recte positis totius & omnis humanæ sufficientiæ pars magna consistit. Sub iniquis vero seruitus & oppressio atque miseria ciuium importabiles; ex quibus tandem contingit soluere Politiam. Rursum & est hæc quasi abbreviatio & summa priorum demonstrationum,

* Subdit legem, quam ipsi tulerunt, libentius ferunt.

3. Demonstratio.

Propositio:

Assumptio:

Conclusio.

Demonstratio quarta.

Propositio:

Assumptio:

Conclusio.

Demonstratio declaratio.

4. Demonstratio: quæ superiorum summa.

Propositio. Aut legumlationis auctoritas, ad solam ciuium vniuersitatem pertinet (vt diximus) vel ad hominem vnicum, aut pauciores, non ad solum vnum, propter ea quæ dicta sunt in II. huius & in prima demonstratione, quam in hoc adduximus: posset enim propter ignorantiam vel malitiam aut vtrumque legem prauam ferre, inspiciendo scilicet magis proprium quam commune, vnde tyrannica foret. propter eandem vero causam non pertinet hoc ad pauciores: possent enim peccare in ferendo legem, vt prius ad quorundam (scilicet paucorum) & non commune conferens, quemadmodum videre est in oligarchis: pertinet hoc igitur ad ciuium vniuersitatem, aut eius partem valentiorē, de quibus est altera & opposita ratio. Quia enim lege debent omnes ciues mensurari secundum proportionem debitam, & nemo sibi scienter nocet aut vult iniustum, ideoque volunt omnes aut plurimi legem cōuenientem, communi ciuium conferenti. Ex eisdem quoque demonstrationibus, sola minori extremitate mutata, conuincitur, legum approbationem, interpretationem, suspensionem, & cetera proposita parte tertia huius, ad solius legislatoris auctoritatem tantummodo pertinere. Idemque sentiendum de omni eo quod per electionem statuitur. Cuius enim est auctoritas prima eligendi, ipse idem approbat aut reprobatur, vel ille cui auctoritatem eligendi concesserit: aliter namq; pars maior esset toto, vel illi saltem æqualis, si ea quæ per totum instituta sunt, auctoritate propria dissoluere posset. Modus autem conueniendi ad legumlationē, in sequenti cap. describetur.

Assumptionu pars prima ratione firmata:

altera eadem.

Conclusio:

eiusque ratio.

Consuetudinarium superiorum demonstrationum duplex:

Primum:

Secundum.

Confirmatio.

CAPVT XIII.

Obiectiones aliquot diluuntur: & legumferendarum ratio explicatur.

Obiectionis prima
Conclusio:

DE quibus tamen diximus dubitabit aliquis, disputans ad ciuium vniuersitatem non pertinere legum-

legumlationis seu institutionis auctoritatem. Pri-
 mum quidem, quoniam prauum & indiscretum se- *Propositio*,
 cundum plurimum non debet legem statuere. *Hac*
enim duo peccata à legislatore debent excludi, malitia eiusque ratio :
scilicet atque ignorantia: propter quæ etiam in iudi-
 ciis euitanda, legis necessitatem accepimus vndeci-
 mo huius. Populus autem seu ciuium vniuersitas est *Assumptio*.
 huiusmodi: homines enim, vt in pluribus videtur,
 prauis & stulti. *Nam stultorum infinitus est numerus,*
 vt habetur Ecclesiastis 1. Amplius, quoniam diffi- *Obiectionis se-*
 cile valde aut impossibile plurium prauorum & in- *cunda*
 sensatorum concordare sententias: quod non euenit *Antecedens:*
 de paucis & studiosis. Est igitur vtilius per paucos le- *Consequens.*
 gem ferri, quam per ciuium vniuersitatem, & ipso-
 rum superfluam pluralitatem. Rursum in qualibet *Obiectionis*
 communitate ciuili sunt pauci sapientes & docti, re- *tertia*
 spectu alterius multitudinis inductæ. Cum igitur per *Assumptio :*
 sapientes & doctos vtilius lex feratur, quam per in- *Propositio :*
 doctos & rudes, videtur quod ipsarum lationis auto- *Conclusio.*
 ritas ad paucos pertineat, non ad plures aut omnes.
 Adhæc frustra fit per plures, quod per pauciores fieri *Obiectionis*
 contingit. Cum ergo per sapientes (qui pauci sunt) *quarta*
 lex fieri possit, (vt dictum est,) frustra occuparetur *Propositio :*
 in hoc vniuersa multitudo, aut ipsius pars maior. *Assumptio :*
 Non igitur ad vniuersitatem aut ipsius valentio- *Conclusio.*
 rem partem pertinet legumlationis auctoritas. Ex suppo- *Ante respon-*
 sito nobis in prioribus, quasi omnium in hoc libro *sionem subster-*
 demonstrandorum principio, videlicet; Omnes ho- *nit quasdam*
 mines appetere sufficientiam vitæ, & oppositum de- *hypotheses &*
 clinare, per demonstrationem conclusimus ipsorum *demonst.*
 communitatem ciuilem quarto huius, quoniam per
 ipsam, sufficientiam hanc adipisci possunt, & præter
 eam minime: propter quod etiam Aristoteles 1. Po-
 liticæ, cap. 2. inquit: *Natura quidem igitur in omni-* *Hypothesis*
bus impetus est, ad talem communitatem: ciuilem sci *prima:*
 licet. Ex qua siquidem veritate per necessitatem se-
 quitur alia quædam, & habetur 4. Politicæ, cap. 12.
 videlicet, *quod oportet valentio- rem esse partem ciui-* *Altera*
tatis volentem, non volente manere Politiam. Quo-
 niam nihil desideratur per eandem natura, specie,

secundum eius plurimum & immediate cum ipsius corruptione simul: inane namque foret tale desiderium. Quinimo non volentes manere Politiam computantur inter seruos non inter ciues, vt sunt aduenę quidam, vnde 7. Politicę, cap. 14. *Cum subditis enim existunt omnes volētes insolescere, qui per regionem.* Et tunc subinfert, *Totque multitudine esse eos in polithe-*

1. *Demonst.*
propositio:

Assumptio:

Conclusio.

Demonstr. antecedens.

* Omne totū
maius sua
parte.

Consequens.

Resp. ad 1. ob-
iect. negatione
assumptionis.

go valentior hominum multitudo vult Politiam manere, quemadmodum bene dictum videtur, vult illud etiam, sine quo Politia manere non potest. Hoc autem est iustorum & conferentium regula, tradita cum præcepto, vocata lex, eo quod *impossibile est ciuitatem aristocratizantem* (id est, secundum virtutem gubernatam) *non bene legibus disponi*, vt habetur 4. Politicę, cap. 8. & demonstrauius vndecimo huius. Vult ergo valentior multitudo ciuitatis legem: aut cōtingeret orbatio in natura & arte, secundum plurimum, quod impossibile supponatur ex scientia naturali. Suscipio rursus cum supradictis veritatibus manifestis, communem animi conceptionem, videlicet, * Omne totum maius esse sua parte, quod verum est tam in magnitudine siue mole, quam etiam in actiua virtute & actione. Vnde satis euidenter, per necessitatem infertur, vniuersitatem ciuium, aut ipsius valentio rem multitudinem, quę pro eodem accipienda sunt, magis posse quid eligendum & quid spernendum discernere, quacunq; sui parte scorsum. His itaque suppositis tanquam veritatibus inoccultis, facile est repellere instantias, quibus niteretur aliquis conuincere, legislationem non pertinere ad ciuium vniuersitatem, aut eius valentio rem multitudinem, sed ad paucos quosdam. Cum ergo primum dicebatur, ad prauum & in pluribus indiscretum non pertinet legumlationis auctoritas, conceditur. Et cum additur, vniuersitatem ciuium

ciuium esse huiusmodi, negandum est. Nam ciuium ^{firmata re-}
 pluralitas neque praua neq; indiscreta est quantum ^{sione:}
 ad pluralitatem suppositorum, & in plurali tempo-
 re: omnes enim aut plurimi sanæ mentis & rationis
 sunt, & recti appetitus ad Politiam, & quæ necessaria
 sunt propter eius permanentiam: quemadmodum
 leges & alia statuta vel consuetudines, sicut prius o-
 stensum est. Quamuis enim non quilibet aut maior
 multitudo ciuium sit legum inuentor, potest tamen
 quilibet de inuentis & ab alio sibi propositis iudica-
 re, addendum vel minuendū, aut mutandum discer-
 nere. Propterea si, quod in maiori propositione dici- ^{deinde propo-}
 tur indiscretum, intelligatur id quod per se inuenire ^{sitionis diffinitio-}
 nequit legem secundū plures sui partes vel supposita, ^{ne.}
 non debere legem statuere, ipsa esset neganda tan-
 quam falsa manifeste, testibus inductione sensata &
 Arist. 3. Politicæ, cap. 7. Inductione quidem, quoniam
 multi de qualitate, picturæ, domus, aut naus, cetero-
 rumque artificiatorum iudicant recte, qui tamen ea
 inuenire nescirent. Testatur autem huic Aristot. vbi
 supra, respondens ad propositam instantiam in hæc
 verba: *Et quia de quibusdam non solus qui fecit, neque*
utique optime iudicabit; inducens hoc in pluribus ar-
 tificiorum speciebus, idem faciens intelligere de re-
 liquis. Nec obstat quod dicitur, sapientes (qui pau- ^{Occupatio ob-}
 ci sunt) magis possunt agibilia statuenda discerne- ^{iect. cui respon-}
 re reliqua multitudine: quoniam esto sic verum, non ^{det negatione}
 tamen ex hoc sequitur, quod sapientes sciant sta- ^{consequens a}
 tuenda discernere magis tota multitudine, in qua ^{primum:}
 comprehenduntur ipsi cum reliquis minus doctis.
 Omne enim totum maius est sua parte in agendo, & ^{qua ratione fir-}
 etiam discernendo. Et fuit hæc indubie Aristotelis ^{matur,}
 sententia 3. Politicæ, cap. 7. cum dixit: *Quare iuste do-*
minans maiorum multitudo: id est, iuste dominari ^{& Arist. an-}
 debet de maioribus, quæ sunt in Politia multitudo ^{horitate:}
 seu ciuium vniuersitas, aut eius pars valentior, quam
 nomine multitudinis significat, causam huius assi-
 gnans. *Ex multis enim populus & concilium, & prato-*
rium, & honorabilitas, amplior autem horū omnium,
quam eorum qui secundum unum, & secundum paucos,

principantium magnis principatibus. Vult dicere, quod omnium collegiorum Politie seu ciuitatis simul sumptorum, amplior est multitudo, siue populus: & per consequens, iudicium securius iudicio alicuius partis seorsum. Siue pars illa sit *vulgus* (quam hic nomine concilii signauit) veluti agricolæ, artifices & huiusmodi: siue sit *prætorium*, id est, qui in prætorio sunt officiales, principanti subseruientes, vt aduocati seu iurisperiti, atque notarii: siue sit *honorabilitas*, id est, collegium optimatum, qui pauci sunt; & soli conuenienter eliguntur ad maximos principatus: siue altera pars ciuitatis quæcunque seorsum accepta. Amplius, esto (sicut est secundum veritatem) aliquos minus doctos non æque bene iudicare de statuenda lege aut altero agibili totidem doctis: posset tamen intantum augeri numerus minus doctorum, quod æque bene vel melius iudicarent de his, paucis doctioribus, quod palam dixit Arist. vbi supra, hanc volens confirmare sententiam: *Si sit multitudo non nimis seruilis* (inquit Arist.) *vnusquisque quidem erit deterior iudex scientibus: omnes autem congregati meliores, aut non deteriores.* Ad illud vero quod dicebatur Eccles. 1. *Stultorum infinitus est numerus*, oportet dicere, per *stultos* intelligi minus doctos, vel nō vacantes liberalibus operum, qui tamen participant intellectu & iudicio agibilium, licet non æqualiter vacantibus: aut fortasse significauit ibi sapiens per stultos, infideles (sicut dicit ibidem Hieronymus) quia etiam quantumcunq; scientes mundanas scientias, sunt stulti simpliciter, secundum illud Apostoli 1. ad Corinth. 3. *Sapientia huius mundi, stultitia est apud Deum.* Secunda vero instantia parum vrget, quoniam licet facilius sit cōcordare paucorum sententiam, quam plurium, ex hoc non concluditur paucorum seu partis præstatiorem esse sententiam ea, quæ totius multitudinis, cuius pauci sunt pars. Nam hi pauciores non æque bene discernent neque vellent commune cōferens, quemadmodum vniuersa ciuium multitudo. Quinimo infecurum esset, sicut ex iam dictis apparuit, paucorum arbitrio commit-

Deinde propo-
sitionu.

Stultorum infi-
nitus numerus,
quomodo acci-
piendum,

Resp. ad 2. ob-
iect. negatione
conseq.

Ratio prima:

altera à peri-
culo.

committere legislationem. Respicerent enim in ea
 fortasse magis conferens proprium, vt personarum
 vel alicuius collegii, quam commune, quod in his *Quod exemplo*
 qui Decretales clericorum tulerunt satis apparet. Sic *auctorum De-*
 ut etiam manifestabimus sufficienter in 8. secundæ. *cret. liquat.*
 Ex hoc enim præberetur oligarchiæ via quædam,
 veluti dum vni soli legumlationis potestas tribui-
 tur, tyrannidi locus datur, quemadmodum ii. huius,
 parte 4. induximus ab Arist. 5. Ethicorum, tractatu
 de iustitia. Instantia vero tertia ex iam dictis facile *Resp. ad 3. ob-*
 refelli potest: quoniam etsi per sapientes melius *iect.*
 possint leges ferri quam per minus doctos: non ta- *negatione con-*
 men ex hoc concluditur, quod per solos sapientes fe- *sequentia.*
 rantur melius quam per vniuersam multitudinem
 ciuium, in qua etiam includuntur sapientes prædicti.
 Verum horum omnium congregata multitudo dis-
 cernere potest, & vellet amplius commune iustum &
 conferens, harum partium quacunque seorsum ac-
 cepta quantumcunque prudentum. Vnde non ve- *Resp. ad 4. ob-*
 rum enuntiant, dicentes, minus doctam multitu- *iect. negatione*
 dinem impedire veri aut communis boni electionem *assumptionis.*
 & approbationem: quinimo adiuuat in hoc iuncta
 doctioribus & magis expertis. Nam licet vera & vti-
 lia statuenda per se nesciat inuenire, ea tamen per
 alios adinuenta & sibi proposita, discernere potest &
 iudicare, si quid addendum, minuendum, aut tota-
 liter mutandum, vel spernendum in propositis vi-
 deatur. Multa namque comprehendit homo post
 alterius dictionem, & ad multorum complemen-
 tum agere potest, ad quorum initia seu inuentionem,
 per seipsum peruenire nequisset. Sunt enim rerum
 initia difficillimæ inuentionis. vnde Arist. 2. Elench.
 cap. finali: *Difficillimum est videri principium*, scili-
 cet veritatis, & proprium secundam vnamquamque
 disciplinam. Hoc autem inuento facile est addere &
 augere reliquum, propter quod scientiarum & ar-
 tium & aliarum traditionum inuenire principia,
 non est nisi optimorum & acutorum ingeniorum;
 adinuentis autem addere possunt, etiam humilioris
 ingenii homines, qui tamen neque propter hoc in-

discreti debent appellari, si ex se talia nequeant inuenire, imo & in bonorum numero computari debent, ut in 1. Ethicorum, 4. cap. dixit Aristoteles. *Iste siquidem*, inquit, *optimus, qui sibi ipse omnia intellexit. Bonus autem rursus & ille, qui bene dicenti obedit ipsum*; scilicet auscultando, illique non absque ratione contradicendo. Et propterea iustorum & conferentium ciuiliū, & incommodorum seu hominum communium & similium reliquorum, regulas, futuras leges, siue statuta, quærendas seu inueniendas & examinandas prudentibus & expertis per vniuersitatem ciuium committi, conueniens & perutile est. Sic ut vel seorsum ab vnaquaque primarum partium ciuitatis, enumeratarum s. huius, parte 1. secundum tamen vnius cuiusque proportionem eligantur aliqui, vel ab omnibus simul congregatis ciuibz omnes eligantur experti seu prudentes viri prædicti. Et hic erit conueniens & utilis modus conueniendi ad legum inuentionem absque nocumento reliquæ multitudinis, minus doctorum scilicet, quæ parum proficeret in quærendis huiusmodi regulis, & à reliquis operibus sibi & aliis necessariis, turbaretur, quod onerosum esset, tam singulis quam communi. Ad inuentæ vero & examinatæ huiusmodi regulæ diligenter futuræ legis approbandæ vel reprobandæ in vniuersitate ciuium congregata proponi debent. Ut si cui ciuium videatur quicquam ipsis addendum, aut minuendum, mutandum, aut totaliter spernendum, id dicere possit, quoniam ex hoc poterit lex utilius ordinari. Possunt enim, ut iam diximus, ciues minus docti quandoque percipere aliquid corrigendum circa propositam legem, qui tamen ipsam inuenire nescirent. Et quoniam sic latæ per auditum & consensum vniuersæ multitudinis, melius obseruabuntur, nec aduersus eas habebit aliquis reclamare. Publicatis autem iam dictis regulis, futuris legibus, & in vniuersali ciuium congregatione, auditisque ciuibz, qui aliqua circa ipsas rationabiliter dicere voluerūt, eligi debent rursus viri, quales & secundum quem modum præ-

ximus,

Ergo leges à docto & peritis inueniende, & examinanda:

Cuius inuentionis modus declaratur.

Inuenta vero populi suffragio proponenda:

Proposita, eiusdem arbitrio ferenda aut reprobanda.

ximus, vel confirmari prædicti, qui vicem & auctoritatem vniuersitatis ciuium repræsentantes, supradictas quæsitæ & propositas regulas approbabit vel reprobabit in toto vel parte, aut faciet idem, si voluerit, vniuersitas ciuium tota simul vel ipsius valentior pars. Postquam siquidem approbationem iam dictæ regulæ leges sunt, & sic nominari merentur, non antea: quæ etiam post ipsarum publicationem seu proclamationem solæ humanorum præceptorum obligant transgressores ad civilem culpam & pœnam. Quod quidem igitur legumlationis seu institutionis auctoritas, & de ipsarum obseruatione coactiuum dare præceptum, ad solam ciuium vniuersitatem, seu ipsius valentio-
Quando leges obligent.
Conclusio: penes Pop. est leges instituendi auctoritas: aut eos, quibus id negotium dedit.

C A P V T X I V.

Qualem & quibus instructum esse principem deceat.

POST hæc autem dicere oportet de causa effectiua partis principantis, hoc autem erit ostendere per demonstrationem, cuius sit auctoritas eligendi eam, & consequenter instituendi reliquas partium ciuitatis. De non electæ namque partis principantis institutione, sufficienter dictum, est 9. huius partes. Incipiemus autem primum determinando qualem esse oporteat, qui conuenienter est ad principatum eligendus seu promouendus. Ex hoc enim transibimus certius ad ipsius electionis seu institutionis auctoritatem factiuam. Sunt autem futuri principantis perfecti habitus intrinseci duo, Capitulum diuisum & materia.
Principi duo necessaria.
 separationem non recipientes in esse, videlicet prudentia & moralis virtus, maxime iustitia.

*Prudentia: qua
intellectum re-
gat.*

*ac principi pro-
pria, teste Ari-
stotele:*

*Et Virtus (potis-
simum iustitia)
que affectus di-
rigat*

*Prudentia ne-
cessaria ad pro-
prium eius mu-
nus, iudicium
iusti & utili,
in quo quæ præ-
sinita non sunt.*

*Exemplum à
præclaro (ice-
ronis facinore.*

*Ergo prudentia
actionum consi-
liu dirigendu
necessaria prin-
cipi:*

*Quia nō omnes
earum circum-
stantie lege
prescribi
possunt:*

Vnus quidem, ut ipsius in principando dirigatur in-
tellectus, prudentia scilicet. Vnde 3. Politicæ, cap. 3.

*Prudentia autem propria virtus principi sola, alias e-
nim videtur conueniens, communes subditorum &
principum.* Reliquus vero habitus est, quo ipsius re-

ctus extet affectus moralis, virtus scilicet, aliarum
maxime iustitia. Vnde 5. Ethicorum cap. 6. tracta-

tu de iustitia, inquit Aristoteles: *Est autem princeps
custos iusti.* Est ergo futuro principanti prudentia

necessaria, quoniam per ipsam magnifice potest in
ipsius opus proprium, iudicio videlicet conferen-

tium & iustorum ciuiliu. In quibus namque hu-
manis actibus ciuilibus, actus ipse vel modus nō de-

terminatur à lege per prudentiam, dirigitur princi-
pans in iudicando & etiam exequēdo, facto vel mo-

do, aut horum utroq; , in quibus ipsum peccare con-
tingeret absque prudentia. Nam (ut in Catilinario

Salustii) si consul Cicero complices Catilinæ, Ro-
manos ciues atque potentes, aduersus rempublicam

coniuratores, proinde mortis reos, secundum legem
punisset, loco, tempore, ac modo consuetis: exorta

foret inde verisimiliter ciuilis pugna Politicæ soluti-
ua, propter seditionem per dictos iam coniuratores

aduersus consulem & reliquos principantes in po-
pulo concitatam. Hoc siquidem periculum Cicero

consul seu principans vrbs, per suam euasit pruden-
tiam, dum dictos reos tortoribus necandos tradidit,

& præcepit in loco carceris, quem forte propterea
Tullianum appellant. Sic ergo prudentiā dirigun-
tur agibilia consilia, vnde 6. Ethicorum, cap. 5. di-

xit Aristot. *Prudentiam habitum verum cum ratione
actiuum circa hominis bona, vel mala, in quantum
homo scilicet.* Huius autem causa est, quoniam
agibilia sunt, circa quæ & de quibus plurimis sunt
humanæ leges, secundum quas debet principans dis-
ponere humanos actus ciuiles: quodque non omnes
aut ipsorum modos seu circumstantias quibus in-
uoluuntur, possibile videtur semper simul lege de-
terminare, propter ipsorum varietatem & differen-
tiam secundum regiones & tempora, ut aperte docet
experien-

experientia, & testis est Aristoteles 1. Ethicorum, cap. 3. cum dixit: *Bona autem & iusta de quibus civilis intendit, tantam habent differentiam & errorem, ut videantur sola lege esse, non natura, id est, quia sic velint homines de ipsis statuere, non quia ipsorum agibilia natura determinata sit, ut videlicet hoc quidem sit iustum, illud vero iniustum. Idemque etiam exprimens amplius 3. Politicæ, cap. 12. cum dixit: Sed quoniam hæc quidem comprehendere legibus contingit, hæc autem impossibilia, hæc sunt quæ faciunt dubitare & querere, utrum optimam legem eligibilius principari, quam optimum virum? de quibus enim conciliantur (homines scilicet) sunt impossibilium lege statuta esse (omnia, supple) Hæc propter oportuit quædam euenientium in civilibus actibus hominum, arbitrio principantium iudicanda committere, quæ scilicet secundum se aut modum aliquem sui seu circumstantiam lege determinata non sunt. Nam in his quæ lege determinata fuerunt, debitum est principatem sequi legalem determinationem. Et fuit hæc Aristotelis sententia 3. Politicæ, cap. 7. cum dixit. Principem autem, siue unum siue plures, de his esse dominos, de quibus leges non possunt dicere certitudinaliter, propterea quod non facile sit determinare de omnibus. quam sententiam replicans 9. eiusdem, inquit: Sunt autem & nunc de quibusdam principatus, dominantes iudicio sicut iudex, de quibus lex non potest determinare, quoniam de quo potuit, nullus dubitat de his tanquam non utique optime lex præcepit. Est ergo necessaria principanti prudentia propter talia iudicanda, quæ lege determinari non possunt. Hanc siquidem sententiam Arist. quasi propinquam rebus manifestis per se, certificare potest per demonstrationem, cui cura fuerit per ea quæ dicta sunt 2. huius. Est rursus moralis bonitas, virtutis scilicet, earum vero maxime iustitia, principanti necessaria. Nam si peruersus fuerit secundum morem, multum læditur ex eo Politia quantumcunque formata legibus. Iam enim diximus, non facile aut non possibile, simul omnia determinare legibus, sed*

Eoque principum prudentia committenda.

Nam in alia legem sequi debent.

Illustratur Aristotelis auctoritate.

Conclusio: Principi necessaria prudentia,

& virtus, ea præsertim iustitia.

Ratio.

Aristotelis te-
stimonio fir-
mata.

Deinde aequi-
tati :

*Cap. 10.
que desinitur.

Deniq; in sub-
ditos amor.

Præter has vir-
tutes, armorum
potentia neces-
saria.

Qua lege limi-
tandi:

aliqua committi oportere principantis arbitrio, in quibus lædere potest Politiam, si fuerit affectionis peruersæ. Et hæc fuit Aristotelis sententia 2. Politicæ 9. cap. dum dixit: *Magnorum enim domini constituti, si viles fuerint* (id est, more prauis) *multū lædunt, & læserunt iam ciuitatem Lacedæmoniorum.* Et quoniam ab hoc præseruantur per moris virtutem, maxime iustitiam, ideoq; conueniens est (si necessarium conueniens dicere liceat) neminem futurum principi carere morali virtute, aliarum vero maxime iustitia. Cui siquidem etiam in principante futuro conueniens est, assequi virtutem quandam vocatam epieikeiam, qua dirigitur iudex, præcipue secundum affectum, in quibus lex deficit. Vnde Aristot. 5. Ethicorū *, tractatu de iustitia, inquit: *Et hæc natura est, qua epieikes directio legis ubi deficit, propter particulare.* Quam (æstimo) Iuristæ volunt æquitatem dicere. Est enim hæc benigna legis quædam interpretatio vel moderatio in aliquo casu, quem lex sub rigoris vniuersalitate comprehendit, in quo pro tanto lex deficere dicitur, quia ipsum à regula non excepit, quem tamen si sic futurum attendisset ab vniuersalitate regulæ cum aliquo moderamine, vel simpliciter excepisset. Adhuc etiam cū his singularis quidam amor seu beneuolentia futuri principantis, ad Politiam & ciues exigitur. Ex hoc namque principantis actiones ad commune ac singulorum conferens intenduntur in sollicitudine & bonitate.

Præter hos autem dictos habitus & dispositiones necessarium est principanti extrinsecum organum quoddam, armorum videlicet numerus certus, quo suas ciuiles sententias in rebelles & inobedientes per coactiuam potentiam exequi possit. Vnde Aristot. 7. Politicæ, cap. 8. *Communicantes autem* (ciuiliter supple) *necessarium est ipsis habere arma* (id est, armorum multitudinem aliquam) *ad principatum inobedientium gratia*, id est, ad arcendos inobedientes principatibus: aliter enim leges atque ciuiles sententiæ ociosæ forent, nisi earum executio posset expleri. Debet autem hæc armata potentia princi-

principantis determinari per legislatorem, veluti
 ciuilia reliqua: tanta siquidem vt vnius cuiusque ci-
 uis seorsum aut aliquorum simul excedat potesta-
 tem, non tamen eam quæ simul omnium aut maio-
 ris partis, ne principantem præsumere aut posse con-
 tingat violare leges, & præter, aut contra ipsas * de-
 spotice principari. Vnde Aristot. 3. Politicæ cap. 11.
*Oportet enim ipsum quidem habere potentiam tan-
 tam, vt sit ea qua singulorum, & vnius & simul plu-
 rium maior, ea autem qua multitudinis minor.* Opor-
 tet autem simul plurium intelligere non compa-
 ratiue, id est, maiorem partem, sed plurium positi-
 ue, secundum quod à pluralitate deriuatur, id est,
 à multitudine aliqua, non tamen valentiori ciuium
 parte. Si enim non sic intelligatur, repugnantia es-
 set in dictis ipsius. Hanc vero coactiuam potestatem,
 futurum principari, aut ipsius ad principatum ele-
 ctionem, non necessarium est habere, quemadmo-
 dum reliquas sui dispositiones intrinsecas, de qui-
 bus iam diximus pridem. Sic enim ad principa-
 tum nunquam assumerentur studiosi pauperes. Cu-
 ius oppositum voluit Aristoteles idem 2. Politicæ,
 cap. 9. dum dixit: *A principio autem hoc videre est
 necessarium, qualiter optimi possint vacare, & ni-
 hil dehonestari, non solum principes, sed neque singu-
 lariter viuentes.* Verumtamen vt quæ de princi-
 pantium dispositionibus, ac reliquis sibi necessariis
 ad capitulum reducantur, dicamus, quod pruden-
 tia & moralis virtus necessariae sunt futuro in prin-
 cipantem eligendo ante ipsius electionem. Armata
 vero potentia necessaria est principanti maximum
 principatum ciuitatis aut regni, tanquam instru-
 mentum seu extrinsecum organum, quo ipsius se-
 cundum leges expleantur sententiæ, non tamen
 hanc oportet habere ante ipsius electionem, sed illi
 simul cum principatu conferre. Amor autem seu
 beneuolentia singularis ad Politiam & ciues, in sua-
 rum actionum ciuiliū bonitatem & sollicitudinem
 addit, licet non æqua necessitate cum prædictis exi-
 gatur in ipso.

*ne tyrannidi
 aut eius suffi-
 cienti materiam
 præbeat.*

* Imperiose.

*Huius potentia
 & virtutis
 necessitatu
 differentia.*

*De virtutibus
 & officio princi-
 pum anacepha-
 leosii.*

illustrata Aristoteles testimonio.

Testatur autem his Aristoteles 5. Politicæ, cap. 9. dum dixit: *Tria autem quadam oportet habere futuros principari principales principatus, primo quidem amorem ad consistentem Politiam, deinde potentiam maximorum operum principatus, tertio autem virtutem & iustitiam*: per virtutem intelligens prudentiam, quæ omnium vinculum est & magistra virtutum. Vnde 6. Ethicorum, cap. finali: Simul enim prudentiæ vni existenti omnes inerunt Collocavit autem Aristoteles sub eadem parte dictæ diuisionis, prudentiam & moralem virtutem, propterea quod in esse non separantur, vt existimasse videtur eodem libro & cap. cum dixit: *Manifestum igitur ex dictis, quoniam non possibile bonum esse principaliter sine prudentia, neque prudentem sine morali virtute.* Et nominavit Aristoteles 5. Politicæ, supradictæ cap. res quas futuro principanti conuenire diximus, fortassis conuerso modo necessitati earum. Ex dictis itaque apparet subiectum proprium seu materia humanarum legum. Hoc enim est principans, cum prudentia & virtute moris, maxime iustitia, præparatus fuerit sufficienter. Qualis quidem igitur esse debeat futurus principans ciuitatis aut regni, quæ etiam sibi necessaria sint & conuenientia, determinatum sit hoc modo.

Subiectum proprium legum: princeps.

C A P V T X V.

De causa efficiente electionis principis & reliquarum partium ciuitatis.

CONSEQUENTER autem dictis restat ostendere principantis factiuam causam, per quam videlicet alicui vel aliquibus datur auctoritas principatus, qui per electionem statuitur. Hac enim auctoritate fit princeps secundum actum, non per legum scientiam, prudentiam, aut moralem virtutem, licet sint hæ qualitates principantis perfecti. Contingit enim has multos habere, qui tamen hac auctoritate carentes,

earentes, non sunt principes nisi forte propinqua potentia. Ad quæsitum ergo redeunt, dicamus secundum veritatem & sententiam Aristotelis 3. Politicæ, cap. 7. Potestatem factiuam institutionis principatus seu electionis ipsius ad legislatorem seu ciuium vniuersitatem, quemadmodum ad eandem legislationem diximus pertinere 12. huius; principatus quoque correptionem, quamlibet etiam depositionem, si expediens fuerit, propter commune conferens eidem similiter conuenire. Nam hoc est vnum de * maioribus in Politia, quæ ad multitudinem ciuium vniuersam ex dictis Aristot. 3. Politicæ, cap. 7. pertinere conclusimus 13. huius, parte 4. Est enim multitudo dominans maior, vt dicebatur ibidem. Modus autem conueniendi ad institutionem seu electionem prædictam variatur fortasse secundum prouinciarum varietatem. Verum qualitercunque diuersetur, hoc in quolibet obseruandum, vt talis electio seu institutio semper fiat auctoritate legislatoris, quam ciuium vniuersitatem aut eius valentior partem persæpe diximus. Potest autem & debet conuinci propositum hoc eisdem demonstrationibus, quibus legumlationem, mutationem, & reliqua circa ipsas, ad ciuium vniuersitatem pertinere conclusimus 12. huius. Sola tamen harum demonstrationum minori extremitate mutata, vt videlicet pro termino qui lex dicitur, sumatur terminus principantis. Est autem & hoc cum sua veritate probabile valde: si necessarium probabile liceat dicere. Cuius enim est generare formam aliquam, ipsius est determinare subiectum illius, vt in omnibus artibus operatiuis videre est. Vnde & Aristoteles 2. Physic. cap. 2. *Eiusdem autem scientia est cognoscere speciem & materiam, usque ad hoc, vt medici sanitatem, & choleram, & phlegma, in quibus est sanitas. Similiter autem adificatoris est speciem domus, & materiam, quoniam lateres & ligna.* Sic quoque in reliquis artificialibus & naturalibus apparet hoc inductione manifesta. Cuius quidem causa est, quoniam formæ cum suis operationibus sunt fines, & cuius

*Principis est
gendi aut abdi-
candi auctoritas
penes populum.*

* Id est, axio-
matibus.

*Modus autem,
pro locis varius.*

*Liquet id super-
rioribus de-
monstratio-
nibus:*

*tum quia eius-
dem est & for-
mam & subie-
ctum illius in-
stituere:
teste Aristote-
le.*

& ratione.

causa materiæ sunt aut fiunt, vt eodem libro & cap. dictum est. Cum igitur ad ciuium vniuersitatem pertineat generare formam, secundum quam ciuiles actiones regulari debent, legem, scilicet, eiusdem vniuersitatis esse videbitur huius formæ determinare materiam seu subiectum, cuius, secundum hanc formam, est disponere ciuiles hominum actus, partem scilicet principantem. Et quoniam hæc est formarum optima ciuilis communitatis, debet illi determinari subiectum optimum secundum dispositiones, quod etiam in præcedente capitulo probabili ratione conclusimus. Vnde conuenienter inferri posse videtur, Electum principantem & absque generis successione, simpliciter non electis, aut his qui cum generis successione statuuntur, politiæ præstantiori modo præferri. Huius ergo partis efficiente monstrato, habitum esse dicere secundum proposita frequenter à nobis, causam effectiuam, instituentem & determinantem reliqua officiorum seu partium ciuitatis. Hanc autem primam dicimus legislatorem, secundariam vero quasi instrumentalem seu executiuam dicimus principantem per auctoritatē huius à legislatore sibi cōcessam, secundū formam sibi traditam ab eodem, legem videlicet, secundum quam semper agere ac disponere debet, quantum potest, actus ciuiles, quemadmodum ostensum est capitulo præcedente. Quamuis enim legislator, tanquam prima causa & appropriata, determinare debeat quos, qualia in ciuitate oporteat officia exercere, talium tamen executionem, sicuti & ceterorum legalium præcipit, & si oporteat cohibet, pars principans. Fit enim per ipsum conuenientius executio legalium quam per vniuersam ciuium multitudinem, quoniam in hoc sufficit vnus aut pauci principantes, in quo frustra occuparetur vniuersa communitas, quæ etiam ab aliis operibus necessariis turbaretur. Nam & hoc facientibus his, id facit communitas vniuersa, quoniam secundum communitatis determinationem, legalem scilicet, id faciunt principantes, qui etiam pauci aut vnici existentes legalia facilius

De causa efficiente reliquorum officiorum seu partium ciuitatis:

Quæ duplex: principalis, populus legislator: secundaria, princeps.

Nam quæ populus præscripsit, principis est æqueus:

Quia hoc conuenientius & è re publica:

Tum quia ea facit populus, quæ eius lege prin-

facilius exequuntur. Fuit autem in hoc humana sollicitudo conuenienter imitata naturam. Quia enim ciuitas & ipsius partes secundum rationem institutæ, analogiam habent animali & suis partibus, perfecte formatis secundum naturam, vt apparet ex Aristotele 1. & 5. Politicæ 3. cap. Qualis igitur est naturæ actio in animali perfecte formando, proportionata fuit ea quæ humanæ mentis ad ciuitatem & ipsius partes instituendas conuenienter. Ad quam siquidem describendam proportionem (ex qua patebit amplius efficientia & determinatio partium ciuitatis) suscipiemus cum Aristotele in 16. De animalibus, & à Galeno in suo quodam libro (quem vocauit De zogonia) cum reliquis quoq; magis expertis posteriorum, à principio quodam seu causa mouente aliqua (sit illud forma materiæ, aut separata, vel alterum quiddam, virtutem habens generatiuam animalis & partium eius) formari primum tempore atque natura partem quandam organicam animalis, & in ipsa virtutem seu potentiam naturalem cum calore aliquo tanquam actiuo principio, virtutem inquam & calorem vniuersalem actiua causalitate, ad formandum & distinguendum vnamquamque reliquarum partium animalis. Et est pars ista primum formata, cor aut cordi proportionalis aliqua, sicut dixit Aristoteles * vbi supra, & reliqui philosophorum peritiores, quibus credere oportet propter ipsorum experientiam in hoc, & absque probatione supponere nunc, quoniam id demonstrare non est præsentis inquisitionis. Hæc siquidem pars, formata primum, nobilior est & perfectior in suis qualitatibus & dispositionibus ceteris partibus animalis. Statuit enim in ea natura generans virtutem & instrumentum, per quæ partes animalis reliquæ formantur ex conuenienti materia, separantur, distinguuntur, & inuicem ordinantur, in suis dispositionibus conseruantur, & à nocumento, quantum natura patitur, præseruantur per ipsam: lapsæ vero à sui natura propter ægritudinem aut alterum impedimentum, huius partis virtute reparantur.

Que ratio naturam imitatur:

Quod insignis formationis partium animalis analogia illustratur.

Analogia propositio.

* De partibus Animal. lib. 2. cap. 4.

His autem proportionaliter contemplandum in ciuitate cōuenienter instituta secundum rationem.

Redditio.

*Principatus
eiusdem similitudo.*

*Ac propterea
in ciuitate ma-
xime necessa-
rius:*

*Quia sine eo
respublica sub-
sistere non po-
test.*

** Id est, qua
phrasivus est
Matthæi in-
terpres.*

Nam ab anima vniuersitatis ciuium aut eius valentioris partis, formatur aut formari debet in ea pars vna, primum proportionata cordi, in qua siquidem virtutem quandam seu formam statuit cum actiua potentia seu auctoritate instituendi partes reliquas ciuitatis. Hæc autem pars est principatus, cuius quidem virtus causalitate vniuersalis, lex est, & cuius actiua potentia est auctoritas iudicandi, præcipiendi, & exequendi sententias conferentium & iutorum cūquium, propter quod dixit Aristoteles 7. Politicæ, cap. 8. *hanc esse omnium aliarum necessariissimam in ciuitate*: causa vero eius est, quoniam sufficientia quæ habetur per reliquas partes seu officia ciuitatis, si non inexistere, posset aliunde sufficienter haberi, licet non sit faciliter, vt per nauigium & reliqua vectigalia. Sed sine principatus inexistencia, ciuilis communitas manere, aut diu manere non potest, quoniam *neceffe est vt scandala veniant*, * vt dicitur in Matthæo. Hæc autem sunt contentiones propter iniurias hominum inuicem, quæ non iudicatæ aut mensuratæ per iustorum regulam, legem videlicet, & per principantem, cuius est secundum illa talia mensurare, contingeret inde congregatorum hominum pugna & separatio, & demum corruptio ciuitatis & priuatio sufficiētis vitæ. Debet etiam pars hæc in ciuitate nobilior atque perfectior esse in suis dispositionibus, prudentia scilicet atque virtute, modis ceteris partibus ciuitatis. Vnde 7. Politicæ, cap. 14. dixit Aristoteles: *Si tantum fuerint differentes alteri ab alteris, quantum deos & heroes existimamus ab hominibus differre, confestim primo secundum corpus multam habentes excellentiam, deinde secundum animam, vt indubitata & manifesta sit excellentia principantium respectu subiectorum, palam quidem, quia melius per eosdem, hos quidem principari, hos autem subiici secundum semel, id est, secundum vitam. Statuit etiam principium factiuum ciuitatis, anima videlicet vniuersitatis in hac*

hac prima parte virtutem quandam causalitate vniuersalem, legem scilicet, auctoritatem quoque seu potestatem agendi & exequendi de his non aliter. Quoniā sicut caliditas innata ipsius cordis tanquam subiecti, per quam cor seu forma eius omnes actiones complet, dirigitur, & mensuratur in agendo per formam cordis seu virtutem, nec aliter ageret ad debitum finem. Adhuc etiam sicut calor (quem spiritum dicunt) tanquam instrumentum ad complendas actiones, per totum corpus ab eadem virtute regitur, nec aliter horum calorum alteruter ageret ad debitum finem, quoniam deterius agit ignis quam organa, vt in secundo Peri geneseos & De anima. Sic quoque auctoritas principandi alicui hominum data, caliditati cordis tanquam subiecti proportionata. Sic etiam ipsius armata seu coactiua potestas instrumentalis, calori (quem spiritum diximus) proportionalis, debet regulari per legem in iudicando, præcipiendo, & exequendo de iustis & conferentibus ciuilibus: aliter enim non ageret principans ad debitum finem, conseruationem scilicet ciuitatis, quemadmodum demonstratum est II. huius. Adhuc autem secundum iam dictam virtutem, legem scilicet, auctoritatemque sibi datam, distinguere debet principans atque statuere partes & officia ciuitatis ex conuenienti materia, hominibus siquidem habentibus artes seu habitus ad officia conuenientes. Sunt enim tales propinqua materia partium ciuitatis, quemadmodum dictum est septimo huius. Est enim hæc norma seu lex Politiarum bene institutarum, homines statuere ad officia ciuitatis, habentes habitus operatiuos cōuenientes ad illa, non habentes vero, verbi gratia, iuuenes, ad illos ordinare discendos, in quos magis naturaliter inclinantur. Et hæc fuit sententia eximii Aristot. in hoc vbi I. Ethicorum, cap. I. dixit: *Quas enim esse debitum est disciplinarum in ciuitatibus, & quales unumquemque addiscere, & usquequo hæc præordinas*, Politica scilicet seu legislatiua prudentia, & consequenter qui secundum legem Politiam dispo-

nit, principans scilicet. Hoc etiam dixit 7. Politicæ, cap. 4. *Ad omnia quidē igitur, inquit, aspicienti Politico leges ferendū, & secundū partes animæ, & secundū passiones ipsarum.* Idem quoq; 8. eiusdem, cap. 1. dum dixit: *Quod quidē igitur legislatori negotiandum circa inueniendum disciplinam, nullus utique dubitabit. Etenim non factum hoc, laedet Politias.* Ex prædictis igitur

Ergo legislatoris officium est reliquas ciuitatis partes præscribere: principis vero exequi.

Eoque non licet cuiquam publicum fungi munus, pro libidine.

Sed principis prudentia est, ea distribuere ad salutem reip.

**Sacerdotum copiam ad perniciem reip. excrescere.*

nam iusta præ-

tur apparet, ad legislatorem pertinere determinationem seu institutionem officiorum & partium ciuitatis, eiusque determinationis iudicium, præceptum & executionem ad principantem secundum legem spectare. Posset autem hoc eisdem conuinci demonstrationibus, quibus ad legum latorem & principantis institutionem utebamur 12. huius, & supra, Syllogismorum sola minori extremitate mutata. Propter quod non licitum est alicui pro libito sibi assumere officium in ciuitate, maxime aduenis. Non enim debet nec rationabiliter potest pro voto, quilibet se conuertere ad militare vel sacerdotium exercendum, neque debet hoc permittere principans: nam ex hoc contingeret insufficientia ciuitati eorum quæ per alia officia procurari necesse est. Verum ad talia debet principans determinare personas, partium quoque seu officiorum ipsorum, quantitatem & qualitatem secundum numerum & potentiam & huiusmodi reliqua, ne propter ipsorum excessum inuicem immoderatum, contingat Politiam solui, propter quod 5. Politicæ, cap. 3. dixit Aristoteles: *Fiunt autem & propter excrescentiam qua præter proportionem, transmutationes Politiarum. Sicut enim ex partibus corpus componitur, & oportet augeri proportionaliter ut maneat mensuratio: si autem non, corrumpitur: si enim non solum secundum quantum, sed & secundum quale crescit propter proportionem. Sic & ciuitas componitur ex partibus, quarum sæpe latet aliqua excrescens, velut egenorum multitudo in democratiis, & * sacerdotium in lege Christianorum.* Idem dixit etiam tertio Politicæ, cap. 8. cuius omitto seriem propter abbreviationem sermonis. Debet rursus pars hæc, principans scilicet,

licet, auctoritate sua secundum legem præcipere iusta & honesta, & his contraria prohibere, tam opere, quam sermone, præmiis aut pœnis afficiendo merita vel demerita, obseruantium aut transgredientium præcepta legalia. Quo modo conseruabit in esse debito vnamquamque partium ciuitatis, & à nocumentis ac iniuriis præseruabit: quod si patiatur aut agat iniuriam ipsarum aliqua, curari debet per principantis actionem, inferens quidem iniuriam, sustinendo pœnam. Est enim pœna sicut medicina quædam delicti. Vnde 2. Ethic. cap. 3. *Monstrant autem & pœna facta propter hoc* (id est, propter delectationes, quæ habentur in male agendo) *medicina enim quædam sunt*. Cui vero illata fuerit iniuria curabitur, * emendam recipiendo, quomodo reducentur omnia ad conuenientem æqualitatem aut proportionem. Amplius conseruat hæc pars reliquas ciuitatis partes, ipsasque adiuuat in ipsarum operibus tam propriis quam communibus exercendis. Propriis quidem vt quæ prouenire habent ab officiis earum propriis; communibus vero, vt communicationibus quæ sunt ipsarum inuicem, quorum vtraque turbarentur, principantis actione cessante à violentorum correptione. Et propterea nunquam debet actio principantis in ciuitate cessare, quemadmodum nec actio cordis in animali: nam licet actiones aliarum partium ciuitatis, aliquo tempore cessare possint absque nocumento singularis personæ, collegii vel communitalis, vt actio militaris tempore pacis; similiter quoque reliquarum partium: huius tamen partis & suæ virtutis nunquam cessare potest actio sine nocumento. Quacumque enim hora vel momento durare oportet, præceptum & communem custodiam de licitis & prohibitis secundum legem, & quandocumque fiat illicitum aut iniustum, oportet principantem talia regulare perfecte, vel illa exercere quæ præuia sunt ad talia regulanda. Ex prædictis autem apparere potest sufficienter ordo partium ciuitatis inuicem, quoniam propter prin-

cipere & iniusta prohibere, & & verbis: præmiis & pœnis.

Nam pœna peccati medicina.

** Id est, multam.*

Princeps nunquam ab officio cessare debet.

Conclusio ca-
pituli.

cipantem & ad ipsum tanquam omnium primum ordinantur omnes pro statu præsentis seculi. Nam pars illa in ciuili communitate omnium prima est, quæ ceteras instituere, determinare, ac conseruare in statu & pro statu præsentis seculi seu fine ciuili; pars autem principans secundum humanam legem est illa, ut iam probabili & demonstratiua ratione conclusimus. Est igitur aliarum omnium prima, & ad ipsam ceteræ ordinantur. De causa quidem igitur effectiua electionis partis principantis: similiter autem & reliquarum partium ciuitatis institutione, ac ipsarum inuicem ordine, determinatum sit hoc modo.

CAPVT XVI.

Virum magis expediat Politia certum aliquem monarcham cum tota posteritate imperio præficere: aut nouum subinde eligere?

Questio & ar-
gumentum ca-
pituli.

1. Opinio, satis monarcham hereditario in re, quam populi suffragiis creari

1. Ratio. Nam rempub. magis curabit: quia ei propria.

EST autem dictis cognata dubitatio, an videlicet magis expediat ciuilitur viuentibus, monarchamque sibi ex electione præficientibus hunc statuere principaturum cum omni sua posteritate, quam generis successionem vocare solent, vel illum pro sola eius periodo ad principatum assumere, corrupto vero, vel aliter à principatu iuste priuato, nouam vicissim semper electionem facere de futuro. Quibusdam quidem enim visum est potiore esse priorem institutionem propter apparentiam quandam. Primum namque propterea, quod monarcha succedens ex genere, remp. magis curabit, tanquam sibi quasi propriam & hæreditariam, non sic autem monarcha, cui proprium hæredem principaturum fore non constat. Vnde 2. Politicæ, cap. 2. circa medium inquit Arist. *Minime enim curam sortitur quod plurimorum est commune, de propriis enim maxime curant,*

curant, de communibus autem minus quam quantum unicuique attinet. Et rursum eodem cap. circa finem: Duo enim sunt quæ maxime faciunt sollicite curare homines & diligere, proprium & dilectum. Amplius eiusdem 3. cap. inquit: Adhuc autem & ad delectationem inenarrabile, quantum differt putare aliquid proprium esse. Ad quæsitum vero principale rursum, quoniam successores monarchæ minus despotizare videbuntur subditis, quam nuper electi, propter principatum ipsos assueuisse, nilque sibi nouum euenisse putantes, propter quod amplius extolli debeant, & contemnere subditos. Nouiter autem semper electos quemadmodum ditatos nouiter, plerumque superbire contingit. Vnde 2. Rhetoricæ, cap. 16. *Diuitias autem qui assequuntur mores, leuiter est videre omnibus, contumeliosi enim & elati, patientes aliquid à possessione diuitiarum: tanquam enim habentes omnia bona sic disponuntur.* Amplius ad idem, quoniam succedentibus in principatu ex genere, magis obedit subiecta multitudo propter assumptam præcessoribus obediendi consuetudinem: Vnde* 2. philosophiæ primæ, finali cap. *Vt consueuimus ita dignamur.* Et 2. Politicæ, cap. 6. circa finem: *Non tantum proderit qui mutauerit, quantum nocebit principibus rebellare assuescens.* Cum aliis quæ de consuetudine dicentur 18. huius, parte sexta.

2. Minus eris
superioris,
quia regno as-
suetus.

3. Magis para-
bunt subditi:
quia eorum
maioribus as-
sueuerunt.
* Metaphys.
lib. 1. breuiori
cap. 3.

Adhuc etiam ad quæsitum, quoniam genus aliquod, tale vel tantum beneficium reliquæ multitudini contulisse, contingit, aut in tantum reliquos ciues virtute præcellere, vel propter vtrumque, vt semper principari, nūquam vero sit subiici dignum. Vnde 3. Politicæ suæ, capitulo 10. inquit Aristoteles: *Quarta autem species monarchiæ regalis, quæ secundum heroica tempora, voluntaria & patria facta secundum legem. Quia enim primi fuerunt benefactores multitudinis secundum artes, aut bellum, aut quia collegerunt, aut emerunt regionem, facti fuerunt reges voluntariorum, & successive sumentibus patrii. Quod etiam expresse magis inducens eiusdem 12. inquit: Cum igitur sit genus totum, vel aliorum unum acci-*

4. Interdum ge-
nus aliquod
virtute aut be-
neficiis tantope-
re excellit vt
perpetuo dignū
sit imperio.

74. DEFENSORIS PACIS

derit esse differentem secundum virtutem tantum, ut excedat qua illius, eam qua aliorum omnium, tunc iustum est genus hoc esse regale & dominans omnium, & regem unum hunc. Sic etiam quinto Politicæ, cap. 10. repetens idem, ait: Regnum quidem enim ad auxilium quod à populo Epieikeis factum est, & instituitur rex Epieikorum, qua secundum excessum virtutis vel actionum qua à virtute, vel secundum excessum talis generis. Amplius per successionem me-

3. Melior est: quia maiori ad virtutem indole:

lior princeps habetur, eo quod tales ad virtutem amplius inclinantur, quoniam ex strenuis parentibus prodeunt magis. Vnde Aristoteles secundo Politicæ suæ, poetæ cuiusdam Theocleti inducens ex ecloga sermonem, inquit: Ex ambabus diuinis progenitoribus radicibus, quis utiq; dignificauit adducere seruum? parum infra subiungens. Dignificant enim quemadmodum ex homine hominem, & ex bestiis fieri

6. Et melioribus imbutus & assuetus moribus:

bestiam, sic & ex bonis bonum. Et rursum, quoniam talis plerumque meliori consuetudine ductus est.

7. Nec in obnoxius difficultatibus, quibus electus.

Vnde Aristoteles primo Rhetoricæ suæ, cap. 13. Verisimile enim ex bonis bonum, & sic nutritum talem esse.

Rursum ad primum quæsitum, quoniam principatus succedentis ex genere, non eas patitur difficultates, quas semper vicissim nuper electus. In hoc enim nouiter electo videlicet, accidit difficultas habendi studiosos electores, quos ad bonam electionem habere necesse est, atque difficile. Amplius & quoniam adiuuentos non discrepare inuicem, difficile. Sicque discrepantes, dubium est in seditionem vniuersam deducere Politiam. Quemadmo-

Exemplum ab electione Cæsarii.

dum monstrat experientia in electione noua principis Romanorum. Adhuc etiam, quoniam humanæ mentes in malum plerumque sunt pronæ, propter quod amore vel odio, prece vel precio aut alterius commodi vel difficultatis spe non semper ab electoribus melior principans, sed fortasse rarius assumetur.

8. Melius illi consultitur: quia eius mores notiores.

Amplius ad primum quæsitum, quoniam monarchæ succedentis ex genere facilius est morem cognoscere per ciues & consules, quoniam vnicus & determinatus est, quam nouiter eligendi,

qui

qui determinatus non est. Plurimi namque sunt ciues, quos per electionem possibile est ad principatum assumi. Facilius autem esse vnici morem nosse quam plurium. Principis vero, cui per consilium aliquid suaderi oportet, ipsumque dirigere, quantumcunque prudentem, expedit morem agnoscere. Vnde 1. Rhetoricæ, cap. 8. *Morem enim vniuscuiusque maxime persuasuum.* Rursum quoniam monarcham per successionem assumere, subditorum ambitionem, temeritatem, seu præsumptionem, atque seditionis concitationem videtur auferre. Scientes namque sibi nunquam principatum deberi, neque ad illum rationabiliter peruenire se posse, nequaquam ad illud anhelant subditi, nec propter illum obtinendum quicquam machinantur sinistrum, quæ tamen satagunt ad ipsum rationabiliter peruenire potentes atque credentes, quemadmodum contingit quibus semper monarcha nouus vicissim eligitur. Vnde Tullius De officiis libro primo: *Molestum est quod in maximis animis, splendidisque ingeniis plenumque existunt honoris, imperii, potentia, & gloria cupiditates.* Dignificantes enim hi seipsos principatu propter aliquod vel aliqua bonorum excellentium, procurant eligentium sibi vota, prece vel precio, aut altero quouis illicito modo.

9. *Ac seditionibus minus obnoxia.*

Amplius quoniam electus monarcha, non transmittens principatum in posteros, inuidebit iustificare potentes, quamuis legem transgressos, & præsertim occidendo vel aliter in corpus plectendo, formidans ipse propriis hæredibus, fortassis non principaturis inde odia vel graues inimicitias & iniurias prouenire. Hæc autem non habet dubitare monarcha succedens ex genere, propter quod secure atque complete in qualescunque legum transgressores iustitiam exercebit.

10. *Sincerius & constantius iudicia exequitur.*

Rursum quoniam plures & in pluribus regionibus ac populis & plurium tempore, perfectior est modus assumendi monarcham: quoniam qui magis naturalis, magis perfectus, magis naturale autem

11. *Regionum plurimarum, longo tempore usus.*

quod in pluribus est. *Natura namque rerum est, quæ in pluribus & plurimo tempore inest*, ut in tertio Cæli & mundi, & 2. Physicæ etiam scriptum est, ex inductione palam. Sic autem habet modus per generis successionem, assumendi monarcham ad eum aliqui per nouam semper electionem futurum assumere, ut in pluralitate monarcharum, regionum & populorum, monstrat inductio, & in temporum descripta per historiographos gesta declarant. Demum vero, quoniam principatui monarchæ successoris ex genere amplius similis est regimini seu principatui vniuersi, cum in vniuerso semper vnicus intransmutabiliter extet, ut in 2. *Philosophiæ, cap. finali, *Vnus ergo princeps propter entia nō velle male disponi*. Sic autem vbi filius in principatu succedit parenti, euenire videtur propter generis vnitatem. Et quoniam pater filio eadē quasi persona censetur. Ex determinatis autem à nobis 14. huius, Suppositionem accipientes, oportere futurum monarcham quemlibet prudentem & bonum esse secundum moralem virtutem, præcipue iustitiam, quasi excellenter ad reliquos ciues: Amplius & cum his suscipientes, quæ de diuersitate inclinationum & dispositionum in gentibus & regionibus ad regiminum diuersitatem diximus nono huius, parte 10. Credendum opinor, melius esse simpliciter reipublicæ propter ciuilem vitæ sufficiētiam, monarcham quemcunque futurum per nouam electionem statuere, quam ipsum per generis successionē assumere. Quoniam secundum hunc quem potiores diximus modum instituendi monarcham, semper aut raro deficiens erit sumere monarcham, haberi tunc possibile optimum, vel saltem sufficientem siue perfectum. Ab electione namq; legislatoris humani quasi semper (raro deficiens) intenditur & perficitur commune cōferens ciuium, quemadmodum ostensum est 13. huius, quorum quasi maximum est monarcha sufficiens, ut docet experientia, & ratione deductum est 14. huius. Talem autem sic certitudinaliter dare non potest natalis, & plerumque fortuita success-

12. Similitudo
gubernationis
mundi.

* Metaph. 11.
cap. 10.

Ad 2. sentent.
transitio, præ-
missu duabus
hypothes.

2. Sententia au-
toru: Electio-
nem re: pub.
vt: liorem.

1. Ratio: Quia
hoc modo nun-
quam bonus
princeps de-
erit:

Quod heredi-
tas præstare
non potest.

successio, vt per singula regna sic monarcham suscipientia, ex inductione palam.

Amplius quoniam id bonum omne, quod in monarcha simpliciter requisitum, dat generis siue natalis successio, noua quasi semper exhibebit electio, quamuis econuerso non tamen. Eundem enim hæredem & successorem monarchæ prioris, potest ciuilis multitudo per electionem assumere, si fuerit studiosus & prudens; qui si non sic dispositus extiterit, studiosum & prudentem alium noua dabit electio, qualem tamen successio generis dare nō potuit. Rursum propter futuri monarchæ nouam electionem redditur præsens amplius diligens ad communem personarum & rerum ciuilem custodiam. Propter virtutem siquidem *primum*, quoniam ex electione hūc talem supponimus, *deinde* vero metu correptionis per futurum monarcham: Et *rursum*, vt mereatur ipse pro successoribus electionem futuram: quos etiam propterea disciplinatos & studiosos effici magis curabit, ipsique hoc attendentes ad virtutes & ipsorum opera intendent ampliori conatu. Vnde verisimile, parenti similes effectos virtute ac propter illius meritum, & eidem ex consuetudine obedientiam præstitam per electionem nouam, quamdiu tales successerint, ad principatum assumi. Est autem, quam diximus in hoc, sententia philosophi 1. 2. 3. & 7. Politicæ, cap. 6. & 8. 2. & 9. atque 12. Contraria vero his soluere tentantes, ad primum inducebatur, monarcham per generis successionem assumptum, magis curaturum commune conferens siue rempublicam quasi propriam & hæreditariam illi: dicendum, id amplius facturum monarcham ex electione noua semper assumptum, quoniam hunc constat sepius esse prudentem & bonum, vt inductione palam. Quem enim studiosum producit successio, assumere semper potest electio, quamuis econuerso non tamen. Hic autem agens secundum suam monasticam & ciuilem virtutem, propter optimum in hoc seculo, virtutis opus scilicet, ac propter extrinsecum consequenter honorem & famam, sibi & suæ memo-

2. *Quæ ex hæredem oriuntur bona ea elect. communia: non contra.*

3. *Hinc princeps fit diligentior in officio.*

Ad prioris sententiam rationem primam responsio.

riæ atque posteritati quærendam, æque aut amplius curabit rempublicam siue communem, monarcha succedente per genus, qui prænosces posteritatem successuram in principatu, si non studiosus extiterit, plerunque talia non attendit, & sui correptionem, si deliquerit minus formidat. Et quod addebatur monarcham per generis successionem, futurum despotizare minus eo, qui per nouam electionem vicissim assumitur, negandum utique. Despotia namque debenti politice principari, ab imprudentia, malitia, vel utroque contingit, Et his adice, præsertim cum quis sperat impune malum agere posse, Nuncautem ex noua sumptus electione monarcha, ut plurimum prudentior & melior est eo qui per generis successionem assumitur, propter quod amplius obseruabit seipsum à malo propter virtutem. Rursum & quoniam id minus impune facere potest, & facilius corrigi eo, cuius est in principatu determinata successura posteritas. Quod autem de nouiter dictatis exemplum adducitur, nihil ad rationem hanc obuiare videtur. Quoniam id de fastu seu aliorum contemptu patiuntur dictati nouiter, ignorantes & more peruersi, adueniente illis instrumento, diuitiarum scilicet copia, per quod opus secundum ipsorum malitiam explere possunt, quamuis diuitiæ secundum ipsarum naturam ad bonum & vitæ sufficientiam huius seculi determinatæ sint amplius, quam ad horum opposita, ut palam ex i. Politicæ, cap. 6. 7. & 8. sic etiam & principatus. Vnde aduenientibus his viris prudentibus & studiosis, quales sæpius noua dabit electio, quam natalis successio, non eueniret hinc despotia vel fastus, sed opera laudabilia, in quæ non potuit exire studiosus, dum talibus caruit instrumentis. Accidit autem sic opponentibus concedere, à primo electo, quamquam cum illius successione subiectam multitudinem pati despotiam. Ipse enim quoniam electus nouiter à progenitoribus non habuit principatum, ideoque secundum disputantis rationem, patietur ipse de fastu & subditorum contemptu, propter nouæ rei aduen-

Ad secundam.

Imperiosi regiminis causa.

Ad exemplum.

aduentum, quod nouiter patiuntur dictati. Eius tamen oppositum secundum veritatem dicere conuenit aduersantem, quoniam propter huius electi primi excellentem virtutem aut beneficium, impensum ad reliquam multitudinem, successoribus posteris tanquam propter ipsum studiosis conceditur principatus, vnde studiosus ipse magis. Semper enim iuxta * sapientis gentilis oraculum. *Propter quod vnumquodque est & illud magis.* Id vero quod de obedientia subiectæ multitudinis inducebatur, quamquam inter cetera singulariter attendendum non vrget concedere, futurum monarcham nouiter electum semper minus esse præstantem eo, qui per generis successionem assumitur. Quamuis enim ex consuetudine confirmetur obedientia, videmus tamen ex nouitate maiorem admirationem & reuerentiam, præsertim cum ex electione noua fuerit princeps assumptus ex alia regione siue provincia, Rursumque quoniam obedientiæ consuetudo simpliciter attenditur in comparatione ad leges & principatum, ad personam vero principantem secundum quid. Vnde videmus semper omnes animo & opere reuereri principatum & leges, quamuis animo quandoque propter insufficientiam, personam principantem contemnant, econuerso non tamen. Propter quod cum vbique quasi subiecta multitudo assueta sit legibus & principatibus obedire: non tantum nocet personæ principantis mutatio secundum genus, quantum prodest ex electione noua sufficientia eius, ex cuius reuerentia propter virtutem ad principatum & leges obedientia crescit. Signum autem sufficere obedientiam, quæ ad principatum & leges est, quod in ecclesiastica Oeconomia de Romano Papa videmus. Ipsi namque subiecta multitudo quasi semper obedientiam debitam, * & amplius * *Papas plus debita præstat.* Cuius quidem causam assignabimus iusto coli. primo, 2. parte, 1. Ex qua siquidem abundanti obedientia, principantem despotizare quandoque contingit, propter speratam impunitatem * quemadmodum iam quibusdam dictorum episcoporum occasio.

* Aristotelis,
Ad tertiam.

* Quod tyrannidis eorum occasio.

* Cap. 6. euenisse videmus. Et quod dixit Arist. 2. Politicæ: *
Nō tantum proderit qui mutauerit, &c. intentionem
 habet in his, qui ex occasione qualibet, quamuis le-

Ad quartam. bum Aristot. 1. Politicæ, cap. 12. *Quod genus aliquod
 tam excellens virtute aut beneficio ad reliquam multi-
 tudinem reperire contingit, ut idem dignum sit princi-
 pari, non subiici.* Esto id aliquo tempore fortasse et-
 iam alicubi verum esse, quamuis non plerumq; vbi-
 que hoc reperire contingat. Vnde Aristot. 2. Rhetor-
 icæ, 15. cap. *Generosum autem fuit secundum degene-
 rasse à natura. Quod quidem ut in pluribus non acci-
 dit nobilibus: sed sunt multi levis valoris. Fertilitas
 enim quadam est in generibus virorum, quemadmo-
 dum in his quæ per regiones fiunt, & aliquando si sit
 bonum genus, fiunt per quoddam tempus viri superflui,
 (id est, excessiui virtute) & demum iterum suspendun-
 tur, id est, deficiunt. Degenerant quoque quidam be-
 ne nato genere in insaniore mores, velut ab Alcibiade,
 & qui à Dionysio priore: id est, qui descenderunt ab
 his viris Alcibiade & Dionysio priore, quamuis illu-
 stribus, degenerauerunt: propterea dicendum, quod
 ex hoc solo genere quamdiu suæ nobilitatis dura-
 bit fertilitas, & legislatori videatur expediens, con-
 uenienter ordinari seu statui potest per electionem:
 assumi monarcham vicissim tamen nouum, quan-
 docunque defecerit prior, ut ex eodem genere me-
 lior habeatur. Non enim constat, quales monarchæ
 futuri sint nati, & præsertim primus eorum, quem
 vbiq; quasi suscipientes ex successione monarcham
 ad principatum assumere semper solent. Amplius
 quoniam etsi tale genus illustrium virorum quan-
 doque repertum sit in aliquibus prouinciis, & circa
 ipsarum originem propter esse paucitatem pruden-
 tum studiosorum, eligentium & eligendorum, non
 tamen id semper videmus, quinimo perducta com-
 munitate ad complementum vltimum, ut ea quæ
 Romanorum, apparet principaturum quemcunque
 ad principatum per nouam electionem assumi de-
 bere, tanquam per regulam certiore & perfectio-
 rem,*

rem: quamuis enim principatus qui per generis successionem assumitur, quibusdam regionibus etiam si pluribus conuenire videatur, non tamen hæc species institutionis propterea perfectior est ea, quæ nouæ vicissim electionis. Sicut neque fabrilis habitus, quamuis in pluribus reperiatur regionibus aut suppositis, perfectior est medicinali. Ea vero propositione concessa, quod magis ad virtutem inclinatur frequenter, & meliori consuetudine ducitur, qui ex strenuis parentibus traxit originem: dicendum quod his amplius in dispositione assumendi monarchæ dare potest electio noua successionem natali: quoniam non solum inclinatum ad prudentiam & virtutem, qualem dat natalis successio, verum etiam iam perfectum & actualiter operantem secundum virtutem, talem autem præstantius est ad principatum assumere, qualem in posse aut agere secundum actum non sit, frequenter exhibet, quæ per genus successio. Quod autem aduersum nouitatem electionis induximus inter cetera singularius formidandum atque cauendum, difficultas scilicet, qua patitur à studiosorum carentia, per quos solummodo debet electio fieri, & hoc amplius ipsorum discrepantia, propter quam politiæ seu ciuilitati periculum schismatis imminet. Rursumque horum affectio sinistra, propter quam quomodocunque susceptam, concorditer possunt ipsi vel ipsorum pars valentior prauum eligere principantem. Dicendum utique, quod ea electio per quam principans cum omni sua posteritate seu successionem ad principatum assumitur, primam iam dictarum difficultatum, iterata electione cuiuslibet monarchæ futuri patitur amplius. Eo quod circa politiarum originem, minor est prudentum pluralitas. Ex quorum siquidem debilitate contingens error in eligendo, multum lædet politiam, quoniam diuturnius. Quæ vero schismatis adducitur dubitatio, quamuis super omnes instantias attendenda, non vrget electionem nouam futuri monarchæ, minus præstantem ea, quæ vnica cum omni posteritate principaturum assumit.

*Ad quintam
& sextam.*

Ad septimam.

12 DEFENSORIS PACIS

*Ad exemplum
imperii Ro-
mani.*

Quoniam electio semper fit propter commune conferens, quod plerumque quasi semper etiam vult & perficit legislator humanus, ut demonstratum est 13. huius. Ad quem etiam huius electionis auctoritas pertinet, quemadmodum certificatum est 12. huius, & cap. præcedenti. Esto rursus cum disputante ad solos & studiosos electionem hanc pertinere. Non est verisimile neque verum in pluribus eos adinui- cem discrepare, quoniam prudentes neque corrumpi secundum affectum, quoniam studiosi, quæ ter- tia supra extitit difficultas inducta. Id autem exem- plum, quod de imperio Romanorum induximus ex difficultate, quam patitur propter electionem no- uam semper fieri de quolibet futuro monarcha: di- cendum difficultatem hanc ab electione tanquam per se causa minime provenire. Sed provenit per se difficultas hæc ex quorundam malitia, ignorantia, vel utroque, impredientium electionem atque pro- cessum principantis prædicti, de quibus quidem pertranseundum hic, quoniam de ipsis & eorum a- ctionibus, quibusque modis id hætenus fecerint & faciant, ac facturi sint, & propter quas causas 19. huius, 23. 24. 25. & 26. secundæ seriose dicetur.

Ad octavam.

Quæ vero fuit obiectio, quoniam facilius & certius bene consulendo dirigitur monarcha succedens ex genere, quam nova semper electione vicissim assum- ptus, phantasiam modicam habet: non enim si per- uersi moris esset monarcha, debent illi per consilia- rios suaderi, quæ secundum suum morem sunt, vel appetit, sed opposita magis. Verum monarcha supposito, qualem expedire in suppositionibus & veris probationibus diximus, quæ ad politiam seu commune conferens sunt, debent prudentes & studiosi, quales nobiscum supponit disputans futu- ros principantis consiliarios, illi simpliciter suadere. Quinimo dicetur, expediens fortasse magis, ipsos ignorare morem illius, ne ad ipsius illicitum placi- tum, propter eius gratiam aut fauorem sibi quæ- rendum, sed verum & commune conferens consu- lant. Hoc autem sufficienter norunt, habentes po- liticam

liticam prudentiam, propter quod non refert ad hoc monarchæ mos qualiscunque fuerit: debet enim illi semper ad politiam magis expediens suaderi. Amplius, esto, notitiam dispositionum monarchæ aliquid consiliariis conferre, propter ipsum certius posse dirigere: dicendum tamen, non tantum quantum per certitudinem quasi semper studiosum & prudentem habere monarcham, cuius siquidem etiam per consilium dirigendi morem attendendum per se, hoc ipso sufficienter consiliarius quilibet prudens cognoscere potest. Talem autem certius exhibet noua semper electio quam natalis successio, ut persæpe diximus. Vnde etiam attendendum, quod succedenti monarchæ per genus quandoque peruerso, magis obtemperant assistentes seu consiliarii, minusque increpare audent, aut illius correctionem tentare, propter futuram principari posteritatem ipsius. Et quod inquit Aristoteles primo Rhetoricæ, *Morem vniuscuiusque maxime persuasuum ad unumquemque*, potest concedi tanquam verum. Vt quod quisque secundum morem seu inclinationem suam desiderat, vehementius & facilius persuadenti credit id. Quod si tamen peruersum appetat, ut diximus, debet hoc illi minime suaderi. Adhuc, quod nec prætereundum silentio, & euenire videmus persæpe, monarcham, si non studiosus extiterit, peruersorum magis quam studiosorum plerumque sequi consilia, propter quod ipsum (quoniam certius) studiosum, per electionem nouam sumendum.

Et quod inducitur ex succedente per genus monarcha, ciuium ambitionem, temeritatem, seu præsumptionem, & ambitionem principatus indebitam magis auferri: dicendum quod non solum indebitum illis aufertur, verum etiam quod secundum rationem debetur, vnde illis seditionis mouendæ datur occasio. Attendentes enim ciuium plurimi super se monarchizare frequenter minus dignos secundum virtutem, & semper principatu priuari, aut non intantum vacant virtutibus quibus

Ad nonam.

principari sint digni, aut vacantes continuo, tamen priuari sibi quandoque debito principatu, iuste seditionem mouebunt: quam siquidem minime tentabunt mouere, sperantes ad principatum posse per electionem assumi tempore debito. Amplius, quoniam prudentes & studiosi entes non absque iniuria graui seditionem mouere tentabunt. Hanc autem non illis inferet legislator, aut principans studiosus, qualem semper quasi futurum diximus, qui per nouam electionem assumitur. Plurimum enim studiosus principans & legislator intendunt quod iustum, ut in 13. & 14. huius. Quod autem dixit disputans, ambitionem aut præsumptionem fore ciuibus appetere principatum, non recte dixit; quoniam studioso & sic bene merito appetere principatum debito tempore, non est ambitio, superbia, neque præsumptio, sed magnanimitatis atque virtutis politicæ opus appetere. Propter quod Aristoteles 4. Ethicorum testatur; *Magnanimum non inconuenienter aut præter virtutem appetere magnos honores.* Quod autem dixit Tullius De officiis libro 1. *Molestum esse quod in maximis animis*, &c. si verum dixerit, veritatem habet, dum talia desiderantur indebite, in quanto vel quali aut reliquis modis præter rationis normam & regulam. Quod autem post hæc inducebatur, quod non transmittens principatum ad heredes monarcha, in audebit iustificare aut punire potentes, personaliter saltem, & extremo supplicio, propter timere ipsorum maleuolentias ad proprios natos. Dicendum, non timere, propter animo fortem esse talem electum. Et quoniam iustificati potentes, si secundum legem & ipsorum demerito passi fuerint, aut odium non concipient ad monarcham & natos illius, aut debile, non quærentes vindictam. Norunt etenim ipsi iustitiam fieri oportere per illum vel alium principantem. Qui si tamen id cum appetitu vindictæ conceperint, propter ipsorum ignorantiam, malitiam, aut vtrumque, ad vindictam non audebunt prorumpere metu legislatoris & reliqui principantis, à quo velut à prædecessore, rursum

Ad decimam.

sum puniri verisimiliter dubitabunt. Ei vero litigio- *Ad undeci-*
 ſæ rationi., quoniam in pluribus regionibus & in *mam.*
 plurimo tempore, cum ſucceſſione generis monar-
 chæ per electionem videntur aſſumi: dicendum, for-
 taſſe non ſic ſecundum veritatem habere, ſecundum
 temporis plurimum. Eſto tamen ſic eſſe, quemad-
 modum diſputans ſumit. Quod autem annectit,
 principatum hunc eo naturaliore atque perfectio-
 rem, negandum. Et cum inducit Ariſtotelis testimo-
 nium ex libro 3. Cæli & mûdi, ac 2. Phyſicæ, *quoniam*
natura rei videtur quæ pluribus & plurimo tempore
ineſt: dicendum vtique verum eſſe, quod natura-
 lius ſit ens quam eius priuatio vel orbatio, non ta-
 men naturalius quocumque alio ſibi ſpecie diuerſo:
 ſic enim faber perfectior eſſet primo philoſopho, &
 fabrilis prima philoſophia vel alia ſpeculatiua qua-
 cunque: quod tamen, vt pridem diximus, neque ne-
 ceſſarium eſt, neque verum. Nunc autem electa ſem-
 per nouiter monarchia, non eſt priuatio ſuccedentis
 ex genere, nec econuerſo, ſed ſpecies inuicem diſpa-
 ratæ, ſimul in eodem incompoſſibiles reſpectu eius-
 dem multitudinis ſeu communis perfectæ. Sunt
 autem & alia fortasſe peccata orationis prædictæ, quæ
 conſideranti reliquimus, & aſſignare omiſimus pro-
 pter abbreviationem ſermonis. Ad eam vero qua *Ad duodeci-*
 omnium nouiſſime aſtruebatur, monarcham ele- *mam.*
 ctum cum omni poſteritate præſtantiorem, propter
 eius ſimilitudinem vnitatis ad principem vniuerſi.
 Dicendum, non tantum attendendû huius veritatis
 ſimilitudinem, quamvis æqui-uocam quaſi quan-
 tum ſecundum animam, ſeu animæ habitum, eſt at-
 tendenda perfectionis cõformitas. Eſt enim hæc præ-
 cipua cauſa propter quam debet quis ad principa-
 tum aſſumi, non ſimilitudo generis, ſecundû quam
 ſolum attenditur vnitas corporalis diſpoſitionis per
 ſe, non autem habitus animæ, propter quem per ſe
 alicui principatus debetur. Secundum hanc autem
 perfectionis vnitatem ſiue ſimilitudinem amplius
 & ſæpius ſuo prædeceſſori & ſtudioſo monarchæ ac
 enti primo ſeu principi vniuerſitatis entium cõfor-

matur electus monarcha singulariter, secundum se-
ipsum quilibet, quam successor ex genere solo & pro-
pter alterius electionem, vt palam ex prioribus di-
ctis. Apparebunt autem & apparent fortasse vtrin-
que quam plures instantiæ, melius & deterius in sin-
gulis ad politiam considerare volenti, quas tamen
magis attendendas aduertimus, in prædictis induxi-
mus. De perfectissimo itaque modo instituendi mo-
narcham, sic pertransiuisse sufficiat.

C A P V T X V I I.

*Vnum in regno aut ciuitate principatum,
statuendum: & qua ratione principa-
tus, ciuitas, eiusque partes vnum di-
cantur.*

*Scopus cap.
Vnum numero
supremum prin-
cipatum neces-
sarium,*

*ad reipub. salu-
tem:*

*sum secundar.
qui vnus non
est. subiecti. sed
adiuncti & ef-
fecti.*

*Sicut vnus sup.
princip. est
aristocr. &
polit.
vnius officii &
actionis ratione.*

HIS autem habitum erit dicere de principantis
seu principatus vnitatem. Ad quam siquidem in-
gredientes, dicamus; Quod in ciuitate vnica seu re-
gno vnico, esse oportet vnicum tantummodo prin-
cipatum, aut si plures numero vel specie (sicut in
magnis ciuitatibus expedire videtur, & maxime in
regno sumpto secundum primam significationem)
oportet inter ipsos vnicum numero esse supremum
omnium, ad quem & per quem reliqui reducantur
& regulentur, & contingentes in ipsis errores, per
ipsum etiam corrigantur. Hunc autem solummo-
do principatum, supremum scilicet, dico vnum nu-
mero, ex necessitate fore, non plures, si debeat re-
gnum aut ciuitas bene disponi. Idemque dico de
principante secundum illum, non quidem vnicum
numero principantem secundum suppositum hu-
manæ speciei, sed secundum officium. Est enim prin-
cipatus aliquis vnicus numero supremus & bene
temperatus, secundum quem principantur plures
homines vno, vt aristocratia & politia, de quibus di-
ximus octauo huius. Verum hi plures sunt vnus prin-
cipatus numero quantum ad officium, propter nu-
mera-

meralem vnitatem cuiuscunq; actionis prouenientis ab eis, iudicii, seu sententiæ, vel præcepti. nulla enim talium actionum prouenire potest ab ipsorum aliquo seorsum, sed ex communi decreto atque consensu eorum, aut valentioris partis secundum statutas leges in his. Et propter talem actionis numeralem vnitatem sic prouenientis, est & dicitur principatus numero vnus, siue vnico regatur homine siue pluribus. Talis vero vnitas actionum non requiritur in aliquo vno reliquorum officiorum seu partium ciuitatis: possunt enim & debent in vnoquoque ipsorum plures actiones consimiles, aut diuersæ specie, à diuersis in eis suppositis prouenire seorsum. Quinimo talis vnitas actionis in eis esset communitati & singulis importabilis & nociua. Sic itaque intellecta vnitate numerali principatus aut principantis, conuincere volumus, aut vnicum numero tantummodo principatum vel principantem esse in ciuitate vel regno, aut si plures, supremum omnium esse vnicum tantum numero, non plures. Hoc autem sic primum monstrabimus, quoniam si principatus essent plures in ciuitate vel regno, & non reducti seu ordinati sub aliquo vno supremo, deficeret iudicium, præceptum & executio conferentium & iustorum. Et ex his propter inuindictas iniurias hominum, pugna, separatio, & corruptio demum ciuitatis aut regni. Consequens autem istud est inconueniens maxime fugiendum: cuius quidem ad antecedens datum, pluralitatem scilicet principatum, consequentia potest euidenter ostendi. Primum quidem, quoniam legum transgressores iustificari rationabiliter nequeunt nisi vocati coram principante ad quæstorum seu ipsis obiectorum examinationem. Sed principatum supposita pluralitate, non reducta in supremum aliquem vnum (quomodo dicit ipsam disputans) nemo vocatus coram principante sufficienter poterit comparere. Est enim namque (sicut frequenter euenit) quod propter legis transgressionem aliquam vocetur aliquis respondere à pluribus principatibus,

Inde enim vnus princip. dicitur.

Quod in aliis ciuit. part. non requiritur:

imo noxiu.

Scopi capituli repetitio & confirmatio.

Ratio prima:

cuiusque confirmatio.

non sub inuicem ordinatis & pro eodem tempore (quoniam eadem ratione tenetur & potest vnus principatum vocare seu citare reum qua reliquus: & qua etiam ratione vocatus tenetur coram vno principatum respondere, ne contumax habeatur; eadem ratione coram alio vel aliis, si duobus fuerint ampliores) aut igitur coram omnibus simul apparebit, aut coram nullo ipsorum; vel coram quodam quidem sic, coram alio vel aliis minime. Coram omnibus autem simul & eodem tempore non; quoniam hoc est impossibile natura & arte. Idem enim corpus nō potest simul esse in diuersis locis aut pluribus simul loqui vel respondere, diuersa fortasse interrogantibus simul. Amplius esto quamuis impossibile vocatum coram pluribus principatibus comparere, simulque diuersa tacere vel respondere, ab vno tamen fortasse principatum de eodem crimine damnabitur, ab alio fortasse absoluetur, vel si ab vtroque damnetur, non æqualiter ab vtroque, propter quod emendare tenebitur & non tenebitur, aut si tenebitur, hoc erit in tanto, & ampliori vel pauciori, & sic in tanto & non in tanto. Vnde vel simul contradictoria faciet, aut nihil emendabit. Eadem enim ratione vnus principatus & alterius, debet obseruare præceptum. Coram vno principatum comparere magis quam coram reliquo vel reliquis, non habet aliquam rationem. Quod si tamen appareat coram vno, reliquis spretis, & ab illo fortassis absoluetur à culpa & pœna ciuili; à reliquis tamen damnabitur propter contumaciam. Sic igitur vocatus seu citatus, nec coram omnibus apparebit simul, nec coram quodam quidem sic, coram quodam quidem non, conuenienter poterit apparere. Relinquitur ergo, vt coram nullo principatu vocatus seu citatus debeat comparere, non igitur iustificari poterit. Est quidem igitur impossibilis ciuitati vel regno pluralitas talium principatum non subordinatorum inuicem, si debeat conseruari ciuile iustum & conferens.

Altera. Amplius, talium principatum pluraliter supposita,

sita, omnis cōmunis vtilitas turbaretur. Cum enim principantes frequenter præcipere debeant ciuium præcipue vacantium congregationem, propter communia conferentia inquirenda & determinanda, vel propter incommoda & emergentia pericula declinanda, vt volentium intrinsecus aut extrinsecus opprimere libertatem communem: qua quidem enim ratione conuenire tenentur ciues seu subditi vocati ad mādatum, ad locum & horam vnius talium principatum, eadem propter mandatum ad locum & horam alterius, cumque hora eadem, loca vero possunt esse diuersa. Et rursum, quod volet vnus principatuū proponere, diuersum forte ab hoc volet alter, cum tamen in locis diuersis esse simul, nec simul diuersa intendere possibile videatur.

Rursum contingeret ex hoc ciuium seu subditorum sectio, & oppositio, pugna, & separatio, demumque ciuitatis corruptio, volentibus quibusdam ipsorum vni principatum obedire, quibusdam vero alteri. Inter principatus quoque inuicem; propter velle supergredi quemcunque ipsorum ad alterum. Adhuc principatum ad ciues vel subditos sibi recusantes subesse. Et amplius principatibus dissidentibus, aut inuicem contendentibus, & iudice superiori carentibus, orirentur scandala supradicta. *Tertia.*

Rursum supposita pluralitate hac, erit aliquid maximorum secundum rationem & artem, otiosum atque superfluum. Nam per vnicum principatum, aut supremum vnicum, perfecte haberi potest quicquid ciuilis vtilitatis haberetur ex pluribus, absque nocumentis consequentibus pluralitatem ipsorum. *Quarta.*

Amplius horum sic supposita pluralitate, nullum regnum aut ciuitas erit vna. Hæc enim vnum sunt & dicuntur, propter vnitatem principatus, ad quem & propter quem reliquæ partes ciuitatis ordinantur omnes, vt etiam apparebit ex his quæ continuo dicturi sumus. Rursumque nullus erit ordo partium ciuitatis aut regni, cum ad nullam primam ordinentur, eo quod nulli subiici teneantur, vt liquido ap- *Quinta.*

paruit ex prioribus & supradictis rationibus, eritque ipsarum atque totius ciuitatis confusio. Eliget enim sibi quod quisque volet officium, vnum aut plura, nullo regulante nec talia separante. Tot quoque sequerentur ad hoc inconuenientia, vt ea non facile aut non possibile sit dinumerare.

Sexta.

Adhuc sicut in composito animali primum præcipiens & mouens ipsum motu, qui secundum locum est vnus (vt in eo libro qui De motibus animalium, apparet) quoniam pluribus existentibus his principiis & cōtraria vel diuersa simul præcipientibus, necesse foret animal aut in cōtraria ferri, vel omnimodo quiescere, & his carere, quæ per motum sibi necessaria quærentur & commoda. Sicque in ciuitate conuenienter ordinata : quam animali bene formato secundum naturam proportionaliter habere diximus 15. huius Ideoque velut in animali talium principiorum, otiosa, quinimo nociua foret pluralitas: eodem modo in ciuitate firmiter opinandum. Idem autem videre est, intendere volenti de primo alterante in animali, quemadmodum de mouente secundum locum, & in toto similiter ordine mouentium & motorum. Hæc autem præmittantur, quoniam ad naturale pertinent negotium magis : quantum autem sufficiens est, de ipsis diximus ad præsentem considerationem.

Septima.

• Capite 8.

Amplius, *quoniam ars omnino aliqua quidem perficit, qua natura non potest operari, alia vero imitatur, vt in secundo* * Physicæ scriptum est: in natura vero entium cum sit vnicum numero primum principans non plura, quoniam *entia non volunt male disponi*, sicut habitum est 11. Philosophiæ primæ. Vnus ergo erit tantum numero primus principatus secundum rationem & artem hominum institutus. Cum dictis autem rationibus est hoc videre, verum expediens & necessarium experientia cunctis sensata. Quoniam in quo loco seu prouincia vel hominū cōgregatione principatus, quomodo diximus, defecerit vnitas : hæc impossibile videtur bene disponi, quemadmodum de Romanorū regno quasi omnibus

bus euidenter apparet, & in procœmialiter dictis aliquo qualiter monstrabatur.

Vtrum autem vniuersitati ciuilitate viuientium, & in orbe totali vnico numero supremum omnium principatum habere conueniat: aut in diuersis mundi plagis, locorum situ quasi necessario separatis, & præcipue in non communicantibus sermone aut moribus, & consuetudine distantibus plurimum, diuersos tales principatus habere conueniat tempore quodam, ad hoc etiam forte monente causa cælesti, ne hominum superflua propagatio fiat, rationabilem habet perscrutationem, aliam tamē ab intentione præsentis. Videretur enim fortasse alicui naturam per pugnas & * epidemias hominum & reliquorum animalium moderasse propagationem, ut ad ipsorum educationem * arida sufficiat, in quo maxime sustentarentur, ducentes generationem æternam. Ad propositam tamen nobis redeuntes intentionem, dicamus, ex his quæ dicta sunt iam aliquo qualiter apparere, quæ sit numeralis vnitas ciuitatis aut regni, quoniam hæc vnitas est ordinis, non simpliciter vnitas, sed pluralitas aliquorum, quæ vna dicitur, vel qui aliquid vnum dicuntur numero, non propter hoc quod vnū numero sint formaliter per aliquam formam; sed vnum numero vere dicuntur, propterea quod ad vnum numero dicuntur, scilicet principatum, ad quem & propter quem ordinantur & gubernantur. Ciuitas enim aut regnū, non est vnorum per formam aliquam vnicam naturalem, ut compositionis aut commixtionis, quoniam eius partes seu officia, & harum partium supposita siue partes, sunt multa in actu & separata inuicem numero formaliter, quoniam loco atque subiecto. Vnde nec sunt vnum per aliquid formaliter inherens vnum, nec per tangens vnum, aut ea continens, velut murus. Roma namque cum Maguntia & reliquis communitatibus, sunt vnum regnum seu imperium numero, non aliter tamen nisi quia vnaquæque istarum ordinata est per voluntatem ad vnum numero principatum supremum. Quo etiam quasi modo

Quæstio, sitis digna: sed a proposito aliena.

** Epidemias.*

id est, peregrinationes.

** id est. Terra.*

Ex præced. liquet regnum aut ciuit. vnum dici, non rat. vnius forme aut subiecti: sed adiuncti vnus principatus:

sicut mundus dicitur vnus.

mundus dicitur vnus numero, non plures mundi, non quidem propter formam aliquam vnicam numeralem formaliter vniuersis entibus inhærentem, sed propter numericam vnitatem primi entis dicuntur omnia entia vnus mundus, quoniam entium quodcunque naturaliter inclinatur, & pendet ab ente primo. Vnde prædicatio qua omnia entia dicuntur vnus mundus numero, non est formaliter alicuius vnitatis numeralis in eis omnibus, neque alicuius vniuersalis dicti secundum vnum, sed est pluralitas quorundam, dicta vnum, quia est ad vnum & propter vnū. Sic quoque vnius ciuitatis aut prouinciæ homines, dicuntur vna ciuitas aut regnum, quia volunt vnum numero principatum. Nec tamen propter hoc sunt vna pars numero ciuitatis, quæ sunt vnum regnum aut vna ciuitas numero, quoniam et si hic velint vnum numero principatum (propter quod dicuntur ciuitas aut regnum vnum) quia tamen ad hoc vnum numero per diuersam institutionem actiuam & passiuam referuntur, quæ non est aliud quam diuersum præceptum, eis à principante traditum, per quod diuersum, ad diuersa officia statuuntur. Ex cuius siquidem etiam diuersitate præcepti formaliter sunt isti, partes & officia ciuitatis diuersa. Dicitur autem quodlibet officiorum etiam numero vnum vel vna pars ciuitatis numero, non obstante pluralitate numerali suppositorum in ipsis, nec quidem per vnum numero inhærens, sed quoniam ad vnum præceptum actiuum principantis secundum legalem determinationem referuntur. Ex his autem quæ dicta sunt in hoc capitulo 9. 12. & 15. huius, cōcludi potest euidenti demonstratione, nulli personæ singulari cuiuscunque dignitatis aut status existat, neque collegio cuiquam conuenire principatum seu iurisdictionem aliquam cuiusquam in hoc seculo coactiuam, nisi per legislatorem diuinum aut humanum immediate sibi tradita fuerit auctoritas ista. Qualis quidem igitur esse debeat vnitas principatus, adhuc autem quæ numeralis vnitas ciuitatis aut regni, propter quid etiam dicatur, & sit

numero

*Quomodo partes ciuit. diuersæ sint:
& quomodo vnum.*

Corollarium.

numero vnum horum vnumquodque : amplius de numerali atque specifica vnitatem partium seu officiorum ciuitatis, ipsarumque ordine, distinctione, ac inuicem separatione, dicta sunt tanta.

CAPVT XIIII.

*An principum delicta iudicio coercenda sint :
à quibus: & quanam.?*

DICTVM est autem à nobis in prioribus, correctiones aut totaliter mutationes principatum, ad legislatorem pertinere, quemadmodum institutiones ipsorum, de quibus merito dubitabit aliquis, vtrum videlicet principantes expediat corrigere per iudicium & potentiam coactiuam. Et si expediat, vtrum propter excessum qualemcunque, aut solum propter quosdam quidem sic, propter alios vero minime. Adhuc etiam cuius aut quorum in ipsos sit talia ferre iudicia, & iudiciorum executiones explere per potentiam coactiuam, cum in prioribus dictum sit ad solos principantes pertinere, ferre ciuiles sententias, legumque transgressores per coactiuam arcere potentiam.

Nos autem dicamus, quod principans per suam actionem secundum legem & sibi datam auctoritatem, regula est atque mensura cuiuslibet ciuilis actus, quemadmodum cor in animali, vt satis ostensum est 15. huius. Quod si principans aliam formam non reciperet præter legem, auctoritatem, & desiderium agendi secundum illam, nunquam minus debitam, aut corrigibilem seu mensurabilem ab aliquo faceret actionem. Et ideo tam ipse quam eius actio sic esset mensura cuiuslibet ciuilis actus aliorum à se, quod nequaquam ab aliis mensuratus, quemadmodum cor bene formatum in animali. Quod quidem quoniam formam non recipit, per quam inclinatur ad actionem contrariam actioni, quæ proue-

*Princeps, quasi
ciuitatis regula:*

*Qui si perpetuo
rectus esset, cor-
rectione non in-
digeret.*

nire habet à virtute sua & calore naturali, semper conuenientem agit actionem naturaliter, contrariam vero minime, propter quod sic regulat & mensurat per suam influentiam seu actionem reliquas partium animalis, quod ab ipsis nullatenus regulatur, nec ipsarum influentiam recipit aliquam. Verum quia principans homo existens, habet intellectum & appetitum, potentes recipere formas alias, ut falsam æstimationem aut peruersum desiderium vel vtrumque, secundum quas contingit ipsum agere contraria eorum, quæ lege determinata sunt, propterea secundum has actiones redditur principans mensurabilis ab aliquo habente auctoritatem mensurandi seu regulandi secundum legem, ipsum aut eius actiones legem transgressas, alioquin despoticus fieret quilibet principatus, & ciuium vita seruilis & insufficiens: quod est inconueniens fugiendum, ut ex terminatis à nobis apparuit 5. & 11. huius. Debet autem iudicium, præceptum, & executio cuiuscunque correptionis principantis iuxta illius demeritum seu transgressionem fieri per legislatorem, vel per aliquem aut aliquos legislatoris auctoritate statutos ad hoc, ut demonstratum est 12. & 13. huius.

Verum quia interdum à lege deflectit, corrigendus est legitime ab eo cui ad lege mandatum:

ut tyrannus videtur: quia res pub. peius.
* Imperiosus.

Corrigendus autem pro merito:

sed differendum id, donec causa à legitimo iudice cognoscatur.

Debetorū principu diuisio: & quonā ac quomodo coercenda?

Nimirum quæcunque grania.

Conuenit etiam pro tempore aliquo, corrigendi principantis officium suspendere ad illum maxime aut illos, qui de ipsius transgressionem debuerint iudicare, ne propter tunc pluralitatem principatus contingeret in communitate schisma, concitatio, & pugna: & quoniam non corrigitur in quantum principans, sed tanquam subditus transgressor legis. Secundum hæc itaque ingredientibus ad quæsitās dubitationes dicamus, quod excessus principantis vel grauis est aut modicus, adhuc vel est de possibilibus euenire frequenter, aut raro tantummodo. Amplius vel est de lege determinatis, aut non. Si vero grauis fuerit principantis excessus, ut in rempublicam, aut in insignem vel aliam quamcunque personam, ex quo per correptionis omissionem, posset verisimiliter scandalum, aut populi concitatio generari, siue sit euenientium in pluribus siue raro, corrigi debet.

debet propter ipsum principans. Ex ipso enim non vindicato possibilis esset in populo concitatio, & politica turbatio atque solutio. Siquidem lege determinatus, secundum legem corrigendus, si vero non, secundum legislatoris sententiam, & lege debet determinari quantum possibile fuerit, ut ostensum est à nobis vndecimo huius.

Quod si principantis excessus parvus fuerit, aut est de raro euenientibus & à principante raro commissus, aut est de possibilibus euenire frequenter, & per principantem sæpe commissus. Quod si à principante raro committatur aut committi possit, debet potius sub dissimulatione transiri quam ex eo principans corrigi. Quoniam si ex quolibet excessu raro contingenti & paruo, corrigatur principans, contemptibilis redditur, quod in commune nocumentum non modicum redundans est: eo quod legi & principanti ex hoc ciues minus exhibent reuerentiæ atque obedientiæ. Rursum, quoniam non lente principe pro modico quolibet correptionem subire propter id sibi ad paruipensionem reputare, poterit inde oriri scandalum graue, cum tamen tale aliquid non sit in communitatibus refricandum, ex quo euidentis utilitas prouenire non potest, sed potius nocumentum.

Hæc autem fuit in hoc Aristotelis aperta sententia 2. Politicæ, cap. 6. cum dixit: *Manifestum, quod sinendum quadam peccata legislatoribus & principibus. Non enim tantum proderit qui mutauerit, quantum nocebit principibus rebellare assuescens.* Intellexit autem ibidem per legislatorem latam legem, quam si obseruare consueuerint homines, dicit non esse mutandam propter modicum ea corrigendum, sed sinendam, eo quod legum frequens mutatio robur ipsarum debilitat, consuetudinem scilicet obediendi atque seruandi, quæ præcipiuntur in ipsis. Vnde idem eodē libro & cap. *Lex nullum robur habet ad persuaderi præter consuetudinē; ut videlicet à subditis obseruetur maximū est cōsuetudo.* In quo etiam cōsimile est de reuerentia & obedientia principantis.

Ne ex impunitate seditio & res publicæ interitus oriantur.

Sed lenia, si quidem rara, dissimulanda:

ne princeps fiat contemptus:

ac si se opponat, res publica periculum creetur.

*Si vero crebra,
compeſcenda:*

*ad ſalutem rei-
publicæ.*

Si vero exceſſus principantis magnitudine modicus ſit, poſſibilis euenire frequenter, lege determinandus eſt, & in eo ſæpe delinquens principans per conuenientem pœnam debet arceri. Nam exceſſus huiusmodi quantumcunque modicus, ſæpe commiſſus, notabiliter læderet politiam, ſicuti & ſubſtantias (id eſt, diuitias) paruaſque expenſas conſumunt, ſæpe factæ. *Totum enim & omnia, non paruum, ſed componitur ex paruis*, vt ſcriptum eſt 5. Politicæ, cap. 8. De correctione itaque principaturi, & quibus ex cauſis, determinatum ſit hoc modo.

CAPVT XIX.

*Cauſa efficiens pacis aut diſcordiæ publicæ,
communis ac ſingularis: & ad ſecundam huius libri partem tranſitio.*

RELIQUVM autem & vltimum huius diſtinctionis eſt, ex prioribus determinationibus inferre cauſas tranquillitatis & ſui oppoſiti in ciuitate vel regno. Hoc enim fuit quæſitorum principale, ſecundum propositam nobis à principio intentionem. Et primum quidem oſtēdemus has cauſas in eſſe comuni, ſingularem ipſarum determinationem, quæ ſolito modo proueniunt ab Ariſtotele in quinto ſuæ Politicæ, ſupponentes. His conſequenter ſermonem faciemus determinatum in ſpecie de inſolita cauſa diſcordiæ ſeu in tranquillitatis ciuiliū regiminum, quam in dictis procemialiter dudum turbaffe diximus, vexare atque turbare continuo magis Italicum regnum.

Pacis ſeu tranquillitatis deſcriptio:

Reſumere autem oportet propter hæc tranquillitatis & ſui oppoſiti deſcriptiones iam dictas ſecundo huius. Erit enim tranquillitas bona diſpoſitio ciuitatis aut regni, qua poteſt vnaquæque ſuarum partium facere opera conuenientia ſibi ſecundum rationem & ſuam inſtitutionem. Ex qua quidem deſcriptione
apparet

apparet ipsius natura. Cum enim dicitur *bona dispositio*, notatur ipsius intrinseca quidditas generalis. In eo vero quod *per ipsam* dicitur *unaquaque partium ciuitatis posse agere sibi opera conuenientia*, significatur eius finis, qui etiam ipsius propriam quidditatem seu differentiam intelligere facit: ipsa vero, cum forma seu dispositio quædam sit ciuitatis aut regni; nec amplius vna quam regnum & ciuitatem esse dixerimus 17. huius, parte 11. & 12. non habet formalem causam (hoc enim proprium est compositorum) ipsius autem agentem causam facile comprehendere possumus ex dictis 15. huius, & aliis, quæ ipsam necessario consequentur in ciuitate vel regno: hæc nempe sunt ciuium conuersatio mutua, & communicatio ipsorum inuicem suorum operum, mutuumque auxilium atque iuuamentum, generaliterque suorum operum & communium exercendi ab extrinseco non impedita potestas, participatio quoque communium commodorum & hominum secundum conuenientem unicuique mensuram. Et cum his cetera commoda & desiderabilia expressa in oratione *Cassiodori*, quam posuimus initium huius libri. Quorum quidem omnium aut præcipuorum quorundam, contraria, intranquillitatem seu discordiam, illi oppositam, consequentur. Cum igitur actio debita principantis, sit omnium ciuium commodorum & prædictorum causa efficiens & conseruans, vt demonstratum est 15. huius, parte 11. & 12. erit ipsa tranquillitatis causa factiua: & hoc sensit Apostolus indubie, dum dixit ad Timotheum primæ, cap. 2. *Obsecro igitur primum fieri obsecrationes, &c. pro regibus & omnibus qui in sublimitate sunt, vt quietam & tranquillam vitam agamus.* Quod vero huius partis actionem per se impediuerit, ab eo ciuitatis intranquillitas seu discordia prouenit, tanquam causa factiua. Quæ, siquidem genere visa, etsi per plures species varietur & modos (de quibus Aristoteles ab actione solita prouenientibus sufficientem, vt dicere est, notitiam fecit in quinto ciuili scientiæ, quam Politicam diximus)

Et in quo explicatione.

Pacis genus 1

Finis: qui differentia:

Forma nulla quia non est res composita:

Efficiens ex consequentibus intelligitur: nempe per commodum ciuibus.

Quorum contrarium, discordiam patet.

Horum autem causa efficiens & conseruans est principis officium. Eoque & pacis.

Quod vero principis offici impedit, discordia causa.

Quæ generatur multiplex est ab Arist. explicata 1

98 DEFENSORIS PACIS

*Speciatim vero
singularis &
philosophi
ignota.*

** Capite pri-
mo huius
di.*

*Qua iam diu
Imperat. officio
obstitit : unde
discordia &
maiorum Iliac.*

*De qua acturus
ecclesiasticorum
minist. orig. &
poteft. diuinam
& hum. propo-
uit.*

*Christus salu-
tari doctrina
doctor.*

*Apost. sibi col-
legas adiunxit.*

*ut veris à Chri-
sto acceptam v-
biq; doceret.*

est tamen intranquillitatis seu discordiæ ciuitatum seu regnorum insolita causa quædam, occasionaliter sumpta propter effectum à diuina causa productum præter solitam omnem eius actionem in rebus, quæ utin dictis* procemialiter tetigisse meminimus, nec Aristoteles aut philosophantium alter sui temporis vel prioris conspiciere potuit. Hæc autem dudum hætenus & nunc amplius continuo actionem debitam principantis impediens in Italico regno, ipsum pace seu tranquillitate, ceterisque ipsam consequentibus, & iam dictis commodis priuauit & priuat, omnique incommodo vexauit & vexat, & quasi omnis generis miseria & iniquitate repleuit. Cuius quidem impediens singulariter causæ, propter consuetudinem malignitatis occultæ (secundum nobis à principio propositam intentionem) naturam in specie determinare debentes, reminisci oportet eorum quæ diximus sexto huius. Quod videlicet Dei Filius vna trium personarum verus Deus, propter delictum transgressionis primorum parentum, & consequenter totius humani generis lapsum reparandum, naturam assumpsit humanam, dudum post Aristotelis tempora, verus homo factus, & idem Deus simul existens: quem Iesum Christum vocatum, adorant Christiani fideles. Hinc, inquam, Christus benedictus Dei Filius, Deus & homo simul idem suppositum existens, inter homines Iudaici populi, ex quibus secundum carnem traxit originem, conuersatus est, veritatem credendorum, agendorum, & fugiendorum ad vitam æternam hominibus consequendam, & miseriam declinandam docere cœpit. Propter hæc tandem, Iudæorum malitia & insania, sub Pilato Pontio, Cæsaris vicario, passus & mortuus, resurrexitque à mortuis die tertia suæ mortis, postmodum in cælos ascendens, ante tamē propter humani generis salutem, quosdam sibi, dum viueret corruptibili vita, collegas in veritatis docendæ ministerium, quos Apostolos dicunt, assumpsit, & per vniuersum orbem quam docuerat, & ipsos instruxerat, veritatem prædicare præcepit.

Vnde

Vnde Matthæi 28. & ultimo, post sui resurrectionem dixit ad eos: *Euntes ergo docete omnes gentes, baptizantes eos in nomine Patris, & Filii, & Spiritus sancti: docentes eos servare omnia, quaecunque mandavi vobis.* Per hos inquam Apostolos (quorum nomina satis nota sunt apud Christi fideles, & alios quosdam) Christus legem evangelicam conscribi voluit, & per ipsorum dictamina conscripta sunt velut per organa quædam, ad hoc mota & directâ immediate diuina virtute, per quam siquidem legem, præcepta & consilia salutis æternæ in ipsius Christi atque Apostolorum & Euangelistarum absentia comprehendere valeremus. In qua etiam & secundum quam, sacramenta culpæ originalis & actualis mundatiua, diuinæ gratiæ factiua & conseruatiua, illiusque amissæ reformatiua, huiusque legis ministrorum institutiua, signauit & statuit. Huius quoque legis doctores, & sacramentorum secundum ipsam ministros primum instituit iam dictos Apostolos, ipsis per Spiritum sanctum auctoritatem huius mysterii conferens, quam sacerdotalem appellant Christi fideles. Per quam siquidem iisdem aut ipsorum successoribus in hoc officio (non aliis) potestatem contulit sub certa forma verborum ab ipsis & eorum singulis dicta, transubstantiandi panem & vinum in verum corpus & sanguinem eius. Cum hoc etiam ipsis auctoritatem soluendi atque ligandi homines à peccatis (quam dicere solent clauium potestatem) sibi que alios substituendi cum eadem auctoritate concessit. Quam etiam auctoritatem Apostoli quibusdam contulerunt: aut Deus per ipsos orantes & manus aliis imponentes. Sic quoque reliqui potestatem faciendi susceperunt, & consequenter fecerunt, faciunt, & facient vsque ad seculi consummationem. Quo etiam modo Apostolus Paulus Timotheum, Titum, & aliorum plures instituit atque instituere docuit. Vnde 1. ad Timotheum quarto: *Noli negligere gratiam qua in te est, qua data est tibi per Prophetam cum impositione manuum presbyteri.* Et ad Titum 1. *Huius gratia reliqui tibi*

ut in ea veram salutarem habueremus.

In qua Sac. & Euang creatio- nem sanxit:

& primos eius minist. Apost. data auctor. (ut vocant) sacerdotali.

Qua consistit, 1. in Transsubstantiatione,

2. Clauium potestate.

3. Minist. creatione.

Qua exemplis declaratur,

*Aequè hæc est
auctoritas sa-
cerdotalis diui-
nitus data.*

*Præter eam ve-
ro alia huma-
na,*

*qua alter in
cultu diuino
alteri præest.*

*Creta, ut qua defuncti corrigas, & constituas per ciuita-
tes presbyteros, sicut ego tibi disposui.* Et est hæc au-
toritas sacerdotalis & clauum siue vnica siue plu-
res, character seu forma quædam animæ per imme-
diatam Dei actionem impressa.

Præter hanc autem est auctoritas alia quædam sa-
cerdotii, humana concessione tradita, ipsorum mul-
tiplicato iam numero, propter scandalum euitan-
dum: & hæc auctoritas est inter ipsos vnus præemi-
nentia super alios dirigendos in templo ad cultum
diuinum, debite fiendum & ordinandum seu distri-
buendum de quibusdam temporalibus, quæ ad v-
sum ministrorum prædictorum statuta sunt. De
cuius quidem auctoritatis potestate factiua, & vnde
deriuetur, sufficienter dicetur 15. & 17. secundæ, quo-
niam non fit hæc per Deum immediate, sed per ho-
minum voluntatem & mentem, quemadmodum
officia cetera ciuitatis.

*Petrus autem
clauum pro-
missionem pri-
mus accepit.*

*Paulus deinde
Antioch. epi-
scopus.*

*& postea Ro-
ma: ubi mar-
tyr obiit.*

Sic itaque repetita & aliquantulum declarata mini-
strorum ecclesiasticorum origine, ac ipsorum officii
potestate factiua, oportet amplius attendere, quod
inter Apostolos CHRISTI prædictos, fuit vnus no-
mine Simon, cognomine vero Petrus, qui à CHRIS-
TO auctoritatis clauum promissionem primus ac-
cepit, sicut dicit glossa secundum Augustinum, Mat-
thæi 16. super illud CHRISTI oraculum: *Et tibi da-
bo claues regni calorum*, inquit glossa: *Qui præ ceteris
confessus est, IESVM CHRISTVM scilicet esse ve-
rum Dei Filium, præ ceteris dotatur clauibus*, id est,
ante ceteros. Hic siquidem Apostolus post CHRIS-
TI passionem, resurrectionem, & in cælum ascen-
sionem, peruenit Antiochiam, & ibidem factus fuit
Episcopus per populum, sicuti ex ipsius liquet historia.
Inde vero (ut habet historia supradicta, quæcunque
causa fuerit prætermissa, quoniam de hoc sunt di-
uersæ sententiæ) postmodum Romam profectus est,
& ibidem CHRISTI fidelibus præfuit episcopus,
tandem vero propter CHRISTI professionem &
diuinam prædicationem, obtruncato capite mor-
tuus est, & cum eodem, eadem hora & loco Paulus
Aposto-

Apostolus secundum supradictam historiam. Ex prærogatiua igitur quam hic discipulus seu Apostolus ad alios visus est habere (vt quia præ ceteris dotatus fuit clauibus, propter inducta scripturæ verba, & alia quædam **CHRISTO** singulariter sibi dicta, quæ etiam in sequentibus adducentur) Episcoporum aliqui post ipsum in Apostolica seu Episcopali sede Romana, maxime citra tempora Constantini Romanorum Imperatoris, se dicunt & asserunt præesse quantum ad omnimodam iurisdictionis auctoritatem, reliquis omnibus episcopis & presbyteris mundi: & ipsorum moderniores aliqui non solum his, verum etiam omnibus mundi principibus, communitatibus, & singulis personarum; licet hoc non æqualiter de omnibus exprimant, nec explicite dicant, vt de principe Romanorum Imperatore vocato, & cunctis prouinciis ac ciuitatibus & personis subiectis eidem. Huius quamuis secundum veritatem dominii, seu coactiuæ iurisdictionis in hunc principem expressio singularis, faciem & exordium primum sumpsisse videatur, ex quodam edicto & dono, *quod quidam dicunt* per Constantinum fuisse factum beato Syluestro Romano Pontifici. Quod quia donum seu priuilegium illud non habet hoc clare, aut quoniam ex post factis expirauit fortasse, vel etiam quia inualidum existens, ad reliquos mundi principatus, nec ad eum qui Romanorum in omnibus prouinciis illius priuilegii seu concessionis se virtus extendit: ideo postmodum iurisdictionem hanc coactiuam orbi vniuersalem, sibi alio quodam omnes comprehendente titulo moderniores Romanorum assumpserunt episcopi, *Plenitudine potestatis* videlicet, quam concessam asserunt per **CHRISTVM** beato Petro, eiusque successoribus in Romana episcopali sede, tanquam **CHRISTI** vicariis. **CHRISTVS** enim, vt aiunt, & vere, fuit Rex regum & Dominus dominantium, vniuersorum, omnium personarum & rerum. Quamuis ex hoc minime sequatur quod volunt inferre, vt in sequentibus certitudinaliter apparebit. *Est igitur huius tituli sen-*

Atq; hinc Papa sumit in omnes dominium probare nituntur.

Est illius origo ex fide Constantini donatione.

Sed quia ea non satis firmari nequit.

Plenitudinem potest. à Christo datam pretendunt.

Cuius tituli

sensus declaratur, *sus apud Romanos episcopos, quod sicut Christus plenitudinem potestatis & iurisdictionis habuit supra reges omnes, principes, communitates, collegia, & singulares personas, sic & ipsi qui Christi & beati Petri se dicunt vicarios, hanc habeant plenitudinem coactivae iurisdictionis, humana lege nulla determinatam.*

Et Paparum test. probatur: ac i. Clementis Quinti.

** Christus nō fuit rex Imperatoris Romani.*

2. Bonifacii octavi.

Atq. hac fraude vti Papa quosdam tyrannidi adversos excommunicaverunt:

Signum autem huius tituli plenitudinis suae potestatis, scilicet Romanos episcopos eum quem diximus intendere sensum, euidens est, quod Clemens quidam nomine, Clementium quintus Ro. episcopus sic eo utitur in quodam suo edicto seu decretali, de sen. & re iudi. libro 7. ad Henricum Henricorum VII. diuinae memoriae Romanorum Imperatorem nouissimum, dum ipsius felicis Henrici quandam reuocando sententiam, inter cetera protulit seriem, quod diximus de ipsorum sensu circa praedictum titulum exprimentem. Hanc vero inducere omisimus propter rei notitiam, & sermonis abbreviationem: & quoniam ad propositum magis inducemus 20. secundae, parte 8. * Cum igitur Christus non magis sit aut fuerit rex, & dominus Romanorum Imperatoris, quam regis aut principis alterius cuiuscunque, quinimo ipsorum aequae vel magis (quoniam & tempore Christi, Romanus princeps monarchizabat vbique terrarum) palam est huius tituli sensum ex eiusdem virtute radicis, ad omnes principatus extendi. Quem etiam per ipsum, Episcopos Romanos intendere, manifeste nos docet octavi Bonifacii Romanorum Episcopi, contra Philippum Pulchrum, clarae memoriae regem Francorum, attentatio contentiosa de his, & inde subsequuta eiusdem Bonifacii decretalis inducta 20. secundae, parte 8. Per quam siquidem omnem humanam creaturam coactiva iurisdictione subiectam fore Romano Pontifici, definit esse credendum de necessitate salutis aeternae. Hoc igitur modo ad haec ingredientes Romanorum Episcopi, primum quidem sub specie quaerendae pacis inter Christi fideles, quosdam excommunicauerunt, ipsorum nolentes parere sententiae: deinde vero in ipsos realem & personalem ferent-

ferendo sententiam, in quosdam quidem magis ex-
 presse, vt qui minus ipsorum potentiae resistere pos-
 sunt, velut Italicorum singulares personas & com-
 munitates (quorum regnum diuisum & lacera-
 tum, in omnibus quasi partibus suis facilius oppri-
 mi potest) in quosdam vero remisse magis: vel-
 uti reges & principes, quorum resistantiam & coa-
 ctiuam formidant potentiam. Ad hos tamen pau-
 latim serpunt & serpere continuo tentant in iuris-
 dictionum vsurpatione, totum simul inaudentes in-
 uadere, propter quod etiam Romanorum principes,
 & populos sibi subiectos, haecenus latuit horum
 subintrans praeuaricatio. Paulatim namque iurisdi-
 ctionem post aliam occupauerunt Episcopi Roma-
 norum, maxime imperiali sede vacante. Sic tamen
 vt iam sibi totalem supra eundem principem iuris-
 dictionem coactiuam temporalem habere se dicant.
 Quorum nouissime atque manifestissime moder-
 nus iam dictorum Episcopus, ad Romanorum prin-
 cipem tam in Italicorum prouinciis quam Germa-
 norum, ad omnes quoque iam dictarum prouincia-
 rum inferiores principes, communitates, collegia,
 & personas singulares cuiuscunque dignitatis &
 conditionis existant, ac super omnia ipsorum feu-
 dalia & reliqua temporalia, supremam iurisdictio-
 nem se scripsit habere, ipsorumque principatus dan-
 di & transferendi potestatem sibi palam ascribens,
 vt liquido patere potest omnibus, ex huius episcopi
 quibusdam scripturis, quas vocat edicta siue senten-
 tias. *Hac itaque Romanorum quorundam episcopo-
 rum existimatio non recta & peruersa fortassis af-
 fectio principatus (quem sibi deberi asserunt, ex eis-
 dem, vt dicunt, per Christum tradita plenitudine po-
 testatis) causa est singularis illa, quam intranquil-
 litatis, seu discordia ciuitatis aut regni factinam di-
 ximus.* Ipsa enim in omnia regna serpere prona,
 quemadmodum procerum dicebatur, infesta
 sui actione, dudum vexauit Italicum regnum, & a
 sui tranquillitate seu pace prohibuit, prohibetque
 continuo principantis, scilicet Imperatoris Romani,

*deinde in eorum
 bona atque illos
 sententiam in-
 ierunt.*

*Tandem etiam
 regibus impo-
 rare cenati
 sunt:
 Ut ex Ioanne
 22. constat.*

*Hac igitur Pa-
 parum de sua
 potest. falsa opi-
 nio & ambitio,
 discordia &
 bellorum
 causa.*

*Nam regna af-
 fectantes impo-
 ratorum inan-
 gurat. & officio
 obstat.*

Vnde bella periculosissima.

Quia Papa Imperat. subiugari nititur:

Quod nec equum est: nec fert Imperator.

Nam nec Papa ne: ulli episcopo, in quemquam dommandi sui.

Ideo hac pacis & reidub. pestis necessario reprimenda,

faustatis declaratione: eiusque auctores & patronos pertinaciores vicerendo.

promotionem seu institutionem, ipsiusque actionem in dicto imperio sui, toto conamine prohibendo. Cuius siquidem actionis carentia, iustificationis scilicet ciuiliū actuum, iniuriæ ac contentiones eueniunt facile. Quæ regula iustitiæ siue legis non mensuratae propter mensurantis absentiam, pugnas causant, vnde ciuium separationes, demumque Italicarum politiarum seu ciuilitatum solutiones contigerunt, quemadmodum diximus. Opinione igitur hac, & affectione fortasse, quam diximus principandi, Romanus Episcopus iurisdictione coactiua seu temporali subiectum facere sibi nititur principem Romanorum, qui nec iure debet, vt ex sequentibus palam monstrabitur, nec eidem tali iudicio subiici vult. Vnde tanta lis & discordia suborta est, vt non sine magno discrimine animarum & corporum, ac rerum dispendio possit extingui. Non enim Romano vel alteri episcopo, aut cuiquam spirituali ministro, in quantum huiusmodi, in quenquam, cuiusque conditionis, singularem personam, communitatem vel collegium aliquod conuenit officium principatus coactiui, quemadmodum determinatum est 15. & 17. huius. Et hoc de sacerdotio in qualibet lege siue secta, sensit Aristoteles quarto Politicæ, cum dixit: *Propter quod non omnes, neque electos neque sortiales ponendum principes*, puta sacerdotes primo. *Hoc enim aliquid præter politicos principatus ponendum, &c. Sunt autem hac politica curarum*, id est officiorum, &c. Et parum infra subdit: *Hæc autem æconomica sunt.* Quodque perniciosa pestis hæc humanæ quieti atque felicitati suæ omni aduersans, penitus ex eiusdem vitio corruptæ radicis, reliqua mundi regna fidelium Christianorum maxime posset inficere, ipsam repellere omnium necessariissimum arbitror, quemadmodum procæmialiter dictum est. Primum quidem opinionis iam dictæ (tanquam radicis iam factorum & futurorum malorum) inuolucrum reserando: deinde vero ipsius patronos seu inuentores ignaros aut iniustos, ac defensores pertinaces, exteriori opera (si oporteat) cohibendo.

Ad

Ad hæc autem obligantur omnes, illi obuiare scientes atque potentes: quod etiam negligentes aut omissentes iniusti sunt, teste Tullio primo De officiis, capitulo quinto, cum dixit: *Iniustitia genera duo sunt, unum eorum qui inferunt, alterum eorum qui ab his quibus inferitur, si possunt, non propulsant iniuriam.* Ecce ergo secundum Tullii sententiam hanc notabilem, quod non solum iniusti sunt qui aliis iniuriam inferunt; verum etiam hi, qui prohibere sciunt & possunt iniuriam aliis inferentes, non prohibent autem: quoniam ad hoc tenetur quilibet alteri iure quodam quasi naturali, debito videlicet amicitiae, atque societatis humanæ. Quod ius, ne siquidem scienter transgrediens, ipse saltem mihi dicar iniustus, hanc pestem à fratribus Christi fidelibus, doctrina primum: & qua valuerò exteriori consequenter opera, propulsare propono. Quoniam ut indubitanter videre videor, desuper mihi datum est nosse sophisma & referandi potestas, in quo Romanorum episcoporum quorundam hætenus & in præsentiarum, suorumque complicitum obliqua æstimatio, & cum hoc peruersa fortassis affectio, scandalorum iam dictorum parens hætenus innisa est, & continuo nititur sustentari.

Quod illorum officium est, qui et occurrere norunt ac possunt: alia sunt iniusti, teste Tullio.

& lege natura ac sè iustitiam humana. Quare Marcellinus, pestem hæc doctrina & opera oppugnare statuit.

LIBRI PRIMI FINIS



DEFENSORIS PACIS
MARSILII PATAVINI,
DICTIO SECVNDA.

CAPVT I.

*Tria huic operi imminetia pericula & ad-
uersus ea auctoris constantia: scopus &
ordo sequentium.*

*Et si n. hil huic
operi, alicuius
ponderis, obici
possit: tributa
men hostibus
expositum.*

*1. Paparum &
asseclarum per-
secutions:*

** Opus scili-
cet.*

*Quia eorum ty-
rannidi & do-
minandi libidi-
ni obstat.*

*2. Consuetudini
audiendi ac cre-
dendi falsa,
Episcoporum ac
sacerdotum
vicio,*



AGGRESSVRVS ITAQVE TAM
arduum, si nequicquam obuium dubi-
tem, quod veritati possit inniti: ex illius
tamen tribus infestis hostibus huic ope-
ri bella parari video. Vno siquidem, persecutione vio-
lente potestatis Romanorum episcoporum, suorum-
que complicum. * Ipsum etenim, ipsiusque propa-
latores veridicos, totis viribus nitentur destruere,
tanquam directo aduersantes ipsorum proposito
detinendi & possidendi temporalia minus iuste, nec-
non eorum ardenti desiderio principatus. A quibus
quidem ipsos reuocare sermone iuridico quantum-
cunque etiam manifesto, difficile fiet. Eos tamen
misericors D e v s per gratiam reuocare dignetur, i-
psorumque violentam potentiam compescat ipse,
compescantque sibi fideles tam principes quam sub-
iecti, quorum omnium profecto inimicatur quieti.
Secundo vero veritatis quasi cuiuslibet hoste anti-
quo paratur huic operi bellum non minus, Con-
suetudine scilicet audiendi falsa, illaque credendi:
falsa inquam per presbyteros seu episcopos aliquos,
reliquosq; ad hęc ipsorum suffraganeos, dudū semi-
nata & radicata in animabus plurimorum simpli-
cium

eium Christi fidelium. Hi namque sacerdotes suis sermonibus & scripturis quibusdam, sententias diuinas & humanas actuum humanorum tam monasticorum quam ciuiliū inuoluere implicatione varia, & explicari laboriosa quam multum. Ex tali sententiarum inuolucro, postmodum inferentes (licet indebite) sensus aliquos, quibus suam iniustam despotiam induxerunt super Christi fideles, sua simplicitate credentes, ex quibusdam paralogiis horum sacerdotum, & comminatione quadam damnationis æternæ ad talium sophisticorum tam dictorum quam scriptorum obseruationem (in quibus non propter hoc accidere conclusionem sæpe committitur) ordinatione diuina teneri. Harum etenim rerum de quibus quæritur atque contenditur, suorumq; verorum atque simplicium initiorum, de mentibus hominum abolitis veris sententiis, horumq; vice falsis paulatim suggestis, nunc latet plurimos vtrorumque discretio. *Turbat enim & abducit à veritate non modicum, secundum quamlibet disciplinam auditionum falsarum consuetudo*, testis est * Arist. 2. philosophiæ, finali cap. Propter quam etiam multum impediuntur à principio lectores & auditores huius (præcipue qui philosophiæ fuerint exortes, & in sacris scripturis in exercitati) à comprehensione ac perfecta credulitate veritatum in hoc volumine contentarum. Reliquus autem & tertius veritatis hostis infestus huic doctrinæ, impedimentum grande præstabit, liuor. Siquidem horum etiam qui etsi nos vera dixisse crediderint, quia tamen huius veræ sententiæ, præ se alium explicatorem intelligent, eidem detractionis dente clandestino lacerando, vel præsumptionis clamoroso latratu adurentis inuidiæ, id ipsis nequissimo suadente spiritu, se opponent.

Verum à propositis nec principatus ardentium minus debite sacerdotū, quos his scripturis alloquor violentæ potentiæ terrore desistam. Quoniam dicente Psalmista: * *Dominus mihi adiutor & non timebo quid faciat mihi homo.* Neque hoc etiam propter

*Qui S. literas
obscurant:*

& falsa interpretatione, fidelium simplicitate ac credulitate abusi, Tyrannidem suam inuenerunt:

& veritate paulatim mendaciam oppressa, confirmantur.

Metaph. lib. 1. breuiori cap. 3.

1. Inuidia.

Marsili constantia contra hostes:

Papa tyrannidem;

** Psal. 118. 6.*

Aliorum inuidiam.

qua definitur: obloquentes inuidos detractores, omittam exprimere, quod expositum tam omnibus prodesse atque neglectum obesse potest. Et hi quoniam seiplos cruciantes sua sibi malignitate resistent. Nam *invidia*, ut ait Vgutio bene describens, *est in suum auctorem reciproca de bono alterius tabescentis animi cruciatus*. Hostili vero consuetudini sufficienter refragabitur dicendarum euidencia veritatum.

Emendarii consuetudinem.

Ordo sequentiū.

Proponentur argumenta, quibus Pap. tyrannum nititur, Theologica ex falsa S. liter. interpretatione:

Politica.

ut dilui possint: & ut illius de potest. Papa opinionis infirmitas appareat.

2. Papam in nullum habere iure diuino dominium demonstrabitur S. liter. & Patrum interpret. veterum auctoritate:

In eadem autem in huius libri dictione secunda, primum adducendo sacri canonis auctoritates, cum quibusdam fictis & alienis quorundam interpretationibus, quibus fortasse videretur posse conuinci Romanorum episcopo iure deberi suprema omnium coactiuarum iurisdictio seu principatus in lege Christianorum praesertim, tum supra Roman. principem quam reliquos omnes principatus, communitates, collegia, & personas singulares, etiam seculares, eoque magis supra presbyteros, seu episcopos, diaconos, ipsorumque collegia & singulares personas cuiuscunque conditionis existant. Quoniam si qua necessitate ad horum vnum ex secularibus aut clericis concluditur ex virtute verborum scripturae, per eandem quoque ad reliquos omnes. His etiam consequenter ad iam dictum propositum astruendum quasdam quasi politicas rationes adducam, apparentes valde suppositis quibusdam scripturae sacrae veritatibus, quas etiam omnes concorditer veras, omnes supponere debent. Has inquam adducam, ut sic patenter dissoluam, ne quisquam per illas aut consimiles de cetero falli possit, utque ex earum solutione appareat magis infirmitas aestimationis praedictae, cui dudum haecenus probabilitatis faciem praebuerunt. Post haec autem ex aduerso inducam sacri canonis veritates cum sanctorum illius interpretum, non fictis, non alienis aut falsis expositionibus, sed consonis & propriis, demonstrantes aperte Romanum episcopum vocatum Papam, aut alium quemlibet presbyterum seu episcopum, vel spiritualem ministrum, communiter aut diuissim, in quantum huiusmodi, nullam iurisditionem realem aut perso-

personalem cuiusquam coactiuam habere, vel habere debere supra presbyterum vel episcopum aut diaconum quemquam, vel ipsorum collegium: eoque minus ipsum, aut ipsorum aliquem communiter vel diuissim talem iurisdictionem habere in quemquam principem seu principatum aliquem, cōmunitatem, collegium, aut personam singularem aliquam cuiuscunque conditionis existat, nisi ea demum iurdictio per humanum legislatorem in provincia, presbytero seu episcopo alicui, aut ipsorum collegio concessa foret. Ad quod etiam demonstrandum & confirmandum adduci poterunt & debent, *& rationibus politicis.* cum alicui fuerit opportunum, politicæ demonstrationes, quarum principia propria 12. primæ 13. & 17. continentur. Has enim iterare non disposuimus, propter abbreviationem sermonis. His consequenter ostendam, quæ quantave sit potestas sacerdotalis & clauium per Christum tradita Romano episcopo & alteri cuilibet sacerdoti. Ex horum enim manifestatione pendet multarum dubitationum solutio, ad veritatem & finem quem producere quærimus, præbens ingressum. Deinde vero perutile erit dicere ad aliquas innascentes quæstiones ex dictis, cum quibus etiam de priuilegiis Romanorum principum, iam Romanis episcopis concessis, dicemus aliquid expediens ad propositum negotium. Quoniam ex his occasionaliter vsurpationes, occupationes, seu detentiones iurisdictionum coactiuarum, quas auctoritati proprie Romanorum nunc adscribunt episcopi, sumpsere originem, & per consuetudinem (quinimo abusum verius) robur acceperunt postmodum, maxime imperiali sede vacante. His enim priuilegiis ab initio, non alunde in iurisdictionum coactiuarum acquisitione, ac ipsarum conseruatione, sustentati sunt Romanorum episcopi. Posterius vero (vel quia per demeritum priuati sunt illis, vel ne debilitas occasionum & veritas indebite iam per ipsos assumptæ iurisdictionis appareat, eorumque ingratitude obtegendam: aut etiam fortasse, sicut verisimile ostendimus vltimo primæ,

3. *Quanta sit potestas sacerdotum & clauium.*

Nam id propositum inferuit.

4. *Quæstiones quæ inde oriuntur: ac de Paparum priuilegiis.*

Quia ex illis tyrannus fluxit:

Quamuis imo abusus præsertim in interregno firmavit.

Huius enim tyrannidem initio inuaserunt ac sustentati sunt.

Postea iudem non sunt vsi:

Sed alio vniuersali privilegio contra omnium principatus, Plenitudine potestatis, quasi à Christo, Petro & successoribus Papæ tradita.

s. Diluentur aduersariorum præmissa argumenta Theologica:

& politica.

quoniam iurisdictionis coactiuæ regnorū omnium occupationem intendunt, ad quam sibi nil suffragarentur priuilegia memorata) iisdem non vtuntur, sed alio quodam vniuersali ad principantes, & omnes ciuilitè viuentes sibi subiiciendos supradicto titulo, plenitudine scilicet potestatis. Ex qua per Christum (vt asserunt) tradita beato Petro tantquam vicario, coactiuam iurisdictionem supremam omnium hominum & prouinciarum, iam quilibet Romanus episcopus inquantum Petri successor, se dicit habere. Reliquum autem huius dictionis erit ostendere, sacri canonis auctoritates aduersus eam quam veritatis & scripturæ sententiam diximus, nihil suffragari errori prædicto, sed eidem potius aduersari, sicuti manifeste patebit ex sanctorum quorundam expositionibus, necnon & aliorum doctorum approbatorum fidei Christianæ, per quæ etiam apparebit, quorundam expositiones, imo verius fictiones, scripturâ retorquere conantium ad astringendum sensum æstimationis falsæ prædictæ, violentas esse scripturæ alienas atque distortas, sanctorum etiam & peritorum doctorum Christianæ fidei sententiæ dissonare. Omnium vero nouissime dissoluam rationes, quas quasi politicas dixi, æstimationi falsæ sæpe dictæ, visas aliququaliter suffragari.

C A P V T I I.

Distinctio harum dictionum; Ecclesia, Iudex, Spirituale, Temporale: quibus in questione explicanda utendum.

Dictiones quædam, vitandæ ambiguitatis, distinguendæ.

ANTE tamen quam de propositis disseramus, ne propter multiplicitatem nominum, quibus in quælitis principalibus vtemur, accadat ambiguitas & implicatio sententiarum, quas volumus aperire, distinguemus significationes ipsorum. Nam, vt in 1. Elenchorum, *Qui virtutis nomina sunt ignari, para-*

paralogizantur & ipsi disputantes, & alios audientes.
 Nomina vero seu dictiones, quorum multiplici-
 tem distinguere volumus, sunt hæc; *Ecclesia, Index,* *Et quamvis illa.*
Spirituale, Temporale: propterea quod ex inquisi-
 tione proposita scire volumus, vtrum ad Romanum
 aut alium quemvis episcopum seu presbyterum, dia-
 conum, aut ipsorum collegium, qui viri ecclesiastici
 solent dici, pertineat iudicem esse coactiuum tempo-
 ralium aut spiritualium, aut vtrorumque, vel secun-
 dum horum neutrum sint ipsi iudices tales. Hæc ita-
 que prosequentes dicamus, quod hoc nomen, Eccle-
 sia, vocabulum est ex vsu Græcorū, significans apud *Ecclesia signifi-*
 ipsos in his quæ ad nos peruenerunt, *cogregationem*
populi sub vno regimine contenti, quomodo sum-
 psit ecclesiam Aristoteles 2. Politicæ, cap. 7. dum di-
 xit: *Ecclesia autem participant omnes.* Apud Lati-
 nos vero vocabulum hoc secundum vulgarem & fa-
 mosam appellationem, in vna sui significatione im-
 portat *templum* seu domum, in qua Deus communi-
 ter à fidelibus colitur, & frequentius adoratur. Sic
 enim de Ecclesia loquebatur Apostolus 1. ad Co-
 rinth. 11. *Nunquid domos non habetis ad manducan-*
dum & bibendum, aut ecclesiam Dei contemnitis? Vbi
 glossa secundum Augustinum: *Ecclesiam Dei con-*
temnitis, id est, domum orationis. & infra parum sub-
 dit: *Hoc vsus quotidianus obtinuit, vt in ecclesiam*
prodire vel confugere non dicatur, nisi qui ad locum i-
psum, parietesque prodierit vel confugerit. In alia ve-
 ro significatione importat hoc nomen, Ecclesia, *Tertia*
omnes presbyteros seu episcopos, diaconos, & reliquos
ministrantes in templo seu ecclesia dicta secundum
priorem significationem. Apud modernos maxime
 importat hoc nomē, Ecclesia, ministros illos, presby-
 teros, seu episcopos, atq; diaconos, qui ministrant &
 præsent in metropolitana seu principali omnium
 ecclesiarum, quemadmodum hoc ecclesia Romanæ
 vrbis dudum obtinuit, cuius ministri & præsidentes
 sunt *Papa Romanus, & Cardinales ipsius,* qui iam ex
 vsu quodam obtinuerunt dici Ecclesia, & ecclesiam
 aliquid egisse aut recepisse, cū iidē aliquid egerint aut

Quarta, hoc tempore usata pro Papa & Cardinalibus.

Quinta & maxima propria ac prima:

& ab Apost. usurpata.

Etque Ecclesiastica viri nominandi sunt omnes fideles, non solum sacerdotes.

receperint, vel aliter qualiter ordinauerint. Rursum secundum aliam significationem dicitur hoc nomen, Ecclesia, & omnium verissime & propriissime secundum primam impositionem huius nominis seu intentionem primorum imponentium (licet non ita famose, secundum modernum vsum) *de vniuersitate fidelium credentium & inuocantium nomen Christi*: & de huius vniuersitatis partibus omnibus, in quacumque communitate etiam domestica. Et hæc fuit impositio prima huius dictionis, & consuetus vsus eius apud Apostolos & in ecclesia primitiua. Vnde Apostolus 1. ad Corinthios 1. *Ecclesia quæ est Corinthi sanctificatis in Christo Iesu, vocatis sanctis cum omnibus qui inuocant nomen Domini nostri Iesu Christi*. Vbi glossa secundum Ambrosium: *Sanctificatis in baptismo, & hoc in Christo Iesu*. Et secundum hanc intentionem loquebatur Apostolus Actuum 20. ad presbyteros Ephesios, cum dixit: *Attendite vobis & vniuerso gregi, in quo vos spiritus sanctus posuit episcopos, ut regeretis ecclesiam Dei, quam acquisiuit sanguine suo*. Et propterea viri ecclesiastici secundum hanc verissimam & propriissimam significationem, sunt & dici debent omnes Christi fideles, tam sacerdotes, quam nō sacerdotes, eo quod omnes Christus acquisiuit & redemit sanguine suo. Sicut etiam expresse dicitur in glossa super illud Lucæ 22. *Hoc est corpus meum quod pro vobis datur*. Pro vobis, inquit glossa, non significat pro solis Apostolis corpus Christi datum, & sanguinem effusum fuisse, sed causa totius humane nature. Si igitur non pro solis Apostolis effusus est Christi sanguis, ergo non soli acquisiti sunt aut fuere per illum: nec per consequens presbyteri aut templorum ministri successores illorum in officio: non igitur sunt ipsi soli Ecclesia, quam Christus suo sanguine acquisiuit. Nec propter eandem causam sunt isti ministri, episcopi, seu presbyteri, & diaconi soli ecclesia, quæ sponsa Christi est, sed pars sponsæ huius, quoniam Christus pro hac sponsa se tradidit. Vnde Apostolus ad Ephes. 5. *Viri diligite uxores vestras sicut & Christus*

Christus ecclesiam, & semetipsum tradidit pro ea. nunc vero non pro solis Apostolis aut ipsorum in officio successoribus episcopis, seu presbyteris, atque diaconis, Christus se tradidit, imo pro tota humana natura. Non igitur sunt ipsi aut ipsorum congregatio tantummodo sponsa Christi, licet ab utentium vocabulo ipsorum quædam congregatio, propter proprium & temporale commodum, & aliorum incommodum fraudulenter adipiscendum, se vocet singulariter sponsam Christi. Hanc eandem est apprehendere sententiam ex verbis Apostoli 1. ad Corint. ultimo: ad Thessal. 1. ad Colossen. 4. & ad Philemonem 1. In omnibus enim his locis sumit Apostolus ecclesiam secundum eam quam eius propriam & verissimam significationem iam diximus. Huic cōsequenter distinguere oportet hæc nomina Temporale, deinde Spirituale, a quorum tamen notationibus incipientes dicamus, quod hæc dictio, Temporale, in vna sui significatione famosiq̃ri dicitur *de omnibus corporalibus aliis ab homine*, quæ aliquo modo in ipsius potestate existentia, ad sui vsum, indigentiam & voluptatem supplendam, ordinantur in statu & pro statu vitæ mundanæ. Quomodo generalius etiam Temporale consuevit dici, *omne quod in tempore incipit & desinit. Hac enim*, vt in 4. Physicæ, *proprie sunt & dicuntur in tempore*. Alio vero modo dicitur Temporale de omni habitu, actione aut passione humana in se vel in alterum per hominem operatis, propter finem huius seculi seu vitæ præsentis. Adhuc autem minus vniuersaliter dicitur hoc nomen, Temporale, de humanis actionibus & passionibus voluntariis & transeuntibus ad commodum vel incommodum alterius ab eo qui fecit, de quibus maxime intendunt humanarum legum latores.

Sponsa Christi

Temporalis significatio prima.

Secunda

Tertia

Quarta

Nunc autem distinguere volo significata seu intentiones huius dictionis spirituale, quod in vna sui acceptione dicitur de omnibus incorporalibus substantiis & ipsarum actionibus. In alia vero significatione dicitur de omni actione aut passione hu-

Spiritualis significatio prima. Secunda.

mana virtutis suæ, cognoscentis aut appetentis immanente ipsi, secundum quam etiam intentionem actiones quædam rerum corporalium in sensus animalium, spirituales dici solent, & sine materia, veluti rerum idola seu phantasmata & species, quæ animæ sunt aliquo modo ratio cognoscendi: in quo genere reponuntur à quibusdam sensibilibus actiones, etiam in substantia non animata, ut luminum generationes & quorundam similium. Rursum ad propositum magis dicitur hoc nomen, Spirituale, de lege diuina, de doctrina, & disciplina præceptorum & consiliorum, secundum ipsam & per ipsam: in quam siquidem etiam significationem veniunt omnia ecclesiastica Sacramenta & ipsorum effectus, omnis gratia diuina, virtutes omnes theologicæ, atque dona Spiritus sancti, ordinata nos ad vitam æternam.

Tertia.

Sic enim & proprie hoc nomine utitur Apostolus ad Roman. 15. & 1. ad Corinth. 9. cum dixit: *Si nos vobis spiritualia seminauimus, magnum est, si nos carnalia vestra metamus.* Vbi glossa secundum Ambrosium: *Spiritualia, id est, ea quæ vestrū spiritum viuificant, vel quæ à Spiritu sancto data sunt, scilicet verbum Dei, &*

Quarta.

mysterium regni celorum. Amplius secundum aliam significationem solet hoc nomen accipi pro qualibet actione, vel etiam passione humana voluntaria, tam in se quam ad alterum operata, propter meritum beatæ vitæ futuri seculi: quales sunt Dei contemplationes, dilectiones ipsius & proximorum, abstinentiæ, misericordiæ, mansuetudines, orationes, oblationes propter pietatem seu cultū diuinum, hospitalitates, peregrinationes, corporis proprii castigationes, mundanorum & carnalium voluptatum contemptus & fuga, & generaliter omnia consimilia facta propter finem prædictum.

Quinta.

Adhuc autem dicitur hoc nomen (licet non ita proprie, ut secundo & tertio modo) de templo seu Ecclesia (dicta secundum secundam significationem) de omnibus vasis & apparatus quæ in eo sunt ordinata propter cultum diuinum. Omnium vero nouissime inconuenienter & improprie valde, quidam extendunt hoc nomen,

Sexta impropria & aliena.

men,

men ad significandum presbyterorum, seu episcoporum, diaconorum, & aliorum templi ministrorum actiones voluntarias transeuntes, & earum omissiones, quæ sunt ad commodum vel incommodum alterius, à faciente pro statu vitæ mundanæ. Extendunt rursus & magis improprie idem nomen ad horum possessiones, & temporalia bona, mobilia & immobilia, & ad temporalium prouentus quosdam, quos vocant decimas, ut huius prætextu vocabuli, à norma legum & principantium ciuiliū eximantur. Sed profecto ipsi palam abutuntur vocabulo in his contra veritatem & Apostoli atque sanctorum intentionem & vsum, qui talia non spiritualia, sed carnalia seu temporalia vocauerunt. Vnde ad Romanos 15. *Quoniam si spiritualium eorum participes facti sunt gentiles, debent & in carnalibus ministrare eis.* Idem expressius 1. ad Corinthios 9. Si nos, inquit Apostolus, *vobis spiritualia seminauimus, magnum est si nos carnalia vestra metamus.* Vbi glossa secundum Ambrosium: *Quia si nos seminamus vobis spiritualia, id est, ea quæ spiritum vestrum viuificant, vel quæ à Spiritu sancto data sunt, scilicet verbum Dei & mysterium regni calorum, est magnum si nos metamus ad sustentationem, vestra carnalia, id est, hæc temporalia, quæ vita & indulgentia carnis indulta sunt.* Ecce quod bona exteriora, quibus prædicatores euangelii sustentari debebant in victu & vestitu, Apostolus & Ambrosius expresse carnalia & temporalia vocant, & sunt secundum veritatem, siue sint decimæ, siue prædia, quæstus seu eleemosynæ, vel collectæ: cuius causam dixit Ambrosius, *quoniam vita & indulgentia carnis, id est, vita corruptibilis indulta sunt.* Idem quoque sentiendum indubie de presbyterorum, episcoporum, & diaconorum actionibus quibusdam. Non omnes enim eorum actus spirituales sunt, nec dici debent, quinimo ipsorum sunt multi ciuiles actus contentiosi, & carnales seu temporales. Possunt enim ipsi mutuare, deponere, emere, vendere, percutere, occidere, furari, mœchari, rapere, prodere, falsum testimonium

*Septima, ea quoque
magis aliena est
ex Paulo li-
quet.*

perhibere, diffamare, in hæresim cadere, ceteraque committere scelera, crimina, & contentiones, quemadmodum etiam à non sacerdotibus perpetrantur. Propter quod interrogandum conuenienter ab eis, si quales diximus actiones ipsorum possibiles, spirituales sint aut dici debeant ab aliquo sanæ mentis. Et constat quod minime, quinimo carnales & temporales. Vnde Apostolus 1. ad Corinth. 3. de talibus actionibus loquens indifferenter ad omnes, inquit: *Cum regnet inter vos zelus & contentio, nonne carnales estis, & secundum hominem ambulatis?* Cum igitur indubitata demonstret experientia, inter presbyteros inuicem, & ad seculares, euenire zelos & contentiones ex prædictis aut aliis consimilibus actibus; manifestum, huiusmodi sacerdotum & episcoporum actus carnales seu temporales esse, & secundum veritatem non spirituales, nec dici debere. Signum autem verum esse quod diximus (etiam secundum sacerdotum sententiam) quoniam ad huiusmodi tollendas contentiones multæ humanæ ordinationes (quas Decretales appellant) æditæ sunt per Romanos Pontifices: & ante has, de his leges principum Romanorum. Fiunt enim & fieri possunt per diaconos & presbyteros seu episcopos, actiones multæ voluntariæ, transeuntes in commodum & iniuriam alterius, pro statu vitæ præsentis. Et ideo talium mensura debet esse humana lex, quemadmodum 15. primæ dictum est, & dicetur amplius ad propositum octauo huius.

*Cur Decretales
adite.*

*Iudicis & iudicii
significatio
prima.*

Restatautem distinguere nomina hæc, Iudex, atque, Iudicium, quod illius actionem significat. Sunt enim de numero multiplicium, & in quæsitis definiendis ambiguitatem & impedimentum ipsorum multiplicitate præbentium. Dicitur autem in vna significatione Iudex de omni discernente seu cognoscente, maxime secundum habitum aliquem speculatiuum aut operatiuum. Et hoc nomen Iudicium de cognitione seu discretionem talium. Quo modo Geometer iudex est, & iudicat de figuris & ipsarum accidentibus: & medicus de sanis & ægris: & prudens

dens de agendis & fugiendis: & domificator de domibus qualiter construendis. Sic quoque omnis sciens aut expertus dicitur iudex & iudicat de scibilibus aut operabilibus suis. Et secundum hanc significationem sumpsit Aristoteles hæc nomina 1. Ethicorum, cap. 1. cum dixit: *Vnusquisque iudicat bene, quæ cognoscit, & horum est bonus iudex.* Adhuc autem *Secunda.* dicitur hoc nomen Iudex secundum aliam significationem, de habente scientiam iuris politici seu ciuilis: qui etiam appellatione consueta *Aduocatus* nuncupari solet, licet in pluribus prouinciarum & maxime Italicarum iudex vocetur. Rursum *Tertia.* vero dicitur hoc nomen iudex de principante: & hoc nomen, iudicium, de principantis sententia: cuius siquidem auctoritas est iudicare de iustis & conferentibus secundum leges & consuetudines, latasque per ipsum sententias, præcipiendi & exequendi per potentiam coactiuam. Quomodo *Iudicium* dicitur *liber* quidam, sacri canonis seu Bibliæ pars vna quædam existens. Quomodo etiam de iudice seu principante loquens Aristoteles 1. Rhetoricæ, cap. 1. dixit: *Præfectus autem & iudex iam de presentibus & determinatis iudicant.* Sic etiam de principantis iudicio intendens continue subdit, *Ad quos* (scilicet præfectum seu iudicem) *& amare iam & odire, & proprium commodum annexa sunt sæpe, ut non adhuc possint videre sufficienter verum. Sed attendere in iudicio proprium delectabile aut triste.* Sunt autem fortassis supradictorum nominum significationes aliæ, famosiores tamen inquisitioni propositæ magis necessarias, assignasse putamus.

C A P V T I I I.

Aduersariorum argumenta Theologica & politica, quibus Papa dominium defendunt, proponuntur.

HORVM ergo nominum intentionibus, circa quas nostræ plurimum inquisitionis versabi-

*Papā omnium
supremum iu-
dicem, ex S. lit.
locis aliquot
male explicatis
colligitur.*

*1. Christus dedit
Petro & succes-
soribus claves
regni calorum :
id est, supremā
potestatem.
Ergo eam ha-
bet Papa.*

*2. Christo data
est omnis pote-
stas : Ergo Pe-
tro & Pontifi-
cibus : qui Chri-
sti vicarii.*

*3. Christus rebus
externis pro ar-
bitrio usus :
Ergo & Petro
ac Papa (tan-
quam successo-
ribus) idem ius
est.*

tur, sic distinctis, inde securius ad principale propo-
situm accedentes, adducemus primum auctoritates
sacrae scripturae, quibus alicui videri posset, Roma-
num episcopum vocatū Papam, iudicem esse supre-
mum, & secundum tertiam iudicis seu iudicii signi-
ficationem, super omnes mundi episcopos seu pre-
sbyteros & ecclesiasticos ministros alios: super o-
mnes quoque huius seculi principantes, communi-
tates, collegia, & singulares personas, cuiusque con-
ditionis existant. Harum autem primam ponamus
scripturae seriem, quae habetur Matthaei 16.
qua Christus alloquens beatum Petrum, inquit:
*Tibi dabo claves regni calorum, & quodcunque liga-
ueris super terram, erit ligatum & in calis. Et quod-
cunque solueris super terram, erit solutum & in calis.*
Ex hac enim serie assumpserunt sibi Romanorum
episcopi quidam supremæ iurisdictionis iam dictæ
auctoritatem. Nam per *claves* beato Petro per Chri-
stum concessas, intelligi volunt sibi traditam Ple-
nitudinem potestatis totius humani regiminis,
quam sicut Christus habuit ad omnes reges & prin-
cipes, ita concessit beato Petro & successoribus eius
in episcopali sede Romana, tanquam Christi vica-
riis generalibus in hoc mundo. Secunda vero scri-
pturae series ad idem propositum astruendum, su-
mitur ex verbis Christi Matthaei 11. cum dixit: *O-
mnia mihi tradita sunt à Patre meo.* Et rursus eius-
dem 23. cum dixit: *Data est mihi omnis potestas in
calo & in terra.* Cum igitur beatus Petrus & ipsius
successores in episcopali sede Romana fuerint & sint
vicarii Christi, sicut hi dicunt, videtur quod omnis
potestas, seu plenitudo potestatis eidem tradita sit,
& consequenter cuiuslibet iurisdictionis auctori-
tas. Tertia vero series ad idem sumitur ex Mat-
thaei 8. & Marci 5. vbi dicitur: *Damones autem ro-
gabant eum, Christum scilicet, dicentes: Si eiicis
nos, mitte nos in gregem porcorum, & ait illis: Ite.
At illi exeuntes abierunt in porcos. Et ecce impetu
abiit totus grex per praeceps in mare, & mortui sunt in
aquis.* Ex quibus verbis apparet, quod Christus de
tem-

temporalibus disponebat, tanquam de suis omnibus, aliter namque peccasset dissipans gregem porcorum, Christum autem cuius caro corruptionem non vidit peccasse, nefas est dicere. Cum igitur beatus Petrus eiusque successores Romanorum episcopi sint & fuerint præcipui Christi vicarii (*ut aiunt quidam*) de temporalibus omnibus (tanquam tertiæ significationis) iudices disponere possunt, & ipsorum habent plenitudinem potestatis atque domini, sicut Christus. Rursum ostenditur idem per id quod habetur Matthæi 21. Marci 11. Lucæ 19. quorum series talis est: *Tunc misit, Iesus scilicet, duos discipulos, dicens eis: Ite in castellum quod contra vos est, & statim inuenietis asinam alligatam, & pullum eius cum ea (vel, pullum asinae alligatum) cui nemo hominum unquam sedit (ut in Marco & Luca) Soluite & adducite mihi.* Ex quibus idem & eodem deductionis modo concludi potest, quod ex immediate prædicta serie conclusum est antea. Amplius arguitur idem ex Luc. 22. ubi habetur hæc series: *Ecce duo gladii sunt, dixerunt Apostoli, respondentes Christo. At ille, Christus scilicet, respondit, Satis est.* Per quæ verba (secundum aliquorum interpretationem) debent intelligi duo principatus in mundo præsentis, ecclesiasticus unus seu spiritualis, & alius temporalis seu secularis. Cum igitur Christus ad Apostolos sermonem dirigens dixerit: *Satis est*, supple, vobis de duobus gladiis his, significasse videtur utrumque gladium ad ipsorum auctoritatem pertinere debere, & præsertim beati Petri tanquam principalioris eorum, Nam si temporale gladium ad ipsos pertinere nolisset, dicere debuit, superfluum est.

4. Auctoritas eiusdem cum precedente argumenti.

5. Christus dicit Apost. duos gladios sufficere: ergo Papa ecclesiasticum & politicum habet dominium, gladii significatum.

Rursum videtur idem credendum, ex Ioannis 21. ubi dum Christus alloqueretur beatum Petrum, dixit: *Pasce oves meas, pasce agnos meos, pasce oves meas,* ter eandem sententiam replicans, sicut induximus. Ex quibus quidem verbis accipiunt aliqui sensum hunc, videlicet beatum Petrum & ipsius successores Romanos Episcopos, simpliciter præesse debere omnibus quibus Christi fidelibus, scilicet

6. Petro cuius cura commissa: Ergo illius & successorum Patrum est, præesse omnibus Christianis.

Christianis, horum vero maxime presbyteris atque diaconis.

7. *Rerum quæ ad hanc vitam pertinent iudicium penes episcopos: Ergo imprimis ad Papam.*

Adhuc videtur hæc aperte sententia beati Pauli 1. ad Corinth. 6. cum dixit: *Nescitis quoniam angelos iudicabimus, quanto magis secularia.* Secularium ergo iudicia secundum tertiam significationem, ad presbyteros seu episcopos, ipsorum vero maxime primum, Romanum scilicet, pertinere videntur. Rursum 1. ad Corinth. 9. idem sensisse videtur Apostolus, cum dixit: *Nunquid non habemus potestatem manducandi,* &c. Idem primæ ad Thessal. 3. in quibus expresse videtur intendere sibi datam à Deo potestatem super temporalia fidelium, & per consequens iurisdictionem eorum.

8. *Ad episcopum pertinet audire accusationem in presbyterorum: Ergo episcopus saltem in præest:*

Amplius ostenditur idem ex 1. ad Timotheum 5. ad quem dixit Apostolus: *Aduersus presbyterum noli accipere accusationem nisi sub duobus aut tribus testibus.* Videtur igitur ex hoc quod episcopus saltem iurisdictionem habeat supra presbyteros, diaconos, & reliquos templi ministros, postquam ad eum accusationem ipsorum audire pertinet. De veteri autem scriptura seu testamento ad propositam conclusionem & ipsius oppositam, probationes omitemus inducere, propter quam vero causam, assignabimus

Conclusio auctoritatum scripturæ detorturum ad Papæ dominium:

Et transitio ad rationes politice. quæ syllogismis sex proponuntur.

Primus.

Secundus.

9. huius. Ex dictis itaque scripturæ sacræ auctoritatibus, & aliis consimilibus, ipsarumque talibus interpretationibus videri posset alicui, episcopo Rom. deberi omnium principatum supremum. His consequenter adducere conuenit argumentationes aliquas quasi politicas, quæ fortasse quibusdam phantasiâ facerent & credulitatem conclusionis prædictæ. harum autem prima sit hæc: Sicut se habet corpus ad animam, ita princeps corporum ad principem animarum. Sed corpus animæ subest quantum ad regnum: Ergo & princeps corporum secularis iudex subesse debet regimini iudicis seu principis animarum, & maxime primi omnium, videlicet pontificis Rom. Rursum ex eadem quasi radice, sicut se habent corporalia ad spiritualia, ita princeps corporalium ad eum qui spiritualium. Certum est autem

autem corporalia indigniora, & subesse spiritualibus secundum naturam. Igitur corporalium princeps secularis iudex ei qui spiritualium ecclesiastico subesse debet. Amplius: sicut finis ad finem, lex ad *Tertium.* legem, legislator ad legislatorem, ita iudex seu principans secundum horum alterutrum ad iudicem seu principantem secundum reliquum: Sed finis ad quem dirigit ecclesiasticus iudex, sacerdos seu episcopus, lex, secundum quam dirigit legis illius lator, superiores sunt & perfectiores sunt lege atque legislatore, ad quæ & secundum quæ dirigit secularis iudex: Igitur iudex ecclesiasticus episcopus seu sacerdos, maxime primus, superior est quocunque iudice seculari. Finis enim ad quem dirigit ecclesiasticus iudex, est vita æterna; lex secundum quam, diuina; & ipsius lator immediatus est Deus, in quo, nec error aut malitia cadere potest; finis vero ad quem secularis iudex intendit dirigere, est sufficientia huius vitæ mundanæ; lex secundum quam, humana; & ipsius legislator immediatus, homo vel homines; in quibus contingit error atque malitia. Sunt igitur hæc inferiora & indigniora prædictis: ergo & secularis iudex, supremus etiam, ecclesiastico sacerdoti supremo. Adhuc cuius actio simpliciter est honorabilior, ipse simpliciter est honorandus: Sed actio episcopi seu presbyteri est omnium honorabilissima quæ per hominem fieri possunt in vita præsentis: videlicet consecratio benedicti corporis Christi: Ergo & sacerdos quilibet dignior est quolibet non sacerdote. Cum igitur dignius indigniori subesse non debeat, sed præesse, videtur, quod iudex secularis non præesse in iurisdictione, sed subesse debeat sacerdoti, & ipsorum maxime primo Rom. Pontifici. Ostenditur autem idem rursum in specie magis de Romanorum principe, Imperatore vocato, quoniam ille superior est ad Romanorum principem, secundum tertiæ significationis iudicium, cuius est auctoritas instituendi principatum hunc, ipsumque de gente in gentem pro libito transferendi: Rom. Pontifex se dicit huiusmodi; quoniam ipse hunc principatum

Assumptio illius probatur.

Quartus.

Quintus.

Sextus.

transtulit à Græcis in Germanos, sicut expressum est in 7. suarum Decretalium, de iureiur. & idem dicit expressius modernus Romanorum vocatus Episcopus in quodam suo edicto ad Ludouicum ducem Bauiariæ, Romanorum regem assumptum. Amplius ad idem, quoniam inconueniens grande videtur, Christi vicarium, Romanum episcopum, aliosque successores Apostolorum episcopos, subesse debere iurisdictioni cuiuspiam principis secularis, cumq; etiam secularis princeps peccare possit contra legem diuinam & humanam, vnde corrigendus, vt in 18. primæ: nec superiorem habeat vel æqualem, qui supremus est omnium secularium, quoniam pluralitas principatum reprobata est 17. primæ: videbitur in ipsum coactiua iurisdictionis ad Romanum Episcopum pertinere, nullatenus è conuerso. Ex quibus quidem igitur videtur posse conuinci, episcopos seu presbyteros, coactiuam habere iurisdictionem, ipsorum vero supremo Romanorum Pontifici, supremum omnium huius seculi principatum deberi, tam auctoritatibus sacræ scripturæ, quam quibusdam quasi humanis & politicis argumentationibus sufficienter apposuisse videmur.

CAPVT IV.

Nec Papam nec vllum ministrum Euangelii iure diuino, in politia aut ecclesia habere dominium: nec oblatum ei ab aliis, suscipiendum; sed magistratui subesse debere demonstratur Christi testimoniis & exemplo ac Patrum orthodoxo consensu.

Capituli argumentum.

EX aduerso autem consequenter, adducere volumus veritates scripturæ sacræ, præcipientis aut consulentis expresse, tam literalis sensu suo, quam mysti-

myſtico, ſecundum ſanctorum interpretationem, ac aliorum approbatorum Doctorem Chriſtianæ fidei expoſitionem, *Romanum Episcopum vocatum Papam, aut aliorum quemlibet episcopum, seu presbyterum, vel diaconum, nullum habere debere principatum seu iudicium vel iurisdictionem coactiuam cuiusquam sacerdotis, principantis, communitalis, collegii, vel personæ singularis alicuius cuiuscunque conditionis exiſtat.* Intelligendo per coactiuum iudicium, id quod ſecundum tertiam ſignificationem iudicis aut iudicii, ſecundo huius diximus importari.

* Verum propter intentionem hanc euidentius explicandam, oportet nos non latere, quod ex hac inquisitione, non quæritur quid Chriſtus, qui verus Deus & verus homo fuit, habuerit & habeat in hoc ſeculo poteſtatis & auctoritatis, nec quid aut quantum horum conferre potuerit beato Petro, & reliquis Apoſtoliſ, ac ipſorum ſucceſſoribus, episcopis ſeu preſbyteris, quoniam de his non dubitant Chriſti fideles in propositis quæſitis. Sed volumus & debemus inquirere, quam poteſtatem & auctoritatem exercendam in hoc ſeculo, Chriſtus eiſdem conferre voluerit, & de facto contulerit, & à qua ipſos excluſerit & prohibuerit conſilio vel præcepto. Eos enim talem poteſtatem & auctoritatem habuiſſe à Chriſto, tenemur credere, qualem per verba ſcripturæ ſibi traditam conuincere poſſumus, non aliam. Certum enim eſt omnibus Chriſti fidelibus, quod Chriſtus, qui verus Deus & verus homo fuit, conferre potuit, ne dum Apoſtoliſ, verum etiam quibuslibet aliis, auctoritatem ſeu iurisdictionem coactiuam in hoc ſeculo, ſupra omnes mundi principes ſeu principatus, & ſingulares perſonas alias omnes: & hac ampliorem fortaſſe, vt creandi entia, deſtruendi atque reparandi cælum & terram, & quæ in eiſ ſunt, & etiam Angelis ſimpliciter imperandi, quod tamen nec Chriſtus contulerit eiſ, nec conferre decreuerit. Vnde Auguſtinus in ſermone decimo de verbis

Papam nec vllum episcopum, iure in eccleſiâ aut politiam habere dominium.

* Occupatio, qua docet non quari hic de Chriſti poteſtate, quam Petro & ſucceſſoribus tradere potuit:

ſed quam tradere voluit & reipſa dedit.

Hanc enim habent: non aliam.

Nam etiam alius Chriſtus in omnes dominum dare potuit: imo maiora eo,

qua nec dedit nec daturus: reſte Auguſtin.

Scopus aucto-
ru.

Domini super Matthæum, sic inquit: *Discite à me non mundum fabricare, non cuncta visibilia & inuisibilia creare, non in ipso mundo miracula facere, & mortuos suscitare; sed quoniam mitis sum & humilis corde.* Ideoque secundum præsentem intentionem ostendere sufficit, & ostendam primo, quod Christus ipse non venit in mundum dominari hominibus, nec ipsos iudicare iudicio tertiæ significationis, nec principari temporaliter; sed magis subiici secundum statum & conditionem præsentis seculi: *quinimo* quod à tali iudicio seu principatu, secundum propositum excludere voluit & exclusit seipsum & Apostolos ac discipulos etiam suos, ipsorumque successores consequenter, episcopos seu presbyteros ab omni principatu seu mundano regimine tali, coactiuo scilicet, exclusit exemplo & per sermonem etiam consilio vel præcepto. *Idem quoque ostendam* Apostolos præcipuos tanquam Christi veros imitatores fecisse, suosque successores facere docuisse. *Amplius* quoque tam Christum, quam ipsos Apostolos voluisse subesse atque subfuisse continuo coactiuæ iurisdictioni principum seculi, realiter & personaliter: aliosque omnes quibus legem prædicauerunt veritatis, aut per scripturam mandauerunt, idem facere docuisse, atque præcepisse sub pœna damnationis æternæ. *Deinde* vero capitulum faciam de potestate seu auctoritate clauium, tradita per Christum Apostolis, & ipsorum officio successoribus, episcopis & presbyteris, vt tam Romani episcopi, quam aliorum appareat, quæ, qualis, quantave sit potestas huiusmodi. Ipsius etenim ignorantia extitit hætenus, & in præsentiarum est origo multarum questionum & damnosarum litium inter Christi fideles, vt in huius dictionis primo aliququaliter tangebatur.

* 1. Propos.
Christus primū
se, deinde Apo-
stol. à regno mū-
dano exclusit.

* Prosequentes itaque proposita monstrare volumus, quod ab officio principatus siue contentiosæ iurisdictionis, regiminis seu coactiuæ iudicii cuiuslibet in hoc seculo secundum propositum siue intentionem, sermonem, & operationem, seipsum & Apostolos

stolos Christus excludere voluit & exclusit. Hoc autem primum apparet indubie per seriem euangelicam Ioannis 18. Dum enim Christus accusatus esset, Pontio Pilato vicario Romani principis in Iudæa, ex eo quod se dixisset regem Iudæorum, interrogante Pilato, an hæc dixisset, aut si se regem diceret, respondit inter cetera Christus ad Pilati quæsitum, verba hæc: *Regnum meum non est de hoc mundo*, id est, regnare non veni regimine seu dominio temporali, quomodo regnant mundani reges: cuius quidem probationem subdit ipsemet Christus per signum euidens, cum dixit: *Si ex hoc mundo esset regnum meum, ministri mei utique decertarent, ut non traderer Iudæis*. Quasi sic argueret Christus: Si venissem regnare in hunc mundum mundano regimine seu coactiuo, haberem ministros huius regiminis, decertatores scilicet, ac transgressorum coactores, quemadmodum ceteri reges habent: sed tales ministros non habeo, ut tu manifeste videre potes. Vnde Glossa interlinearis, *apparet, quod nullus defendit*. Et hoc est quod iterato resumens Christus ait: *Nunc autem regnū meum non est hinc*, de quo scilicet docere veni. Quas siquidem euangelicas veritates sancti & doctores exponentes, sic inquirunt, & primum beatus Augustinus in hæc verba, dicens: *Quod si Pilato interrogante continuo respondisset, non etiam Iudæis, sed solis gentibus hoc de se opinantibus respondisse videretur. Sed post responsionem Pilati iam Iudæis & gentibus opportunius aptiusque respondit. Quasi diceret: Audite Iudæi & gentes, non impedio dominationem vestram in hoc mundo, quid vultis amplius? venite credendo ad regnum quod non est de hoc mundo. quid enim est regnum eius nisi credentes in eum?* Ecce de quo regno docere atque disponere venit, quoniam de actibus quibus peruenitur ad regnum æternum, fidei scilicet, ac reliquarum Theologicarum virtutum: neminem tamen ad hoc cogendo, ut infra patebit. Duo namque coactiva dominia respectu eiusdem multitudinis non subinuicem posita se impediunt, ut in 7. primæ monstratum est: *Christus au-*

Prior pars confirmatur ex S. Iacobi.

1. A testimonio Christi.

Quod interpretatione illustratur:

qua probatur Glossa,

& Patrum orthodoxo consensu. Augustinus.

tem horum dominium non venerat impedire, ut dixit Augustinus. Vnde super illud Ioannis eodem: *Gens tua & Pontifices tui tradiderunt te mihi, quid fecisti?* Satis, inquit Augustinus, ostendit illud pro crimine obiectum, tanquam diceret, si te regem negas, quid fecisti, ut tradereris mihi, quasi mirum non esset, si puniendus iudici traderetur, qui se diceret regem. Ecce secundum Augustinum: quod nimirum, si puniendus fuisset Christus, si se regem secularem dixisset, ignorantibus præsertim ipsum esse Deum, & quod regem se fore negavit, & de quo regno seu regimine, coactiuo videlicet transgressorum in hoc seculo. Vnde etiam super illud Ioannis eodem: *A te metipso dicis hoc, an alii tibi dixerunt?* Dixit Christus

Theophylacti.

Pilato, inquit Theoph. ac si diceret, Christus scilicet Pilato, Si hoc ex teipso loqueris, pande signa mea rebellionis, at si ab aliis percepisti, inquisitionem fac ordinariam. Hoc autem quod dicit Theophylactus, non debuisset dicere Christus, quod videlicet *Pilatus inquisitionem de ipso faceret ordinariam*, quinimo dicere debuisset hanc inquisitionem ad ipsum non pertinere, ex quo sibi secundum aduersantium opinionem de iure subiectus non erat vel esse nolebat in iurisdictione siue iudicio coactiuo. Rursum super

Chrysostomi.

illud, *Regnum meum non est hinc*, dicit Chrysostomus: *Non priuat mundum à sua prouidentia & praelatione, sed ostendit regnum suum non esse humanum, neque corruptibile.* Omne autem regnum in hoc seculo cuiusq; coactiuum, est humanum corruptibile. Amplius super illud Ioannis eodem: *Tu dicis, quia rex sum ego*, inquit Augustinus: *Nō quia regē se timuit confiteri, sed ita libratum est, ut neq; se regem neget, neq; regem talem se esse fateatur, cuius regnum putetur esse de hoc mundo.* Dictum est enim, tu dicis, ac si diceretur, Carnalis carnaliter dicis de regimine carnali, & actuum temporalium contentiosorum & carnalium secundum tertiam significationem huius nominis, temporale: tales enim carnales vocabat Apostolus 1. ad Corinth. 3. Apparet igitur ex prædictis quod de carnali seu temporali regimine, vel iudicio

Conclusio rationis firmata.

coactiuo

coactiuo Christus in mundum disponere non venit neque docere, sed de spiritali regno siue cælesti: de hoc enim solummodo loquebatur, & quasi prædica- bat semper, vt ex euangelica serie palam est, tam ex ipsius literali quam mystico sensu. Et propterea sæ- pissime legimus ipsum dixisse; *Simile est regnum ca- lorum*, &c. de mundano vero rarissime, aut ipsum docendo spernere. In cælesti namque regno se præ- mia vel supplicia daturum promittebat, secundum merita vel demerita operantium, nunquam tamen talia promisit in hoc seculo facturum, sed magis ecō- trario huius seculi principantibus agit. Quoniam vt plurimum iustos & bonorum operatores affligit in hoc seculo, & affligi sinit, & sic ad sui regni præ- mium perducit. *Omnes enim qui placuerunt Deo per multas tribulationes transierunt*, vt scribitur Iudith 8. Econtrario vero principes huius seculi seu iudices regni mundani, faciunt & facere debent, seruando iustitiam. Quoniam legum obseruatoribus præ- mia, & malorum patratoribus supplicia in hoc secu- lo distribuunt, recte agentes, contraria vero facientes peccarent contra legem humanam atque diuinam. Rursum ad principale per id quod Christus opere seu exemplo monstrauit. Legitur enim Ioannis 6. *quod Iesus, cum cognouisset, quia venturi essent ut ra- perent eum, & facerent eum regem, fugit iterum in montem ipse solus*. Vbi Glossa interlinearis: *A quo descendit pascere turbas, prospera mundi docens fugere, & contra ea orare*. Certum est igitur, quod Christus fugit principatum, aut suo nihil nos docuisset exem- plo. Quem sensum adiuuat expositio beati Augu- stini, dicentis, *quod fideles Christiani sunt regnum eius, quod modo colitur, modo emitur sanguine Christi*. Erit autem aliquando manifestum regnum, quando erit aperta claritas sanctorum eius post iudicium ab eo fa- ctum. Discipuli autem & turba credentes in eum pu- tauerunt eum sic venisse, vt iam regnaret. Ecce quod sancti per regnum Christi in hoc seculo nunquam intellexerunt temporale dominium aut iudicium actuum contentiosorum, & executionem per coacti-

Si regnum Chri- sti esset munda- num, de eo sæ- pius doceret: & bonis premia, malis pœnam in hoc mundo pro- poneret. Contra autem facit.

2. Ab exemplo Christi: quo re- giam dignita- tem fugit:

teste etiam Glossa.

& Augustino.

Quid de regno Christi in hoc mundo senserint Patres.

uam potestatem in legum transgressores in hoc seculo, sed per ipsius regnum & *regnum in hoc seculo intellexerunt doctrinam fidei & regimen secundum ipsam ad regnum caeleste*. Quod quidem regnum, dicit Augustinus, futurum manifestum post eius iudicium in alio seculo. Iterum dicit: quod putare ipsum regnare tunc, quemadmodum turba putabant, erat eum rapere, id est, indebite trahere, ac de ipso aestimare. Vbi Chrysostomus etiam: *Et Propheta iam erat apud eos, Christus scilicet, & regem eum inthronizare volebant, propter gulam scilicet, quia pauperat eos, Christus autem fugit: erudiens nos mundanas contemnere dignitates*.

3. A testimonio & exemplo: quo proprium iudicii officium a se reiecit.

Quod interpretatione declaratur:

quam consensus Ambrosii probat.

Amplius ostenditur idem euidentissime verbo & exemplo Christi, vbi Lucæ 12. habetur hæc series: *Ait autem ei quidam de turba: Magister, dic fratri meo, ut diuidat mecum hereditatem. At ille, Christus scilicet, dixit ei: Homo, quis me constituit iudicem aut diuisorem super vos? Quasi diceret, propter hoc officium exercendum non veni, nec ad hæc missus sum: per iudicium scilicet, lites ciuiles dirimere, quod tamen nulli dubium est opus propriissimum principantium seu iudicum seculi. Et licet re vera series euangelica patentissime contineat & demonstret propositum nostrum, amplius quam glossæ sanctorum, eo quod sensum literalem, qualem dicimus, tanquam manifestum supponentes, vbique se magis ad allegoricum seu mysticum conuerterunt, eas tamen induximus ad maiorem propositi confirmationem, & ne temerarie scripturam dicamur exponere. Hæc igitur verba Christi beatus Ambrosius exponens ait: *Bene ergo terrena declinat, qui propter diuina descenderat, nec iudex dignatur esse litium & arbiter facultatum, viuorum habens mortuorumque iudicium, arbitriumque meritorum*. Et parum post subdit: *Vnde non immerito refutatur hic frater, qui dispensatorem caelestium gestiebat corruptibilibus occupare*. Ecce quid sentit Ambrosius de Christi officio in hoc seculo. dicit enim: *quod bene terrena declinat, id est, iudicia contentiosorum agere, qui propter diuina, id est, spiritualia docenda & ministranda;*
descende-*

descenderat, in quo ipsius & suorum successorum signavit officium, cælestia videlicet seu spiritualia dispensare. Spiritualia inquam, de quibus dixerat idem 1. ad Corinth. 9. & supra induximus secundo huius in significatione tertia huius nominis, spirituale. Nunc vero consequenter restat ostendere, Christum ipsum non solum huius seculi principatum seu coactuum iudicium in hoc seculo recusasse, propter quod sic agendi Apostolis & discipulis suis ac ipsorum successoribus dedit exemplum; * *verum etiam ipsum sermone docuisse, ac exemplo monstrasse, cunctos tam sacerdotes quam non sacerdotes subesse debere realiter & personaliter coactivo iudicio principum huius seculi.* Sermone quidem igitur & exemplo sui monstravit Christus hoc primum in realibus, per id quod habetur Matth. 22. nam interrogantibus Iudæis ab ipso: *Dic nobis quid tibi videtur, licet censum dare Casari an non?* His Christus, inspecto denario & illius superscriptione, respondens ait: *Reddite ergo quæ Cesaris sunt, Casari: & quæ Dei, Deo.* Vbi Glossa interlinearis, *id est, tributum & pecuniam.* Ambrosius vero super illud: *Cuius est imago & superscriptio hæc?* inquit sic: *Sicut Caesar exigit impressionem suæ imaginis, sic & Deus animam, lumine vultus sui insignitam.* Attende igitur quid Christus exigere venit in mundum. Chrysostomus autem sic ait: *Tu autem cum audieris, redde quæ sunt Cesaris, Casari.* Illa scito dicere eum solum, quæ in nullo pietati nocent, quia si aliquid tale fuerit, non adhuc Cesaris est, sed diaboli tributum. Ecce quod in omnibus Cæsari subesse debemus, dum modo non repugnent pietati, id est, diuino cultui seu mandato. In realibus ergo subiici voluit Christus principi seculari. Hæc quoque fuit palam sententia beati Ambrosii, huic Christi sententiæ innitens. dixit enim in epistola * contra Valentinianum, quæ intitulatur ad plebem: *Soluimus quæ sunt Cesaris, Casari, & quæ sunt Dei, Deo. Tributum Cesaris est, non negatur.* Ostenditur autem rursum idem ex Matthæi 17. vbi sic scribitur: *Accesserunt qui didrachma accipiebant, ad Petrum, & dixerunt:*

Prioris propos. conclusio & ad alteram transitio.

* 2. Propos. *Omnes etiam sacerd. & bonorum & sui ratione principib. subesse debent, auctore Christo. Confirmatio ex S. lit. & primum de bonis. A iussu Christi.*

Et vera eius interpretatio Glossa. Ambrosii.

Chrysostomi.

Ambrosii sententia & exemplo.

Amb. epist. lib. 5. epist. 32. in orat. contra Auxentiū. 2. Ab exemplo Christi.

Magister vester non soluit didrachma? & consequenter paucis interpositis, subditur quod Christus dixit Petro: Ut autem non scandalizemus eos, vade ad mare, & mitte hamum, & eum piscem qui primus ascenderit, tolle, & aperto ore eius inuenies staterem, illum sumens, da eis pro me & te, nec dixit tantummodo Dominus, da eis, sed dixit, da eis pro me & te.

*& interpreta-
tione Patrum:
Hieronymi.*

Hieronymus autem dicit hic, Dominus noster secundum carnem & secundum spiritum, Filius regis erat, vel ex David stirpe generatus, vel omnipotentis Patris verbum. Ergo tributa quasi regum filius non debebat. Et infra subiungit, Quamuis ergo liber esset, quia humilitatem carnis assumpserat, debuit omnem iniustitiam adimplere.

*Origenii: quae
magis ad rem.*

Origenes autem super illud verbum Christi. Ut autem non scandalizemus eos, magis ad propositum & euangelistae sententiam, inquit sic: Consequens autem est intelligere, ex verbis Christi scilicet, quoniam quoties exurgunt quidam, qui per iniustitiam tollant nostra terrena, Reges huius terra eos transmittunt ut exigant à nobis quae sunt ipsorum. Et suo exemplo, prohibet Dominus aliquod scandalum fieri, etiam huiusmodi hominibus, siue ne amplius peccent, siue ut saluentur. Filius enim Dei qui nullum opus fecit seruile, quasi habens formam serui, quam propter hominem suscepit, tributum & censum dedit. Quo igitur modo ex virtute verborum euangelicae scripturae, sunt exempti episcopi & presbyteri ab hoc, nec vniuersaliter à principum iurisdictione, nisi gratiosa eorum concessione, cum Christus & Petrus exemplum praebentes aliis, tributa soluerint? Et licet Christus secundum carnem de stirpe regia, hoc non debuisset fortasse, Petrus tamen de stirpe regia non existens, nec talem exemptionis habebat causam, sicut nec habere voluit. Quod si Christus putasset inconueniens, futuros sibi successores in officio sacerdotali tributa soluere, ac ipsorum temporalia subiecta fore principibus seculi, potuisset ipse absque mali exempli exhibitione (videlicet subiiciendi sacerdotium iurisdictioni principum seculi) aliter ordinasse atque expediuisse illos exactores

exactores didrachmæ, vtputa remouendo ipsis petendi talia intentionem, aut alio conuenienti modo. Sic autem facere non reputauit cōueniens, quinimo soluere voluit, singulariter inter Apostolos Petrum sibi associans in hoc. Qui tamen, secundū quod dicitur 16. huius, Ecclesiæ præcipuus doctor & pastor futurus erat, vt tali exemplo, aliorum nullus sic facere recusaret. Hanc scripturæ seriem ex Matthæi 17. iam adductam, sic intelligens beatus Ambrosius, *Ambrosius.*
 vt prædiximus in epistola, cui titulus, * de tradendis basilicis, inquit: *Tributum petit (imperator scilicet) non negatur: agri ecclesia soluunt tributum.* *lib. 5. epist. 38
 Et quibusdam interpositis ad propositum magis ait: *Soluimus qua sunt Cesaris, Cesari, & qua sunt Dei, Deo. Tributum Cesaris est, non negatur.* Hanc
 rursum præinductæ scripturæ, quam diximus fuisse *Bernardus*
 sententiam, amplius exprimens beatus Bernardus in epistola quadam ad Archiepiscopum Senonensem, sic inquit: *Hæc istis (scilicet, qui suggerunt subditos suis superioribus rebellare) Christus aliter & iussit & gessit. Reddite ait, qua sunt Cesaris, Cesari, & qua sunt Dei, Deo. Quod ore locutus est, mox opere implere curauit. Conditor Cesaris, Cesari non cunctatus est reddere censum. Exemplum enim dedit vobis, vt & vos ita faciatis. Quando vero Dei sacerdotibus debitam negaret reuerentiam, qui hanc quoque secularibus potestatibus exhibere curauit?* Et debemus attendere quod dixit Bernardus, Christum curando secularibus potestatibus tradere censum, ipsum exhibuisse *debitam* reuerentiam, non ergo coactam, quoniam huiusmodi census & tributum debetur principibus à quocunque. Vt sequenti capitulo adducemus ex Apostolo ad Romanos 13. & glossis sanctorum atque doctorum ibidem, quamuis forte non omnis census à quibuscunque debeatur vbique, vt illius *pedagii quod ab incolis nō debebatur, quāuis **tribut.*
 custodes seu exactores illud quandoq; à quibusdam incolis siue terrigenis simplicibus, quales erant Apostoli, minus debite peterent & exigerēt. Et propterea conformiter Origeni (quem credo in hac parte ma-

Quid Christus
intelligit nomi-
ne tributi,

& filiorum.

Ratio prima.

Secunda.

Tertia.

Quarta.

gis habuisse intentionem Euangelistæ, quam Hieronymum) dico, quod consuetum videbatur & fortasse statutum communiter in omnibus regnis, incolæ siue indigenas non soluere pedagia, sed alienigenas. Et ideo dixit Christus Petro, *Reges terra à quibus accipiunt tributum?* &c. per tributum significans illud pedagium quod exactores didrachmæ colligebant: tributum namque (secundum quod nomen commune est ad omnem censum) Christus non negavit filios terræ indigenas debere, quinimo de tali postmodum dixit, neminem eximendo, *Reddite qua Cæsaris sunt, Cæsari.* quod etiam Christo conformiter expressit Apostolus ad Romanos 13. dum dixit: *Ideo enim tributa præstatis* (principibus scilicet) *ministri enim Dei sunt.* Per filios ergo intellexit Christus Filios regnorum, siue terrarum, id est, indenos siue oriundos, alioquin sermo eius non videretur fuisse ad propositum: nam in plurali locutus est tam pro se quam pro Petro, quem constat non fuisse filium talium regum, de quibus dixit Hieronymus. Amplius, quoniam si Christus erat de stirpe David secundum carnem, sic & alii plurimi Iudæorum, quamvis fortasse non Petrus. Rursum, quoniam per David nec aliquem ex ipsius semine, tunc exigebatur tributum, sed per Cæsarem, quid ergo dixisset Christus, *reges terra, &c.* Ergo filii liberi sunt, de rege cælesti nihil dicens? constat autem etiam Christum neque Petrum filios fuisse Cæsaris secundum carnem, neque secundum spiritum. Adhuc quid quæsiuisset Christus quæstionem præmissam? omnibus enim constat filios regum secundum semen, non soluere tributa parentibus. Non igitur fuisse videtur expositio Hieronymi sic consona scripturæ, quemadmodum Origenis. Voluit autem Christus ex verbis prædictis, tributa etiam indebita alicui, & quandoque soluere potius, & Apostolos & sibi successores soluenda docere, quam pro talibus contendere. Hæc enim fuit iustitia consilii non præcepti, quam Christus pro humilitate carnis quam sumpserat voluit adimplere ac adimpleri docere, quod

quod etiam instar Christi docebat Apostolus fieri. Vnde 1. ad Corinthios 6. *Quare non magis iniuriam accipitis? quare non magis fraudem patimini?* quam (vt prædixerat) inuicem contendatis.

Amplius, nec solum quantum ad realia monstra-
uit Christus se subesse iurisdictioni coactiuæ princi-
pis seculi, verum etiam id ostendit in se, quantum
ad personalem, qua nullam iurisdictionem maio-
rem in ipsum aut alium princeps habere potuit, pro-
pter quod etiam vocatur hæc iurdictio à Romano
legislatore *merum imperium*. Hoc autem potest eui-
denter ostendi ex Matthæi 27. nam (vt ibidem le-
gitur & apparet) Christus se capi permisit, ad Pilati
duci prætorium, qui vicarius erat Imperatoris Ro-
mani, & per ipsum demum tanquam iudicem co-
actiuæ potestatis se sustinuit extremo supplicio iu-
dicari & tradi. Nec contra ipsum tanquam contra
non iudicem reclamauit, licet fortasse significaue-
rit se pati minus iustum iudicium. Constat autem
quod tale iudicium atque supplicium per sacerdotes
subire potuisset si voluisset, si inconueniens iudica-
set futuros sibi successores principibus seculi subii-
ci, & per ipsos iudicari. Quod quia sententia hæc se-
rius scripta est Ioannis 19. idcirco adducam hic,
quod habetur ibidem. Dum ergo Christus ad Pila-
tum Cæsaris vicarium esset adductus, accusatus et-
iam ex eo quod se regem Iudæorum atque Filium
Dei dixisset, Pilato quoque interrogante Iesum, *Vn-
de es tu?* Iesu autem ad hoc ei nullum dante respon-
sum, dixit Pilatus ad ipsum verba consequentia, &
nostro proposito attinentia, quorum series talis est.
*Dicit ergo ei Pilatus, Mihi non loqueris? nescis quia po-
testatem habeo crucifigere, & dimittere te? Respon-
dit Iesus: Non haberes potestatem aduersum me vl-
lam, nisi datum esset tibi desuper.* Ecce quod Iesus non
negauit Pilatum habere potestatem ipsum iudican-
di, & in ipsum iudicium exequendi. Nec dixit, hoc
non pertinet de iure ad te, imo de facto id facis. Sed
addidit Christus hanc potestatem Pilatum habere
desuper. quomodo desuper? Respondet Augusti-

2. *Confirmatio
de ipso et Cor-
ro.*

1. *A confessione
Christi:*

& interpret.
Patrum:
Augustini:

nus: *Discamus ergo quod dixit* (Christus scilicet) *quod & Apostolum docuit* (Paulum videlicet ad Romanos 13.) *Quid ergo dixit Christus ? quid Apostolum docuit ? quia non est potestas* (id est, auctoritas iurisdictionis) *nisi à Deo, quicquid sit de actu male utētis ea. Et quia plus peccat qui innocentem occidendum potestati liuore tradit quam ipsa potestas si eum timore alterius potestatis maioris occidit. Talem quippe Deus dederat illi potestatem* (Pilato scilicet) *ut esset etiam sub Caesaris potestate.* Fuit ergo iudicialis coactiua potestas Pilati supra Christi personam à Deo, sicut aperte Christus confessus est, & Augustinus palam expressit. Et aperte dixit Bernardus ad Archiepiscopum Senonensem epistola quadam: *Cum* (ut inquit) *Romani praesidis potestatem, Christus super se quoque fateatur celitus ordinatam,* loquens de potestate Pilati, & super hunc locum scripturae. Si ergo Pilati iudiciaria potestas coactiua in Christum fuit à Deo, quanto magis & supra ipsius temporalia seu carnalia bona, si qua Christus possedisset aut habuisset. Quod si supra Christi personam & ipsius temporalia, quanto magis supra personas & temporalia omnium Apostolorum, & suorum successorum, omnium episcoporum seu presbyterorum. Fuit autem hoc non solum verbo Christi monstratum, sed operis consummatione firmatum. Nam per Pilatum eundem pro tribunali sedentem, lata fuit in Christum sententia capitalis, & per ipsius auctoritatem, illius executio facta sententiae. Vnde Ioannis eodem habetur haec series: *Pilatus ergo cum audisset hos sermones adduxit foras Iesum, & sedit pro tribunali.* & subditur paucis interpositis: *Tunc ergo tradidit eis illum* (Iesum scilicet) *ut crucifigeretur.* Fuit autem de Christo talis Apostoli sententia, dum dixit ad Galatas 3. *At ubi venit plenitudo temporis, misit Deus Filium suum, factum ex muliere, factum sub lege: ergo & sub iudice, cuius erat iudicare atque praecipere secundum legem, qui tamen non erat episcopus aut sacerdos.*

& Bernardi.

3. Ab exemplo
Christi:

& test. Pauli.

* 1. Proposit.
pars altera.

* Nec à se tantum Christus excludere voluit seculi princi-

principatum seu iudiciale[m] coactiuam potestatem, verum etiam à suis Apostolis hanc exclusit, tam ipsorum inuicem, quam ad alios. Vnde Matthæi 20. & Lucæ 22. habetur hæc series. *Facta est autem contentio inter eos* (id est, Apostolos) *quis eorum esset maior.* *Dixit autem eis* (Christus scilicet) *Reges gentium dominantur eorum, & qui potestatem habent super eos, benefici vocantur.* In Matthæo vero habetur hæc clausula sic: *Et qui maiores sunt, potestatem exercent in eos, vos autem non sic. Sed qui maior est in vobis stat sicut iunior, & qui præcessor, sicut ministrator.* Nam quis maior est, qui recumbit, an qui ministrat? nonne qui recumbit? Ego autem in medio vestrorum sum sicut qui ministrat. Sed quicumque voluerit inter vos maior fieri, sit vester minister. Et qui voluerit inter vos primus esse, erit vester seruus, sicut Filius hominis non venit ministrari, sed ministrare: id est, seruire in temporalibus, non dominari vel par esse. Nam in ministerio spirituali erat primus, non seruus in medio Apostolorum. Vbi Origenes: *Scitis quia principes gentium dominantur eorum, id est, non contenti tantum regere suos subditos, violenter eis dominari nituntur: id est, per potentiam coactiuam si oporteat.* Inter vos autem qui estis mei, non erunt hæc: *Quoniam sicut omnia carnalia in necessitate sunt posita, spiritualia autem in voluntate, sic & qui principes sunt spirituales* (id est, prælati) ** principatus eorū in dilectione debet esse positus, nō in timore.* Chrysostomus autem inter cetera dicit hæc, quæ ad propositum sunt. *Principes mundi ideo sunt, ut dominantur minoribus suis, & eos seruituti subiciant & exspolient* (supple si demeruerint) *& usque ad mortem eis utantur ad suam* (id est, principantis) *utilitatem & gloriam: Principes autem ecclesia* (id est, prælati) *fiunt, ut seruiant minoribus suis & ministrent eis, quacunque acceperunt à Christo, ut suas utilitates negligant & illorum procurent, & mori non recusent pro salute inferiorum.* Primatum ergo ecclesia concupiscere neque iustum, neque utile. Quis enim sapiens vult ultro subicere se seruituti

*Ratio à in-
Christi*

*cuiusque inter-
pretatione Ori-
geni.*

** Ecclesiastici
diligant, non
dominantur.
Chrysostomi.*

Hieronymi.
* Ecclesiastici
seruire debēt,
non domi-
nari.

& periculo tali, ut det rationem pro omni ecclesia? nisi forte qui non timet Dei iudicium, abutens primatu suo ecclesiastico seculariter, ita ut conuertat illum in secularem. Quid ergo de secularibus iudiciis coactiuis habent se intromittere sacerdotes? non enim debent tēporaliter dominari, sed seruire, Christi exemplo & præcepto. * Vnde Hieronymus: *Denique sui proponit exemplū* (Christus scilicet) *ut si dicta* (ipsius supple) *paruipenderent* (Apostoli) *erubescant ad opera*, temporaliter dominari. Vnde Origenes super illo, *Et dare animam suam redemptionem pro multis*, inquit sic: *Ecclesiarum ergo principes imitari debent Christum accessibilem, & mulieribus loquentem, & pueris manus imponentem, & discipulis pedes lauantes, ut & ipsi similiter faciant fratribus. Nos autem tales sumus* (loquitur de prælatis sui temporis) *ut etiam principum mundi excedere superbiam videamur, vel non intelligentes vel contemnentes mandatum Christi, & quarimus, sicut reges, acies precedentes & terribiles. Quod quia hæc facere, contemnere, vel ignorare Christi mandatum est, primum sunt de hoc monendi prælati, quod faciemus ex hoc tractatu, ostendendo quid ipsis auctoritatis conueniat, deinde si contempserint, se corrigere compellendi sunt atque cogendi per seculi principes, ne mores aliorum corrumpant. Hæc igitur dicta sunt super Matthæum. super Lucam vero dicit Basilius: *Decet autem & corporale obsequium ab his qui præsent offerri, exemplo Domini lauantis pedes discipulorum. Dixit ergo Christus: Principes gentium dominantur eorum, vos autem* (scilicet Apostoli) *non sic. Non igitur Christus rex regum & dominus dominantium eis potestatem exercendi secularia principum iudicia tradidit, neque in quemquam potestatem coactiuam; sed hanc ipsis aperte prohibuit, cum dixit: Vos autem non sic. Et idem consequenter tenendum de omnibus Apostolorum successoribus, episcopis siue presbyteris. Hoc est etiam quod beatus Bernardus aperte dicebat ad Eugenium, De consideratione, libro 2. cap. 4. tractans illud Christi iam dictum:**

Bernardi.

ctum:

Etum: *Reges gentium dominantur eorum*, &c. inquit enim inter cetera: *Quod habuit Apostolus* (Petrus videlicet) *hoc dedit, sollicitudinem, ut dixi, super ecclesias. nunquid dominationem? audi ipsum. Non dominantes,* ait, de clero, sed forma facti gregis. Et ne dictum sola humilitate putes, ne etiam veritate, vox domini est in euangelio: Reges gentium dominantur eorum, & qui potestatem habent super eos, benefici vocantur. Et infert: Vos autem non sic. Planum est Apostolis interdicitur dominatus, ergo tu usurpare aude, aut dominus apostolatum, aut apostolicus dominatum, plane ab utroque prohiberis, si utrumque simul habere voles, perdes utrumque, alioquin non te illorum numero putes exceptum, de quibus queritur Deus sic: *Ipsi regnauerunt & non per me: principes extiterunt, & non cognoui eos.* Ex adductis itaque veritatibus euangelicis, & sanctorum & aliorum approbatorum Doctorum interpretatoribus earum, apparere debet omnibus euidenter, Christum seipsum exclusisse seu excludere voluisse, tam sermone quam opere, ab omni principatu seu regimine, iudicio coactiuo seu potestate mundana, ipsumque seipsum principibus & seculi potestatibus, coactiua iurisdictione voluisse subiectum.*

* 1. Petri 5.

Conclusio.

C A P V T V.

Præcedentis capitis argumentum Apostolorum, Pauli & Petri auctoritate & Patrum orthodoxo consensu probatur.

RELIQUVM autem & his habitum est ostendere, hanc eandem fuisse sententiam atque doctrinam præcipuorum Christi Apostolorum,* Pauli quidem primū, 2. ad Timotheum 2. ipsum quem statuerat episcopum seu presbyterum admonentis se mundanis non immiscere negotiis. Inquit enim ipse: *Nemo militans Deo implicat se secularibus negotiis.* Vbi Glossa secundum Ambrosium: *Quia nemo in spi-*

Scopus capituli.

* 1. Propos. Iurdictio polit. nec ad Papam aut vllum ministrum Ecclesie pertinet: ut Pauli test. probatur.

P. Test. quod sylogismi Propositio:

& Glossa ex Ambrosio explicatur.

*Assumptio,
cuiusque pro-
batio.*

Conclusio.

2. Testimonium:

*Glossa ex Am-
brosio & Au-
gust. declara-
tam:*

** Cur mini-
stris Euange-
lii politica nō
tractanda: ra-
tio prima.*

Et Gregorio;

** altera.*

*in spiritualibus militans Deo (qui non potest diuidi
duobus contrariis seruis , sicut nemo potest duobus do-
minis seruire) implicat se secularibus negotiis quibus-
libet. Et dixit quibuslibet, nullum excipiendo. Cum
igitur negotiorum omnium secularissimū sit prin-
cipatus seu iudicium coactiuum contentiosorum a-
ctuum (quoniam omnia secularia negotia seu secu-
lares actus humanos ciuiles ordinat & regulat , vt
demonstratum est decimoquinto Primæ) ipsum
maxime fugiendum præcipit Apostolus ab eo , qui
debet Deo militare , spiritualia scilicet ministrando ,
qualis esse debet episcopus & sacerdos quicumque.
Hanc autem , quam diximus Apostoli fuisse , senten-
tiam aperit ipsius series i. ad Corinthios 6. cum dixit:
*Secularia igitur iudicia si habueritis , contemptibiles
qui sunt in ecclesia constituite ad iudicandū. Ibi enim
loquebatur Apostolus ad omnes fideles & ecclesiam
propiusse dictam secundum vltimam significa-
tionem videlicet , quam siquidem Apostoli seriem
sic exponit Glossa secundum Ambrosium & Augu-
stinum: Si secularia negotia , &c. Contemptibiles , id
est , aliquos sapientes , qui tamen sunt minoris meriti,
supple quam presbyteri & doctores euangelii. Consti-
tuite ad iudicandū. * Et redditur causa quare non mi-
nistros euangelii. Apostoli enim circumeuntes talibus
non vacabant. Sapientes ergo qui in locis consistebant
fideles & sancti , non qui hâc atq; illac propter euange-
lium discurrebant , talium negotiorum examinatores
esse voluit. Aliam vero causam huius assignat Glos-
sa secundum Gregorium in Moralibus , & iudicio
meo recte ad intentionem Apostoli. Cur enim de-
bent contemptibiles , &c. non episcopi vel sacerdotes ad
secularia officia exercenda constitui ? inquit Grego-
rius: * Vt videlicet hi terrenas causas examinent ,
qui exteriorum rerum , id est , actuum secularium seu
ciuiliū sapientiam perceperunt. Qui autem spiri-
tualibus donis ditati sunt , terrenis non debent nego-
tiis implicari. Vt dum non coguntur inferiora bona
disponere , valeant bonis superioribus deservire. Ecce
apertissimam Apostoli & sanctorum intentionem
esse,**

esse, quam diximus de officio sacerdotibus per Apostolum interdicto. Quod etiam exprimens Bernardus ad Eugenium de consideratione, libro 1. cap. 5. sic *& Bernardus.* ait, ad Romanos & reliquos episcopos sermonem dirigens: *Ergo in criminibus, non in possessionibus potestas vestra, propter illa siquidem, & non propter has accepistis claves regni calorum, prauaricatores itaque exclusuri, non possessiones: ut sciatis (ait) quia Filius hominis potestatem habet dimittendi peccata.* Et infra subdit: *Quænam tibi videtur maior dignitas & potestas, dimittendi peccata an prædia diuidendi? habent hæc infima & terrena iudices suos reges & principes terra. Quid fines alienos inuaditis?* Non pertinet igitur ad officium episcopi siue presbyteri contentiosos actus carnales siue temporalia iudicare iudicio coactiuo. quinimo se talibus immiscentes episcopi seu presbyteri *alienos fines inuadunt*, id est, alienum perturbant officium & falcem in alienam messem extendunt, secundum Bernardum. Voluit ergo Apostolus eos iudicare coactiuo iudicio, qui non sunt ordinati ad ministrandum in euangelio, & qui exteriorum rerum scientiam, id est, actuum ciuiliū perceperūt. Cum igitur à tali iudicio, nemo delinquens sit exemptus, apparet tam sacerdotes quam non sacerdotes principantium coactiuo iudicio fore subiectos. Et est hic diligenter aduertendum, quod Apostolus generaliter scribens fidelibus de Corinth. sicut ex salutatione apparet, & quia in ecclesia reponit *contemptibiles*, id est, seculares secundum glossæ interpretationem, non dixit, Contemptibiles constituo, nec alium quemquam ad iudicandum secularia negotia quæ habueritis. Nec etiam sui vice aliquem reliquit ibidem ad talia iudicandum, aut tales iudices constituendum. Quod tamen fecisset aut facere debuisset, si hoc ad suum officium & auctoritatem pertinuisset, quemadmodum de presbyteris & episcopis fecit. Illos enim in locis fidelium instituebat, & aliorum institutionem eis facere præcipiebat seu committebat, sicut apparet 1. ad Timot. 3. & ad Titum 1. Ad Titum enim ait: *Huius gratia relinqui te Crete, ut ea quæ desunt*

Episcopi & ministri Ecclesiæ cum politica tractant alienos fines inuadunt.

Conclusio interpretationis loci Paulini.

confirmata nouis argumentis

corrigas (mala scilicet in peccantibus, & bonum addas, ut dicit glossa) Et constituas per ciuitates presbyteros. De secularibus vero iudicibus, quoniam hi per humanam electionem habent institui secundum modum quem assignauimus 15. primæ, dixit Apostolus, *Constituite* : ad fideles omnes loquens. Quoniam horum est auctoritas hæc, nec dixit alicui episcopo vel sacerdoti, constituas (quemadmodum de sacerdotibus fecit) nec seculares actus per episcopos aut presbyteros iudicari præcepit, sed potius interdixit.

Et diuino Bern-
ardi testimo-
niu.

Vnde Bernardus, ubi supra: *Audi tamen Apostolum quid de huiusmodi sentiat. Sic non est sapiens inter nos, ait ille, qui iudicet inter fratrem? Et infert, ad ignominiam vobis dico. Contemptibiliores qui sunt in ecclesia illos constituite ad iudicium: gradum contemptibilium itaque secundum Apostolum indigne tibi usurpas tu apostolicus officium vile.* Vnde & dicebat episcopus (Apostolus scilicet) episcopum instruens, *Nemo militans Deo, implicat se negotiis secularibus.* Et subdit, *Putasne hac tempora sustinerent, si hominibus litigantibus pro terrena hereditate & flagitantibus abs te iudicium, voce Domini responderes (O homines, quis me constituit iudicem super vos?) in quale mox iudicium tu venires? Quod diceret homo rusticanus & imperitus, ignoras primatum tuum, ignoras summam & præexcelsam sedem, derogas Apostolica dignitati. Et tamen non monstrabunt, puto, qui hoc dicerent, ubi aliquando quispiam Apostolorum iudex sederit hominum, aut diuisor terminorum, aut distributor terrarum. Stetisse denique lego Apostolos iudicandos, sedisse iudicantes non lego. Erit illud, non fuit. Itane imminutor est dignitatis seruus, si non vult esse maior eo qui misit se? Aut filius si non transgreditur terminos, quos posuerunt patres sui? Quis me constituit iudicem? ait ille magister & dominus. Et erit iniuria seruo discipuloque, nisi iudicet vniuersos? Dixit ergo Bernardus, successorem Apostolorum indigne sibi usurpare officium iudiciale. Et hæc rursus subiungens ait: *Mibi tamen non videtur estimator bonus rerum qui indignum putat Apostolis seu apostolicis viris non iudi-**

care de talibus, quibus datum est officium in maiora.

Quid ni contemnant iudicare de terrenis possessoriunculis hominum, qui in caelestibus & angelos iudicabunt?

* Præcepit quoque sanctus Apostolus, omnes indifferenter neminem excipiendo, episcopum, vel sacerdotem, aut diaconum subesse debere in iudicio coactiuo, iudicibus seu principibus secularibus, nec illis resistendum, nisi quicquam contra legem salutis æternæ faciendum præciperent. Vnde ad Romanos 13. *Omnis anima potestatibus sublimioribus subdita sit, non enim est potestas nisi à Deo. Quæ autem sunt à Deo, ordinata sunt. Itaque qui resistit potestati, Dei ordinationi resistit: qui resistunt, ipsi sibi damnationem acquirunt. Nā principes non sunt timori bonis operibus sed malis. Vis autem non timere potestatem, fac bonum, & habebis laudem ex illa, Dei enim minister est tibi in bonum: si autem male feceris, time. Non enim sine causa gladium portat: dei enim minister est, vindex in iram & qui malum agit. Ideo necessitate subditi estote non solum propter iram, sed propter conscientiam. Ideo enim & tributa præstatis, ministri enim Dei sunt, in hoc ipsum seruientes. Reddite omnibus debita, cui tributum, tributū, cui vectigal, vectigal, cui timorem, timorem, cui honorem, honorem. Volui autem super hæc Apostoli notanda verba, inducere Glossam secundum sanctos atq; doctores catholicos, quoniam ex his quæ dixit Apostolus & Glossator, tam aperte demonstratur popositum nostrum esse verum, vt nemo cōpositę mentis, ipsis inspectis, debeat vltius dubitare. Dixit ergo Apostolus. *Omnis anima, &c. nullam excipiendo.* Vbi Glossa secundum August. primo; & quandoque vicissim secundum Ambrosium, inquit sic: *Et hic ad humilitatem inuitat. Videbatur enim quibusdam, quod mali domini, & maxime infideles non deberent fidelibus dominari. Et si boni & fideles essent, bonis & fidelibus essent pares. Quam etiam superbiam remouet hic Apostolus à parte superiore, id est, anima, significans totum hominem. Quid enim est omnis anima, nisi omnis homo? quasi dicat, omnia prædicta facienda sunt, & si ita perfecti sitis**

* 2. Propositio, Omnis, etiam Papa & sacerdotes, principibus subesse debent:

& quatenus. Quod probatur 1. Paulo teste. 1. Testimonium.

Quod Glossa ex Patribus declarabitur: quia inde propositio clarissime demonstratur.

Glossa ex Augustino & partim Ambrosio.

Animam pro homine accipit

in corpore Christi, tamen omnis anima subdita sit, id est, omnis homo subditus sit. Quem nomine anima ideo significo, ut non solum corpore, sed & voluntate seruiatis. Omnis ergo anima subdita sit, ut etiam voluntate seruiat potestatibus secularibus, bonis & malis, scilicet, regibus, principibus, tribunis, centurionibus, & aliis huiusmodi. Ecce ergo quid intelligebat Apostolus per potestates sublimiores, quoniam seculares principes tunc subiungit. Si enim bonus fuerit qui tibi praest, nutritor tuus est: malus si fuerit, tentator tuus est. Et nutrimenta libenter accipe, & in tentatione approbare. Esto ergo aurum & attende mundum iustum, quasi fornacem aurificis. Sic ergo omnis anima subdita potestatibus sublimioribus, id est, in hoc quod sublimes sunt, id est, in mundanis: vel notatur causa cum dicit, sublimioribus, id est, quia sublimiores sunt. Non est enim: probat quod debent subiici hoc modo, Quia potestas omnis est à Deo. Sed quia à Deo sunt, ordinata sunt. Igitur potestas est à Deo ordinata: id est, quicumque habet potestatem, Dei ordinationem habet. Itaque qui resistit potestati, Dei ordinationi resistit. Et hoc est quod dicit, quasi ideo debet subiici, quia non est potestas alicui homini bono vel malo, nisi à Deo data. Vnde Pilato dominus ait: Non haberes in me potestatem, nisi datum esset tibi desuper. Quod etiam Bernardus ad Archiepiscopum Senonensem repetens ait: Secularior nemo Pilato, cui Dominus astitit iudicandus. Non haberes, inquit, in me potestatem, nisi tibi esset data desuper. Iam tunc pro se loquebatur, & in se experiebatur, quod post per Apostolos clamauit in ecclesiis, non est potestas nisi à Deo. Et qui resistit potestati, Dei ordinationi resistit. Et infra parum ibidem subdit: Cum Romani praesidis potestatem Christus super se quoque fateatur calitus ordinatam. Sequitur in Glossa: Quae autem sunt, à Deo ordinata sunt, id est, rationabiliter à Deo disposita sunt. Itaque qui resistit vi vel dolo potestati, id est, homini habenti potestatem, in his scilicet, quae ad potestatem pertinent, ut in tributo & huiusmodi, Dei ordinationi resistit, id est, habenti potestatem Dei ordina-

Bernardi consensus.

ordinatione, non ergo secundum Dei ordinationem a-
git. De potestate bona patet, quod eam praefecit Deus
rationabiliter: de mala etiam videri potest, dum &
boni per eam purgantur & mala damnantur, & ipsa
deterius precipitatur. Et nota quod nomine potesta- *Potestas.*
tis interdum accipitur potestas ipsa, quae data est ali-
quando à Deo, aliquando ipse homo habens potesta-
tem, quod diligens lector distinguat. Qui autem
quasi qui resistit potestati, Dei ordinationi resistit.
Hoc autem tam graue est, quod qui ei resistunt, ipsi
sibi acquirunt damnationem. Et ideo non debes
quis, id est, aliquis seu nullus resistere, sed subiici. Si ta-
men illud iubeat, quod non debes facere, hic sane
contemne potestatem, timendo potestatem maiorem.
Ipsos humanarum rerum gradus aduerte. Si quid
iusserit curator, nunquid faciendum est, si contra pro-
consulem iubeat? Rursus si quid ipse proconsul iubeat,
& aliud Imperator iubeat, nunquid dubitatur illo
contempto, id est, proconsule, illi, id est, Imperatori ser-
uiendum? Ergo si aliud Imperator aliud Deus in-
beat, contempto illo, obtemperandum est Deo. Non
tamen dixit Augustinus, Si aliud Imperator, & aliud
episcopus seu Papa iubeat, quod tamen dicere de-
buisse, si Papa iurisdictionis gradu superior esset,
tamen voluit Augustinus, quod si praecipit Impera-
tor aliquid faciendum contra legem salutis aeternae,
quae Dei praecipitum est immediatum, in hoc Impe-
ratori non esse obtemperandum, in quo Papae praeci-
pienti secundum hanc legem, scilicet diuinam, ma-
gis esset obtemperandum quam imperatori praeci-
pienti quicquam agendum contrarium legi diuinae.
Sed Papae praecipienti aliquid secundum suas Decre- *Papa ex De-*
tales, in quantum huiusmodi, nihil obediendum *cretalium au-*
contra Imperatoris seu legum suarum praecipitum; *toritate aliquid*
vt hic aperte liquet, & nono huius amplius dedu- *mandanti non*
cetur. Tunc Glossa: Quasi merito acquirunt damna- *est paren-*
tionem. Nam principes boni vel mali non sunt timori *dum.*
bonis operibus, sed malis, id est, non sunt ad timorem *Glossa*
his qui bene operantur, sed his qui male. Si enim
bonus est princeps, bene operantem non punit;

sed diligit: si vero malus, non nocet bono, sed purgat eum. Malus vero debet timere, quia instituti sunt principes, ut mala puniant. Principes dicit illos, qui propter corrigendam vitam & prohibenda aduersa creantur, Dei habentes imaginem, ut ceteri sub vno sint.

Glossa.

*Potestas utilis,
sive bona, sive
mala.*

Vobis autem quasi male operantibus sunt timori. Tu autem vis non timere potestatem, quaecunque sit, siue bona, siue mala? Fac bonum, & non est unde timeas, imo habebis laudem ex illa, etiam si mala est, dum tibi causa est maioris coronae. Si autem iusta est potestas, habebis laudem ex illa, etiam ipsa laudante; si iniqua est, habebis laudem ex illa, non ipsa laudante, sed ipsa tibi laudis occasionem praebente, vere ex illa habebis laudem. Dei enim minister est tibi in bonum, id est, tibi est faciens bonum, siue bonus, siue malus sit, quia tibi datus est in bonum tuum à Deo, ut tueatur te & tua. Manifestum est enim, quod ideo dati sunt à Deo rectores, ne malum fiat bonis, si autem quasi bono, non est timendum, est enim, id est, quia portat gladium, id est, habet iudiciariam potestatem, non sine causa, sed ut malos puniat. Et hoc ostendit subdens, Dei enim minister est, id est, loco Dei vindicat. Ipse dico existens vindex in iram Dei, id est, propter offensam Dei vindicandam, vel in iram Dei, id est, futuram ostendendam, id est, propter vindictam Dei futuram ostendendam: quia hac punitio indicat persistentes in malis, grauius puniendos. Dico quod vindex est, & ei, id est, ad damnum eius & correctionem, qui malum agit, & quia est minister Dei. Ideoque subditi estote ei, quasi ex necessitate vel necessitati, id est, necessaria ordinationi subditi estote. Et hoc non solum propter iram principis vel Dei vindicandam, sed & propter conscientiam, scilicet, ut munda sit mens vestra. Prælatum à Deo (id est eum qui sic præest per Dei ordinationem) diligendo. Licet enim omnes fideles, in quantum fideles sunt, unum sint in Christo, in cuius fide non est distantia, Iudaei, Graeci, domini, & serui, & huiusmodi, differentia tamen est in conuersatione mortali, & eius ordinem in huius vitae itinere seruandum esse, Apostoli præcipiunt. Alia sunt enim qua seruamus in unitate
fidei,

fidei, sine ulla distantia, & alia in ordine huius vite tanquam in via, ne nomen Domini & doctrina blasphemetur. Ideo enim hac est probatio subiectionis, quare subditi esse debetis, quia & ideo ad ostendendam subiectionem prestatis tributa, quod est signum subiectionis, non ait soluitis, sed prestatis quasi reddituris, quia reddunt seruiendo in defensione, dum pugnant pro patria, & dum agunt iudicia prestatis tributa. Vos dico seruientes Deo in hoc ipsum, id est, per hoc ipsum seruitis Deo, quod illis tributa datis. Vere per hoc seruitis Deo: ministri enim sunt Dei, ad hoc enim instituti sunt, ut boni laudentur, & mali puniantur. Vel ita, ministri enim, quare debetis prestare tributa, quia ministri Dei sunt, ipsi dico seruientes vobis, dum patriam defendunt, in hoc ipsum, id est, propter hoc, scilicet, propter tributum seruiunt vobis in defensione patriæ, & quia ministri Dei sunt.

Ex hac itaque Apostoli serie, ac sanctorum expositionibus præinductis, non volenti nomen & doctrinam Domini blasphemari, tanquam iniustam & contra ciuiles leges prædicantem, ut dixit hic glossa Augustini, & 1. ad Timoth. 6. absque dubitatione aliqua tenendum est, Omnes homines cuiuscunque status aut conditionis existant, realiter & personaliter subesse debere iurisdictioni principum seculi, & eisdem obedire in his omnibus, quæ non contradicunt legi salutis æternæ, secundum humanas leges maxime, aut consuetudines approbatas & honestas, de his enim loquitur Apostolus aperte, cum dixit: *Omnis anima subdita sit, &c. Et quod non sine causa gladium portant, & reliqua*, quæ de ipsis protulit tam patriæ defensione, quam tributorum eisdem exhibitione, secundum sanctorum expositiones. Hæc autem nusquā de quoquam episcopo seu presbytero dixit Apostolus. Nam Domini quibus in iurisdictione coactiua obedire tenemur, sunt qui per armatam potentiam defendere debent patriam, quod nullo modo conuenit episcopo aut presbytero. Vnde beatus Ambrosius ad Valentianum, * epistola secunda, quæ intitulatur ad plebem, sic inquit: *Dolere potero,*

*Conclusio argu-
menti,*

*Paulum non
loqui de epi-
scopo:*

*1. Quia ad eui-
um gladii non
pertinet.*

*ut liquet Am-
brosii exemplo.*

** lib. 5. ep. 32.*

flere potero, gemere potero: aduersus arma, milites, Gothosque lachryma mea arma mea sunt: talia enim munimenta sunt sacerdotis. Aliter nec debeo nec pos-

2. Quia de iis
qui infideles esse
possunt P. lo-
quitur.

Confessarium
contra Papæ in
reges, Impera-
tores rebellionē
ac tyranni-
dem.

Decretalibus
Papa nulla per
se à Christianis
debetur obe-
dientia.

Occupatio obie-
ctionis.

Sacerdotibus
quatenus pa-
rendum.

sum resistere. Rursum domini tales, quibus sic obe-
dire tenemur, possent esse infideles, vt dixit glossa
circa principium: tales autem non sunt, nec esse pos-
sunt episcopi. Et ideo palam omnibus, quod de pre-
sbyteris seu episcopis non loquebatur Apostolus,
imo de regibus & principibus, sicut dicebat Augu-
stinus. Ab hac subiectione etiam neminem Aposto-
lus excipit, cum dixit: *Omnis anima.* Si ergo resisten-
tes huiusmodi potestatibus, etiam infidelibus & malis,
sibi damnationem aeternam acquirunt, quanto magis
indignationem omnipotentis Dei, & huius Apostoli
Pauli atque Petri acquirunt sibi, qui hac Dei & ho-
rum Apostolorum contempta doctrina, dudum turba-
uerunt & turbant continuo fideles reges & principes,
& maxime ac inexcusabiliter Romanorum. Princi-
pes enim ministri sunt Dei, vt dixit Apostolus, nec
dixit, ministri nostri sunt, vel Cephæ, aut alterius
Apostoli. Et ideo nec in iudicio coactio subiecti a-
licui episcopo vel presbytero, sed magis è conuerso.
Quod etiam glossa secundum Augustinum explica-
uit, dum dixit: *Ergo si aliud Imperator, aliud Deus*
iubeat, &c. nullum episcopum aut archiepiscopum
vel patriarcham nominando in talibus iurisdictio-
nibus, quod tamen fecisset aut facere debuisset, si
Christus rex regum & dominus dominantium hanc
potestatem sibi concessisset super Imperatorem, vt
ipsi fabulantur in suis Decretalibus, quæ secundum
veritatem nihil aliud sunt, quam ordinationes quæ-
dam oligarchicæ, quibus in nullo tenentur obedire
Christi fideles, in quantum huiusmodi, quemadmo-
dum ex 12. primæ demonstratum est, & in conse-
quentibus specialius apparebit.

Non tamen ex his dicere volumus, quin doctori
seu pastori ecclesiastico debeaturreuerentia & obe-
dientia in his quæ præcipit, seu docet obseruanda
secundum legem euangelicam, non aliter aut in cō-
trarium, vt Matth. 23. & per Hier. ibidē satis apparet.

Quam-

Quamuis etiam ipse ad talium observationem neminem debeat nec possit arcere in hoc seculo, pœna vel supplicio quoquam reali vel personali. Quoniam talem potestatem arcendi & dominandi cuiquam in hoc seculo, sibi ex euangelica scriptura cōcessam, non legimus; sed potius interdictam consilio vel præcepto, vt ex hoc & præcedente cap. liquet. Talis enim potestas in hoc seculo datur à legibus seu legislatore humano, quæ etiam data episcopo vel presbytero ad compellendum homines in his quæ sunt diuinæ legis, inutilis esset. Nam coactis nihil tale proficeret ad æternam salutem. Et hæc palam fuit mens Apostoli 2. ad Corinth. 1. cum dixit: *Ego autem testem Deum inuoco in animam meam, quod parcens vobis non veni ultra Corinthum, non quia dominamur fidei vestra; sed adiutores sumus gaudii vestri. Nam fide statis. Vbi glossa secundum Ambrosium: Ego inuoco Deum testem non solum contra corpus, sed etiam in, id est, contra animam meam, si mentior de quo loquor. Quod non veni Corinthum ultra, id est, postquam à vobis discessi. Et hoc feci parcens vobis, scilicet ne contristarem multos aspere corripiendo, in quo pepercit eis, ne eo asperiore, vertantur in seditionem. Vult ergo eos prius mitigari, & ideo non ex lenitate vel carnali cogitatione non impleuit quæ disposuit. Spiritualis enim tunc dispositum non implet, quando aliquid ad salutem prouidentius meditatur. Et ne indignentur quasi de dominio, eo quod dixerat, parcens vobis non veni, subdit, non ideo dico parcens, quia dominemur fidei vestra, id est, quia dominium & coactionem patiatur fides vestra, quæ voluntatis est, non necessitatis. Sed ideo dico, quia adiutores sumus, si vultis cooperari, gaudii vestri æterni, vel gaudii emendationis vestra, quia gaudent emendati. Bene dixi, fidei vestra: nam fide qua per dilectionem operatur statis, non dominio. Hanc eandem sententiam ex verbis Apostoli supradictis accepit, & omnibus euidenter expressit beatus Ioannes Chrysostomus in suo libro dialogorum, qui etiam de dignitate sacerdotali intitulatur, libr. 2. cap. 3: inquit enim ibidem, postquam induxerat illud Apostoli,*

*Nullum aut id
bona aut perso-
nam inobediens
tuus habent.*

Ratio:

*confirmata testi-
& exemplo
Pauli,*

*& glossa Ambro-
sij:*

& Chrysostomus.

Sacerdotibus
iudicandi pote-
stas non data.

Occupatio, Hæ-
retici tamen
puniendi: sed
à solo magi-
stratu.

Testimo-
nium.

Glossa Augu-
stini declara-
tum.

Non quia dominamur fidei vestræ, sed adiutores su-
mus, &c. Hi qui foris sunt iudices, seculares scilicet,
malignos quosque cum subdiderint, ostendunt in eis
plurimam potestatem, & inuitos eos à priorum morum
prauitate compescunt: in ecclesia vero non coactum,
sed adquiescentem oportet ad meliora conuerti. Quia
nec nobis à legibus data est talis potestas, ut auctori-
tate sententia cohibeamus homines à delictis. Et lo-
quitur in persona omnium sacerdotum, assignans
primam causam iam dictam, quare scilicet neminem
cogere possint, quia coactiuam in hoc seculo cuius-
quam auctoritatem non habent, eo quod à legibus,
id est, legislatoribus, eis data non erat illis tempori-
bus, aut in locis illis siue prouinciis. Tunc aliam
causam assignans subiungit: Nec si data esset (talis
potestas scilicet) haberemus (nos videlicet episco-
pi seu presbyteri) ubi exerceremus eiusmodi potesta-
tem, cum Deus noster (Christus scilicet) non necessi-
tate, (id est, violentia) submotos à peccato, sed pro-
pria sese sponte abstinentes remuneraturus sit. Nec
tamen ex his dicere volumus inconueniens esse
coerceri hæreticos aut aliter infideles, sed auctori-
tatem hanc esse solius legislatoris humani. Non igitur
conuenit sacerdoti vel episcopo cuiquam coactiua
potestas, sed debent tam ipsi quam alii secularibus
iudicibus in hac subesse, quemadmodum dictum est.
Vnde rursum Apostolus 1. ad Timotheum 2. dixit:
Obsecro igitur primum omnium fieri obsecrationes, ora-
tiones, postulationes, gratiarum actiones pro omnibus
hominibus, pro regibus, & omnibus qui in sublimita-
te sunt, ut quietam & tranquillam vitam agamus.
Vbi Glossa Timotheo hæc verba dirigens, in illo o-
mni ecclesiæ formam tradit. Et tunc secundum
Augustinum subiungit: Pro omnibus hominibus, id
est, pro hominibus omnis generis, & specialiter pro re-
gibus, etsi mali sint, & pro omnibus qui in sublimita-
te sunt constituti, ut ducibus & comitibus etsi mali
sint, cum tamen inter positos in sublimitate seu iu-
diciaria tali potestate, nusquam Apostolus & Au-
gustinus episcopum aut presbyterum aliquem nomi-
net,

net, sed solummodo principes seculares. Quare autem, inquit Augustinus, pro regibus & sublimibus etiam malis orari velit, reddit causam (Apostolus scilicet) subdens, quia hoc nobis proderit, ut quietam vitam agamus à persecutione & tranquillam, id est, sine inquietatione aliqua. Ecce testimonium eius quod diximus ultimo primæ, videlicet quod causa tranquillitatis factiua & conseruatiua est actio principantis debita, non impedita. Tunc subiungit Augustinus, quod est valde ad propositum, dicens: Ideo Apostolus ecclesiam orare pro regibus admonuit & omnibus sublimibus, eodem Spiritu sancto afflatus quo & Hieremias, qui misit epistolam Iudæis, qui erant in Babylone, ut orarent pro vita regis Nabuchodonosor filiorumque eius, & pro pace ciuitatis, inquiens, quia in pace illorum erit pax vestra. Hoc autem figurate significabat ecclesiam in omnibus sanctis eius (qui sunt *Tota ecclesia* ciues celestis Hierusalem) seruituram sub regibus huius *seruire debet* seculi. Ideoque Apostolus eam monet pro eis orare, ut *principibus* quietam agant vitam. Ecce indubie Apostoli atque August. fuisse sententiam, quod ecclesia seu Christi fideles omnes subesse debeant principibus seculi, maxime fidelibus & eorum obedire præceptis, non contrariis legi salutis æternæ. Quod si Apostolus intellexisset, episcopos seu presbyteros principari debere, ac homines realiter aut personaliter coactiuo iudicare iudicio, in statu & pro statu vitæ præsentis, dixisset Timotheo quem episcopum constituerat, Obsecro, &c. pro regibus & episcopis omnibus, qui in sublimitate sunt.

Amplius ad Titum 3. dicebat Apostolus, Admo- *3. Testimonium.* ne illos, quibus prædicas scilicet, subditos esse principibus & potestatibus, non dixit Apostolus, admone seculares tantum, nec rursus dixit, admone illos, subditos esse nobis & principibus: bene enim nouit Apostolus quod nec ipse vel alii episcopi seu presbyteri debent principari aut alios iudicare litigioso seu secularium actuum iudicio: quinimo ipsos à secularibus negotiis quibuslibet reuocauerat, nedum à principatu seu iudicio talium, cum dixerat 2. ad Ti-

✠ Ambrosii
interpretatio.

✠ Augustini.

Papa manife-
ste hæreticus:
quia subditos à
principum obe-
dientia absol-
uit.

moth. 2. *Nemo militans Deo, implicat se secularibus negotiis.* Vnde Ambrosius, *admone, &c. quasi: et si tu habes imperium spirituale, id est, precipere de spiritualibus, tamen admone illos subditos esse, principibus scilicet, regibus, ducibus, & potestatibus minoribus.* Quia Christiana religio neminem priuat iure suo. Quod pro tanto dixit Ambrosius, quia etiam fideles, dominis & principibus infidelibus aut malis voluit & docuit Apostolus subesse, sicut dicit ipse primæ ad Timoth. ult. *Quicumque sunt sub iugo serui, &c.* Vbi Glossa secundum Augustin. *Sciendum quosdam prædicasse, communem omnibus in Christo libertatem esse, quod de spirituali libertate utique verum est, non de carnali, ut, illi intelligebant.* Ideo contra eos loquitur hic Apostolus, iubens seruos dominis suis subditos esse. Nō ergo exigant serui Christiani, quod de Hebræis dicitur, *ut sex annis seruiant, & gratis dimittantur liberi, quod mysticum est.* Et quare hoc precipiat Apostolus supponit, *ne blasphemetur nomen Domini quasi aliena inuadentis, & doctrina Christiana, quasi iniusta & contra leges prædicet, ciuiles scilicet.* Quo igitur modo & qua secundum Deum conscientia vult aliquis sacerdos, quicumque sit ille, absoluere subditos à iuramento quo dominis fidelibus astringuntur? Est enim hæc hæresis manifesta, ut in sequentibus amplius apparebit. Dixit ergo Apostolus: *admone illos, subditos esse principibus, non dixit laicos solum, sed indifferenter, quia secundum ipsum, omnis anima subdita est eis in iudicio coactiuo seu contentioso.* Si vero non: dic mihi, in quo dixit, *Omnis anima subdita sit?* &c. Quod si Timotheo & Tito in hoc subiici debuisset, frustra dixisset, *Admone illos, &c.* Rursum si quosdam voluit admoneri subesse potestatibus secularibus, quosdam vero minime; insufficienter fuisset locutus, non faciendo in sermone suo differentiam hæc, quam nusquam in sua scriptura factam reperiet quis, sed oppositum magis: dixit enim: *Omnis anima subdita sit, &c.* in quo inconuenienter & falsè locutus fuisset Apostolus (quod absit) si qui à talium subiectione fuissent exempti. Hæc quoque fuit conformiter sententia &

tia & doctrina beati Petri Apostoli prima canonica sua, cap. 2. cum dixit: *Subiecti estote omni humana creatura propter Deum*, constitutæ videlicet in principatu: de quibus cum intellexisse apparet per exempla quæ immediate subintulit, dum dixit: *Siue regi quasi præexcellenti, siue ducibus tanquã ab eo missis, ad vindictam malefactorum, laudem vero bonorum, quia sic voluntas Dei est.* Glossas autem sanctorum non adduxi super hunc locum, quia totum quod hic dicunt, continetur in glossa, quam supra induximus ad Apostolum Rom. 13: Ecce quod beatus Petrus & Paulus cõformiter dicunt reges & duces missos à Deo ad vindictam malefactorum, id est, ad sumendum de ipsis vindictam per coactiuam potentiam in hoc seculo, nusquã vero dixerunt nec ipsi, nec sancti expositores suorum dictorum, ad hoc missos esse episcopos aut presbyteros; sed oppositum magis, vt dicto præcipue Chrysostomi superius euidenter apparuit. Cũ igitur malefactores possint esse presbyteri sicut non presbyteri, secundum omnia transgressionum genera, nobis enumerata secundo huius; per necessitatẽ sequitur ipsos subesse debere in iudicio coactiuo regibus, ducibus, aut aliis principantibus secularibus, quos legislatoris humani auctoritate statuendos ostendimus 15. primæ. Hos enim misit Deus ad vindictam malefactorum, laudem vero bonorum, vt dixit beatus Petrus. *Sic enim* (id est, illis obedire) *voluntas Dei est*, vt dixit ibidem. Hoc rursum cõfirmat sermo & exemplum operis manifestum beati Pauli Apostoli. nam de ipso legitur Actuum 25. quod ipse refugiens sacerdotum iudicium coactiuum, dixit aperte: *Cæsarem appello.* Et rursum: *Ad tribunal Cæsaris sto, ubi me iudicari oportet:* dicit Glossa interlinearis, *quia hic est locus iudicii.* Ergo sacerdotum refugiens iudicium, passus est se coactiuæ iurisdictioni Cæsaris fuisse subiectum. Sed credendum est ne Apostolum fecte dixisse, *Ibi me iudicari oportet* (id est, apud Cæsarem) metu mortis? qui iam pro veritate mori elegerat & deliberauerat, vt apparet Act. 21. dum dixit: *Ego enim non solum alligari, sed & mori paratus sum in Hierusalem propter nomen Domini Ie-*

Hactenus ex Paulo 2. propos. confirmantur: nunc ex Petri testimonio.

Quod Glossa Patrum non opus explicari. Ex præcedentibus Pauli & Petri test. demonstratio.

2. Propos. firmatur test. & exemplo Pauli.

8. Paulus Cæsari fuit subiectus.

Nam Paulus non est fide locutus.

1. Ratio.

su Christi. Quis enim demens æstimabit Apostolum suo verbo tantum crimen cōmisisse protelandæ vitæ gratia; vt omne sacerdotium indebite subiiceret sui exemplo & doctrina iurisdictioni principum seculi, si hoc inconueniens & indebitum reputasset?

2. Ratio.

Melius enim fuerat illi non ascendere in Hierosoly-
mam, qui à nullo compellebatur, quàm ascendere &
mentiri, contra seipsum & proximum. Et ideo quia

Conclusio,

confirmata ex-
emplo Christi.

hoc nefas est æstimare de ipso, apparet ipsum id sen-
sisse mente quod ore protulit. Et secundum imita-
tionem magistri sui, quo noluit esse superior, Chri-
sto videlicet, qui nedum Cæsarem, verum etiam Pi-
latum eius vicarium suum mundanum iudicem re-
cognouit, dum dixit, Ioan. 19. *Non haberes potesta-
tem aduersum me ullam, nisi datum esset tibi, &c. id est,
à Dei superna ordinatione*, vt supra dicebat August.
ad Rom. 13. *quia non est potestas alicui homini bono
vel malo, nisi à Deo data.* Quod etiam Bernardus ad
episcopum Senonensem amplius explicauit, & supra
induximus parte quarta. Cum igitur nulli episco-
po iurdictio seu coactiua cuiusquam potestas in
hoc seculo concessa sit lege diuina, sed potius inter-
dicta consilio vel præcepto, vt patenter ostensum est
in hoc, & præcedenti cap. nec etiam potestas eiusmo-
di episcopis seu presbyteris in quantum episcopis cō-
ueniat successionem patria seu paterna: per necessita-
tem sequitur ipsos in hac subiectos esse principibus
seculi (sicut ex dictis Apostolorum Petri & Pauli &
aliorum sanctorum euidenter apparuit: & ratione
demonstrata conuinci potest ex his quæ dicta sunt
15. & 17. primæ) *nec in quemquam presbyterum aut
non presbyterum coactiuam in hoc seculo iurisdictionem
habere quemquam episcopum siue Papam, nisi ea-
dem sibi per humanū legislatorē cōcessa fuerit, in cuius
potestate semper est hæc ab ipsis reuocare, interueniēte
rationabili causa, cuius plena determinatio ad eundem
legislatores, præsertim in communitatibus fidelium
pertinere dignoscitur.* Quod quidem igitur princi-
patum seu coactiuam iurisdictionem cuiuscunque
in hoc seculo Christus abdicauerit, suisque Aposto-

Sacerdotes prin-
cipibus subie-
ctos esse.

Epilogus.

lis ac

lis ac ipsorum successoribus episcopis seu presbyteris interdixerit consilio vel præcepto, ipsumq; seipsum ac Apostolos eosdem principum seculi coactiue iurisdictioni subesse voluerit, id quoque obseruandum docuerit, ac ipsius Apostoli præcipui Petrus & Paulus tam opere quam sermone, per euangelicas veritates æterna testimonia, per sanctorum quoq; ac reliquorum approbatorum fidei Christianæ Doctorum interpretationes seu expositiones, euidenter monstrasse nos credimus.

C A P V T V I.

Hactenus refutata est ea potestas quam Papa & sacerdotes falso sibi ascribunt. Sequitur de vera eorum potestate: seu auctoritate primum clauium (qua consistit in Sacramento Pœnitentiæ & Excommunicatione, cuius natura explicatur) Deinde Transsubstantiationis.

C O N S E Q V E N S autem dictis est ostendere, quid potestatis, auctoritatis, & quale iudicium super fideles Christus eisdem Apostolis & ipsorum successoribus concedere voluerit, & de facto concesserit ex virtute verborum scripturæ sacræ. Inter cetera vero quæ de hoc expressiorem significationem habere videntur, sunt ea quæ Christus protulit ad Petrum Matth. 16. *Tibi dabo clauēs regni cælorum.* Similiter quoque dicta per eundem Christum ad Apostolos omnes, Matth. 18. & Ioan. 20. dum dixit Christus: *Quacunque alligaueritis super terram, ligata erunt & in cælo: & quorum remiseritis peccata, remittuntur eis,* &c. Ex his enim verbis præcipue opinio & titulus *Plenitudinis potestatis*, quem sibi Romanus ascribit episcopus, sumpsit originem. Quorum quidem vt sensus & notitia certius possit haberi, reminisci oportet aliquorū quæ diximus *ultimo prima*, videlicet qd̄ *Christus* verus Deus & verus homo, *venit in hunc mundū, perhibere testimonium veritati*, vt idem dixit

Scopus capitis.
Quanam potestas Apost. & eorum successoribus à Christo tradita,

S. literarum testimoniu ostenditur:

unde Plenitudo sua potest. Papa finxit.

Quæ declarantur, ab officio Apostolorum,

ex Christi aucto-
ritate.

Quid Baptismi
nomine signifi-
cetur.

Pœnitentia ef-
fecta.

1. Sacerdotibus
omnibus collata
potestas, sunt
claves vel S.
pœnitentiae

teste Hierony-
mo.

Ioan. 18. veritati, inquam, credendorum, agendorum
& spernendorum ad vitam æternam humano generi
consequendam. Quam siquidem etiam sermone do-
cuit, & exemplo monstrauit, in scriptisque demum
tradidit per Euangelistarum & suorum Apostolorum
dictamina, ut per talem scripturam in ipsius & Aposto-
lorum suorum absentia dirigi possemus in his quæ
sunt æternæ salutis: & hoc fuit officium quod suis suc-
cessoribus Apostolis exercendum commisit: cum eisdem
post resurrectionem quasi omnium nouissime dixit
illud Matth. 28. & ultimo: *Euntes ergo docete omnes
gentes, baptizantes eos in nomine Patris & filii & Spi-
ritus sancti: docentes eos seruare omnia quaecunq; man-
davi vobis.* Verum per Baptismi administrationem,
quod Christus per Apostolos administrari præcepit,
fecit eos intelligere etiam aliorum Sacramentorum
administrationem, quæ propter humanam salutem
æternam instituit: quorum est, Pœnitentiæ sacramen-
tum, quo animæ humanæ actualis culpa mortalis &
venialis deletur, & in ipsa propter culpam corrupta
• Dei gratia reformatur, absque qua humana opera sic
ordinante Deo, meritoria non fierent ad vitam æter-
nam. Vnde ad Rom. 6. *Gratia Dei vita æterna.* Hu-
ius itaque Sacramenti, sicuti reliquorum, ministri
sunt sacerdotes seu presbyteri, tanquam successores
Apostolorum Christi, quibus omnibus in persona
Petri & reliquorum Apostolorum potestas clauium
seu conferendi pœnitentiæ sacramentum, id est, sol-
uendi vel ligandi homines à peccatis (quæ idem sunt)
tradita fuisse conuincitur per verba scripturæ prædi-
cta. Vnde Hieronymus super Matth. 16. *Et tibi dabo
claves regni calorum,* sic inquit: *Habent quidem eandem
iudiciariam potestatem alii Apostoli, quibus post resur-
rectionem ait: Accipite Spiritum sanctum, quorum remi-
seritis peccata, remittuntur eis, & quorum retinueritis,
retenta sunt. Habet etiam omnis ecclesia in presbyteris
& episcopis: sed ideo Petrus eam specialiter accepit, ut
omnes intelligant, quod quicumq; ab unitate fidei se se-
parauerit, nec à peccatis absolui, ne calum ingredi potest.*
Et dixit Hieron. *Ab unitate fidei, nec dixit ab unitate*

Petri

Petri vel Romani Episcopi, quoniam ipsorum aliqui poterant hæretici fore, aut aliter peruersi, & iā de facto comperti sunt tales. Hæc autē *iudiciaria potestas* est clauium auctoritas secundū Hier. & Aug. ibidē: de quibus Aug. *Claues sunt discernēdi scientia & potestas, qua dignos recipere, & indignos excludere debet à regno*, sacerdos scilicet. Qualiter autem recipere, & qualiter excludere possit à regno, cōsequenter patebit: & ex hoc, quæ, quantave sit harum clauium, per Christum Petro & Apostolis concessarum potestas. Primū tamen oportet attendere q̄ in anima peccantis mortaliter, generatur culpa, & corrumpitur diuina gratia sibi collata prius. Qua siquidem culpa peccator obligatur debito damnationis æternæ, pro statu futuri seculi. In qua etiam culpa persistens à consortio fidelium in hoc seculo præciditur per correctionem quandam apud Christi fideles, vocatam *Excommunicationem*. Et econtra debemus aduertere quod peccator per tristitiam sui delicti & exteriorē confessionem factam sacerdoti (de quorum utroque simul & diuisim dicitur hoc nomen *Pœnitentia*) triplex beneficium consequitur. *Primū* quidē quoniam ab interiori culpa mundatur, & in ipso Dei gratia reformatur. *Secundū* vero, quoniam à debito damnationis æternæ, ad quā ex culpa obligatus fuerat, absoluitur. *Tertium* aut, quoniam ecclesiæ reconciliatur, id est, fideiū cōsortio reunitur seu reuniri debet. Hæc igitur in peccatore facere, videlicet à culpa & æternæ damnationis debito soluere vel ligare, quod aliquo modo fieri habet per clauium potestatis sacerdoti concessam, quemadmodū infra dicitur, est sacramentū pœnitentiæ ministrare. *His itaq; sic præmissis, ad propositum accedentes*, secundum mentem *Magistri sententiarum*, quinimo scripturę atq; sanctorum, quorum auctoritate loquitur lib. 4. dist. 18. & etiam secundum intentionem *Ricardi* in quodam libello quē fecit intitulatū De clauium sacerdotaliū potestate, dicamus: quod ad verā Pœnitentiam seu sacramentū pœnitentię suscipiendū requiritur *primum* interior peccatoris cōtritiō seu tristitia de cōmisso seu delicto.

Non omnes qui à Papa deficiunt peccant: quia hæreticus esse potest.

Clauium potestas quid sit, teste Augustino.

Excommunicatione quid.

Pœnitentia quid. Tria eius effecta.

Quæ ad eam requirantur.

Secundo vero requiritur propositum & actus confitendi delictum, ipsum per sermonem exprimēdo seu significando sacerdoti, si sacerdotis facultas affuerit. Qui si non adesset, in sic pœnitente seu cōtrito sufficit firmum propositum confitendi delictū sacerdoti, cum ipsius primum facultas affuerit. Et ideo intendūt consequēter, quod in peccatore vere pœnitente, id est, contrito & habente propositum confitendi, quædam ante confessionem, & omnem sacerdotis actionem, solus Deus operatur. Hęc autē sunt, *expulsio culpa, gratia reformatio, & debiti æternæ damnationis remissio*. Quod autem prædicta Christus solus operetur, probat *Magister* lib. 4. dist. 18. cap. 4. per auctores scripturæ atque sanctorum. Primum quidem auctoritate *Esaie dicētis in persona Dei: *Ego solus deleo iniquitates & peccata populi*. Rursum auctoritate *Ambrosii* dicentis: *Verbum Dei dimittit peccata, sacerdos & iudex. Sacerdos quidem officium suū exhibet, sed nullius potestatis iura exercet*. Adhuc idem *Ambrosius*: *Ille solus dimittit peccata, qui pro peccatis nostris solus mortuus est*. Amplius per *Augustinum* dicentem: *Nemo tollit peccata, nisi solus Christus, qui est agnus tollens peccata mundi*. Quod autem hoc faciat Deus ante omnem sacerdotis actionem, deducit *Magister* ex dictis *August.* super illud *Psalmistæ*: *Quorum tecta sunt peccata*. Ex his enim (inquit *Magister*) aperte ostenditur, quod Deus ipse pœnitentem soluit à debito pœnæ. Et tunc soluit quando intus illuminat inspirando verā cordis contritionem. Cui sententiæ ratio suffragatur, & auctoritates attestantur. Nemo enim de peccato nunc conpungitur, habens cor contritum & humiliatum, nisi in charitate, quod autē charitatem habet, dignus est vita. Nemo autē simul dignus est vita & morte. Non est igitur tunc ligatus debito æternæ mortis, filius enim iræ esse desiit, ex quo diligere & pœnitere cœpit. Ex tunc igitur solutus est ab ira, quæ non manet super illum qui credit in Christū, sed super illū qui non credit. Non igitur postmodum per sacerdotem cui cōfitetur, ab ira æterna liberatur, a qua liberatus est iam per dominum: ex quo dixit, *confi-*

*Quenam in
pœnitente solus
Deus præstet.*

*Probat ex
Lombardo:
quod dicitur S. I.
terti & Patri-
bus.*

* *Esaia* 43. 25.

Ambrosio:

& *Augustino.*

*Quorum sentē-
tia ratione pro-
batur.*

confitebor. Solus igitur Deus hominem interius mundat à macula peccati, & à debito æternæ pœnæ soluit. Consequenter autem repetit Magister auctoritates Psalmistæ atque sanctorum prius adductas, post quæ etiam Epilogans inquit: *His aliisq; pluribus testimoniis docetur, Deum solū per se peccata dimittere. Et sicut dimittit quibusdam, ita & aliorū quorundam peccata retinet.* Exigit tamen Deus in pœnitente propositum confitendi delicta sacerdoti, cū illius primū facultas affuerit, sicut dicit Magister lib. 4. 17. cap. 4. ubi querit, an sufficiat soli Deo cōfiteri peccata, & determinat auctoritatibus scripturæ, quod non, si facultas affuerit sacerdotis. Quod si nō affuerit, sufficit soli Deo confessum esse, habito tamen semper proposito confitendi si possit. Hoc etiam, conformiter Magistro, sensit *Richardus* in suo libello prædicto, & ex determinatis ab eo in diuersis capitulis colligitur, quod *à vere pœnitente*, id est, contrito de peccato, Deus ante quæcūq; ministerium sacerdotis culpam tollit, debitumq; mortis soluit æterna, sub conditione tamen quod sacerdoti postmodum debeat confiteri delictum, cum illius primum facultas affuerit. Quam siquidem conditionem vocauit Magister *firmum propositum confitendi delicta*, cum sacerdotis facultas adesset. Hanc autem sententiam conclusit Magister eodem quarto dist. 18. cap. 5. & 6. respondens cum hoc rationabili quæstioni, qua dubitari potest, ad quid officium siue actio sacerdotis in pœnitētia requiratur, si solus Deus ante omne illius ministerium culpam tollit, & æternæ damnationis debitum soluit? Et dixit Magister: *In hac autem tanta varietate* (quoniam de hoc tam sancti quam doctores dissentire videbātur, licet non in veritate dissentiant) *quod tenendum, hoc sane dicere ac sentire possumus, quod solus Deus dimittit peccata & retinet. Et tamen ecclesia* (id est, sacerdotibus, qui dicuntur ecclesia, secundum vnā significationem, vt apparuit secundo huius) *contulit potestatem ligandi & soluendi. Sed aliter ipse soluit vel ligat, aliter ecclesia, id est, sacerdotes. Ipse enim per se tantum dimittit ita peccatum, quia & animam mundat ab*

Solus Deus à peccato & condemnatione liberat.

Tamen propositum confessionis requiritur.

Quod ad vnam (si sacerdos desit) sufficit. Teste Lombardo & Richardo.

Differentia rem s. peccatorū, quæ à Deo & ecclesia confertur.

Similibus illustrata.

Qua Hieronymo declarantur.

Quomodo sacerdos peccata remittant, & secus.

Quare sacerdos remissio requiratur.

Potestatis clauum in Pœnitentia prior pars. Declaratio remissionis peccati. hætenus explicata: altera sequitur, nempe commutatio pœnæ Purgat in aliam huius seculi: quæ Satisfactio dicitur.

interiori macula, & à debito aterna mortis soluit, non autem hoc sacerdotibus concessit, quibus tamen tribuit potestatem ligandi & soluendi, id est, ostendendi homines solutos vel ligatos. In quo expressit propter quid requiratur in pœnitentia officium seu ministerium sacerdotis, & consequenter id declarans dixit: Vnde etiam dominus leprosum prius sanitate per se restituit, deinde ad sacerdotes misit, quorum iudicio ostenderetur mundatus: ita etiam Lazarum iam viuificatum, obtulit discipulis soluendum, quia et si aliquis apud Deum sit solutus, non tamen in facie, id est, in notitia ecclesiæ solutus habetur, nisi per iudicium sacerdotis. In soluendis igitur culpis aut retinendis ita operatur sacerdos ecclesiasticus, & iudicat, sicut olim legalis in illis qui contaminati erant lepra, quæ peccatum significat. Hanc quoque sententiam repetit circa finem, cap. 6. Ipsamque confirmat auctoritate Hieronymi super illud Matthæi 16. *Et tibi dabo clauis regni celorum*, inquit Hieronymus: *Id iuris & officii habent euangelici sacerdotes, quod olim sub lege habebant legales in curandis leprosis.* Hi ergo peccata dimittunt vel retinent, dum dimissa à Deo vel retenta iudicant & ostendunt. Vnde in Leuitico, ostendere se sacerdotibus iubentur leprosi, quos illi non faciunt leprosos vel mundos, sed discernunt qui mundi vel immundi. Requiritur ergo sacerdotis officium ad pœnitentem, propter causam prædictam, ut per ipsum videlicet ostendatur in ecclesiæ facie, quibus Deus peccata retinuit vel dimisit.

Est aliud etiam quod Deus operatur ad peccatorem, non sine ministerio sacerdotis, ut idem *Magister* atque *Richardus* senserunt, videlicet commutatio temporalis pœnæ *Purgatorii* (quam pro delictis subiturus erat peccator, quantumcunq; bene pœnitens & confessus) in aliquam huius seculi satisfactionem, ut ieiunium, orationem, aut eleemosynam, peregrinationem, vel cōsimile aliud. Et secundum hoc iura potestatis in pectore sacerdos exercet. Vnde *Magister* dist. 18. cap. 7. sic inquit: *Et notandum quia quos satisfactione Pœnitentia ligant, eo ipso à peccatis solutos ostendunt.*

ostendunt, quia non imponitur alicui satisfactio pœnitentialis, nisi quem sacerdos vere pœnitentem arbitrat^r, alii non imponit, & eo ipso peccata à Deo retineri iudicat. Commutat quoque sacerdos pœnas purgatorii peccatori debitas in aliquas huius seculi satisfactiones. Et peccatores postmodum ecclesia, id est, communioni fidelium reconciliat, in quo similiter potestatem in peccatores exercet, si tamen id secundum discretionē egerit. Vnde Magister ubi supra: Ligant quoque sacerdotes dum satisfactionē pœnitentia confitentibus imponunt: Soluunt, cum de ea aliquid dimittunt, vel per eam purgatos ad communionem sacramentorum admittunt, quemadmodum, soluendi scilicet vel ligandi, superius Leo notauit. Secundum hunc modum dicuntur sacerdotes peccata dimittere vel retinere. Vnde superius Augustin. dixit: Quibus remittunt, remittit Deus, &c. Opus enim iustitia exercent in peccatores, cum eos iusta pœna ligant: opus misericordie, dum de ea aliquid relaxant, vel sacramentorum communioni conciliant: alia opera in peccatores exercere nequeunt. Vnde etiam

Satisfactio cui mandetur.

Papa nec de peccato nec de pœna plus remittit quam quini sacerdos.

Ex dictis itaq; sanctorum auctoritatibus Magistri atque Richardi, apparet liquido, quod culpam & debitum aeterna damnationis, solus Deus peccatori vere pœnitenti remittit absque opere sacerdotis precedente vel interueniente simul, quemadmodum ostensum est prius. Cuius etiam volo demonstrationem infal-

Conclusio praecedentium.

demonstratione firmata.

libilem assignare secundum scripturam, & iuxta dicta sanctorum atq; Doctorum. Quoniam solus Deus est, qui non potest ignorare, quibus remittendum, & quibus retinendum sit peccatum: & solus, qui affectione peruersa neque mouetur, neq; iudicat quemquam iniuste. Non sic autem ecclesia siue sacerdos, quicumque sit ille, etiam Romanus episcopus. Potest enim ipsorum quilibet errare quandoque, vel inclinari affectione peruersa, vel utroque. Propter quod, si vere pœnitenti cum debito proposito, aut etiam actu confitendi subsecuto, non retineretur

peccatum seu culpa & debitum eternę damnationis, renitente sacerdote ignorantia, malitia vel utroque, periret persepe fidelis & euāgelica Christi promissio, qua bonis præmia æternæ gloriæ, malis vero gehennæ supplicia se dixit daturum. Vnde (sicut etiam frequenter euenire cōtingit) esto peccatorem aliquem fecte ac indebite delicta confessum, & sic sacerdotis ignorantia vel malignitate aut vtraq; absolutionem & benedictionem accepisse: esto rursus alium quendam sufficienter & debite sacerdoti peccata confessum, recusasse quoq; illi sacerdotem, ignorantia, malitia, vel vtraque, delictorum absolutionem & benedictionem impendere: nunquid sunt prioris fecte cōfidentis peccata dimissa, & posterioris vere pœnitentis peccata retenta? firmiter & indubie tenendum quod minime. Vnde *Chrysostomus* super illud Ioannis 20. *Accipite Spiritum sanctum, & quorum remiseritis peccata, &c.* sic inquit: *Non enim sacerdos, sed neq; angelus aut archangelus operari potest aliquid in his quæ data sunt à Deo. Sacerdos aut suam benedictionem & manū tribuit, nō enim iustū est ut propter alterius malitiam circa symbola nostræ salutis ladi eos, qui ad fidē veniūt.*

Idem quoq; *Hieronymus* super illud Matth. 16. *Et tibi dabo clauēs regni calorum, &c.* sic inquit: *Hunc locum quidam non intelligentes aliquid sumunt de supercilio Phariseorū, ut damnare innoxios, vel soluere se putent noxios, cum apud Deum non sententia sacerdotum, sed reorum vita quærat. Quibus verbis subiūgit * Magister dist. 18. cap. 6 seriem hanc notabilem: Ita & hic aperte ostenditur, quod nō sequitur Deus ecclesiæ iudicium, quæ per surreptionem & ignorantiam interdum iudicet ecclesiæ, id est, sacerdotum in ea. Hoc etiam addens octauo eiusdem: Interdū enim qui foras mittitur, id est, extra ecclesiam per sacerdotem esse iudicatur, intus est, & qui foris est secundum veritatem scilicet, intus retineri videtur, per falsum videlicet iudiciū sacerdotum. Hanc etiam de clauium sacerdotalium potestate sententiam, quam ex dictis sanctorum atq; doctorum collegimus & recitauimus pridem, resumens *Magister* in quarta dist. 18. cap. 8. sic inquit:*

& auctoritate
Chrysostomi,

Hieronymi,

* Deus vitam,
non sacerdotis
iudicium
inspicit.
Lombardi.

Iam

Iam ostensum est qualiter sacerdotes dimittunt peccata, vel retinent. Et tamen retinuit sibi Deus quandam singularem potestatem dimittendi vel retinendi, quia ipse solus per se debitum aeternae mortis soluit, & animam interius purgat. Idem quoque dicit cap. 9. atque finali eiusdem distinctionis. Ipsa ergo, inquit, dissimilitudo, qua inest anima ex peccato, & à Deo elongatio, anima macula intelligitur, à qua purgatur in poenitentia. Hoc autem solus Deus facit, qui solus suscitatur animam & illuminat, quod sacerdotes nequeunt, qui sunt medici animarum. Est autem & alius modus ligandi atque soluendi, ad quam similiter requiritur actio sacerdotis, per Excommunicationem scilicet. Hac autem, ut dicit Magister in quarta dist. 18. cap. 7. fieri habet, cum quis secundum canonicam disciplinam, tertio vocatus ad emendationem manifesti delicti, & satisfacere vilipendens, sententia ecclesiae à loco orationis & sacramentorum communione, & fidelium consortio praecluditur, ut erubescat, & pudore sceleris conuersus poeniteat, ut Spiritus eius saluus sit. Qui si poenitentiam profitens, resipuerit, negata communioni admittitur & ecclesiae reconciliatur. Haec autem ecclesiae anathematizatio hanc poenam illis, qui digne percelluntur, infligit, quia Dei gratia & protectio illis amplius subtrahitur ac sibi ipsis relinquitur, ut sit eis liberum ruere in interitum peccati, in quos etiam Diabolo maior datur saeuendi potestas. Orationes quoque ecclesiae & benedictionum ac meritum suffragia, eis nequaquam suffragari putantur. Circa praedicta quidem, ut sciatur cuius vel quorum sit, & secundum quem modum excommunicandi potestas, oportet attendere, quod in excommunicatione iudicatur reus ad poenam pro statu futuri seculi iudicio quodam, de quo expressius nono huius dicetur, & eidem infligitur poena quaedam grauis, etiam pro statu vitae praesentis, ut quia diffamatur publice, sibi & praesens, bique interdicitur aliorum consortium. Ex quo etiam ciuili communione atque commoditate priuatur. Et licet primae poenae inflictio ut quae infligitur illi qui percellitur indigne, nihil noceat pro statu fu-

2. Sacerd. potestas est Excommunicatio.

quando ea fieri debeat.

Eius effectum primum. Alterum.

In excommunicatione poena posthumae:

& praesens.

Si autem iniusta sit Excom. illa nulla est:

*Dee tamen gra-
ui.*

*Cuius sit excom-
municare.*

Anale.

turi seculi (quia *Deus non semper sequitur ecclesia, id est, sacerdotum iudicium, dum scilicet iniuste quemquam iudicant*, quemadmodum sufficienter ostensum est prius) Læderetur tamen sic iniuste percussus à sacerdote pro statu vitæ præsentis gravissime, quasi, ut quia diffamatur, & ciuili communicatione priuatur. Et propterea dicendum, quod licet ad tale iudicium promulgandum requiratur vox & actio sacerdotis, non tamen ad aliquem solum, aut tantummodo ad ipsorum collegium pertinet iudicium coactiuum & præceptum dare de excommunicandis aut absolueudis. Sed talem statuere iudicem, cuius videlicet sit reum vocare ac examinare, iudicare, absolvere, aut condemnare, sic publice diffamandum, aut à fidelium consortio præcidendum, pertinet ad fidelium vniuersitatem in communitate illa, in qua debet aliquis tali iudicio iudicari, vel ad superiorem ipsius, vel ad concilium generale. Veruntamen debet examinatio criminis, si tale fuerit propter quod debeat quis excommunicari nec ne, fieri per talem iudicem habito collegio sacerdotum aut ex eis peritorum determinato numero secundum leges positas aut consuetudines. Sacerdotes namque iudicio primæ significationis debent crimina iudicare seu discernere, quibus secundum legem euangelicam, debet quis à fidelium præcidi consortio, ne alios inficiat: quemadmodum medicus aut medicorum collegium, iudicio primæ significationis, iudicare habent de morbo corporali, propter quem debet quis ne alios inficiat, ut leprosus, ab aliorum consortio separari. Et rursus debet esse crimen huiusmodi, quod certo testimonio probari possit per aliquem fore commissum. Et propterea, sicut non ad medicum quenquam, aut ipsorum tantummodo collegium, iudicium seu iudicem (cuius est coactiua potestas expellendi leprosos) statuere pertinet, sed ad ciuium fidelium vniuersitatem aut ipsorum partem valentiorum (quemadmodum demonstratum est is. primæ) sic quoque propter animæ morbum, ut crimen notorium, expellendorum à communi consortio, iudicium

aut iudicem (cuius sit horum coactiua potestas) ad nullum sacerdotem solum, aut ipsorum tantummodo collegium statuere pertinet in communitate fidelium. Quanquam ex ipsorum consilio debeat tale iudicium procedere, quoniam ipsi tenentur scire legem diuinam, in qua determinata sunt crimina propter quæ debet alicui criminoso, fidelium non criminolorum interdicti consortium. *Labia namque sacerdotis custodiunt scientiam, & legem requirent ex ore eius*, Malachie 2. Vtrum autem huiusmodi crimen cõmiserit is cui crimen imponitur, non oportet per solum episcopum aut sacerdotem iudicari, sed per fidelium vniuersitatem in communitate illa, vel per iudicem ab eadem institutũ ad hoc, vel superiorem (quemadmodum diximus) siue sacerdotem siue non sacerdotem, secundum tamen probationes inductas, & si per testes conuictus fuerit, & tale fuerit crimen propter quod debeat excommunicari, in quo solo stari debet iudicio collegii sacerdotum aut sanioris partis illius. Tunc per supradictũ iudicem à fidelium vniuersitate illius loci statutum ad hoc, debet sic criminofus excõmunicandus per sententiam nuntiari. Et fieri debet executio talis sententiæ voce sacerdotis, pro quanto tangit reum etiam pro statu venturi seculi. Demonstrat autem verum esse quod diximus, scriptura, ex qua ortum sumpsisse videtur hæc correctionis species, & est *Matthæi 18.* cum dixit Christus: *Si peccauerit in te frater tuus, vade & corripe eum inter te & ipsum solu, si te audierit, lucratus eris fratrem tuum. si autem te non audierit, adhibe tecum vnum vel duos testes, ut in ore duorum vel trium testium stet omne verbum. Quod si eos non audierit, dic ecclesia, si autem ecclesiam non audierit, sit tibi sicut Ethnicus & Publicanus.* Dixit ergo Christus, dic Ecclesia, nec dixit, Apostolo vel episcopo seu presbytero aut ipsorum soli collegio. Et intellexit ibi Christus ecclesiam fidelium multitudinem aut iudicem ad æcillius auctoritate institutum. Quo modo vsi sunt hoc nomine Apostoli & Ecclesia primitiua, sicut plene ostensum est *secundo huius.* Et quod sic Christus

Modus excommunicando

probatat testimonio Christi

De Pauli

intellexerit *Ecclesiam*, id est, credentium seu fidelium vniuersitatem, & quod huius sit talem iudicem statuere, aut tale iudicium ferre in contumaces, aut taliter criminosos, *demonstro per Apostolum*, 1. ad Corinthios 5. vbi *causam, formam & modum, & per quos hoc iudicium in quenquam ferri debeat*, tradit Apostolus magis expresse, Christi verborum sequens & explanans sententiam, dum dixit: *Ego quidem absens corpore, praesens autem spiritu, iam iudicaui ut praesens, eum qui sic est operatus, in nomine Domini nostri Iesu Christi, congregatis vobis & meo spiritu, cum virtute Domini Iesu tradere huiusmodi Satanae*: Criminosum scilicet quendam, qui patris sui uxorem cognouerat carnaliter. Vbi Glossa secundum Augustinum: *Hoc modo iudicaui, ut nos congregati in unum, absque aliqua dissensione, quibus mea auctoritas & virtus Christi cooperabitur, tradatis Satanae huiusmodi*. Ecce ergo propter quid, quibus, & qualiter aliquis excommunicandus est secundum intentionem & doctrinam Apostoli, in cuius mandato fortassis magis attenditur consilium quam praecceptum, etiam secundum legem diuinam. Quoniam, esto quod illum criminosum tolerassent inter ipsos conuersari propter ipsorum patientiam, quamuis non sine scandalo & periculo infectionis aliorum, nil minus saluari & meritoria opera facere poterant. Amplius, esto quod praecceptum stricte sumendo fuisset secundum legem diuinam, non tamen fuit praecceptum hoc fieri per solum sacerdotem aut episcopum vel ipsorum tantummodo collegium. Et ideo cum dixit Apostolus: *Ego quidem absens corpore, praesens autem spiritu, iam iudicaui*, &c. intelligi debet iudicio primae significationis, non tertiae, propterea quod subdit, *Congregatis vobis & meo spiritu*. Vnde & ei formam tradidit, ex qua inter ipsos ex hoc contentio non posset oriri, quoniam ipsis congregatis in unum: maxime, si per modum iudicii coactiui hoc fieri debebat. Propter quod Augustinus, *Vt vos congregati in unum absque aliqua dissensione, id est, de communi consensu per vos fiat, vel per iudicem ex com-*

mun

muni consensu per vos statuto ad hoc, quod idem est.

Et ideo non mandauit hoc Apostolus fieri per presbyterum aliquem, nec alicui episcopo seu presbytero scripsit hoc fiendum per ipsum, cum tamen ad ipsos tunc mitteret Timotheum, qui episcopus erat, ut * eadem quarto palam, quod tamen fecisset, si hoc

Excommunicatio non solum sacerdotibus commissa.

* epistola ad Corint. cap. 4.

iudicium ad solius sacerdotis auctoritatem pertinere nouisset, quemadmodum in aliis fecerat. Quod

etiam ex 1. ad Timoth. 3. & ad Titum 1. induximus capitulo præcedente. Posset autem, quam tenemus,

probabiliter dicta sententia *ratione* firmari iuxta *Ratio.*

scripturam. *Quoniam* certius & absque suspitione magis fit tale iudicium (ut diximus) quam per so-

lam voluntatem vnici sacerdotis aut ipsorum solius collegii, cuius aut quorum iudicium amore vel odio,

aut inspecto commodo proprio, citius peruerteretur, quam *uniuersitatis fidelium, ad quam semper ap-*

pellare contingit. Quamuis (ut diximus) executio talis sententiæ per sacerdotem fieri debeat, pro quan-

to inuocatur in hoc seculo diuina virtus ad pœnam aliquam criminoso infligendam in hoc seculo, quæ

per hominis potestatem non posset inferri, ut * *Dæ-*

monis vexationem. Et quia pro statu futuri seculi similiter iudicatur ad pœnam, & quoniam priuatur

ecclesiæ suffragiis, quod fortasse per solius sacerdotis actionem Deus instituit fieri. *Amplius,* quoniam

si cuius episcopo seu presbytero soli, aut cum suo solo collegio clericorum * hanc quemlibet excommu-

nicare absque fidelium uniuersitatis consensu: sequitur ex eo, sacerdotes aut ipsorum collegium, omnia

regna & principatus ab habentibus regibus aut principibus auferre posse. Excommunicato namque

quouis principe, subiecta sibi multitudo etiam excommunicabitur, si excommunicato principi obedi-

re voluerit: sicque cuiuslibet principis erit cassa potestas. Cuius oppositum voluit Doctor gentium ad

Rom. 13. & 1. ad Timotheum 6. & Augustinus ibidem in Glossa, quemadmodum induximus *quinto*

huius, parte septima & octaua. Instantiæ vero quæ ad hanc determinationem possent apparenter induci

* Videtur traditione Satanae de pœna corporali cum Patribus interpretari.

* Locus mendosus: deesse videtur, Potestatem dedit: aut pro hanc legatur.

9. Sacerd. potestas est Transsubstantiatio.

*Cuius origo du-
ta.*

*De potestate
clauum ana-
cephaleosis.*

*Qua solus Deus
in homine ope-
ratur.*

*Quae per sacer-
dotem fiant.*

Primum.

Alium.

facile repellentur ex dicendis, nono, decimo, decimoquarto, & decimoséptimo, huius. Est rursum auctoritas quædam sacerdotum, ea qua panis & vinum in corpus Christi benedictum transubstantiatur ad sacerdotis orationem, post certorum verborum ab ipso prolationem. *Hac autem auctoritas, character est anima, sicut ea qua clauum. Et dicitur potestas conficiendi eucharistia sacramentum.* Hanc siquidem Theologorum quibusdam dicentibus esse ab eodem characterē cum clauum potestate, de qua dictum est prius. Aliis vero, quod diuerso characterē, alio etiam tempore atque verbis Christi, collato Apostolis, ut his quæ ad Apostolos protulit Matthæi 26. Marci 14. & Lucæ 22. dum dixit ad eos: *Hoc est corpus meum, quod pro vobis datur, hoc facite in meam commemorationem. Hoc facite,* id est; hoc faciendi potestatem habete. Qualitercunque tamen de hac diuersitate veritas habeat, non refert ad hanc considerationem: quantum enim sufficiens nobis est ad propositum de auctoritatibus seu potestatibus, presbyteris seu episcopis per Christum collatis, quod ex scriptura sacra conuinci potest, rememorasse putamus. Ceterū quæ de clauum sacerdotalium potestate seu auctoritate per Christum Apostolis tradita, *summam facturi, recolligētes,* dicamus quod in peccatore vere pœnitente, id est, de peccato commisso dolente, aliqua solus Deus operatur etiam absque sacerdotis aliquo præueniente ministerio, *mentis* videlicet illuminationem, *culpa* seu maculae peccati purgationem, & *æterna damnationis* remissionem. Alia vero sunt quæ **D**eus in eodem peccatore non secundum se solum operatur, sed per ministerium sacerdotis: sicut, ostendere in ecclesiæ facie, quis solutus vel legatus à peccatis habeatur in hoc seculo, ligandus aut soluendus in alio: id est, cuius Deus peccata retinuerit aut dimiserit. *Amplius* est & aliud quod Deus operatur circa peccatorem per ministerium sacerdotis, commutatio scilicet pœnæ purgatorii debitæ peccatori, pro statu futuro, seculi in aliquam satisfactionem temporalem seu seculi huius,

huius. Ipsam enim relaxat secundum partem aut totum iuxta satisfactiones iniunctas & poenitentis conditionem: quæ omnia per sacerdotē fieri debent, cum *clauē* potestatis *secundum discretionem*. Sic et- Tertium,
iam à Sacramentorum communione per sacerdotem excluduntur contumaces, & resipiscentes admittuntur, quomodo dictum est circa finem capituli præcedentis. Hæc autem fuit sententia *Magistri* lib. 4. dist. Confirmatio ab auctoritate.
 18.8. cap. cum dixit: *Secundum hos ligandi & soluendi modos, quomodo verum est quod dicitur: Quodcunque solueritis super terram, solutum erit & in calis, & quodcunque ligaueritis super terram, ligatum erit & in calo.* Aliquando enim ostendunt solutos vel ligatos, presbyteri scilicet, qui non sunt apud Deum, & pœna satisfactionis interdum indignos ligant vel soluunt, & indignos sacramētis admittunt, & indignos admitti arcent. Sed intelligendum est in illis quorum merita solui vel ligari postulant. Quoscunque ergo soluunt vel ligant, adhibentes clauem discretionis reorum meritis, soluuntur vel ligantur in calis, id est, apud Deum, quia diuino iudicio sententia sacerdotis sic progressa approbatur & confirmatur. Et dixit Magister consequenter quasi epilogans, *Ecce qualis & quantus est usus apostolicarum clauium.*

Ad cuius etiam euidentiam ampliorē habendam, inducemus exemplum seu comparisonem ipsius familiarem satis, quæ etiam verbis & sententiæ Christi atque sanctorum, quorum auctoritates induximus prius, & maxime Ambrosii, multum attinere videtur. Inquit enim ille: *quod verbum Dei dimittis peccata, sacerdos quidem officium exhibet suum, sed nullius potestatis iura exercet.* Nos autem dicamus, *quod sacerdos tanquam * clauiger celestis iudicis quasi proportionaliter peccatorem liberat clauigero mundani iudicis.* Nam sicut per verbum siue sententiam iudicis huius seculi, principantis scilicet, damnatur aut absoluitur reus à culpa & pœna civili: sic per verbum diuinum aliquis simpliciter soluitur aut ligatur culpa & debito damnationis seu pœna pro statu futuri seculi. Et sicut actione clauigeri mundani princi-

* clauigerum à clauē deducit.

Similitudo sacerdotis & clauigeri apostolici.

pis nemo à civili culpa vel pœna soluitur aut damnatur, per ipsius tamen actionem, qua carcerem claudis vel aperit, reus ostēditur solutus vel damnatus: sic quasi per sacerdotis actionem, nullus soluitur aut ligatur culpa & debito damnationis aeternae, sed ostēditur in ecclesiae facie quis solutus aut ligatus habeatur à Deo, dum sacerdotis benedictionem accipit, & ad sacramentorum communionem admittitur, quomodo prædiximus circa finem, capituli precedentis. Et ideo sicut clauiger mundani iudicis aperiendo vel claudendo carcerem, officium suum exhibet, nullius tamen iudiciariae potestatis absoluendi vel damnandi iura exercet, quoniam etsi de facto carcerem aperiret alicui reo non absoluto per iudicem, ipsumque populo absolutum sua voce nuntiaret, non propter hoc reus solutus esset à pœna vel culpa civili. Et e contra, si carcerem aperire recusaret, suoque verbo nuntiaret non esse absolutum sed damnatum, quem vere iudex per suam absoluisse sententiam, non propter hoc ille debitor esset culpæ aut pœnæ civilis. Sic proportionaliter sacerdos, clauiger cælestis iudicis officium suum exhibet, per absolutionis aut ligamenti seu maledictionis verbalem pronuntiationem. Quod si vere damnandos per supernum iudicem, aut iam damnatos, sacerdos ipse ignorantia, vel surreptione, aut utroque absoluendos vel absolutos pronuntiaret, aut e contra, non tamen propter hoc essent primi soluti, & secundi damnati, eo quod clauem aut claues cum discretionem non adhibuisset reorum meritis. Et ideo suum officium exhibet, sicut dixit Ambrosius. Nullius tamen potestatis iura exercet, quoniam vere solutos aut soluendos apud Deum quandoque in ecclesiae facie sacerdotes pro futuro seculo ligatos aut ligandos pronuntiant, & e contra, ut supra diximus auctoritate sanctorum, atque Magistris libro 4. distinctione 18. & 8. capitulo. Et propterea iura potestatis non exercet sacerdos. Sic enim quandoque diuina iustitia & repromissio perire

Sacerdos index posset. Ille igitur solus iura potestatis exercet in his, & quasi praeo: iudex est, in actionem habens potentiam, qui solus nec falli

falli de humanis cogitationibus & operationibus potest. Nam ad Hebræos 4. *Omnia nuda & aperta sunt oculis eius*, & qui solus nec quicquam vult peruerse. *Quoniam iustus es Domine, & omnia iudicia tua iusta sunt*, & omnes via tua, misericordia, & veritas, & iudicium, Tobia 3. ideoque vnicus ipse iudex est talis Vnde Iacobi 4. *Vnus est legislator & iudex, qui potest perdere & liberare*, quod Iacobus nec de seipso aut aliquo dixit Apostolorum, cum tamen esset vnus de his tribus, qui videbantur esse *columna ecclesiae*, vt dixit Apostolus ad Galatas 2. Voluit autem Christus huiusmodi sententias per ipsum latas aut ferendas in alio seculo, per sacerdotes pronuntiarum quodam iudicio significationis primæ, quasi prognostico: vt ex hoc peccatores in hoc mundo terrentur & à sceleribus & criminibus reuocentur ad poenitentiam, ad quod exigitur, & valet multum officium sacerdotum. Quo modo, si medicus corporalis sanitatis, cui docendi & operandi secundum artem medicinæ potestas est data, ex institutione iudicis seu legislatoris humani, de futuris sanis aut morituris iudicium secundum medicinalem scientiam in populo promulgaret, vt ex hoc homines sobriam ducerent vitam, & ab intemperata reuocarentur, propter corporis sanitatem conseruandam, aut acquirendam, præcepta quoque seu documenta talium exhiberet: præciperet vtique talia medicus obseruari, & obseruatores futuros sanos & transgressores infirmos vel morituros iudicaret, quos ille neque sanaret, aut infirmaret principaliter, sed naturæ hominum actio, ministerium tamen aliquod exhiberet. Nec rursus posset medicus sui auctoritate sanum aut infirmum ad talia facienda quantumcunque corporali sanitati conferentia compellere, sed solummodo exhortari & docere atque terrere per sui iudicium primæ significationis prognosticum, eis annuntiando sanitatem ex quorundam obseruatione, mortem vero aut ægritudinem ex talium transgressione. Sic etiam proportionaliter *medicus animarum* (*sacerdos scilicet*) de his quæ ad æter-

Deus solus iudex: ut liquet ratione & autoritate.

Cur Christus in excommunicatione sacerdotibus utatur.

Quod similitudine medici illustratur.

Redditio.

nam animæ sanitatem perducunt, vel mortem æternam aut poenam temporalem pro statu venturi seculi, iudicat & hortatur. Ad quæ tamen iudicio coactiuo neminem arcere potest nec debet in hoc seculo, vt Apostoli & Ambrosii auctoritate probauimus 2. ad Corinth. 1. & supra cum his Chrysostomi sententiam expressam induximus quinto huius, parte sexta. Propter quod sacerdos secundum sui officium non debet similitudinarie operari iudici tertiæ significationis sed primæ, habenti scilicet auctoritatem docendi aut operandi, quemadmodum medicus, non tamen in quantum per potentiam coactiuam. Sic enim Christus se vocauit *medicum*, non principem. Vbi Lucæ 5. dixit de se loquens: *Non egent medico qui sani sunt, sed qui male habent*, nec dixit, iudice indigent. Quoniam in mundum de contentiosis coactiuum iudicium exercere non venerat, vt ex Lucæ 12. induximns *quarto huius*, parte octaua. Sed viuos & mortuos tali iudicio iudicaturus est in die illa, de qua dixit Apostolus 2. ad Timotheum vltimo: *In reliquo reposita est mihi corona iustitia, quam reddet mihi Dominus in die illa iustus iudex*. Tunc enim coactiuo iudicio poenas infliget his, qui legem latam per ipsum immediate in hoc seculo transgressi fuerint. *Et propterea signanter dixit Christus Petro, Tibi dabo clauces regni calorum. nec dixit, tibi dabo iudicium regni calorum*. Et inde iam diximus, neque clauigerum mundani iudicis aut superni habere iudicium coactiuum, quod tertiæ significationis vocauimus, eo quod neuter talis potestatis iura exercet, vt de sacerdote palam dixit Ambrosius, & reliquorum etiam sanctorum auctoritate monstratum est satis. De auctoritate itaque sacerdotum seu episcoporum, & apostolicarum clauium potestate per Christum sibi concessa, determinatum sit hoc modo.

Auctoritatem docendi non cogendi sacerdos habet. Exemplum à Christo.

Epilogus.

CAPVT IIX.

*Actiōum humanarum diuīsiō; earumq;
regula: descriptio & vsus humana &
diuina legis; Legum subiectum: huma-
na legis index, magistratus, eiusque in
Papam & clericos potestas.*

QVONIAM autem omne iudicium coactiuum est de humanis actibus voluntariis secundum aliquam legem aut consuetudinem: & de his quidem, vel in quantum ad finem huius seculi ordinabilibus (vitæ mundanæ scilicet sufficientiam) aut quantum ad finem venturi seculi; quem vitam seu gloriam vocamus æternam; vt amplius appareat distinctio iudicum seu iudicare debentium, & secundum quas leges, quo iudicio, & qualiter: de ipsorum actuum differentiis aliquo modo differamus. Ad priorum etenim dubitatorum solutionem, horum determinatio non parum proficiet. Dicamus igitur, quod *actuum humanorum* prouenientium per cognitionem & desiderium, quidam proueniunt absque mentis imperio: alii vero per humanæ mentis imperium. *Primorum* quidem sunt, cognitiones, desideria, & dilectiones à nobis & in nobis euenientes absque imperio seu præcepto intellectus aut appetitus de ipsis facto. Quales sunt cognitiones & affectiones ad quas eximus, dum excitamur à somno, vel aliter factæ in nobis, absque nostræ mentis imperio. *Has autem assequuntur* cognitiones, consensus, & affectiones aliquæ de prioribus actibus continuandis aut quibusdam inquirendis & comprehendendis, vt in actione quæ per rememorationem fit: & hæ sunt & dicuntur *mentis imperia seu præcepta*, tum quia nostro imperio fiunt seu eliciuntur: aut ipsis, alia quædam, veluti prosecutiones & fugæ.

*Scopus capitis:
& vsus.*

*Actiōum humanarum mentis & voluntatis diuīsiō.
Primi generis descriptio:*

& exempla

Secundi,

& cur mentis imperia dicantur.

Est autem imperatorum actuum & non impera-

*Utriusque dif-
ferent. 4.*

torum differentia, ex eo quod pridem diximus, quoniam non imperatorum actuum non omnino est in nobis libertas seu imperium ut fiant aut non. Imperatorum vero secundum Christianam religionem potestas in nobis est. Et dixi primorum actuum non omnino potestatem in nobis; quoniam non est in potestate nostra, totaliter horum cunctum prohibere, quamvis per secundos actus qui dicuntur imperia, & his consequentes, sic animam disponere possimus, ut non facile sit factiua vel receptiua primorum, videlicet cum horum oppositos fuerit assuetus sibi quisque præcipere, diligere, aut conside-

*Primi generis
divisio.*

rare. *Imperatorum vero actuum* quidam sunt & dicuntur immanentes, & alii transeuntes. *Immanentes* autem sunt & dicuntur imperatae cognitiones, affectiones, & horum habitus facti ab humana mente, eo quod in subiectum aliud ab ipso faciente non transeunt. *Transeuntes* autem sunt & dicuntur omnes prosecutiones desideratorum, & ipsorum omissiones & motus facti per aliquod organorum corporis exteriorum maxime secundum locum motorum. Rursum *transeuntium actuum* quidam sunt & fiunt absq; nocumento vel iniuria singularis personæ, collegii, vel communitatis alterius à faciente, veluti sunt omnium factibilium genera & pecuniarum datio, peregrinatio, & corporis proprii castigatio, verberare seu percussione aut alio quouis modo, & his similes reliqui. *Alii vero* transeuntium sunt & fiunt, cum opposita circumstantia, nocumento videlicet vel iniuria in alterum à faciente, quales sunt percussio, furtum, rapina, falsum testimonium, & reliqui plures secundum modos & species.

Harum act. quædam sunt regulæ quib. regantur ad beatitudinem.

Omnium autem prædictorum actuum ab humana mente scilicet prouenientium, imperatorum maxime, adinuentæ sunt quædam regulæ, seu mensuræ, vel habitus, quibus conuenienti modo ac debite fiant & proueniant tam pro sufficienti vita huius seculi quam venturi consequendis ex his. Verum istorum habituum seu regularum *quædam* sunt, secundum quas docentur & regulantur actus humanæ

men-

Regula autem vel docens tantum:

mentis, tam immanentes quam transeuntes in fieri vel omitti absque pœna vel præmio operanti vel omittenti distribuendis ab alio per potentiam coactiuam. *Quales* quidem sunt plurimæ disciplinæ operatiuæ, actiuæ atque factiuæ. *Alia* vero dictarum regularum sunt secundum quas præcipiuntur actus huiusmodi fieri vel omitti sub pœna vel præmio operantibus aut omittentibus distribuendo per alterius potentiam coactiuam. Harum autem rursum coactiuarum *quadam* sunt secundū quas afficiuntur ipsarum obseruatores aut transgressores pœna vel præmio in statu & p̄ statu vitę præsentis. *Quales* sunt omnes leges & humanæ consuetudines ciuiles. *Alia* vero harum sunt secundum quas pro solo statu & in statu futuri seculi puniuntur aut præmiuntur operatores. *Quales* sunt diuinæ leges vt plurimum, quæ communi nomine *sectæ* vocantur, inter quas, vt diximus sexto primæ, ea quæ Christianorum sola continet veritatem & sufficientiam, pro futuro seculo sperandorum. Est igitur pro vita seu viuere sufficienti huius seculi posita regula humanorum actuum imperatorum transeuntium fieri possibilium ad commodum vel incommodum, ius aut iniuriam alterius à faciente præceptiua, & transgressorum coactiua supplicio siue pœna pro statu præsentis seculi tantum. Quam *legem humanam* communi nomine diximus in decimo primæ. Cuius etiam finalem necessitatem, & causam agentem assignauimus 11. & 12. & 13. primæ. Pro vita vero seu viuere in hoc seculo, pro statu tamen futuri seculi tradita & posita est lex per Christum. Quæ siquidem *lex*, regula est humanorum actuum imperatorum, & qui sunt in potestate actiua nostræ mentis, tam immanentium quam transeuntium, secundum quod fieri possunt vel omitti, debite aut indebite in hoc seculo, pro statu tamen siue fine futuri seculi, coactiua & distributiua pœnæ vel præmii, & horum illatiua in futuro seculo, *non in isto*, secundum merita vel demerita obseruatorum aut transgressorum illius in vita præsentis. Verum quia leges hæ coactiuæ tam diuinæ

quales sunt, atque plurimæ. vel cogunt etiam: ut leges.

Earum quæ cogunt diuisio & exempla.

Vsus & descriptio humana legis.

& Christiana.

utraq; opus ha-
buit subiecto,
cuius est secun-
dum legem hu-
manas actiones
regere & inin-
stas vi coercere.

Hoc subiectum
est iudex:

teste Aristotele.

* cap. 4. ἐμ-
ψυχον δῖνον-
ον.

Legis humana
iudex est ma-
gistratus: cuius
est fontes pu-
nire:

testibus Apo-
stoli.

Eoque ministri
ecclesie quia ta-
les esse possunt ei
substant.

* Qui nam
clerici vo-
centur.

auctore Paulo,

& interpreta-
tione Patrum.
Tum demon-
stratione.

Propositio.

* Phys. 2.
cap. 3.

Assumptio.

quam humanæ anima carent & mouente principio iudicatio & executio, indiguerunt habere subiectum seu principium aliquod animatum, quod quidem secundum ipsas humanos actus præcipiat, regulet, seu iudicet, ac etiam exequatur iudicata, & ipsarum arceat transgressores. Hoc aut subiectum aut principium *iudex* vocatur, quem diximus secundum tertiam significationem secundo huius. Vnde 5. Ethicorum *, tractatu de iustitia: *Est enim iudex velut iustum animatum.* Secundum humanas ergo leges oportet habere iudicem, qualem iam diximus auctoritatem habentem iudicandi (tertiæ significationis iudicio) de contentiosis hominum actibus exequendi iudicata, & legis transgressorem quemlibet per coactiuam arcendi potentiam. Hic enim iudex *Dei minister est, & vindex in iram, ei qui malum agit*, ut dixit Apostolus ad Rom. 13. & à Deo missus ad hoc, ut dicitur 1. Petri 2. & dixit Apostolus: *qui malum agit*, quicumque scilicet fuerit ille, indifferenter hoc intelligens de omnibus. Et ideo cum presbyteri seu episcopi, * generaliterque omnes templorum ministri communi nomine vocati *clerici*, possint committendo vel omittendo malum agere, & agant ipsorum aliqui (utinam non plurimi) quandoque de facto in nocumentum & iniuriam alterius; sunt & ipsi suppositi vindictæ seu iurisdictioni iudicum, quorum est coactiuia potentia puniendi legum humanarum transgressores. Quod etiam aperte dixit Apostolus ad Roman. 13. Vnde, *omnis anima, inquit, subdita sit potestatibus sublimioribus*, regibus videlicet, principibus & tribunis, secundum sanctorum expositionem. Eadem namque propria materia debet eiusdem agentis actionem suscipere, quod natum & ordinatum est in illam agere propter finem ad quam apta est: ut apparet in secundo Physicæ. Sic enim (ut * ibidem dicitur) *agitur unumquodque, sicut natum est agi, & econuerso.* Nunc autem legis transgressor materia est siue subiectum, in quod natus est & ordinatus agere iudex seu principans iustificationem propter æqualitatem siue proportionem faciendam ad pacem seu tranquill-

tranquillitatem & conuietum siue congregationem hominum conseruandam, demum propter humanę vitę sufficientiam. Et propterea vbicunque talis materia seu subiectum reperiatur in prouincia subiecta iudici, debet illam iustificare. *Cum igitur sacerdos possit esse propria seu per se materia talis, verbi gratia, legis humana transgressor, debet illius subesse iudicio.* Esse enim sacerdotem vel non sacerdotem, accidit transgressori secundum comparisonem ad iudicem: sicuti esse agricolam aut domificatorem, quemadmodum sanabili aut ægrotabili, musicum aut non musicum esse in cõparatione ad medicum. *Non enim tollitur id quod est per se, neque variatur per id quod accidit.* Alioquin essent infinitę iudicum species atque medicorum. *Debet ergo sacerdos seu episcopus quilibet legis humana transgressor iustificari & arceri per iudicem, cuius est in hoc seculo transgressorum humana legis coactiua potestas.* Hic autem est seculi princeps, inquantum huiusmodi non presbyter aut episcopus, vt demonstratum est quarto huius & quinto. *Ergo per principem presbyteros seu episcopos omnes humanę legis transgressores oportet arceri.* Nec solum velut secularis ex transgressione debet plecti sacerdos, seu alter spiritualis minister, sed tanto amplius quanto grauius & indecentius peccat, quoniam magis sciens & eligens, qui præcepta fugiendorum & agendorum amplius nosse debet. Et rursus, quoniam turpius peccatum est debentis docere quam doceri. Hoc autem sustinet presbyteri peccatum ad eum qui non presbyteri. *Peccat igitur grauius sacerdos, & eo amplius puniendus.* Nec recipi debet instantis sermo, qui dicat iniurias verbales, reales, aut personales, & reliqua humana lege prohibita, per sacerdotem in quemquam illata, spirituales fore actiones, & eo non pertinere ad seculi principem in sacerdotem talia vindicare. Quoniam huiusmodi lege prohibita, vt quæ adulterii, percussionis, homicidii, furti, rapinæ, ignomininæ, detractionis, proditionis, fraudis, hæresis, & reliquorum similium

Conclusio.

Demonstr. ex præcedenti sequenti proposito: Assumptio:

Conclusio, manifestos episcopos aut presb. principem seu magistratum punire debet:

& quidem grauius.

Ratio prima.

Secunda: syllogismo explicata.

Occupatio obiecti, quæ negatione aut reuerentia diluitur per aphorismum.

& per thesin: Sacerdotum inuisa actione sunt carnales.

Ratio ab experientia: & auctoritate Pauli. Amplificatio ratione munita.

Conclusio: episcopus & sacerdos principum iurisdictioni subesse debet. Eoque nec ab ea exemptus: nec alios eximere potest.

Demonstratio ab absurdo.

Propositio.

** Papæ in principes seditionis rebellio.*

Assumptio.

** non ferendum.*

Eiusque ratio.

Propositio confirmatio memorabilis.

Sacerdotibus uxores concedi posse.

per sacerdotem commissâ carnalia sunt & temporalia, ut notissimum est experientia, & supra id monstrauimus secundo huius per Apostolum 1. ad Corinth. 3. & ad Roman. 15. Et eo etiam carnaliores atque temporaliores iudicandæ magis quanto secundum ipsa presbyter aut episcopus, grauius & turpius peccat his quos à talibus reuocare debet, delinquendi præbens occasionem & facilitatem sui exemplo peruerso. *Subest igitur & subesse debet sacerdos quilibet seu episcopus iurisdictioni principum in his quæ præcepta sunt humana lege seruari, quemadmodum ceteri seculares. Nec est exemptus ipse à talium iudicio coactiuo, nec quenquam alium auctoritate sua eximere potest, quod demonstro per additionem ad ea quæ dicta sunt 17. primæ, deducendo contradicentem ad inconueniens maximum. Quoniam si Romanus episcopus, aut alter quiuis presbyter sic esset exemptus, ut coactiuo principantium iudicio non subesset, sed esset ipse iudex huiusmodi absque humani legislatoris auctoritate, possetque omnes spirituales ministros (quos clericos vocant communi nomine) à principum iurisdictione separare, sibi que subiicere (* quemadmodum faciunt modernis temporibus Romani Pontifices) sequitur per necessitatem, principantium secularium iurisdictionem quasi totaliter annullari: quod reputo graue inconueniens, & omnibus principibus & cõmunitatibus * importandum: quoniam *Christiana religio neminem priuat iure suo*, ut ex *Ambrosio* supra illud ad Titum 2. *Admone illos subditos esse principibus & potestatibus*, induximus quinto huius. Inconuenientis autem istius consequentiam sic ostendo, quoniam *lege diuina prohibitum non reperitur, quinimo concessum presbyterum aut episcopum esse, qui habet uxorem*, præsertim si non vna plures habuerit, ut habitum est primæ ad Timoth. 3. Quod autem humana lege seu constitutione statutum est, eadem auctoritate reuocari potest in quantum huiusmodi. Poterit igitur Romanus episcopus, qui se legislatorem facit, aut de suæ Plenitudine potestatis (*si quis tamen hanc ipsum concedat**

concedat habere) presbyteris omnibus, diaconis, & subdiaconis vxores concedere: nec solum his, verum etiam aliis non ordinatis sacerdotio vel diaconatu, aut aliter consecratis, quos *clericos tonsura simplicis* vocant: quinimo & his decentius, quod & de facto *Bonifacius Octauus* fecisse videtur, vt sibi secularem potentiam adaugeret. *Omnes enim qui virginem duxerant uxorem & unicam volentes, ascripsit cœtui clericorum*, & per suas ordinationes, quas *Decretales* appellant, ascribi decreuit. Neque adhuc his clausi limitibus, laicos quosdā quos in Italia *fratres Gaudentes*, alibi vero *Beginos* appellant, similiter ab humanis legibus ciuilibus rite latis exemptos fecerunt. Sic quoque *fratres Templariorum, Hospitaliorum*, & reliquos plures huiusmodi ordines, similiter & eos qui *de Alto passu*: sic etiam de ceteris pro libito pari ratione facere possunt. Quod si omnes huiusmodi hoc ipso exempti sunt à principantium iurisdictione secundum *Decretales* ipsorum (quæ etiam talibus sic exemptis immunitates quasdam onerum publicorum seu ciuiliū tribuunt) verisimile valde videtur maiorem hominum multitudinem ad horum collegium declinare: præcipue cum ad hos tam literatos quam illiteratos indifferenter assumant. Est enim quilibet pronus ad commodum proprium prosequendum, & incommodum fugiendum. Maiori vero multitudine seu pluralitate ad *clericorum* collegium declinante, principantium iurisdictione, & coactiua potestas inualida remanebit, quod est grauissimum inconueniens, & politiæ corruptiuum. Qui enim gaudet honoribus & ciuilibus commodis, vt pace ac tutela legislatoris humani, ab oneribus & iurisdictione non debet eximi absque determinatione legislatoris eiusdem. Propter quod si quidem euitandum, fateri oportet secundum veritatem, iurisdictionem in episcopos seu presbyteros & clericos omnes, legislatoris auctoritate principantem habere, ne principatuum etiam pluralitate inordinata politiam solui contingat, quemadmodum determinatum est 17. primæ. Numerum quoque

Bonifacius Papa insidiosum decretum in clericorum augendo numero.

Monachi indotos in ordinem assumunt.

Immoderatus clericorum & monachorum numerus reip. perniciosus.

Ratio.

Conclusio.

Confessarium:
Clericorum nu-
merus à princi-
pe terminan-
dus:
ne respub.
noceat.

Epilogus.

certum ipsorum in subiecta sibi prouincia, principantem determinare debere, sicuti & personarum cuiusuis alterius politiæ partis: ne sua excreſcentia indebita, potestati coactiuæ principantium resistere valeant, aut aliter politiæ turbationem inferre, vel sua insolentia & actio necessariorum operum ciuitatem aut regnum priuare commodo, quemadmodum ex *secundo quinti Politica*, induximus 15. primæ. Sic igitur humana lege ac iudice, qui tertiæ significationis regulari habent, actus humani tranſeuntes in commodum vel incommodum, ius aut iniuriam alterius à faciente. Cui siquidem coactiuæ iurisdictioni subesse debent omnes seculares & clerici. Sunt autem & alii iudices quidam secundum humanas leges, qui primæ significationis iudices dicti sunt, aut secundæ, vt ipsarum doctores, auctoritate tamen coactiua carentes, quos in vnica quamuis communitate etiam non subordinatos inuicem, nihil prohibet esse plures.

CAPVT IX.

Legis diuina index solus Christus; non autem episcopi: Legis duplex consideratio: Quando Christus iudicaturus: Sacerdotes & episcopos principibus subesse debere.

Lex diuina etiam iudicē habet: cogendi potestate pradi-
tum.

Hic solus est Christus.

Sed iudiciū ante finem mundi non exercet:

SECUNDVM hanc igitur rationem, *index etiam quidam est, coactiuam habens auctoritatem transgressorum secundum legem diuinam, quam etiam humanorum actuum aliquorum tam immanentium quam tranſeuntium coactiuam regulam diximus.* Hic autem vnicus est, *Christus* scilicet, nullus alius. Vnde Iacobi quarto: *Vnus est legislator & index, qui potest perdere & liberare.* Verum huius iudicis coactiua potestas in quemquam non exercetur in hoc seculo, ad poenā seu supplicium aut præmium distribuenda transgressoribus aut obseruatoribus legis, latæ per ipsum immediate, quam euangelicam per-
ſæpe

sepe diximus. Voluit enim sui misericordia Christus, usque ad extremam cuiusque periodum concedere mereri, & de commissis in ipsius legem poenitere posse, sicut etiam ex sacrae scripturae auctoritatibus in sequentibus ostendetur. Est alius secundum euangelicam scripturam *iudex*, qui primae significationis proportionaliter humanae legi, *sacerdos* scilicet, qui doctor est in hoc seculo diuinæ legis, & agendorum aut fugiendorum quæ sunt ad vitam æternam consequendam, & poenam declinandam secundum ipsam præceptorum. Non tamen habens coactiuam potentiam in hoc seculo arcendi quenquam ad præceptorum secundum ipsam observationem. Frustra enim ad hæc quenquam cogeret, quoniam obseruatori talium coacto, nihil ipsa proficerent ad æternam salutem, quemadmodum per *Chrysostomum*, quinimo per *Apostolum* euidenter ostendimus quinto huius. Ideoque iudex hic conuenienter assimilatur medico, cui data est auctoritas docendi atq; præcipiendi, & prognosticandi seu iudicandi de his quæ sunt utilia fieri vel omitti ad corporalem sanitatem consequendam, & mortem aut ægritudinem declinandam. Propter quod etiam Christus in statu & pro statu vitæ præsentis vocauit se medicum, non principem atque iudicem. Vnde Lucæ quinto, & supra induximus capit. præcedente de se loquens ad Phariseos inquit: *Non egent medico qui sani sunt, sed qui male habent.* Non enim ordinauit Christus arceri quemquam ad legis latæ per ipsum observationem in hoc seculo. Et propterea nec iudicem coactiuam habentem potentiam huius legis transgressores arcendi statuit in eodem. Vnde attendendum quod *euangelica lex* potest dupliciter comparari ad homines, super quos est lata per Christum, uno quidem modo ad ipsos in statu & pro statu vitæ præsentis. Et ut sic rationem habet magis doctrinæ speculatiuæ aut operatiuæ vel vtriusq; quantum ad diuersas sui partes, quam legis dictæ secundum propriam & ultimam significationem, quamuis lex possit dici secundum alias legis significationes,

ut esset, eius misericordia, poenitentia locus.

Alius præterea iudex est sacerdos. quia legis diuina iudex:

sed nulla cogendi potestate præditus. Nam ea nihil ad salutem.

Ideoque iudex hic medico similis.

Vnde Christus in hoc mundo se medicum vocauit, non iudicem.

Nullum enim vi cogendum ad suæ legis observantiam. nec tali potestate iudicem constituit.

Vnde Evangelica lex dupliciter consideranda. 1. Ratione huius seculi:

atque ita proprie doctrina est, non lex.

*Demonstratio -
na propositio.*

Assumptio.

Conclusio:

*firmata aucto-
ritate Pauli:*

& Ambrosii.

*2. Ratione alte-
rius seculi : &
sic demum lex
est :*

*& qui ex ea
tunc indicabit
in propria iu-
dex.*

*Eoque sacerdos
proprie iudex
non est:*

vt secundam & tertiam , de quibus diximus decimo primæ. Et causa eius quod diximus est , *quoniam lex secundum vltimam & proprie dictam significatio- nem , dicitur de regula coactiua , id est , secundum quā transgressor arcetur per potentiam coactiuam , traditam secundum ipsam iudicare debenti. Nunc* autem per euangelicam doctrinam seu latorem legis ipsius , nemo cogi præcipitur in hoc seculo ad eorum obseruationem , quæ in ipsa præcipiuntur in hoc se- culo fieri vel omitti. *Ideo*que ad statum hominis in hoc & pro hoc seculo comparata , dici debet doctrina non lex , nisi secundum quem modum diximus. Et fuit hæc Apostoli sententia , 2. ad Timoth. 3. cum di- xit : *Omnis scriptura diuinitus inspirata utilis est ad docendum , ad arguendum , ad corripiendū , ad erudien- dum in iustitia.* Nunquam vero dixit Apostolus ad cogendum vel puniendum in hoc seculo. Vnde 2. ad Corinth. 1. *Non quia dominamur fidei vestra , sed ad- iutores sumus gaudii vestri : quia fide statis.* Vbi Am- brosius , & supra induximus quinto huius , nec fre- quenter iterare piget. *Et ne indignentur* (Corinthii scilicet) *quasi de dominio , eo quod dixerat* (Aposto- lus) *Parcens vobis non veni , subdit* (Apostolus) *non ideo dico parcens , quia dominemur fidei vestra , id est , quia dominium & coactionem patiatur fides vestra , qua voluntatis est , non necessitatis. Sed ideo dico , quia adiutores sumus , si vultis cooperari. Ecce adiutores , per doctrinam scilicet , & si vultis cooperari. Nam fide qua per dilectionem operatur statis , non dominio.* Alio vero modo comparari potest euangelica scriptura seu lex ad homines pro ipsorum statu in alio seculo , in quo solummodo (*non isto*) arcebuntur poena vel supplicio , qui eam transgressi fuerint in vita præsen- ti , & vt sic , nomen legis propriissime dictæ sortitur. Et qui secundum ipsam iudicabit tunc propriissime iudex , vt qui secundum tertiam significationem co- actiuam habens potentiam. Sacerdos autem seu epi- scopus quicumque sit ille , quoniam secundum hanc disponit & regulat homines solummodo in statu vi- tæ præsentis (licet ad futuram vitam) nec sibi secun- dum

dum ipsam arcere quemquam in hoc seculo concessum est ab illius immediato latore, Christo videlicet; idcirco *nec proprie iudex dicitur* (ut qui tertiæ significationis coactiuam habens potentiam) nec quemquam tali iudicio in hoc seculo pœna reali aut personali potest nec debet arcere. Quo etiam vel proportionali modo doctor aliquis operatiuus, ut medicus se habet ad iudicium sanitatis corporalis hominum absque coactiua cuiusquam potentia, quemadmodum diximus circa principium capituli huius. Hæc quoque (iuxta mentem Apostoli 2. ad Corinth. 1.) fuit aperte sententia beati *Ioannis Chrysostomi* in suo libro *dialogorum*, qui etiam *De dignitate sacerdotali* intitulatur libro 2. cap. 3. Eius vero seriem quam induximus quinto huius, parte sexta, non reiterauimus hic propter abbreviationem sermonis, sed quod addit ad seriem supradictam subiunximus hic. Inquit ergo *Chrysostomus*: Propter hoc ergo multum opus est artis auxilio, ut persuadeatur hominibus, & se ultro cum agrotant, sacerdotum prabeant medicina, nec solum hoc, sed & gratificentur curandis: siue enim aliquis resultet ligatus, habet quippe in hoc liberam potestatem, malum suum deterius facit, siue ea verba quæ vice ferri erant profutura respuerit, alius sibi de contemptu vulnus adiungit, fitque curationis occasio, morbi perniciosioris instrumentum. Non est enim qui curare possit inuitum. Et tunc aliquibus interpositis quæ corrigendo, non tamen cogendo debet attendere pastor animarum, infra subiungit: *Homo vero si à fide recta fuerit abductus, multum sacerdoti imminet exhortationis, industriae & patientia, quia non potest errantem ad talem, vi reducere, sed persuadere conabitur, ut ad fidem rectam reuertatur, à qua primitus corruit.* Ecce qualiter sanctus iste separat iudicium sacerdotum à iudicio principantium, quoniam sacerdotum iudicium coactiuum nec est nec esse debet, causam quam persæpe diximus assignans. *Primum* quoniam coactiua potestas à legibus seu legum latoribus est, quæ sacerdotibus suo tempore vel prouincia concessa non erat. *Secundo*, quoniam si

nec in cuiusquã bona aut personam talem habet inuersionem.

Atque hac in re medico similis.

Teste Chrysostomo:

qui sacerdotum & principum iudicium separat duplici de causa:

concessa foret eisdem, frustra itaque secundum illam agerent in subditos. Nam coactis nihil spirituale proficit ad æternam salutem. Idemque dixit supra illud Lucæ 9. *Si quis vult post me venire, abneget semetipsum.* Seriem autem propter dictorum sufficientiam omisi, & propter abbreviationem.

✠ *Hilario.*

Hæc rursum fuit aperte sententia beati *Hilarii* ad Constantium Imperatorem, in qua epistola inter cetera scripsit eidem: *Deus cognitionem sui docuit potius quam exegit, & operationum caelestium admirationem preceptis suis concilians, auctoritatem coactiuam confitendi se aspernatus est.* Ecce quod vult Deus cognitionem sui & confessionem homines doceri, per fidem scilicet, cogi vero quemquam minime, sed hoc aspernatur. Eadem quoque parum infra repetit dicens: *Non requirit Deus coactam confessionem.* Rursumque infra eadem in persona omnium sacerdotum, inquit sic: *Non possum nisi volentem recipere, nisi orantem audire, nisi profitentem signare.* Non vult ergo Deus coactam sui confessionem, nec quemquam ad hoc trahi per violentam alicui actionem seu compulsionem. Vnde idem contra Auxentium Mediolanensem episcopum, quem Arrianum reputauit; & qui per armatam potentiam homines fateri quæ suæ opinionis erant, circa, imo verius contra fidem catholicam (vt dicit) procurabat arceri, ipsumque arguens, etiam si vera docuisset, sic ait: *Ac primum misereri licet nostra ætatis laborem, & presentium temporum stultas congemiscere opiniones, quibus patrocinari Deo humana creduntur, & ad tuendam Christi ecclesiam, ambitione seculari laboratur.* Rursus ad eundem ibidem: *At nunc proh dolor diuinam fidem suffragia terrena commendant, inopsque virtutis sua Christus, dum ambitio nomini suo consiliatur, arguitur.* Terret exiliis & carceribus ecclesia, credique sibi cogit, quæ exiliis & carceribus credita est. Et loquitur de ecclesia, pro collegio sacerdotum seu episcoporum, & reliquorum templi ministrorum, quos vocat clericos. Hoc etiam Ambrosius ad Valentinianum Imperatorem epistola secunda, quæ intitulatur ad plebem, sensit

✠ *Ambrosio:*

ſenſit aperte, cum dixit: *Dolere potero, flere potero, gemere potero: aduerſus arma, milites, Gog hos quoque, lachryma mea arma mea ſunt*, talia enim munimenta ſunt ſacerdotis, aliter nec debeo nec poſſum reſiſtere.

Ecce quod *non debet*, eſto quod poſſet, arma vel potentiam coactiuam in quemquam mouere, aut moueri iubere, vel exhortari ſacerdos: maxime contra

Chriſti fideles. Cuius oppoſitū (cōtra documentum ſacri canonis & ſanctorum) omnis iſte mundus, de quibusdam ſacerdotibus ſentire poteſt. Secundum veritatem igitur & apertam intentionem Apoſtoli atque ſanctorum, qui doctores eccleſiæ ſeu fidei ex-

titerunt, aliorum præcipui, *nemo cogi præcipitur in hoc ſeculo pœna vel ſupplicio ad legis euangelicæ præcepta ſeruanda, per ſacerdotem præcipue, nedum fidelis, verum etiam nec infidelis*: propter quod huius legis miniſtri, epiſcopi ſeu præſbyteri, nec quemquam iudicare poſſunt in hoc ſeculo (tertiæ ſignificationis iudicio) nec quemquam ad præceptorum diuinæ legis obſeruationem, præſertim *absque humani legiſlatoris auctoritate*. Quoniam tale iudicium ſecundum legem diuinam in hoc ſeculo exerceri non debet, aut eius executio fieri, ſed in futuro tantummodo.

Vnde Matthæi 19. *Ieſus autem dixit illis: id eſt, Apoſtolis: Amen dico vobis, quod vos qui ſecuti eſtis me, in regeneratione, cum ſederit filius hominis in ſede maiestatis ſuæ, ſedebitis & vos ſuper ſedes duodecim, iudicantes duodecim tribus Iſrael.* Ecce quando ſeſſuri erant Apoſtoli cum Chriſto tanquam coniudices tertiæ ſignificationis, quoniam in alio ſeculo, non in iſto. Vbi gloſſa: *in regeneratione, id eſt, quando mortui reſurgent incorrupti*. Vnde ſecundū

gloſſam duæ ſunt regenerationes: prima ex aqua & Spiritu ſancto: ſecunda in reſurrectione. Vnde ſedebitis & vos, dicit gloſſa ſecundum Auguſt. *Forma ſerui qua iudicata eſt* (Chriſti ſcilicet, qui in hoc ſeculo iudicatus fuit coactiuo iudicio) *non iudicans, cum iudiciariam exercuerit poteſtatem, in reſurrectione ſcilicet, eritis & vos mecum iudices*. Ecce ergo ſecundū Chriſti

oraculum euangelicum, & ſanctorum expoſitionem,

qui ſacerdotem certare armis debere negat.

Vnde Papa, qui contra ſacriſcilius apparet. *Concluſio.*

Nemo vi ad diuinæ legi obſeruationem cogendus: præſertim a ſacerdote.

Ratio:

& auctoritas Chriſti.

Quæ Gloſſa iſt-luſtratur.

Reſurrectio duplex.

etiam ex Auguſtino.

quod Christus non exercuit in hoc seculo iudiciariam potestatem, coactiuam scilicet, quam tertiæ significationis diximus. Sed potius in forma serui existens, ab alio iudicatus est tali iudicio, & quod talem iudiciariam potestatem coactiuam, cum exercuerit in alio seculo, tunc Apostoli cum ipso sedebunt ad iudicandum tali iudicio, non antea.

Episcopi plus auctoritatis sibi sumunt, quam Christus & Apostoli.

Idque contra Christi doctrinam:

& natura lucē in Aristotele.

**Hos enim in alium numerum quam ciuilis magistratus debemus reponere.*

**Politice curę Superiorum demonstratio in proposito.*

Vnde admiratione dignum est valde, cur sibi assumat episcopus seu presbyter aliquis quicunque sit ille, maiorem aut aliam auctoritatem quam Christus aut eius Apostoli habere voluerint in hoc seculo. Ipsi enim in forma seruorum iudicati sunt per seculi principes: eorum vero successores presbyteri, principibus non solum subesse recusant (cōtra Christi & Apostolorum exemplum atque præceptum) verum etiam principibus & potestatibus supremis coactiua iurisdictione præesse se dicunt: cum tamen dixerit Christus Matthæi 10. *Et ad reges & ad præsides ducemini propter me*, nec dixit, præsides aut reges eritis Et infra subiungit, *non est discipulus supra magistrum, nec seruus super dominum suum*. Nullum ergo iudicium, principatum, seu dominium coactiuum potest aut debet in hoc seculo presbyter seu episcopus aliquis (inquantum huiusmodi) exercere. Fuit etiam hæc aperte sententia Aristotelis 4. Politicæ, cap. 15. inquit enim: *Propter quod non omnes neque electos neque sortiales ponendum principes, puta sacerdotes primo. (*hos enim aliquid aliud præter politicos principatus ponendum) adhuc & distributores & præcones. Eliguntur autem & legati. Sunt autem hæc quidem politica curarū, vel omnium ciuium ad quandam operationem. Et parum infra subdit, hæc autem æconomica sunt.*

Testatur autem dictis, quoniam si voluisset Christus sacerdotes nouæ legis iudices esse secundum ipsam, tertiæ significationis iudicio coactiuo videlicet, contentiosos hominum actus in hoc seculo per talē definiendo sententiam, tradidisset utiq; in lege huiusmodi specialia præcepta talium, quemadmodum Moyse fecit in antiqua lege, quem oraculo suo
& non

& non per hominem, Deus principem & Iudæorum iudicem coactiuum instituit. Sicut habetur Actuum 7. propter quod etiam illi legem Deus tradidit obseruandum in statu vitæ præsentis, ad contentiones hominum dirimendas, præcepta talium specialiter continentem, & in hoc proportionaliter se habentem humanæ legi, quantum ad aliquam sui partem. Ad quæ siquidem obseruanda compellebantur & arcebantur homines in hoc seculo per Moysen & ipsius substitutos iudices coactiuos, pœna vel supplicio, minime non per sacerdotem aliquem, sicut Exodi 18. euidenter apparet. Verum *Assumptio* huiusmodi præcepta in euangelica lege non tradidit Christus, sed tradita vel tradenda supposuit in humanis legibus, quas obseruari & principantibus secundum eas omnem animam humanam obedire præcepit, in his saltem quæ non aduersarentur legi salutis. Vnde Matthæi 22. & Marci 11. *Reddite quæ sunt Cesaris, Cesari*, per *Cesarem* significans quemlibet principantem. Sic etiam Apostolus ad Romanos 13. (nec reiterare piget) *Omnis anima subdita sit potestatibus sublimioribus*. Sic etiam 1. ad Timoth. ultimo, *Etiam dominis infidelibus*. & ibidem glossa *& glossa ex Augustino* secundum Augustinum, quam quinto huius induximus, parte octaua. Ex quibus apparet liquido intentionem Christi, Apostoli, & sanctorum fuisse, humanis legibus, & secundum ipsas iudicibus cunctos homines subesse debere. *Conclusio.*

Amplius ex his palam, *quoniam non omnia quæ in lege seu Testamento veteri, Iudaico populo consulta vel custodiri præcepta fuerunt, obseruare tenentur Christi fideles*. Quinimo quorundam est ipsis obseruatio interdicta, vt quæ ceremoniarum sub pœna perditionis æternæ, quemadmodum docet Apostolus ad Romanos 3. & 7. ad Galat. 2. & 5. ad Ephes. 2. & ad Hebr. 7. & 10. Cuius etiam assequentes sententiæ beati Hieronymi & Augustini, in ipsorum mutuis epistolis 11. & 13. concorditer in hoc dicentes, asserunt talium ceremoniarum obseruatores, siue veros siue simulatos, post publicationem euangelicæ legis fore *Ab humanis legibus & iudicibus solū, malefactorum puniendorum ratio præscribenda: quia de eo nihil in Euangelio præceptū. Nam lege Moysaica non tenentur.*

in Diaboli barathrum deuolutos. Ad legalium quoque similiter obseruationem minime tenentur Christi fideles, ut apparet per Apostolum ubi supra, & per Augustinum super illud prædictum 1. ad Timoth. ultimo, cum dixit: *Non ergo exigant, id est, quia non exigere possunt serui Christiani, quod de Hebraeis dicitur, &c.* Cum igitur nec in lege gratiæ tradita sint præcepta, specialiter pro contentiosis actibus hominum in hoc seculo dirimendis, relinquitur talia definiri debere per humanas leges tantummodo, & iudices secundum has ab humano legislatore auctoritatē habentes. Fuerunt autem & alia quædam in lege Mosaica obseruari præcepta pro statu venturi seculi: veluti ea quæ sacrificiorum aut hostiarum seu oblationum quarundam pro redemptione peccatorum, maxime occultorum, quæ per immanentes actus committuntur. Ad quæ implenda nemo cogebatur poena vel supplicio præsentis seculi. Et his proportionaliter habent omnia nouæ legis tam cōsilia quam præcepta: eo quod ad talium obseruationem in hoc seculo neminem Christus voluit nec præcepit arceri, licet legum humanarum instituta generali mandato præcipiat obseruari, sub poena tamen aut supplicio in alio seculo transgressoribus infligendo. *Vnde transgressor humana legis, quasi ut in pluribus peccat in legem diuinam, licet econuerso non sic.* Quoniam multi sunt actus, in quibus committens aut omittens, peccat contra legem diuinam, quæ de his præcipit, de quibus humana lex frustra præciperet: quales sunt quos pridem diximus immanentes, qui alicui adesse vel nō inesse probari nequeunt, cum tamen Deum latere non possint. Et ideo de talibus debite faciendis aut omittendis *lex diuina* lata fuit conuenienter propter hominum melioritatem, tam in præsentī seculo quam venturo.

Obiectio.

*1. Responsio: cum
supra prima parte
antecedens con-
cedit.*

Obiiciet autem aliquis imperfectionem euangelicæ legi, si per ipsam, ut diximus, sufficienter regulari nequeant actus humani contentiosi pro statu & in statu vitæ præsentis. *Nos autem dicamus*, quod per legem euangelicam sufficienter dirigimur in agendis

gendis aut declinandis in vita præsentis, pro statu tamen venturi seculi seu æternæ salutis consequendæ, aut supplicii declinandi (propter quæ lata est) non quidem pro contentiosis actibus hominum ciuilitè reducendis ad æqualitatem aut cōmensurationem debitam pro statu seu sufficientia vitæ præsentis, eo quod Christus in mundum non venit ad huiusmodi regulandos pro vita præsentis, sed futura tantummodo. Et propterea diuersa est temporalium & humanorum actuum regula, diuersimode dirigens ad hos fines. *Vna enim, diuina* scilicet, nullo modo docet contendere aut repetere in iudicio, licet non prohibeat. Ideoque nec de talibus specialia tradit præcepta, vt diximus. *Reliqua vero horum actuum regula* hæc docet, tradit & transgressores arceri præcipit, *humana lex* scilicet. Propter quod Lucæ 12. petenti à Christo humanum iudicium inter se & fratrem suum, respondit ipse: *Homo, quis me constituit iudicem aut diuisorem inter vos?* quasi diceret, non veni ad tale iudicium exercendum. Vnde glossa: *Non dignatur esse iudex litium, non arbiter facultatum, qui viuorum & mortuorum habet iudicium, & mortuorum arbitrium.* Non ergo per diuinam vel euangelicam legem commensurari possent sufficienter actus humani pro fine præsentis seculi. Quoniam nec regulæ talium actuum commensuratiuæ ad proportionem, quam volunt homines & licite pro statu vitæ præsentis, sunt in ea traditæ; sed ab humanis legibus suppositæ, vel traditæ, vel etiam tradendæ; sine quibus etiam propter defectum iustitiæ contingeret ex hominum scandalo seu contentione ipsorum pugna & separatio, ac humanæ vitæ mundanæ insufficiencia: quam quasi omnes refugiunt secundum naturam. Non potest ergo propterea dici secundum veritatem, euangelica lex siue doctrina imperfecta: quoniam non est nata habere perfectionem quam non habeat. Est enim lata vt per ipsam dirigamur immediate de his & in his quæ sunt æternæ salutis hominibus consequendæ, & miseriæ declinandæ, in quibus est valde sufficiens & perfecta.

Legis diuinæ & hum. differ.

cuiusque probatio auctoritate Christi:

& Glossæ interpretationes

Altera responsio parte negat cōsequentiam.

1. Ratio negationis.

Cur lex euangelica lata:

*Cur non.**2. Ratio ab absurdo.**2. Responsio.**Deus solus perfectus.**Prima resp. confirmatio aucto-
ritate glossæ
Gregorii.**Epilogus gene-
ralis huius &
precedentis ca-
pituli.*

Non autem lata fuit nec est ad ciuilia litigiosa nego-
tia dirimenda, propter finem quem volunt homines
& licite in vita mundana. Si enim ex hoc diceretur
imperfecta, æque conuenienter imperfecta dici pos-
set, quoniam per ipsam medicari corporales ægritu-
dines, aut mensurare magnitudines, vel oceanum
nauigare nescimus. Quamuis hoc sane concedi pos-
sit, quod ipsa non simpliciter est perfecta, quia non
est tale aliquid ens nisi vnicum; Deus ipse. Huic qui-
dem sententiæ tanquam indubie veræ testatur glos-
sa secundum Gregorium super sextum 1. ad Corin-
thios, vbi sic ait: *Ad reuerentiam vestram dico. Ut
videlicet hi terrenas causas examinent, qui exteriorum
rerum sapientiam perceperunt, qui autem spiri-
tualibus donis dotati sunt, terrenis non debent nego-
tiis implicari.* Quod si per sapientiam rerum exteriorum
& terrenarum causarum seu contentionum intelle-
xisset sacram scripturam, non dixisset *qui autem spi-
ritualibus donis dotati sunt*, id est, scriptura sacra,
terrenis non debent negotiis implicari, nec tales secun-
dum has doctrinas inuicem separasset. Amplius,
quia talem sapientiam habentes, exteriorum rerum
videlicet, prius vocauerat Apostolus & sancti se-
cundum vnam expositionem, Contemptibiles in ec-
clesia, quod tamen nec Apostolus aut sancti expo-
nentes eius seriẽm, senserunt de doctis in sacra scri-
ptura. Quot quidem igitur, & quales sunt actus le-
gales humani, quibus etiam legibus atque iudici-
bus, qualiter & quando, & per quos regulandi & cor-
rigendi, sufficienter ad intentionem propositam
monstrasse putamus.

CAPVT X.

*A quibus, quando, & quomodo punien-
di Hæretici.*

SED de quibus diximus, merito *dubitatur*. Nam
si arcendorum omnium in vita præsentis, iudicio
coactiuo

coactiuo, ac realium aut personalium poenarum inflictio & exactio principanti tantummodo legislatoris auctoritate pertineat iurisdictio (quemadmodum in prioribus ostensum est) hæreticorum igitur aut aliter infidelium vel schismaticorum iudicium coactiuum, realis quoque ac personalis poenæ inflictio, exactio, ac applicatio ad principantem huiusmodi pertinebit, quod siquidem inconuenientis faciem habere videtur. Cum enim eiusdem auctoritatis appareat delictum cognoscere, iudicare atque corrigere; Sacerdotis autem presbyteri seu episcopi sit hæresis discernere crimen, nullius alterius: ad sacerdotem seu episcopū solum videbitur utiq; huius criminis, & consilium, iudicium coactiuum & correctio pertinere. Amplius ad illum videtur iudicium & poenæ delinquentis exactio pertinere, in quem seu cuius legem delinquens peccauerit: hic autem presbyter est seu episcopus. Est enim legis diuinæ minister & iudex, in quam per se peccat hæreticus, schismaticus, aut aliter infidelis sit peccans, collegium aut singularis persona. Relinquitur igitur hoc fore iudicium sacerdotis, principantis vero nequaquam. Et videtur hæc aperte sententia beati Ambrosii ad Valentinianum Imperatorem epistola prima, & quia quasi per totam illius epistolæ seriem id sentire apparet, eam inducere omisi propter abbreviationem.

Nos autem dicamus, quod peccans quilibet in legem diuinā, iudicandus est secundum illam, corrigendus & arcendus: verum secundum ipsam duplex est iudex. *Vnus* quidem qui tertiæ significationis coactiuam habens potentiam, transgressores huius legis arcendi, & ab ipsis exigendi supplicia: & hic vnicus est Christus scilicet, quemadmodum ex Iacobi quarto induximus capitulo præcedente. Qui tamen omnes huius legis transgressores voluit & ordinauit iudicari iudicio coactiuo *in seculo venturo*, & in eodem tantummodo arceri poena vel supplicio *non in isto*, ut ex præcedenti capitulo sufficienter apparuit. *Alius vero iudex* est secundum hanc legem, presbyter videlicet seu episcopus, non quidem ter-

Præcedentia obiect. refutatione illustrantur.

Obiect. propositio:

Assumptio:

eiusq; syllog. 2. confirmatio.

1. Syllog. propositio.

Assumptio.

Conclusio.

2. Syllog. propositio.

Assumptio:

eiusque confirmatio.

Conclusio,

auctoritate Ambrosii munita.

Anteresult. veram de hæret. puniendis sentent. interseris ac demonstrat. Propos. Leg. diuinam violans iudicandus est à suo iudice: à Christo poena, tanquam vindice, in altero seculo:

presbytero vñ iudice, doctrina.

tię significationis, ut ipsius sit arcere quenquam huius legis transgressorem in hoc seculo, pœnam aut supplicium exigere per potētiam coactiuam, quemadmodum quinto huius, & capit. præcedente auctoritate Apostoli, atque sanctorum aperte monstratum est, ac inuincibili ratione ipsorum. Iudex tamen est ipse secundum primam significationem, cuius est docere, exhortari, arguere, atque corripere delinquentes seu transgressores illius, ipsosque terrere iudicio futuræ sibi damnationis, & pœnæ inflictionis per iudicem coactiuum, Christum scilicet, in seculo venturo, quemadmodum declarauimus sexto huius & 7. in quibus agebatur de clauium sacerdotalium potestate, & in capitulo præcedente, ubi medico corporum comparauimus sacerdotes, qui medici sunt animarum, ut dixit Augustinus auctoritate Prophetæ, & recitat Magister in quarto, distinction. 18. capit. 9. Cum igitur hæreticus, schismaticus, aut infidelis alter quicumque, transgressor sit euangelicæ legis; in eo persistens crimine, per eum iudicem punietur, cuius est transgressores diuinæ legis arcere, inquantum huiusmodi, cum suum videlicet iudicium exercebit. Hic autem iudex Christus est, qui iudicaturus est viuos, & iam mortuos & morituros, in futuro tamen seculo, non in isto. Quoniam usque ad vltimum ex hoc seculo transitum, mortem scilicet, misericorditer peccatoribus posse mereri & pœnitere concessit. Per reliquum vero iudicem, pastorem scilicet, episcopū seu presbyterum, docendus & exhortandus est homo in vita præsentis, arguendus, corripiendus peccator, atque terrenus, iudicio seu prognostico futuræ gloriæ, vel damnationis æternæ, nequaquam vero cogendus, ut ex priore capitulo palam. Quod si humana lege prohibitum fuerit hæreticum aut aliter infidelem in regione manere, qui talis in ipsa repertus fuerit, tanquam legis humanæ transgressor, pœna vel supplicio huic transgressionis eadem lege statutis, in hoc seculo debet arceri. Et per eum iudicem, quem legislatoris auctoritate humanæ legis demonstraui-

mus

Assumptio: hæreticus aut schismaticus legem diuinam violat:

Conclusio: a suo iudice induendus:

Christo, ut iudice in altero seculo pœna:

Presbytero ut iudice, doctrina:

Quando & a quibus in hoc seculo hæretici puniendi:

mus esse custodem 15. primæ. Si vero hæreticum aut aliter infidelem, commorari fidelibus eadem provincia non fuerit prohibitum humana lege (quemadmodum hæreticis ac semini Iudæorum iam humanis legibus permixtum extitit, etiam temporibus Christianorum populorum, principum atque Pontificum) dico cuiuspiam non licere hæreticum aut aliter infidelem quemquam iudicare vel arcere pœna vel supplicio reali aut personali pro statu vitæ præsentis. Et *causa* eius generalis est: quoniam nemo quantumcunque peccans contra disciplinas speculativas aut operativas quascunque punitur vel arcetur in hoc seculo præcise, in quantum huiusmodi, sed in quantum peccat contra præceptum humanæ legis. Si enim inebriari, aut calceos facere vel vendere cuiuscunque modi, prout possit aut velit quilibet, medicari & docere, ac similia reliqua officiorum opera exercere pro libito, prohibitum non esset humana lege, nequaquam arceretur ebriosus aut aliter perverſe agens in operibus reliquis. Et propterea oportet attendere, quod in quolibet huius seculi iudicio coactivo, antequam absolutionis vel damnationis feratur sententia, quantum pertinet ad propositum, secundum ordinem inquirenda sunt aliqua. *Unum* quidem, si dictum aut factum alicui tanquam reo impositum sit, quale dicitur. Hoc autem est præscire quid est, quod commissum dicitur. *Secundum* vero, an huiusmodi sit humana lege prohibitum fieri. *Tertium* autem, an accusatus id commiserit. Hæc autem sequitur iudicium seu sententia damnationis in reum, vel absolutionis. Verbi gratia; Sit aliquis accusatus tanquam hæreticus, aut vasorum aureorum, vel metalli falsator alterius, debet, antequam per sententiam coactivam damnetur aut absolvatur, *inquiri* an dictum aut factum impositum illi sit hæreticum aut non. *Secundo* vero, an sit tale aliquid dicere, humana lege prohibitum. *Tertio* vero an tale aliquid crimen commissum sit per eum cui crimen imponitur. *Demum* vero ad hæc sequitur absolutionis vel damnationis iudicium coactivum. De *primo* quidem horum certificari

*et quomodo seu
quibus gradibus.*

debet principans per eos qui periti sunt secundum vnamquamque disciplinam, quorum est considerare per se quiditatem seu naturam eius dicti vel operis, quod accusato imponitur (quoniam hi sunt iudices primæ significationis talium, quemadmodum diximus secundo huius) & ipsorum naturam scire tenentur, quibus docendi aut operandi talia in ciuitate per principantem data est auctoritas, quam in disciplinis liberalibus consueto vocabulo *licentiam* appellamus, quod & in aliis omnibus artibus factiuis seu mechanicis proportionaliter habet, vt demonstratum est 15. primæ. Sic enim medicus nosse debet leprosos & non leprosos secundum corporis habitum: sic sacerdos sermonem seu doctrinam hæreticam & catholicam: sic aurifex seu argentarius de metallis: sic etiam de mutuis aut depositis & aliis consimilibus actibus ciuilibus iurisperitus seu doctor. Talia enim principans, in quantum huiusmodi, non tenetur cognoscere; quamuis secundum legislatorem, si lex perfecta fuerit, debet certificari de natura sermonum, operum & actuum per disciplinarum doctores aut operadores. Tunc ad propositum quaesitum dico, *quod an crimen* impositum alicui sit hæresis vel non, iudicare potest & debet, primæ tamen significationis iudicio, quilibet diuinarum scripturarum doctor, qualis est aut esse debet sacerdos quicumque. Vnde Malachiæ secundo: *Labia enim sacerdotis custodiunt scientiam, & legem* (diuinam scilicet) *requirent ex ore eius*. Tales enim esse debent Apostolorum successores episcopi seu presbyteri, quibus dictum est à Christo Matthæi 28. *Euntes ergo docete omnes gentes, &c. docentes eos seruire omnia quaecunque mandavi vobis*. Sic etiam 1. ad Timoth. 3. Oportet ipsum inter cetera, *Doctorem* esse, sacræ legis scilicet. Sic etiam ad Titum 1. Oportet episcopum esse *amplectentem eum, qui secundum doctrinam est, fidelem sermonem, ut potens sit exhortari in doctrina sancta, & eos qui contradicunt arguere*. Sunt enim multi seductores, quos oportet redargui. Secundum vero, an scilicet tale commissum sit lege prohibitum,

aut

Hæresis discernenda à presbyteris.

Quales episcopi seu presbyteri esse debeant.

aut non, nosse oportet principantem ex lege dicta secundum ultimam & propriam significationem, secundum quam legislatoris auctoritate principari quis debet. *Tertium* autem quod scire oportet, est, an crimen dicti vel operis hæretici, dixerit aut exerceat is, cui crimen imponitur. Et hoc quidem iudicium per sensus exteriores & interiores consequenter tam à doctis, quam ab indoctis iudicari potest, quos *testes* vocare solent. Post hæc autem per principantem ferendum est iudicium seu sententia damnationis aut absolutionis pœnæ aut supplicii, exactio quoque vel relaxatio illius ab eo qui ex crimine delatus fuerat, fienda. Non enim propterea quod in legem diuinam tantummodo peccat quis, à principante punitur. Sunt enim multa peccata mortalia & in legem diuinam, vt fornicationis, quæ permittit etiam scienter legislator humanus, nec coactiua potentia prohibet, nec prohibere potest aut debet episcopus vel sacerdos. Sed peccans in legem diuinam hæreticus, scilicet tali peccato etiam humana lege prohibito, punitur in quantum peccans in legem humanam. Est enim hæc causa præcisa seu per se prima, cur aliquis arcetur pœna vel supplicio præsentis seculi, quoniam posita, ponitur effectus, & remota, remouetur. Sicut è conuerso, peccans in legem humanam peccato aliquo, punietur in alio seculo non in quantum peccans in legem humanam: multa enim sunt humana lege prohibita, quæ sunt diuina lege permissa. Vt si non restituerit quis mutuum statuto tempore propter impotentiam, casu fortuito, obliuione, ægitudine, vel aliquo quodam impedimento, non punietur ex hoc in alio seculo per iudicem coactiuum secundum legem diuinam, qui tamen per iudicem coactiuum secundum legem humanam in hoc seculo iuste punitur. Et ideo peccare in legem diuinam est per se prima causa (quæ in philosophia, secundum quod ipsa, dici solet) quoniam ipsa posita, ponitur, & remota, remouetur effectus pœnæ vel supplicii pro statu & in statu futuri seculi.

Quatenus à magistratu puniendi hæretici, Confirmatio.

Est igitur in hæreticos, schismaticos aut aliter in-

O

Hæretici à magistratu solo puniendi: non presbyteris.

Ratio prima.

Altera, ab absurdo.

fideles quoscunque iudicium & arcendi ac exigendæ ab ipsis poenæ vel supplicii temporalis, sibi que aut communitati non alteri applicandi potestas, solius principantis auctoritate legislatoris humani: non autem presbyteri seu episcopi cuiusquam, propterea quod in legem diuinam peccent, quæ ad homines comparata in statu & pro statu vitæ præsentis, lex est, non quidem secundum vltimam significationem, coactiuam habens cuiusquam potentiam in hoc seculo (vt palam est ex capitulo præcedenti & quinto huius) sed lex est dicta secundum tertiam legis significationem, vt apparuit ex decimo primæ. Secundum quam etiam in hoc seculo sacerdotes iudices sunt secundum primam iudicis aut iudicii significationem, nullam coactiuam habentes potentiam, vt ex quinto huius ostensum est, & per Apostolum, Ambrosium, Hilarium, & Chrysostomum capitulo præcedente. Si namque forent ipsi iudices coactiui seu principantes in hæreticos, quia tales peccant in eam disciplinam, cuius sunt ipsi doctores, & secundum ipsam aliquorum operatores in alios: sic esset aurifaber, falso fabricantis aurea sculptilia iudex coactiuus & principans, quod absurdum est valde. Sic quoque medicus prauæ agentis secundum artem medicinæ posset arcere: foretque tantæ principantium multitudo quot & officiorum ciuitatis in quæ peccare contingit, cuius tamen impossibilitas aut superfluitas ostensa est 17. primæ. Non enim arcerentur sic peccantes in officia ciuitatis, aut punirentur propterea, nisi aliud interueniret, verbi gratia, legislatoris seu legis humanæ præceptum. Si enim peccata huiusmodi non essent humana lege prohibita, ea committentes nequaquam punirentur. Est autem quod diximus in exemplo familiari videre. esto namq; humana lege prohibitum leprosos aliis ciuibus comanere, numquid medicus qui horum egritudinem solus iudicare potest secundum ipsius disciplinam, vtrum scilicet leprosi sint aut non, quos leprosos esse iudicauerit primæ significationis iudicio, poterit per coactiuam potentiam auctoritate

Autoritate propria, ut qua doctor est medicinalis scientiæ, ab aliorum arcere consortio vel conuictu? & constat quod minime. Sed hoc is solummodo potest, cui legis humanæ coactivæ custodia commissa est, principans scilicet. Non enim priuate populo aut collegio cuiquam licet quemquam iudicare aut arcere, vel pœnam exigere; sed soli principanti. Qui tamen de impositis maculis, criminibus, seu peccatis, & ipsorū natura iuxta legis determinationē si de hoc dixerit (quod erit, si fuerit lex perfecta) vel per suam prudentiam, si lege omissum fuerit, uti debet & credere iudicio peritorum in disciplinis quæ talium operum, actuum, aut sermonum tractant naturam: ut medici de leprosis aut non leprosis: Theologi de criminosis, qui per leprosos figurantur in sacra scriptura, secundum sanctorum expositionem. Similiter quoque de vasorum metallicorum * sophismate credi debet aurifabro, & in consimilibus cuilibet docto, secundum reliqua operabilium & agibilium genera. Sic igitur de hæreticis aut aliter infidelibus iudicare debet medicus animarū, sacerdos scilicet, iudicio siquidem primæ significationis, discernendo videlicet sermonem aut actum hæreticum à nō hæretico. De his vero iudicare tertiæ significationis iudicio (damnando scilicet vel absolviendo accusatos supplicio aut pœna temporali) ipsosq; arcere ad talia persolvenda, qui damnati fuerint, solius est principantis humana lege: exactas quoque pœnas, si reales fuerint, quemadmodum eas quæ propter alia crimina exiguntur, applicare secundum legislatoris seu legis humanæ determinationem. His autem quæ diximus testatur scriptura in Actibus Apostolorum, capitulo 25. Dum enim Apostolus à ludæis accusatus esset tanquam hæreticus, licet falso, causæ suæ inquisitio, deductio, applicatio, & definitio illius facta est coram iudice ad iudicem & per iudicem humani legislatoris auctoritate statutum ad hoc, quemadmodum ad reliquos actus contentiosos siue civiles. Contraria vero his non est difficile solvere: cum enim dicebatur, ad eum tanquam iudicem

* fraude,

Tertia ab exemplo Pauli.

Obiect. initio cap. posita refutatio.

1. Syllogismi
propositionis
distinctione :

2. syllog. pro-
positum

distinctione :

deinde argu-
menti inuer-
sione.

Propositio.

Assumptio.

Conclusio.

hæretici iudicium pertinere, cuius est hæresis cognoscere crimen. Hæc distinguenda est propter multipliciter huius dictionis *iudex aut iudicium*, & secundum unum sensum vera est, acceptis scilicet his nominibus secundum primam eorum significationem : si vero secundum tertiam sumatur, falsa est. Ideoque nihil contra nostram determinationem ex hoc præallegato concluditur. Ad reliquum vero, quod subiungebatur, ad illum spectare iudicium delinquentis, & exactionem pœnæ, ac illius si realis fuerit sibi applicationem, contra quem seu in cuius legem peccat delinquens : verum est si in ipsum tanquam tertie significationis iudicem, & in ipsius legem dictam secundum ultimam legis significationem, coactiuam scilicet. Et cum *assumitur*, quod hæreticus peccat in legem diuinam, concedendum. Et ideo iudicabitur per iudicem tertie significationis secundum ipsam, Christum scilicet, in alio tantummodo seculo non isto, iuxta ipsius legislatoris ordinationem, quæ talis fuit. Per ipsum etiam arcebitur pœna vel supplicio, aut præmiabitur secundum legis præceptorum & consiliorum observationem vel transgressionem. Talis autem iudex huius legis, diuinæ scilicet, non est episcopus aut sacerdos aliquis, sed primæ significationis tantummodo quasi Doctor, maxime comparata lege hac ad homines in statu & pro statu vitæ præsentis. Rursum *Maiori* huius syllogismi supposita tanquam vera (secundum quem diximus sensum) ad eum scilicet tanquam iudicem coactiuum pertinere iudicium transgressoris, in quem, aut in legem cuius custos est, peccat transgressor, legem inquam etiam dictam secundum ultimam legis significationem tantummodo : tunc subsumentur hæc propositio vera, videlicet quod in iudicem huius seculi dictum secundum tertiam iudicis significationem & legem cuius est custos, dictam etiam secundum ultimam eius & propriam significationem, coactiuam scilicet tantummodo, non in aliam in hoc seculo coactiuam legem aut iudicem peccat hæreticus. Et ideo per talem in hoc seculo iudican-

iudicandus iudicio coactiuo, sic huius legis ordinantelatore, ab eodem quoque transgressore per eundem iudicem pœna exigenda, quæ si realis fuerit applicanda per hunc iudicem ei, cui legislator humanus illam in lege statuit applicandam. Vel distinguendum est Maiorem secundum equiuocationem, vt in priori paralogismo. Sic igitur non licet inferre per necessitatem, aliquis damnandus aut iudicandus est tanquam hæreticus in hoc & pro hoc seculo iudicio coactiuo realiter aut personaliter, vel vtroque modo. Ergo per sacerdotem aut episcopum quemquam, nisi fortasse, vt diximus, primæ significationis iudicio. Nec sequitur etiam propter hoc, ergo damnati tanquam hæretici carnalia seu temporalia bona, quæ ab eodem exiguntur tanquam pœna vel pars pœnæ delicti, applicari debent episcopo seu presbytero cuiquam. Sicut nec sequitur, hic iudicandus est tanquam monetæ falsarius, ergo per monetarios, nisi fortasse primæ significationis iudicio, non quidem tertiæ, coactiuo videlicet. Nec etiam sequitur, quod temporalia quæ ab illo exiguntur in pœnam, debeant monetariis applicari, collegio aut singulari personæ, sed coactiuo iudicio iudicari debet per principantem, & applicari pœna secundum legis humanæ determinationem.

Ad beatum Ambrosium dicendum, quod intellexit hæreticum seu crimen hæresis ad sacerdotum seu episcoporum iudicium pertinere, iudicio primæ significationis, non tertiæ. Hoc enim iudicio, auctoritate propria nunquam vsus est episcoporum seu Pontificum aliquis circa statum ecclesiæ primitiue, quamuis postmodum ad talia processerint occasionaliter ex quibusdam concessionibus principum sibi factis. Ideoque talium vera considerantibus initia, quæ nunc ex abusione robur & faciem iuris habere videntur, velut somniorum phantastica videntur. De iudice itaque, ac iudicio, & coactiua potestate infidelium & hæreticorum, determinatum sit hoc modo.

*Confessarium :
Bona hereticorum non pertinere ad episcopos aut presbyteros.*

*Ad auctoritatem
Ambrosii responsio distinctione.*

CAPVT XI.

*Argumentum quarti, quinti, octavi, noni
& decimi capitum precedentium por-
ro confirmatur signis quibusdam & te-
stimoniis. Episcopos & presbyteros nec
principatum nec diuitias amplas dece-
re. Paparum, Cardinalium, episcopo-
rum & presbyterorum flagitiosi mores
deplorantur.*

QUONIAM autem ex prioribus demonstratum
est nobis tam canonicæ scripturæ auctoritati-
bus, quam aliis quasi politicis euidentibus argu-
mentis quibusdam, nulli episcopo aut presbytero
vel alteri clerico iurisdictionem cuiusquam coacti-
uam in hoc seculo conuenire. Nunc volumus id de-
clarare *signis & testimoniis manifestis*. Quorum cui-
dens est, quia nec Christum aut ipsius Apostolorum
aliquem vnquam aut vsquam quemquam iudicem
aut ipsorum vicarium pro tali regimine seu iudicio
faciendo instituisse legimus. Cū tamen necessarium
in humano conuictu, nec ipsum ignorasse aut negle-
xisse, nec ipsius Apostolos, verisimile videatur. Si hoc
ad ipsorum officium pertinere nouissent, & si ad suos
successores episcopos aut presbyteros id spectare vo-
luissent, super hoc præceptum aut consilium tradi-
dissent: * verum de instituendis spiritualibus mini-
stris, episcopis, presbyteris & diaconis formam tra-
diderunt & modum. Et hoc ad ipsorum officium
pertinere, satis noscitur ex Apostoli sententia 1. ad
Timotheum 3. ad Titum 1. & in aliis plerisque scri-
pturæ locis apparet. Separauit autem Christus pre-
sbyterorum seu episcoporum officium ab eo quod
principum, cum tamen potuisset ipse si voluisset,
statum principis & officium sacerdotis exercere, &
Apostolos idem facturos similiter ordinasse. Sed sic
noluit, imo tanquam conuenientius, qui simpliciter
melius

*Scopus capituli:
Episcoporum &
presbyterorum
dominium si-
gnu certius re-
felleret.*

*1. Signum: quod
ne Christus id,
nec Apostoli vn-
quam institue-
runt.*

Confirmatio.

** non autem
de dominio
ecclesiastico.*

*2. Christus prin-
cipu & sacerdo-
tu officia doctri-
na & exemplo
separauit.*

melius cuncta disposuit, hac officia supposito & ratio
 ne distinguere voluit. Quia enim humilitatem & huius Nam humilitatem & mundi contemptum dociturus,
 seculi contemptum Christus docere venerat (tan-
 quam viam meriti salutis æternæ) prius humilita-
 tem & mundi seu rerum temporalium contemptum
 exemplo quam verbo doceret, in summa quidem exemplo præsentis naturæ huiusmodi,
 humilitate ac temporalium contemptu hunc mun-
 dum ingressus est, sciens ipse, quod non minus, imo
 magis opere seu exemplo docentur homines quam
 sermone. Vnde Seneca epistolarum nona: *Quid fa-
 ciendum, à faciente discendum.* Voluit igitur Chri-
 stus, ut suo nos prius exemplo quam sermone doce-
 ret, in summa humilitate ac mundi contemptu seu
 paupertate nasci. Vnde Lucæ 2. *Pannis eum inuoluit,*
beata virgo scilicet, & reclinavit eum in præsepio. Ec-
 ce quod in aliena domo, ecce quod in præsepio, nisi
 scilicet bestię locus erat & pabulum. Et verisimile
 quod alienis pannis, quia beata virgo & Ioseph pe-
 regrini & viatores erant ibidem. Pauper etiam na-
 tus, pauper vixit ætate prouectus: vnde loquens de & vita pau-
 sua paupertate Matthæi 8. & Lucæ 9. dixit: *Vulpes* peru-
fossas habent, & volucres calinidos, filius hominis
non habet ubi reclinet caput. Et hunc statum, tan- Quam discipu-
 quam eum qui perfectionis, ceteris observatis ut de- lu, præsertim
 cet præceptis atque consiliis, docuit Christus elige- sacerdotibus,
 re eos, qui sui volunt esse discipuli & imitatores præ- imitandam
 cipui, & maxime successores ipsius in officio, quod proposuit:
 in mundum venerat exercere. Vnde Matthæi 19. testibus Evan-
 Marci 10. & Lucæ 18. cuidam interroganti ab ipso, gelistu.
Magister bone, quid faciens, vitam æternam possidebo?
Dixit autem ei Iesus, Mandata nosti? Non occides, &c.
qui ait: Hac omnia custodiui à iuventute mea: quo
audito, Iesus ait ei: Adhuc unum tibi deest, vel, si
vis esse perfectus (ut dicitur in Matthæo) Omnia
quacunque habes vende & da pauperibus, & habebis
thesaurum in calo. Rursus eiusdem Lucæ 14. dicebat
 discipulis. Sic ergo inquit Christus: *Omnis ex vobis*
qui non renunciat omnibus quæ possidet, non potest
meus esse discipulus.

Ecce ergo quod status paupertatis & mundi con-

Ergo non domini affectatio, sed contemptus mundi sacerdotibus necessarius: ut cum fructu doceant. temptus decet omnem perfectum, præcipue Christi discipulum & successorem in officio pastoralis, quinimo quasi necessarius est debenti suadere aliis mundi contemptum, si sua doctrina seu prædicatione proficere velit. Nam si talis diuitias possideat & principatus ambiat, qui eos quos alloquitur hæc spernere docet, ipse quidem sui actione sermonem proprium manifeste redarguit. Vnde *Chrysostomus* contra tales in libro De compunctione cordis, inquit: *Dicere & non facere, non solum lucri nihil, sed & damni plurimum. Grandis quidem enim cõdemnatio est componenti sermonem suum, vitam vero negligenti.* Hoc etiam resonat philosophorum eximius 10. Ethicorum, cap. 1. dicens: *Cum enim dissonent, sermones scilicet, ab his quæ secundum sensum* (id est, ab operibus dicentis, quæ opera sentiuntur) **condenti* (id est, componenti sermones) *verum interimunt.* Et parum post subdit: *Conuenientes enim entes operibus credentur, sermones scilicet.* Et ideo qui nouit omnia qualiter fienda conuenientius, Christus scilicet, volens sermones credibiles fieri, quibus mundi docetur contemptus, vanitatum & carnalium voluptatum spretus & fuga, opera monuit sermonibus confirmari. Vnde ad omnes talium futuros doctores in Apostolorum persona, dicebat Matth. 5. *Sic luceat lux vestra coram hominibus*, id est, doctrina, quæ luci comparatur. Sic, inquam, luceat, ut videant opera vestra bona. Vbi glossa: *Opera requiro ut videantur, & sic confirmetur doctrina: aliter enim sermonibus & doctrina parum creditur.* Vnde glossa super illud Matthæi 10. *Nolite possidere aurum neque argentum*, huius causam reddens, inquit: *Si hac haberent, viderentur non causa salutis predicare, sed lucri.*

denique experientia in Papa, Cardinalibus, episcopis, presbyteris. Talia enim possidentes aliorum doctores siue pastores, magis destruunt hominum fidem & deuotionem suis oppositis operibus & exemplis, quam sermonibus confirmant, eo quod his opera manifeste opponunt, *ad quæ magis attendunt homines quam ad verba.* Et formidandum valde, quin demum fidelem populum deducant suis peruersis exemplis operum,

** natura luce in Aristot.*

** ἡ ἀρετὴ ὁ ἡμῶν ἡμετέροις contempti.*

& exemplo Christi,

ac præcepto:

& Glossa assensu:

Periculo ex malo episcop. &

operum, ad desperationem futuri seculi. Talia nam- presbyt fere o-
que operantur quasi omnes ecclesiarum ministri, e- minum exem-
piscopi seu presbyteri & reliqui clerici consequenter. plo.

Manifestius autem ipsorum, qui super maiores thro-
nos ecclesiæ sedent, ut futurum Dei iudicium in alio
seculo nullatenus credere videantur. Qua enim (di-
cant quæso secundum Deum) conscientia, & si futu- Insignis de Pa-
rum credunt venturi seculi iustum Dei iudicium, pe & affectu-
moribus expo-
Romani Pontifices plurimi, & ipsorum Cardinales, a- stulatio.
liique presbyteri seu episcopi, ad curas animarum & Pauperes à sa-
ecclesiastica temporalia pauperibus distribuenda cerdotibus spo-
præfecti, reliqui quoque quasi omnes, *diaconi & cle-* liati.
rici, quilibet secundum sui facultatem *ex furto vel* Papam & Car-
rapina temporalium (quæ per deuotos fideles statuta dinalium, epi-
sunt & legata propter euangelizantium, & reliquo- scoporum & cle-
rum pauperum sustentationem) * *quantas possunt* ricorum furta
denariorum summas, tradunt viuentes, aut legant mo- ac sacrilegia:
rientes non egentibus, sed sibi sanguinis affinitate con- * ut vlcus tan-
iunctis, aut aliis quibuslibet, eisdem bonis nulli dubium git Marli. ium
pauperes spoliantes? Quæ etiam secundum Christia- luxurias
nam religionem conscientia flagito dicant, *viuentes*
ipsi temporaliter (qui propter euangelii ministerium
contenti debent esse alimentis & his quibus tegantur,
secundum Apostolum 1. ad Timotheum ultimo)
in tot praternecessariis bona pauperum consumunt,
equis, familiis, conuiujs, ac reliquis vanitatibus &
voluptatibus manifestis & occultis? Quæ vero de ec- & Simonia:
clesiasticorum officiorum & beneficiorum seu tem-
poralium distributione fiunt inconuenientia, per-
transeo. Nam ipsorum plurima prece vel fauore po-
tentum seculi obtinendis, aut pretio (si fas sit dice-
re) distributoribus aut intercessoribus * *Magi Si-* * Non Simo-
monis ministris oblato, *talia conferuntur ignorantibus,* nis Petri.
criminosi, pueris, incognitis, & inuisis ac idiotis
manifeste secundum totius vulgi sententiam. Cum ta- contra Pauli
men Apostolus 1. ad Timotheum 3. præcipiat officia- authoritatem.
les ecclesiasticos debere cognosci tanquam probatos
& perfectos vita seu moribus & doctrina. Vnde ubi
supra: *Oportet autem illum, id est, presbyterum seu*
episcopum, & testimonium habere bonum ab his qui

foris sunt, quanto magis & ab his qui sunt intra ecclesiam? Et infra parum eodem: *Diaconos similiter pudicos. Et hi autem probentur primum, & sic ministrent*, nullum crimen habentes. Verumtamen hoc conuenienter potest dicere quis, quod bene probantur horum plurimi, ut nouit mundus, quantum scilicet pretium aut precem valeant exhibere. Quod ne singula incōuenientium dinumerare tentemus, tanquam impossibile aut difficillimum valde, de presbyterorum seu episcoporum, ceterorumq; templi ministrorum quasi omnium actibus summam facientes, *coram Christo testamur*, eius si mentimur iudicium inuocantes, *prafatos episcopos & reliquos fere omnes modernis temporibus, omnium quasi opposita perpetrare, qua secundum doctrinā euangelicam aliis predicant obseruanda.* Voluptates namque, vanitates, temporalia & seculi principatus exardent, & omni conamine, non iure, sed iniuria occulta & manifesta prosequuntur & occupant. Quæ tamen omnia Christus & veri eius imitatores Apostoli spreuerunt & spernere docuerunt & præceperunt, eos maxime qui aliis euangelizare debent mundanorum contemptum. Poterat enim Christus si voluisset, si euangelizanti expedire vidisset, seruasse statum principis in hoc seculo, & in eo statu pati similiter. Sed fugit in montem ut statum talem abiiceret & abiici doceret, sicut ex Ioannis 6. supra induximus quarto huius.

Talem enim statum gerere non decet euangelizantes ipsius contemptum, sed potius subiectorum & humilium, qualem in hoc seculo tam ipse quam ipsius Apostoli seruauerunt. Et contra *status paupertatis exterioris* & abiectus non decet principantem, quoniam expedit illi status quem boni subditi reuereantur, & mali vereantur, per quem etiam, si oporteat rebelles legum transgressores valeat coercere: quod nec facere posset conuenienter, si statum pauperem & deiectum haberet, propter quod etiam illi non conuenit euangelizantis officium. Si enim principans in populo suaderet statum paupertatis & abiectum, adhuc si quod percussus in vna maxilla

Vere & argute dictum.

Papam episc. & presby. fere omnes vita turpitudine aduersantur doctrina euangelii.

& exemplo Christi.

Qui, cum posset, noluit dominari.

Nam id contra Euang. doctorū officium: quos paupertas decet.

Quæ contra, in principe indecora: immo nota.

illa percutienti offerat aliam : & rursus quod auferenti sibi tunicam , det quis pallium potius quam aduersus iniuriantem contendat iudicio, talia nec sibi faciliter crederentur, quia statu quem decet ipsum & quem gerit , suo repugnaret sermoni : amplius, sic inconuenienter ageret. Cum enim sua intersit pœnam iniuriantes arcere, id etiam non requirentibus passis iniuriam , si prædicaret iniurias remittendas iniuriis : & prauis occasionem quandā amplius delinquendi præberet ; & offensis seu passis iniustum, dubitationem aut suspensionem iustitiæ cōsequendę, propter quod Christus qui omnia semper meliori modo disposuit, officia principantium & sacerdotum in eodem supposito coniungi noluit, sed potius separari. Hæc autem videtur beati Bernardi expressa sententia De consideratione ad Eugenium Papam libro 2. cap. 4. vbi sic ait : Ergo tu & tibi usurpare aude, aut dominus apostolatam, aut apostolicum dominatum, plane ab utroque prohiberis, si utrumque simul habere voles, perdes utrumque : Alioquin non te exceptum illorum numero putes, de quibus queritur Deus sic : Ipsi regnauerunt, & non per me, principes extiterunt & non cognoui eos. Testantur autem dictis Decreta seu historia quædam Romanorum Pontificum : ipsis enim inscriptum reperitur, & ab eisdem approbatum priuilegium quoddam Constantini Romanorum Imperatoris , quo beato Syluestro Romano Pontifici concessit iurisdictionem coactiuam super omnes mundi ecclesias, reliquosq; presbyteros seu episcopos omnes. Cumque concessionem eam fuisse validam fateatur quilibet Papa Romanus, & cum eo presbyterorum seu episcoporum reliquus cœtus, consequenter ipsis concedendum est eundem Constantinum hanc iurisdictionem seu potestatem in eos primitus habuisse, præsertim cum ad ipsos virtute verborum scriptura sacra nulla talis iurdictio in quemquam clericum aut laicum pertinere noscatur. Et hoc est, quod beatus Bernardus dicit expresse ad Eugenium De consideratione libro, & cap. 4. inquit enim ibi : Petrus hic est, qui nescitur processisse aliquando, vel gemmis ornatus,

Christus noluit eundem esse & principem & sacerdotem. Teste Bernardo.

& Donatione Constantini.

vel sericis, nec tectus auro, nec vectus equo albo, nec stipatus milite, nec circumstrepentibus septus ministris. Absque his tamen satis credidit posse implere salutare mandatum: Si amas me, pascere oves meas. In his enim secularibus videlicet apparatibus & potestatibus, successisti non Petro, sed Constantino. Principantium igitur officium non est sacerdotale, in quantum huiusmodi, nec e conuerso, de quorum tamen differentia rememoratum sit hoc modo.

Papa Constantino successit, non Petro.

CAPVT XII.

Distinctio vocum ambiguarum, Ius (cui additur, Præceptum, Prohibitum, Promissum) Dominium: Possessio: Proprium: Commune: Dives: Pauper. Quæ necessaria ad quæst. de paupertatis statu explicandam.

* id est, cum in huius vite curriculum versarentur.

SIC igitur singulariter nobis ostenso, Christum & ipsius Apostolos* viatores, statum paupertatis & humilitatis docuisse atque seruasse: certumque tenendum sit fidelibus, doctrinam seu consilium omne Christi & Apostolorum æternæ vitæ meritorium aliquando extitisse: conuenienter utique inquirendum videtur de ipsorum paupertate, quæ, qualis, quantave fuerit, ne imitari volentes eosdem, hæc lateat viatores.

Huiusmodi ergo tentantes inquisitionem, primum dicturi sumus, quid est quod dicitur, & quot modis paupertas aut pauperem esse, similiter autem & diuitem esse. Videntur enim hæc inuicem opponi quandoque velut habitus & priuatio, quandoque ut contraria: deinde vero nominum horum utrumque distinguemus in suos modos, & ipsorum descriptiones subiungemus. Ut si qua sit paupertas meritoria, & ipsius modorum aliquis perfectionis ordo inuicem, quisque aliorum summus aut primus nobis

bis appareat. Et quoniam *diuitem* omnes eum dicunt, qui licitam seu de iure potestatem habet vel dominium aut possessionem rerum temporalium, quas vocant diuitias, in proprio vel communi, aut *Diuitia.* utroque modo; *pauperem* autem vocant illum, qui *Pauper.* bonis talibus priuatus est: ne propter vsus varietatem quorundam iam dictorum nominum, quibus ad propositum nostrum indigebimus uti, sententia quam explicare volumus, extet ambigua; distinguemus primum significata seu modos eorum. Sunt autem nomina hæc, *ius, dominium, possessio, proprium, & commune, diues, & pauper.* Incipiemus autem distinguere significata *iuris*, quoniam ipsis indigebimus in aliorum assignationibus & distinctionibus, non è conuerso. *Ius* igitur in *vna* sui significatione dicitur de lege dicta secundum tertiam & vltimam legis significationem, de qua fuit habitum decimo primæ, quæ siquidem duplex est: vna quidem humana; reliqua vero diuina, quæ etiam secundum aliquod tempus & modum venit in vltimam legis significationem, ut dictum est vbi supra. De harum vero legum natura & qualitate, ipsarumque conuenientia & differentia sufficienter diximus octauo huius & nono. De quibus etiam resumentes ad propositum, dicamus ipsarum *conuenientiam* in eo *primum*, quod vtraque lex est præceptum vel prohibitio aut permissio actuum qui prouenire sunt nati ab imperio mentis humanæ. Differunt autem, quoniam primum coactiuum est in hoc seculo transgredientium illud: secundum vero, diuinum scilicet, minime, sed in futuro tantummodo. Dicitur autem *præceptum* dupliciter, *vno* quidem modo actiue, de actu scilicet præcipientis, quomodo solemus dicere, velle aliquod imperantis expressum esse præceptum, ut regis aut alterius principantis. *Alio modo* dicitur præceptum de ipso voluto per actum præcipientis, quo modo solemus dicere seruum fecisse præceptum domini, non quidem quod actum domini, qui est præcipere aut imperare, fecerit seruus, sed quoniam volutum fieri per actum seu imperium domini fecit

1. *Iuris significatione, pro lege diuina vel humana.*

Legum diuinarum & humanarum conuenientia & differentia.

Præceptum accipitur aut actiue aut passiuè.

seruus. Et propterea quoties hoc nomen, *Præceptum*, refertur ad præcipientem, idem est quod actus imperandi: quoties vero ad subditum, idem est quod volitum fieri per actum imperandi, passivè dictum.

*Actus dupli-
citer:
communiter:*

*& proprie per
synecdochen.*

Hoc ergo nomen, *Præceptum*, *actiue* sumptum & *communitè* dicitur de ordinatione seu statuto legislatoris tam affirmatiuo quam negatiuo, ad pœnam obligante transgressorem, secundum tamen usum modernum *proprie* sumitur pro statuto affirmatiuo. Quoniam statutum affirmatiuum non habet ex usu nomen proprium, sed nomen cõmune sibi retinuit. Statutum vero negatiuum sibi nomen habet proprium, quoniam *Prohibitum* dicitur. Voco autem *affirmatiuum statutum* quo fieri aliquid ordinatur: *negatiuum* quo aliquid ordinatur non fieri. Quod

*Præceptum, quid
vocetur:
quid prohibi-
tum.*

si fuerit talis ordinatio affirmatiua obligans transgressorem ad pœnam, vocatur *Præceptum*. Si vero negatiua sit, etiam obligans, vocatur *prohibitum*, quod siquidem prohibitum *dupliciter* dicitur, *actiue* atque *passiue*, quemadmodum & *præceptum*. Hæ autem duæ ordinationes obligantes ad pœnam scilicet, ut plurimum in legibus sunt expressæ, vel secundum propriam speciem, vel secundum similem aut proportionalem. *Alio vero modo* sumitur *præceptum* magis stricte in lege diuina, similiter & *prohibitum*, pro eo solo statuto, siue affirmatiuo siue negatiuo, quod obligat ad pœnam eternam, quomodo usus ipsorum est apud Theologos, dicentes *præcepta* fore de necessitate salutis, id est, obseruanda necessario, si debeat quis saluari. Vnde Lucæ 18. *Si vis ad vitam ingredi, serua mandata*, id est, *præcepta*. Sunt autem aliæ quædam ordinationes expressæ vel intellectæ tantum in legibus, tam affirmatiuæ quam etiam negatiuæ, siue circa eundem actum, siue circa diuersum facientem aut omittentem, non obligantes ad pœnam, ut actum liberalitatis exercere vel omittere. Similiter & aliorum plurimorum quorundam. Et talia proprie dicuntur *lege permissa*, quamuis hoc nomen, *permissum*, communiter sumptum, quandoque dicatur de statutis obligantibus ad pœnam. Nam

*altera significa-
tio synecdochica:*

*Theologis usi-
tata.*

*Permissum
quid.*

omne

Omne quod lege fieri præcipitur, fieri permittitur: licet non econverso. Sic etiam quod lege prohibetur fieri, lege permittitur non fieri. Horum vero rursus permissorum proprie, non obligantium scilicet, quedam sunt meritoria secundum legem diuinam, & vocantur *consilia*, quedam vero minime, *absoluto nomine vocata permissa*, quæ etiam sic sumpta & proprie dupliciter dicuntur, actiue atque passiue, quemadmodum prohibita & præcepta. Hæc tamen ut plurimum secundum suam speciem non exprimuntur in legibus, præsertim humanis, propter eorum multitudinem, & quoniam ipsorum ordinatio generalis sufficiens est in hoc. *Omne enim quod lege non est præceptum aut prohibitum, intelligitur legislatoris ordinatione permissum*. Est igitur *præceptum* secundum legum in propria significatione statutum affirmatiuum, obligans ad pœnam transgressorem illius: *Prohibitum* vero proprie statutum negatiuum ad pœnam obligans est: *Permissum* vero proprie dicitur ordinatio legislatoris ad pœnam neminem obligans. *Iuxta quas significationes, proprias scilicet, his nominibus utendum est*. Ex his autem conuenienter apparere potest, quid est, quod *licitum* dicitur, quoniam omne factum iuxta legis præceptum aut permissionem, vel omissum iuxta legis prohibitionem vel permissionem, licite factum vel omissum est, & *licitum* dici potest, eius vero contrarium seu oppositum *illicitum*. Hinc etiam nobis apparere potest, quid est, quod *fas* appellari solet: est enim *Fas* in *una* significatione id quod *licitum* quasi conuertibiliter. In *alia* vero significatione importat hoc nomen *fas*, id quod legislator in aliquo casu permisisse rationabiliter præsumitur, quamuis tale aliquid sit absolute prohibitum seu regulariter, ut per alienum agrum transire quandoque, aut rem alienam contrectare absque domini expresso consensu *fas* est, licet non sit ius dictum regulariter secundum aliquem dictorum modorum. Nam alienæ rei contrectatio regulariter prohibita est, in casu tamen *fas* est, in quo rei dominus rationabiliter

*Permissum
duo genera.*

*Consilia:
& Permissa.*

*Quid proprium
præceptum.*

*Prohibitum:
& Permissum.*

Licitum.

Illicitum.

Fas duplex significatione.

* æquitate.

*Iuris humani
diuisio.*

*Ius naturale
quid.*

præsumitur consentire, quamuis hoc non concedat expresse, propter quod in talibus quandoq; opus est * epieikeia. Sic igitur secundum *unam* significationem *iuris* idem est quod lex diuina vel humana, seu secundum has præceptum aut prohibitum & permisum. Est autem & *alia* quædam *iuris* & proprie humani *diuisio* in ius naturale atque ciuile. Et dicitur *ius naturale* secundum Arist. 5. Ethicorum, tractatu De iustitia, *statutum illud legislatoris, in quo tanquam honesto & obseruando quasi omnes conueniunt*, ut Deum esse colendum, parentes honorandos, humanas proles vsque ad tempus parentibus educandas, nemini iniuriandum, iniurias licite repellendum, & similia reliqua: quæ licet sicut ab humana institutione pendentia transumptiue iura dicuntur naturalia, quoniam eodem modo creduntur apud omnes regiones licita, & eorum opposita illicita, quemadmodum actus naturalium non habentium propositum conformiter apud omnes proueniunt, velut ignis qui sic ardet hic, sicut in ipsis.

*Aliud ius naturale : aliud
rectæ rationis
prescriptum.*

Sunt tamen quidam, qui *ius naturale* vocant, rectæ rationis agibilium dictamen, quod sub iure diuino collocant, propterea quod omne factum secundum legem diuinam, & secundum rectæ rationis consilium simpliciter est licitum. Non tamen omne factum secundum leges humanas, quoniam in quibusdam à recta ratione deficiunt. Verum naturale hic & supra æquiuoce dicitur. Multa enim sunt secundum rectæ rationis dictamen, ut quæ videlicet non omnibus sunt per se nota, & per consequens neque confessa, quæ non ab omnibus nationibus conceduntur tanquam honesta. Sic etiam secundum legem diuinam sunt quædam præcepta prohibita vel permissa, quæ se habent in hoc conformiter humanæ legi, quod quia notum est in pluribus, exempla prætermisi propter abbreviationem sermonis.

Et inde etiam est, quod quædam licita sunt secundum legem humanam, quæ non licent secundum legem diuinam, & è conuerso. Verum tamen licitum & illicitum simpliciter attendenda sunt secundum legem

legem diuinam potius quam humanam, in quibus
 dissonant præceptis prohibitis aut permissis. Dici-
 tur autem ius secundo modo de omni humano actu, *2. Iuris signifi-*
 potestate vel habitu acquisito, imperato, interiori *catio.*
 vel exteriori, tam immanente quam transeunte in
 rem aliquam exteriorem, aut in rei aliquid, puta v-
 sum aut usufructum, acquisitionem, detentionem,
 seu conseruationem, aut commutationem, & reli-
 qua similia, conformiter iuri dicto secundum prio-
 rem significationem. Quod autem sit rei vsus aut
 usufructus cum aliis rei licitis cōtrectationibus seu
 de iure à scientia ciuiliū actuum supponatur ad
 præsens. Secundum hanc quidem significationem
 soliti sumus dicere hoc ius alicuius esse, cum rem ali-
 quam iuri primo modo dicto conformiter vult aut
 tractat. Vnde talis cōtrectatio vel voluntas ius dici-
 tur, quoniam iuri conformatur in eo quod præcipit,
 prohibet, aut permittit: quemadmodum columna
 dextra dicitur aut sinistra, cum animalis dextro vel
 sinistro secundum situm propinquior extiterit: *Ius*
 igitur dictum hoc modo secundo, nil aliud est quam
volitum præcepto, vel prohibitione aut permissione,
actiua legislatoris, quod quasi præceptum prohibitum
aut permissum passiuè pridem diximus. Et est hoc et-
 iam quod prius *licitum* dicebamus. Importata au- *Tertia.*
 tem rursus hoc nomen *ius* sententiam iudican-
 tium secundum legem seu iudicia ipsorum secun-
 dum ius dictū, iuxta primam significationem, quo-
 modo dicere solent iudicem seu principantem ius
 alicui fecisse aut reddidisse, dum ipsum per senten-
 tiam legalem damnauit aut soluit. Dicitur autem *Quarta.*
 amplius *ius* de actu aut habitu particularis iustitiæ,
 quomodo ius aut iustum velle dicimus eum, qui æ-
 quale aut proportionale vult in commutationibus
 aut distributionibus.

Huic vero habitum est distinguere modos seu *signa-* *Dominii signi-*
gnata dominii: quod quidem significat *strictè* sum- *ficatione.*
 ptum, potestatem principalem vendicandi rem ali- *Prima.*
 quam quælitam iure dicto secundum primum mo-
 dum: potestatem inquam scientis & non dissentien-

tis in hoc, volentis etiam nemini alteri licere rem illam contrectare absque sui dominantis scilicet, dum illi dominatur, expresso consensu. Hæc aut potestas nil aliud est quàm actuale aut habituale velle sic habendi rem iure quæsitam, ut diximus: quæ siquidem alicuius ius dicitur, quoniam iuri primo modo dicto conformis, secundum quem modum etiam columnam dexteram aut sinistram esse iam diximus, cum ad animalis dextera aut sinistra secundum propin-

Secunda. quitatem vere fuerit comparata. Dicitur autem rursum hic nomen *communiter* magis de potestate iam dicta, siue fuerit in rem tantum, siue in usum aut vsumfructum tantum, siue in hæc omnia simul. Di-

Tertia. citur amplius idem nomen de potestate iam dicta, non tamen scientis aut cōsentientis, neq; dissentientis expresse seu renuntiantis: quo modo infanti & absenti aut alteri cuilibet ignoranti, capaci tamen, acquiri potest res aliqua vel eius aliquid cum dominio seu potestate ipsam mendicandi ab auferente seu auferre volente per se vel alium coram iudice coactiuo. Dictum est autem non dissentientis expresse, quoniam expresse dissentienti seu renuntianti rem aliquam aut rei aliquid, non acquiruntur talia, neq; ipsa vendicandi dominium aut potestas. Potest enim quilibet renuntiare licite iuri pro se introducto secundum humanas leges, neq; ad iuris beneficium compellitur quis inuitus secundum legem aliquam. Sunt autem iam dicta *dominia legalia*, quoniam legis seu ipsius latoris ordinatione, ac hominum electione acquiruntur seu acquisibilia sunt.

Quarta. Adhuc dicitur nomen domini de humana voluntate seu libertate secundum se, cum ipsius executiua seu motiua organica potestate non impedita. His enim possumus in actus aliquos & ipsorum oppositos, propter quod etiam dicitur homo inter animalium cetera, suorum actuum habere dominium: quod siquidem à natura inest homini, non voluntarie seu electione, quæsitum. Consequenter distinguendum est hoc nomen *possessio*, quod quidem sumptum *large* significat *uno modo* idem quod dominium dictum

secun-

Possessionis significationes.

Prima.

secundum primam aut secundam significationem vel tertiam, aut rem temporalem aliquam in comparisonem ad sic habentem, & habere volentē, quemadmodum dictum est in duabus prioribus domini significationibus. Vnde Genes. 13. *Erat autem dives valde in possessione auri & argenti.* & eiusdem 17. *Dabo tibi & semini tuo omnem terram Chanaan in possessionem aeternam.* Alio modo & magis stricte dicitur *Secunda* possessio de dominio iam dicto cum actuali contrectatione corporali, præsenti vel præterita, rei vel usus aut usufructus ipsius, quo modo nomine hoc vtuntur plurimum in scientia ciuiliū actuum. *Amplius* dicitur hoc nomen de licita contractione corporali rei suæ, vel etiam alienæ. Vnde Actuum 4. *Nec quisquam eorum quæ possidebat aliquid suum esse dicebat, sederant illis omnia communia.* Dicitur *Quarta* autem *rursum* possessio, licet improprie de rei detentione illicita in præsenti vel præterito, per se vel alium corporaliter contrectata. Nunc autem sequitur distinguere nomen proprii & communis. Dicitur autem *propriū* siue proprietas *uno* modo de dominio dicto secundum primam significationem: quo modo vtuntur ipso in scientia ciuiliū actuum. *Proprii significatio prima.* Dicitur *rursum* magis *large* sumendo, etiam de dominio dicto secundum eius significationem tam primam quam secundam, quomodo usus eius est apud Theologos, etiam in sacra scriptura plerumq; *Secunda.* *Amplius* dicitur hoc nomē *propriū & proprietas* famose *Tertia.* magis apud Theologos de singularitate personæ vel rei, aut rei aliquo pertinentibus ad vnicam personam tantum, non cum alia. Sic enim sumunt proprium, distinguentes ipsum contra commune, qui querunt, *utrum perfectius seu magis meritorium aeterna vita sit habere temporalia in proprio, id est, singulariter quam habere talia cum alio vel aliis in communi.* Dicitur aut *Quarta.* *rursum* hoc nomē proprium siue proprietas de accedente alicui subiecto inhærente per se, quo modo vtuntur philosophi nomine hoc, in eo tamē famosius quod cōuertitur cū subiecto. Hoc aut nomē cōmune (quātum ad propositū pertinet) sumitur oppositè duabus *Communis significationes.*

*Diuitia signifi-
catio prima.*

significationibus proprii posterius dictis. Reliquum vero nobis est distinguere modos horum nominum pauper & diues: dicitur autem hoc nomen, *diues* famose magis de habente sibi superabundantiam rerum temporalium quas vocant diuitias simul pro quolibet tempore, præsentis atque futuro & licite.

Secunda. *Alio* vero dicitur *diues* de habente sibi licite res prædictas solum sufficientes simul pro quolibet præsentis atque futuro.

Tertia.

Dicitur autem adhuc diues dupliciter & magis proprie: *primum* quidem de habente res iam dictas superabundantes etiam, ut dictum est, vel sic eas habere volente: *alio* rursus *modo* de habente iam dictas res sufficienter solum, ut etiam dictum est in secundo modo, vel sic eas habere volente.

Quarta.

His autem quasi opposite priuatiue duobus prioribus modis dicitur pauper: *uno* quidem, qui priuatus est superabundantibus solum: *alio* vero modo, qui etiam sufficientia pro quolibet tempore non simul habet.

*Pauper quid
significat.*

Tertio vero modo dicitur pauper opposite diuiti, quasi contrarie, *primum* quidem de eo qui sponte vult priuari abundantibus pro quolibet tempore. *Quarto* vero modo de eo qui etiam sufficientes pro quolibet præsentis atque futuro, non vult simul habere, sed ipsis vult quandoque sponte carere: debes autem attendere quod diues iuxta secundum & quartum modum pauper est, iuxta primum & tertium paupertatis modum. Vnde non quilibet modus paupertatis & pauperis opponitur cuiuslibet modo diuitis indifferenter. Nec oportet omittere, quod *spontaneorum pauperum*, sunt *quidam* abdicantes temporalia propter finem honestum, & conuenienti modo. *Alii* vero talia videntur abdicare, non propter hoc, sed propter inanem gloriam, aut aliam aliquam mundanam fallaciam committendam. Est etiam cum his attendendum, quod rerum temporalium (quas vocant *diuitias*) *quædam* sunt quæ sui & communi hominum institutione vnico aliquo actu vel usu consumptibiles sunt: quemadmodum cibi, potus, medicinæ, ac reliqua similia: *quædam* vero sunt

*Sponte paupe-
res duplices.*

*Diuitia dupli-
ces.*

quædam vero sunt

ro sunt quę manentia pluribus vsibus deferuire sunt nata: aut ager & domus, securis & vestis, equus aut seruus. Sunt autem iam dictorum nominum significationes alię fortasse, famosiores tamen ipsarum & modos nostro proposito magis attinentes, enumerasse putamus: quas siquidem secernere atque describere vel definire proprie, difficile est propter vltus eorum varietatem apud diuersos, & eosdem etiam artifices, loca & tempora. *Fere enim quidem igitur nominum unumquodque dicitur multifariam, vt* in * De generatione scribitur libro primo.

* Arist. De generatione lib. 1.
cap. 6.

C A P V T X I I I.

Ex precedentibus conclusiones: Locus communis de paupertate: Domini ecclesie ministrorum refutatio.

HIs itaque modis & significationibus dictorum nominum sic distinctis, *conclusiones* aliquas inferemus, *primam* quidem quod rem aliquam temporalem aut rei aliquid, puta vsumfructu aut similia in proprio vel communi suam vel alienam, non potest aliquis licite contrectare sine iure, seu non habens in ea vel eius aliquo ius dictum secundum primam & secundam iuris significationem. Nam omne factum, non preceptum aut permissum iure fieri, est non licitum, vt ex definitione liciti cuilibet euidenter apparet: nec oportet immorari ad hoc probandum, quoniam omnibus quasi per se notum est. *Secundo* possumus ex dictis inferre, quod rem aliquam aut eius aliquid potest aliquis licite contrectare secundum vnā legem, puta diuinam, & illicitum secundam aliam, vt humanam. *Similiter e conuerso.* Rursum idem facere licite aut idem etiam illicite facere secundum vtrumque. Hoc autem videre non est difficile, quoniam precepta, prohibita, & permissa quandoque diuersantur & dissonant in his legibus inuicem, quandoque conueniunt. Et ideo secundum vnus preceptum aut permissionem operans, licite operatur secundum illam: quod si alia le-

Ex distinctione vocum precedentium conclusio prima:

eiusque probatio.

1. Conclusio.

eiusque ratio.

ge prohibitum extet, idem illicite secundum legem
 aliam operatur. Quod si tale aliquid vtrique lege
 permissum fuerit, secundum vtramque licite opera-
 tur. Si vero vtraque prohibitum fuerit, idem operatur
 illicite secundum vtrumque. Vtrum aut secundum
 legem diuinam sit permissum quicquam fieri velo-
 mitti, quod humana lege præceptum aut prohibitum
 extet, quemadmodum econuerso, considerandum
 relinquitur, non est enim hoc præsentis inquisitionis.
 Certum est autem multa fore permissa humana lege,
 quemadmodum fornicationes, ebrietates, & reliqua
 quædam peccata, quæ lege diuina prohibita sunt. *Hic*
consequenter ostendere volo, quod rem quamcunq;
 temporalem, aut eius aliquid siue vnico aliquo vsu
 consumptibilem, siue non, propriam alicuius (iuxta
 tertium modum proprii) siue communem sibi cum
 alio vel aliis suam, id est, sibi iure acquisitam, vel alie-
 nam (ex consensu tamen eius, cui iure, primo modo
 dicto, quæsitæ est) potest aliquis cōtrectare in proprio
 (dicto secundum tertiam significationem) vel etiam
 cum alio in communi habet possidere (secundum
 tertiam possessionis significationem) atque cor-
 rumpere licite absque omni eius rei, aut eius alicuius
 dominio secundum primam, secundam, vel tertiam
 dominii significationem. Hoc autem demonstro sic:
 Quoniam rem illam temporalem, aut eius aliquid
 secundum omnem eius dictum modum potest quis
 licite contrectare atque corrumpere absq; dominio
 secundum iam dictos tres modos, tam in proprio
 quam communi, quam contrectat vel habet absque
 iam dictis dominii secundum legem diuinam aut
 humanam, vel vtramq; Sed rem aliquam suam, & rei
 aliquid ac alienam (consentiente illo, cuius res illa
 fuerit) potest aliquis contrectare secundum leges, vt
 dictum est absq; omni prædicto dominio: ergo licite
 sine ipso. *Prima propositio* huius deductionis per se
 nota est ex liciti definitione. *Secundam* proboratione
 sumpta ex inductione, primum quidem in re sua seu
 alicui iure quæsitæ factæ suo vel alieno in proprio, vel
 sibi cum alio in communi, vt dono vel legato, vena-

3. Conclusio.

qua demon-
 stratur.

Propositio.

Assumptio.

Conclusio.

*Assumptionis
 probatio i. in-
 ductione.*

tionem

tione, piscatione, aut altero sui labore seu opere licito. Esto enim rem aliquam sic alicui esse quæsitam. Certū est igitur ipsum ea vti & eam contrectare posse secundum leges: quoniam modis prædictis secundum legem acquiritur res, ut ex inductione palam. Constat etiam quod quilibet aptus, licite potest renuntiare iuri pro se introducto: *quoniam beneficium non confertur invito*, secundum legem humanam atque diuinam. Poterit igitur cui rei vel eius usus dominium acquiri potest facto suo vel alieno tali dominio renuntiare. Cum igitur eidem si voluerit acquiratur tam potestas vtendi licite, quam etiam potestas rem vendicandi & ab altero prohibendi, potest licite renuntiare potestati vendicandi, seu rem aut eius aliquid ab altero prohibendi, quæ nil aliud est quam dominium dictum secundum tres priores modos legales, non renunciata potestate vtendi re aut eius aliquo, quæ siquidem potestas cadit sub iuris dicto iuxta secundam eius significationem. Et vocari solet ab aliquibus *simplex facti usus* sine iure vtendi per ius vtendi sumentibus dominium, secundum aliquam iam dictarum trium significationum.

Amplius re quæ in nullius bonis est, potest aliquis licite vti secundum leges: *sed* aliqua res, cuius potestatem vendicandi, & ab altero prohibendi renuntiavit quis, potest esse in nullius bonis: *ergo* ipsa potest quis licite vti. Cum igitur renuntians potestati prædictæ non habeat rei dominium, apparet quod rem aliquam potest quis licite contrectare, ac ea vti absque omni legali iam dicto dominio.

Rursum illa separantur inuicem, quorum vnum per licitum votum abdicari potest pro quolibet tempore, reliquum vero minime. *Sed* iam dictum rei dominium seu vendicandi & prohibendi rem temporalem aut eius aliquid potestas per licitum votum abdicari potest pro quolibet tempore. Habere vero rem licite seu eius simplicem usum, non pro quolibet tempore abdicari potest per licitum votum. Ergo hæc ab inuicem separare conuenit. *Prima propositio* huius deductionis est per se nota ex liciti definitio-

1. Probatione

propositio.

Assumptio.

Conclusio.

3. probat. pro-
pos.

Assumptio
bimembra.

Conclusio.

Propositionis
confirmatio

*& assumptionis
primi membri.*

*Propositio.
Assumptio, au-
thoritate Apost.
firmata.*

Conclusio.

ne: non enim potest idem secundum eandem legem simul licitum & illicitum esse. *Secundam propositionem* probo quantum ad utramque sui partem: & *primo* quod abdicatio domini per votum licita sit pro quolibet tempore. Quoniam de Christi consilio potest emitte licitum votum: sed talis abdicatio est Christi consilium, ubi Matthæi 20. dixit: *Omnis qui dimisit domum aut agros, &c. propter nomen meum, centuplu accipiet, & vitam æternam possidebit.* Idem habetur Matt. 5. & Lucæ 6. cum dixit Christus: *Et ab eo qui aufert tibi vestimentum etiam tunicam noli prohibere. Et ei qui vult tecum iudicio contendere, & tunicam tuam tollere, remitte ei & pallium.* ubi Augustinus, si pro necessariis imperat, id est, consulit non contendere, quanto magis pro superfluis? Iuxta quam etiam Christi sententiam dixit Apostolus 1. ad Corinth. 6. *Iam quidem, inquit, omnino delictum est in vobis, quod iudicia habetis inter vos: quare non magis iniuriam accipitis, quare non magis fraudem patimini?* supple quam iudicio, etiam iusto aduersus quemquam contendere, pro rei temporalis vendicatione? ubi Glossa secundum Augustinum inducit euangelium in locis præassignatis. Et tunc addit hoc, id est, contendere iudicio, iuste scilicet, secundum veniam infirmis concedit Apostolus cum sint in ecclesia talia iudicia fieri inter fratres fratribus iudicantibus. Consequenter propter quoddam dictum Augustini, dubium subdit glossa. *Vt autem prædicta verba Augustini, quibus ait: peccatum est iudicium habere contra fratrem, sane intelligantur, dicendum est hic quid in huiusmodi conueniat perfectis, & quid non, & quid liceat infirmis & quid non.* Perfectis igitur licet repetere sua simpliciter, scilicet sine causa, sine lite, sine iudicio, sed non conuenit eis inde mouere causam ante iudicem. Infirmiss vero licet & sua repetere mouendo causam ante iudicem, & iudicium habendo contra fratrem. Potest igitur de abdicatione domini licitum votum emitte. Quod si etiam perfectis non est licitum contendere coram iudice coactiuo: ergo potestatem licite vendicandi non habent, quæ dominium est iam dictum:

¶ Cum : tali enim potestati iam per votum renuntiauerunt, contra quod eis vlllo tempore venire non licet, precipue stante voto. Quod autem rei vel eius v-
sus, habitus licitus seu simplex facti vsus abdicari ne-
queat pro quolibet tempore, satis apparet. Quia nul-
lum prohibitum lege diuina potest licite cadere sub
voto: sed talis abdicatio est prohibita lege diuina;
eo quod species quædã homicidii. Tale enim votum
obseruãs seipsum fame aut frigore vel siti perimeret
scienter, quod lege diuina prohibetur expresse, vt
Matth. 19. Mar. 10. Lucæ 18. vbi Christus aliqua præ-
cepta legis antiquæ confirmans ait: *Non occides*, &c.
Separatur igitur rei scilicet vsus simplex seu habere
licitum ab omni iam dicto dominio, seu vendicandi
& prohibendi rem aut eius aliquid potestate.

*1. membri af-
sumpt.*

Probatio.

Propositio.

*Assumptio, qua
firmatur.*

Conclusio.

Confessarium.

Ex quo etiam per necessitatem sequitur manife-
ste, *insanam hæresim esse, asserentis rem aut eius vsum
haberi non posse absque iam dicto dominio.* Sic enim
dicens, nil aliud sentit quam Christi consilium ad-
impleri non posse, quod apertum mendacium est, &
vt diximus tanquam peruersum & hæreticū fugien-
dum. Nec obstat sermo dicentis, quod de actu con-
tentioso possit abdicatio licita per votum fieri, non
tamen de habitu seu actiua potestate legali ad ven-
dicandum & prohibendum rem ab alio coram iudi-
ce coactiuo, quam pridem tale dominium esse dixi-
mus. Hoc enim falsum est; quoniam omnis habitus
seu potestas legalis acquisita vel acquisibilis, cuius
habitus per licitum votum abdicari potest, eodem
modo abdicabilis est: sicut inductione apparet in o-
mnibus consultis sub voto cadentibus. Nam vouens
castitatem aut obedientiam, non solum per votum
abdicat actus, verum etiam potestatem licitam ad
tales actus sibi iure primo modo dicto conuenien-
tem prius. Rursum inconsonum veritati est dicere,
quemquam habere licitam potestatem ad actus, qui
omnes sunt illiciti: cum potestas non dicatur licita
vel illicita, nec aliter harum differentia cognosca-
tur, nisi per actus licitos aut illicitos prouenientes,
aut peruenire possibiles ab eadē. Cum igitur omnes

*Obiectionis oc-
cupatio.*

*Que diluitur
negatione.*

*qua inductione
probat.*

*& altera
ratio.*

4. Conclusio.

eiusque probatio,

Et illustratio aliquot hypothesis.

5. Conclusio.

qua per se nota.

actus licitæ potestatis, quam quis habuit ante votum, sint post votum illiciti; apparet quod eorū nulla potestas licita remansit apud vouentem. *Deinde* ostendo quod rei (aut eius vsus) alienæ, quantum ad omne dominium supradictum, potest aliquis habere usum licitum, rem ipsam etiam consumentem, si hunc usum cōsentiente domino in rē exerceat absque omni tali dominio supradicto. Nam ex quo supponitur esse omnino in alterius dominio seu potestate vendicandi, certum est quod tale dominium nō transfertur in alium, nisi facto domini & expresso consensu, non dissentiente etiam, in quem rei talis aut eius vsus, tale dominium seu iudicandi potestas transferri debet. Esto igitur dominū non velle transferre rei vel eius vsus tale dominium in alium quēquam; esto etiam alium dissentire in tale dominū, ut qui expresso voto, temporalium omnium iam dictum abdicauit dominium, sicut perfectis conuenit; esto amplius dominum consentire, perfectum aliqua re sua uti etiam vsque ad rei consumptionem; perfectum quoque, seu qui omnis rei dominium abdicauit tali re velle uti consentiente domino: dico sic utentem re illa licite uti ea, & tamen illius aut eius vsus nullum supradictū penitus habere dominium. Quod autem nullum rei aut eius vsus habeat dominium, apparet ex præmissis hypothesis, tam ex habentis domini volūtate, quam ex recepturi rei usum conditione, qui talia simpliciter abdicauit dominia. Quod autem ea licite utatur, apparet ex liciti diffinitione, quoniam lege permissum est vnicuique, uti aliena re etiam vsque ad eius consumptionem, si ad hoc interueniat *dominantis* eam cōsensus expressus.

Quod si sumatur dominium vltimo modo, pro voluntate scilicet seu libertate humana, cum ipsa mortua potētia naturali nō acquisita, sed cōnata nobis: dico quod rem aliquam aut eius aliquid neq; licite neq; illicite cōtrectare possumus sponte sine tali dominio, neque tale dominium abdicare possumus. Et quia hoc secundum se quasi notum est omnibus, quoniam sine potestatibus his nemo in esse manere potest

potest absque probatione aliqua, de hoc pertranseo propter abbreviationem sermonis. Ex his itaque appa-
 parere potest, quod non omnis rei temporalis aut eius usus potestas licita, seu de iure primo aut secundo modo dicto vel utroq; sit dominium: quamvis è conuerso dominium omne licitum secundum iam dictos tres modos legales in rem vel eius usum aut utrumq; sit potestas licita, seu de iure iam dicto.

Corollarium:

Vnde sic inferens, Est potestas in rem aut eius usum licita seu de iure: igitur est in rem aut eius dominium licitum seu de iure, paralogismus incidit consequentis. Est enim rem licite habere & contrètare tam suam in proprio vel communi quam etiam alienam, domino vel eo cui quæsit licite fuerit consentiente absque omni legali dominio acquisito.

quo obiectio diluitur.

His ergo premissis ad propositum ingrediētes amplius, primum dicimus paupertatem aut pauperem aliquem fore, quasi per se notorum, & in scriptura repertum plerumque, sic ut ex omnibus de hoc vnum inducere sufficiat, ex Marci 12. vbi Christus: Amen dico vobis, quoniam mulier hac pauper plus omnibus misit. Deinde ostendo similiter per scripturam, Paupertatem meritoriam esse ad vitam aternam. Quoniam dixit veritas Lucæ 6. Beati pauperes, quia vestrum est regnum Dei, merendo scilicet, quia nemo præter Christum in hac vita beatus efficitur, sed meretur.

Locus communis de paupertate

1. *An sit? esse paupertatem, probatur test.*

Christi.

2. *Quid effectus mereri vitam aternam:*

à testimonio Christi.

Et ex hoc sequitur per necessitatem, paupertatem esse virtutem, si ex multis actibus, sic volendi carere temporalibus bonis, habituata fuerit, aut actum virtutis factium aut elicitedum à virtute: quia omne meritorium virtus est aut actus eius. Rursum omne Christi consilium pertinet ad virtutem per se: paupertas est huiusmodi, ut Matth. 5. 19. & aliis plerisque locis euangelicæ scripturæ satis apparet.

3. *Quid sit? virtutem esse inde sequitur:*

& ratione probatur.

Ex quo sequitur per necessitatem, hanc esse paupertatem spontaneam dictam secundum tertium & quartum modum paupertatis, eo quod non est virtus aut eius opus sine electione, electio vero non sine consensu, ut ex secundo & tertio Ethicorū satis apparet. Cuius etiam confirmatio sumi potest ex Matthæi 5.

4. *Qualis sit voluntaria.*

Probat id ratione:

& auctoritate Christi:

vbi Christus: *Beati pauperes spiritu*, intelligens per *spiritum* voluntatem seu consensum: quamuis aliqui sanctorum exponant, per *spiritum*, superbiam: quod tamen nō multum est ad propositū, quoniam in eadem serie subiungitur immediate, *beati mites*. Quicquid tamen sit de huius loci expositione, nemini dubium, & secundum sententiam sanctorum, quod paupertas si meritoria sit regni cælorum, (quemadmodum Christus ait) oportet hanc esse non exteriorum temporalium priuationem principaliter, sed interiorum mentis habitum, quo quis vult talibus sponte priuari propter Christum. Vnde *Basilius* super illud Lucæ 6. *Beati pauperes*, &c. inquit: *Non omnis quem paupertas premit, beatus est. Plures enim pauperes sunt in substantia, auerissimi vero secundum affectum, quos non saluat paupertas, sed damnat affectus. Nihil enim inuoluntariorum beatificale est, eo quod omnis virtus libero designatur arbitrio.* Est ergo paupertas meritoria virtus: & spontanea per consequens: non autem exterior priuatio secundum se virtus est: quoniam talis non saluat sine affectu debito. Posset enim quis talibus priuari coactus & inuitus: & propter horum tamen inordinatum affectum damnari. Sic etiam de hoc sensit Apostolus 2. ad Corinth. 8. cum dixit: *Si enim voluntas prompta est secundum id quod habet, accepta est*, id est meritoria. Debet etiam hæc electio priuationis temporalium fieri propter Christum, si futura sit meritoria. Vnde veritas Mat. 19. *Et omnis qui reliquit domū, &c. propter nomen meum.* Vbi *Hieronymus*. *Qui carnalia pro saluatore reliquit, spiritualia recipiet, quæ merito & comparatione sui, quasi paruo numero centenarius numerus, comparantur.* Et infra: *Qui propter fidem Christi ad euangelii predicationem, omnes affectus cōtempserint atq; diuitias & seculi voluptates, hi centuplum accipient, & æternam vitam possidebunt.* Rursum quod opponitur auaritiæ per se meritorium existens, virtus essentialiter est: paupertas spontanea propter Christum est huiusmodi: auaritia enim vitium est. Proportionem autem habet virtus hæc ad

sum altera ratione:

& testim. Basilii:

& auctoritate Pauli.

5. Quis finis?
Christi honor:
auctore Christo:
& Hieronymi
assensu.

Paupert. voluntariam, virtutem esse demonstratur.
eius à liberalitate differentia.

more

moralem liberalitatem, quamuis ab ipsa fine differat, & rei medio saltim species eius perfectior quædam, ut ex sequentibus apparebit: propter quod ambæ in eadem * atoma specie reponi non possunt. Ex his quidem igitur apparere potest, quod *paupertas*, *meritoria virtus est, qua quis propter Christum privari vult & carere bonis omnibus temporalibus (quæ diuitiæ vocari solent) superfluis sua sufficientiæ.* Unde etiam sequitur manifeste virtutem hanc non esse habitum aut actum charitatis, quod visi sunt quidam opinari. Quoniam habitus aut actus non est hic, qui Dei odio actuali aut habituali per se primum opponatur: eo quod tunc vni opponerentur plura primo. Nam quamuis charitati repugnet vitium oppositum vniuscuiusque virtutis theologicæ, non tamen propter hoc ipsa est virtus omnis theologica, quoniam nec talia sibi primum opponuntur.

* individua.

s. *Definitio ex superioribus collecta.*

Conseclarium: paupertatem non esse charitatem.

Ratio prima.

Occupatio obiectionis.

Nec obstat sermo dicentis eandem esse virtutem essentialiter qua in Deum tendimus per dilectionem, & qua recedimus ab inordinato rerum temporalium desiderio, veluti motum eundem essentialiter fore, quo aliquid exit ab aliquo termino & in oppositum tendit. Cum ergo charitate per se tendamus in Deum: eadem igitur non alia virtute ab amore temporalium exire videmur. Ex iam enim præmissis nobis sermone patere potest huius deductionis infirmitas. Quoniam etsi charitate per se primo tendamus in Deum per dilectionem, eadem ipsa eximus ab huius opposito per se primo, quod quidem odium Dei est; non amor illicitus rerum temporalium: quamuis quandoque ad charitatem sequatur hic exitus, propterea quod ad ipsum sequitur studiosa paupertas, quæ talis temporalium est per se primo abdicatio spontanea, ad quam per necessitatem sequitur exitus ab opposito per se primo, scilicet ab amore illicito temporalium rerum. Si enim disputatis sermo verum inferret, ex veris concluderet sic, charitatem esse quælibet omnem virtutem, quoniam ad charitatem plurimæ sequuntur per necessitatem, ut fides & spes, quibus per se primum eximus

Secunda occupatio obiectionis.

qua diluitur.

Ratio secunda.

Summa paupertatis descriptio.

Hæc paupertas iam descripta, summa ac perfecta est

Ratio: quæ inductione quatuor membrorum probatur.

ab hæresi & desperatione. Amplius charitas non cadit sub voto, quia præceptum est. Iam dicta paupertas (præcipue quarto modo dicta) cadit sub voto: non igitur est charitas essentialiter studiosa paupertas: nec è conuerso; quamuis hæc sequatur charitatē, sicut aliarum theologicarum plurimæ. *Huius autem virtutis summum, modum aut speciem esse dico votum viatoris expressum, quo propter Christum renuntiando priuari & carere vult tam in proprio quam etiam in communi, omni legali iam dicto dominio acquisito, seu potestate vendicandi & ab alio prohibendi coram iudice coactiuo res temporales, quas vocant diuitias. Votum inquam etiam, quo propter Christum tam in proprio, quam etiam in communi, priuari vult & carere omni potestate, habitu, & contrectatione vel usu ipsorum superfluo in quanto & quali presenti sufficientia. Nec talia bona quantumcunque sibi licite aduenientia, pro pluribus futuris necessitatibus seu indigentis supplendis propter se solum, nec propter se cum aliquo vel determinatis aliquibus in communi vult habere simul, sed pro unica tantum simul, ut immediate instante quasi presente indigentia alimenti atque tegmenti. Hoc tamen duntaxat excepto quod sit hic vouens in loco, tempore, aut sui dispositione tali, ut vicissim successiue singulis diebus sibi de temporalibus tantum quærere possit, quo suam indigentiam iam dictam, solum tamen unicam simul, non plures supplere possit. Hic siquidem modus aut species meritoria paupertatis status est, quem ad euangelicam perfectionem necessarium dicere volunt, ut ex sequentibus aperte patebit. Quem etiam iam dictum modum meritoria paupertatis siue habentis in proprio tertio modo dicto, siue etiam cum alio in communi modo communis huic opposito, deinceps propter abbreviationem vocabimus *summam paupertatem*, sic vero habere volentem more Theologorum *perfectum* dicemus. Quod autem iam dictus modus paupertatis meritoria sit aliorum summus, ostendi potest ex hoc, quoniam secundum ipsum, aliorum maxime omnia Christi meritoria consilia obseruantur. Omnia namque*

namque primum temporalia, abiici possibilia viato- *Primum :*
 ri, per votum abdicantur: plurima diuinæ charitatis, *Secundum.*
 sic vouentibus, amouentur impedimenta: pluribus *Tertium.*
 seculi passionibus & ignominis, ac sustinendis in-
 commodis disponuntur: pluribus quoque ipsius vo-
 luptatibus & vanitatibus sponte priuantur: & ad v- *Quartum.*
 num dicere, ad obseruanda Christi tam præcepta
 quam consilia omnia, maxime sic disponuntur.

* Quod autem temporalia simpliciter & quantum ** Probatio*
 viatori possibile ac licitum est, abdicet sic vouēs, cui *1. Membri*
 dens est: quoniam nihil nisi quod præsentia aut quasi
 præsentia alimenti ac tegmenti supplendæ indigen-
 tiæ vnicae necessarium fuerit, habere vult simul. Mi-
 nus autem habere non licet alicui viatori fideli: quo-
 niam si minus habere vellet sibi necessario ad vitæ
 sustentationem, sui esset homicida scienter: quod di-
 uina saltem lege non licet alicui. Qui ergo sic habere
 vult temporalia, quod eorum minus non licet ha-
 bere, minimum vult ex ipsis Et qui tantum abdi-
 cat ex eis, quod amplius abdicare non licet, maxi-
 mum abdicat. Sic autem facit viator secundum iam
 dictum *modum meritoria paupertatis*, quem *sum-*
um diximus. Quod autem sit hoc secundum Chri-
 sti consilium apparet, nam de hoc voto consilium
 dedit, Lucæ 14. cum dixit: *Sic igitur omnis ex vobis*
qui non renuntiat omnibus quæ possidet, non potest
meus esse discipulus.

* Quod autem plurima charitatis diuinæ sibi amo- ** 2. Membri*
 ueat impedimenta euident est, quoniam amor &
 voluntas conseruandi temporalia conuertit homi-
 nem ad ipsa, & per consequens magis auertit in tan-
 tum ab amore seu Dei dilectione. Vnde veritas Mat-
 thæi 6. *Vbi thesaurus tuus, ibi & cor tuum.* Nec va- *Occupatio ob-*
 let excusatio dicentis, quod habens has, non conuer- *iectionis,*
 tet suum amorem ad illas. Nam audi Christum *qua auctoritate*
 Matth. 13. & Marci 4. dicentem: *quod fallacia diuitia-* *Christi diluitur.*
rum suffocat verbum. Vbi Hieronymus: *Blanda enim*
sunt diuitia aliud agentes, aliud pollicentes. Propter *& Hieronymi*
 quod etiam ipsas simpliciter abdicare, volenti perfe- *consensu:*
 ctum esse, Christus consuluit Lucæ 18. cum dixit:

Omnia quacunque habes vende, & da pauperibus. Vbi
Beda: *Beda: Quicumque ergo perfectus esse voluerit, debet*
vendere quæ habet: non ex parte, sicut Ananias fecit
& Saphyra, sed totum. Et ibidem quod est ad propo-
& Theophylacti: *situm, subdit Theophylactus: Summam paupertatem*
suadet, si quid enim restiterit (temporalium scilicet)
illius seruus est, supple, qui seruat talia propter se.
Sunt enim huiusmodi nata inordinate mouere deti-
tum etiam *nentis affectum. Eidem quoque sententiæ Rabanus*
Rabani: *super idem Christi oraculum Matth. 19. addit, quod*
est ad propositum valde, inquit enim: Inter pecunias
habere, & pecunias amare nonnulla distantia est. Tu-
tius autem est, nec habere, nec amare diuitias. Quo-
ac Thomæ. *niam vt ibidem subdit Hieronymus: Diuitia habita*
difficile contemnuntur. Sunt enim visco viscosiores, vt
dicit Thomas Lucæ 18. super eodem Christi consilio.
Plurima ergo sibi charitatis impedimenta subtrahit,
*** 3. Membri.** *qui diuitias quantum viatori possibile ac licitum est,*
*subtrahit. * Pluribus etiam seculi passionibus, igno-*
miniis, & incommodis exponit se: pluribus volu-
ptatibus & mundanis commodis sponte se priuat.
ab experientia, *Hoc autem quamuis per se notum sit, experientia*
& auctor. Sa- *sentata, dicit tamen Sapiens Ecclesiastes decimo: Pe-*
lomonu. *cunia enim, inquit, obediunt omnia, id est, habenti*
pecunias. Ex opposito autem Prouerb. 15. Omnes
dies pauperis mali: quoniam pauper afflictionibus abun-
dat, vt glossa dicit ibidem. Rursum eiusdem 19. ait:
Illud mereri *Diuitie addunt amicos plurimos, à paupere autem &*
vitam. *hi quos habuerit, separantur. Quod autem tristitia*
sustinere in hoc seculo, & à delectabilibus abstinere
propter Christo. *propter Christum, sit meritorium & consultum, ap-*
paret euidenter Matth. 5. & 19. ac Lucæ 6. vnde quan-
tum ad tristitiam tolerantiam, Beati pauperes: Beati
qui lugent: Beati qui persecutionem patiuntur: Beati
qui esuritis, cum ceteris quæ ibidem annumerantur
his: quantum vero ad delectationum abstinentiam:
Quoniam omnis qui reliquit domum aut fratres (cum
reliquis ibidem annumeratis) centuplum accipiet, &
& Patrum *vitam æternam possidebit. Hanc eandem sententiam*
glossæ *explicant ibidem Glossæ sanctorum, quas omisi pro-*
pter

pter abbreviationem sermonis, & eo quod res hæc est nota satis. Hæc quoque fuit Apostoli sententia *Paulo:* ad Roman 8. *Existimo enim, inquit, quod non sunt condigna passionis huius temporis ad futuram gloriam qua reuelabitur in nobis.* Ergo meritoria sunt aduersitates huius seculi tolerantibus sponte. Idem 2. ad Corinth. 1. cum dixit: *Quoniam sicut socii passionum estis, sic eritis & consolationis.* Vbi Ambrosius, *& Ambrosio:* *Quia æqua gloria labori vestro retribuetur:* id est, proportionalis. Ad hæc autem seculi tristitia & incommoda sustinenda non se omniquaque sic disponunt collegia personarum habentium dominium temporalium in communi: quinimo minus multis pauperibus in seculo coniugatis, habentibus quandoque propria, eis tamen, quæ ad vitæ sufficientiam, sæpius egentibus his, qui talia solum possident in communi. * *Quod autem secundum hunc modum* * 4. *Membr.* paupertatis meritoria, quem supremum diximus aliorum, maxime omnia præcepta & Christi consilia obseruari possint, apparebit discurrenti per seriem euangelicam, præcipue in capitulis assignatis. Qui enim talem paupertatem elegit, quomodo erit avarus aut superbus, qualiter incontinens aut intemperatus, ambitiosus, immisericors, & cur iniustus, timidus, accidiosus, aut inuidus, cur etiam mendax, impatiens, & alteri propter quid malivolus? quinimo ad omnes virtutes sic disposito, ianua reſerata videtur ad omnia quoque præcepta & consilia æquanimiter adimplenda. Quod quia palam fit inducenti, probare omitto propter abbreviationem sermonis. Sic igitur *summus modus aut species meritoria paupertatis est, quem prius descripsimus:* quoniam secundum ipsum possunt amplius & securius omnia Christi præcepta & meritoria consilia obseruari. Ex qua *6. Conſellarium* siquidem descriptione *descriptione* *paupertatis* *primum,* primum apparet, quod temporalia quantum ad dominium per votum expressum renuntiare debet perfectus: tum quia Christi consilium (vt ex Lucæ 14. pridem induximus) tum quia ex hoc, suam paupertatem notificans, se amplius in aliorum conspectu contemptibilem reddit,

& secularibus honoribus magis cedit. Vnde Lucæ 9. *Si quis vult venire post me, abneget semetipsum.* Ex quo sequitur amplius, quod nemo summam paupertatem obleruare potest, ante perfectum rationis vsum. *Secundum.* Sequitur etiam ex hac descriptione, quod perfectus existens nihil habere neque quærere debet aut conseruare propter se, ad futuram scilicet suam necessitatem supplendam, nisi instantem quasi præsentem: excepto duntaxat in casu quem pridem in descriptione diximus. Vnde Matthæi 7. *Nolite ergo solliciti esse in crastinum.* Crastinus enim dies sollicitus erit sibi ipsi. Vbi glossa: *In crastinum, id est, in futurum, de presentibus concedit, de futuris quæ diuina procurat ordinatio, non conuenit sollicitari, sed presentia grate suscipientes, curam futurorum quæ incerta est, Deo relinquimus: cui de nobis cura est.* Idem eodem septimo, cum dixit Christus ad discipulos: *Respicite volatilia cali, quoniam non serunt, neque metunt, neque congregant in horrea, & pater vester celestis pascit illa.* Et parum infra subiungit: *Nolite ergo solliciti esse, dicentes: quid manducabimus, aut quid bibemus, aut quo operiemur? hæc enim omnia gentes inquirunt.* Diximus autem perfecto nihil licere propter se ad crastinum custodire, non quidem intelligentes sic, vt si quid ex eo quod illi aduenit ex quæstu diurno licito, residuum fuerit, id reiicere debeat, & nullo modo custodire; sed quod tale residuum non debeat sibi sic custodire, quin illud pauperibus sibi occurrentibus & prius indigentibus quam ipse proponat firmiter tribuere atque dispensare conuenienter. Vnde Lucæ 3. *Qui habet duas tunicas det non habenti: & qui escas, similiter faciat.* Intelligens per duo vestimenta & escas, id vel de eo, quod superest indigentia præsentis proprio supplemento. Cuilibet autem dictum est, quoniam communitas seruantium aut habentium pro aliquibus determinatis solum (vt quæ Monachorum & Canonicorum & similium) non est perfecta communitas: perfecta enim, vt quæ Christi & Apostolorum ad omnes fideles extitit, vt apparet *Actuum* quarto.

*Monachorum
& Canonicorum
communitas cur
non sit perfecta.*

quarto. Et si ad infideles in casu se extenderet, adhuc fortasse magis meritoria foret, iuxta illud Lucæ 6. *Benefacite his qui oderunt vos.* Potest autem licite perfectus custodire residua & debet: ea tamen intentione seu proposito firmo quod diximus. Vnde Ioannis 6. *Colligite quæ superauerunt fragmenta, ne pereant.* Collegere ergo & impleuerunt duodecim cophinos fragmentorum. Sic etiam sentit glossa super Matthæi 18. *Staterem illum assumens, &c.* inquit enim: *Tanta paupertatis fuit Dominus, ut uno de daret tributa non haberet. Iudas quidem communia in oculis habebat. Sed res pauperum in suos usus conuvertere nefas duxit.* Ecce quod reseruata erant pauperum, id est, ea intentione custodiebantur. Et ex hoc apparet illos errare, qui dicunt attinere perfectioni votum nihil recipiendi ad distribuendum pauperibus infirmis, aut aliter quærere sufficientia impotentibus. Nam hunc quæstum exercuit Apostolus, & licite ac meritorie nulli dubium, quemadmodum palam est 2. ad Corinthios 8. & 9. Et apparet etiam ex glossa super illud Ioannis 21. *Pasce oues meas, &c.* Series autem horum omitto propter abbreviationem. *Sequitur etiam ex iam dicta descriptione necessario, quod perfectus nullam rem immobilem, ut domum aut agrum in sua potestate existentem seruare aut retinere debet nec potest, nisi firmo proposito, cum primum potuerit id alienandi seu commutandi ad pecuniam vel rem aliam conuenienter pauperibus immediate distribuibilem.* Nam quia domus aut ager non possent immediate distribui pauperibus conuenienter, quin in eo contingeret peccare per superabundantiam & defectum, in talibus est Christi consilium attendendum, dum dixit Matthæi 19. Lucæ 18. & Marci 10. *Vade & vende:* Nec dixit, omnia quæ habes, da pauperibus: nec dixit, omnia quæ habes mitte deperdi, sed *vade & vende*, quoniam vendendo conuenientior distributio fieri potest: sic etiam fieri consulebant Apostoli. Et quibus consulebatur, sic etiam faciebant, sua volentes pauperibus

Error in refutatione.

Quartum.

Q 2

distribuere conuenienter. Vnde Actuum 4. *Quot-
quot enim possessores agrorum & domorum, erant ven-
dentes, offerebant pretia eorū. Diuidebātur autem sin-
gulis, prout cuique opus erat.* Apparet etiam ex iam
dictis, quod nullius rei temporalis dominium ac-
quisitum, iuxta primam, secundam, & tertiam do-
minii significationem iam dictam perfectō conue-
nire potest, vt ex *Matthai 5. & Luca 6.* probauimus
prius. Et per *Apostolum* idem confirmauimus pri-
mā ad *Corinth. 6.* Idemque per *Augustinum* & *glof-
sam* ibidem patefecimus sufficienter: quorum se-
ries omilimus inducere propter rei euidentiam &
sermonis abbreviationem. Nec est auscultandus
sermo, dicentis immobilia licite à perfectis seruari
posse: vt ex ipsis prouentus annui pauperibus dis-
tribuantur. Quoniam amplioris est meriti propter
Christi dilectionem & proximi misericordiam dis-
tribuere pauperibus rem simul & prouentum quam
alterum tantum. Et adhuc magis, rem solam, quam
solum eius prouentum. Quoniam sic pluribus pau-
peribus actu egentibus simul subueniri potest, qui
fortasse ante futurum rei prouentum propter defe-
ctum incurrerent ægritudinem aut mortem, stu-
prum, furtum, aut aliud inconueniens. Rursum
quoniam infra tempus futuri rei prouentus fortas-
se morietur, qui eam reſeruauit, & sic ex ea nunquam
merebitur quod mereri potuerat. Idem penitus ſen-
tiendum de mobilibus quibuscunque, quæ etiam
sic retēta cum aliis ſimiliter inordinate mouere ſunt
nata detinentis affectum. Quod ſi tamen hæc vir-
tus charitas eſſe credatur, vt quidam ſentire viden-
tur, nulli dubium, quin hic modus charitatis, cum
ſumma ſcilicet paupertate perfectior ſit habitu do-
minii rei temporalis in proprio vel communi, vt ex
prioribus rationibus palam.

Nunc autem ad principale propositum acceden-
tes, ostendere volumus, Christum viatorem ſum-
mam meritorix paupertatis ſpeciem vel modum
ſeruaffe. Quoniam primum in vnoquoque aliorum
est maximum: Christus autem ſub noua lege pri-
mus

Quintum.

Occupatio ob-
ſeſt.

qua diluitur
rationibus.

Prima.

Secunda.

Tertia.

7. Exempla
ſumma pau-
perum ac pri-
mum Chriſti.
Ratio prima
quod

mus viatorum merentium vitam æternam : fuit ergo aliorum perfectione maximus, ergo statum hunc ad temporalia obseruauit, cum absque ipso mereri maxime, secundum legem communem impossibile sit. Rursum si hunc non obseruasset modum paupertatis, fuisset alter viator, esset vel esse posset Christo secundum communem legem perfectior in mendo, quod nefas est credere. Hoc etiam Christus ad perfectionem meriti asseruit pertinere, cum dixit vbi supra: *Si vis perfectus esse, omnia quacunque habes vende, & da pauperibus*: nec addit proprium aut commune, sed hoc vniuersaliter intellexit, propter quod etiam significatū vniuersale geminauit, dicens: *Omnia quacunque*. Nam qui habet in communi cum aliquo vel aliquibus dominium, aut reservationem temporalium extra modum dictum, non abdicauit temporalium omne abdicari possibile, nec tot passionibus seculi exponitur, aut commodis priuatur, sicut temporalibus renuntians vtroque modo, nec sic ab horum solitudine liberatur, nec omnia Christi consilia seruat æqualiter omnimode abdicanti. Post hæc ostendere volo Christum habuisse aliquid in proprio, & etiam in communi, summam tamen paupertatem seruando. *In proprio* quidem (dicto secundum tertiam significationem) per id quod habetur Marci 2. *Erant autem multi qui sequebantur eum scribae & Pharisei videntes quia manducauerat cum publicanis & peccatoribus*. Certum est autem ipsum licite ac sibi proprium seu singulariter habuisse, quod ori suo applicabat & manducabat. Amplius & vestimenta sibi propria seu singulariter habuit, vt ex Matthæi 27. Marci 15. Lucæ 23. & Ioannis 19. satis apparet. Vnde in Matthæo vbi supra: *Exuerunt eum chlamyde, & induerunt eum vestimentis eius*. Sic etiam in Marco & Luca, quorum series omittantur propter decurtationem sermonis. Temporalia igitur in proprio Christus habuit licite seu de iure, summam etiam paupertatem obseruans, & talia voluit habere & velle debuit: alioquin mortaliter peccaturus, quia verus homo existens esuriit (vt apparet ex

Secundo.

Christum tamē aliquid propriū & commune habuisse. De proprio probatur auctori- tate & ratio- ne.

De communi,

Alterum summa paupertatis exemplum Apostoli: qui etiam propria & communia habuerunt.

Explicato loco communis de Paupertate, ad rem redit, ac concludit
1. Christum non habuisse ullum dominium.

Matthæi 21. & Marci 18.) ideoque cibo indiguit, quem non sumens, sumere potens, peccasset graviter, se fame videlicet perimendo scienter. *In communi quoque* Christus habuit licite, summam etiam paupertatem observans. Vnde Ioannis 12 *Dixit autem hoc Iudas, non quia de egenis pertinebat ab eum, sed quia fur erat & loculos habens*, communes scilicet Christo & Apostolis, & pauperibus reliquis. Quod apparet ex eo, quod de his Christus iussit distribui famelicientibus pauperum turbis, ut Matthæi 14. satis apparet. Loculi autem erant repositoria, in quibus pecunia eleemosynaria sibi data reseruabatur. Idem rursus Ioan. 13. *Quidam autem putabant quia loculos habebat Iudas*. Idem etiam glossa super illud Matthæi 18. *Staterem illum sumens, &c. Iudas*, inquit glossa, *communia in loculis habebat*. Sic etiam Apostoli post Christi resurrectionem communia inuicem & cum aliis pauperibus habuerunt, summam paupertatem seruantes. Vnde Auctuum 4. *Erant autem illis omnia communia*. Propria quoque similiter habuerunt, victum scilicet atque vestitum, quos sibi proprie applicuerunt, quemadmodum Christus.

Deinde tanquam principale intentum ex hoc & præcedente atque immediate sequente capitulo inferre volo per necessitatem, Christum viatorem summam perfectionis præcipue monstrantem, non habuisse dominium aliquod acquisitum, secundum primam vel secundam aut tertiam dominii significationem, dictum in proprio vel cum alio in communi rei alicuius temporalis aut eius usus. Quoniam tale dominium sibi assumens non omnia consilia, & præcipue summam paupertatem viatori possibilem, seruasset: Christus autem hæc omnia perfectissime viatorum seruauit. Non igitur tale dominium temporalium Christus habuit nec habere voluit, quod scriptura possessionem plerumque nominauit, ut in Lucæ 14. *Qui non renuntiat omnibus quæ possidet*. Sic etiam Matthæi 10. *Nolite possidere aurum, neque argentum, neque pecuniam in zonis vestris*, id est, conseruare nolite, nisi fortasse in casu licito, ea scilicet intentione

atque

atq; necessitatibus, quas pridem diximus, ut propter impotentes pauperes (quemadmodum fecit *Paulus*) aut temporis vel loci & personæ dispositionis necessitate urgente, de quibus in sequenti capitulo amplius apparebit. Quamuis tamen *dominium* iam dictum etiam in prædictis casibus summe pauperi habere non liceat: quoniam tale dominium per necessitatem circa summam paupertatem excludit Christi consilium. Non habuit ergo Christus temporalium dominium iam dictum nec habere potest eius aliquis imitator, summam scilicet paupertatem servare volens. His consequenter dico quod ex scriptura sacra convinci non potest Christum quantumcunque condescendentem infirmis, habuisse temporalium iam dictum dominium seu possessionem in proprio vel communi, quamuis hoc credantur sensisse sanctorum aliqui. Pari namque ratione concludi posset, Christum exercuisse omnia permissa, ne statum talia exercentium damnasse videretur. Sic ergo seculi principatum seu seculare iudicium contentiosum acceptasset ac exercuisset (cuius oppositum ostensum est irrefragabiliter quarto huius) sic coniugium, sic actionem contentiosam coram iudice coactivo, sic reliqua permissa omnia: quæ Christum exercuisse nemo per scripturam convincere potest, sed oppositum magis. Non enim talia ipsum oportuit aut decuit exercere, ne statum exercetium, quos vocant infirmos, damnasse videretur. Quoniam non sequitur, Christus non fuit coniugatus: ergo statum coniugatorum visus fuit damnare, similiter & in reliquis. Nam ipse sufficienter expressit differentiam inter ea, quæ sunt de necessitate salutis fienda vel omittenda, præcepta vel prohibita: & ea, quæ non sunt de necessitate salutis apud sanctos vocata *supererogationis*. Cum enim interrogatus fuisset à quodam de necessariis ad salutem æternam, respondit Christus: *Si vis ad vitam ingredi, serva mandata*. Interroganti vero rursus de his quæ sunt *supererogationis*, non respondit Christus, si vis ad vitam ingredi; sed dixit illi: *Si vis perfectus esse*. In quibus

*Vnde inferre nos
Christi imitato-
rem (puta Pa-
pam clericos
monachos) ha-
bere posse.*

*2. Christum no
infirmorum quo-
dam gratia do-
minium usur-
passe probatur.*

*Occupatio
objectionis
Responsio.*

verbis Matthæi 19. Lucæ 18. & Marci 10. Christus expresse fecit intelligere, quod observatio mandatorum sufficiebat ad vitam æternam, cum de hoc interroganti nil aliud respondit, quam *serua mandata, si vis ad vitam ingredi*. Ideoque non omnia permissa Christum oportuit aut decuit exercere, ne statum eiusmodi exercentium damnasse videretur; quia iam expresserat ipsos ex solis mandatis seu præceptis, (communiter sumendo præceptum affirmatiuum & negatiuum) posse saluari: sed magis decuit ipsum consiliorum exercitium, ut summam paupertatem seruare, coniugium omittere propter talium exercitii reliquis omnibus præbendum exemplū, quemadmodum ipsum de facto fecisse atque dixisse legimus in scriptura. Nam Matthæi 8. Lucæ 9. de sua paupertate loquens, ait: *Vulpes foueas habent, volucres cali nidos: Filius autem hominis non habet ubi reclinet caput*. vbi glossa, *Cum ita sim pauper, ut nec hospitium habeam quod meum sit: Tanta enim paupertatis fuit Dominus, ut unde daret tributa, non haberet*, secundum gloss. super illud Matth. 18. *Staterem illum assumens, da eis pro me & te*. Nusquam tamen legimus ipsum habuisse castra vel agros, aut cumulos thesaurorum, ne statum sic habentium visus damnare fuisset.

3. Et si Christus illud usurpasset tamen aliis qui perfectione student, non esset imitandus: quia legislator est.

Quod si tamen Christus exercuisset permissa, potuisset hoc facere nil minus omnibus consiliis pariter observatis. Quoniam ipse qui legislator erat, poterat huiusmodi exercere, ne statum exercentium reprobare videretur, unde talia non voluisset simpliciter (quemadmodum volunt infirmi qui ea volunt propter suum commodum) sed ea Christus voluisset propter aliud, & ea quodam modo nolens; quia non propter se, sed propter iam dictam causam. Reliqui vero perfecti tale dominium nullo modo possunt velle conuenienter, summam consiliorum observantes. Non enim id possunt velle, ne statum aliorum damnare videantur: quoniam ad eos statum approbare vel damnare non pertinet, eo quod legislatores non fuerunt, nec sunt aut erunt. Si ergo tale domi-

dominium vellent, id vellent quemadmodum infirmi, non tanquam perfecti. Licuisset ergo Christo si voluisset hæc exercere permiffa, summam omnium consiliorum obseruans, quod tamen alteri ab ipso minime licere potest propter causam iam dictam. Quod si quærat, quis tam perfectus esse valeat, ut nihil simul temporalium velit habere, nisi sufficiens indigentiaæ præfenti aut immediate instanti, quasi præfenti? Dico, quod Christus & alii quicunque volentes, quamuis tales pauci sunt, quoniam *via hæc arcta est & angusta, & pauci ingrediuntur per eam*, ut scribitur Matthæi 7. Et dic mihi tu quæso: Quot sint martyres voluntarii temporibus his? quot viri heroici? quot Catones, Scipiones, atque Fabricii?

*Obiectio.**Responsio.*

C A P V T X I V.

Quæ præcedenti capite de Paupertate explicata sunt: obiectionum refutatione illustrantur.

AD dicta vero sic intendentibus *obiiciet aliquis*, quoniam si ministrantes euangelium, statum perfectionis etiam seruare volentes episcopi atque presbyteri nihil seruare possint propter suam futuram necessitatem supplendam: quin illud firmo proposito velle debeant tribuere pauperi, vel pauperibus occurrētibus primum & magis indigentibus cum reliquis quæ in descriptione summæ paupertatis iam diximus: quo modo poterunt intendere prædicationi verbi Dei, & quotidianam vitam procurare (quod necessarium videtur) si nihil illis pro futuro sibi seruare liceat? Videntur enim hic simul fieri difficilia vel impossibilia quædam. Vnde Actuum 6. *Non est æquum nos derelinquere verbum Dei, & ministrare mensis.* Innuentes Apostoli quod duo hæc simul fieri nequeunt. Licitum est ergo perfectis propter suam necessitatem futuram supplen-

*Contra præcedentia i. obiectio, eiusque propositio.**Assumptio.**Conclusio.*

8. Obiectio. dam temporalia reſeruare. *Amplius* oftenditur idem ex alia : quoniam Ioannis 12. ſuper illud : *Quia loculos in quibus oblata ſeruabantur*, &c. dicit gloſſa. *In quo forma datur eccleſiæ ſeruandi neceſſaria*. Cum igitur in hoc loco eccleſiæ nomine intelligantur perfecti, præcipue ſacerdotes & epiſcopi, videtur quod neceſſaria pro futuro ſibi licite ſeruare poſſint. *Rurſum* ſupra illud Matthæi . *Nolite ſoliciti eſſe in craſtinum*, dicit gloſſa. *Sed nemo debet ſcandalizari, ſi quem iuſtorum viderit hæc neceſſaria ſibi ſuique procurare*, ne iudicet eum de craſtino cogitare, quia ille qui hoc præcepit, cui miniſtrabant angeli, propter hoc exemplum dandum, loculos habuit, unde neceſſaria uſibus præberet. *Adhuc* firmatur idem ex Ioannis 13. ubi dicitur ſic : *Quidam autem putabant quia loculos habebat Iudas, quod dixiſſet ei Ieſus : Eme ea qua opus ſunt nobis ad diem feſtum* : ergo pecuniam reſeruataſſe habebant Chriſtus & Apoſtoli, unde talia emere poterant. *Adhuc* oftenditur idem ex alio, quoniam Matthæi 6. ſuper illud : *Reſpicite volatilia cali*, &c. dicit gloſſa ; *Non prohibet prouidentiam & laborem, ſed ſollicitudinem, ut tota ſpes noſtra ſit in Deo*. Perfectis igitur de futuris ſibi neceſſariis prouidere licet. *Amplius* oftenditur idem ex Matthæi 14. Marci 6. & 8. & Lucæ 10. Dixit enim Chriſtus ad Apoſtolos : *Quot panes habetis ? Qui dixerunt, ſeptem*. Hos autem ſeruauerant extra præſentem neceſſitatem : ergo perfectis pro futuro ſibi temporalia ſeruare licet. *Deinde* oftenditur per neceſſitatem quod perfecti habeant vel habere poſſint (etiam perfecti manentes) dominium dictum ſecundum primam aut ſecundam vel tertiam ſpeciem dominii rerum temporalium, vel uſus earum in proprio aut cum alio vel aliis in communi, & maxime rerum quæ unico aliquo uſu conſumptibiles ſunt. *Primum* quidem apparet hoc ex Lucæ 13. cum loquens Chriſtus ad Apoſtolos ait : *Et qui non habet, vendat tunicam ſuam & emit gladium* ; ſed qui emit aut vendit aliquid, dominium rei vel pretii transfert in alterum : nullus autem in alterum transfert quod prius non habuit.

Domi-

contra negatio-
nem dominii
rerum aut uſus
earum obiectio-
nes.

1. Obiectionis
aſſumptio :

Propoſitio.
omnino confir-
matio,

Dominium igitur habuerunt Christus & Apostoli
 supradictum. *Deinde* ostendo idem ex alio sic: quo- Conclusio.
 niam qui habuit vsum licitum alicuius rei ab illius 1. Obiectio
 dominio iam dicto inseparabilem ex necessitate ha- proposito.
 buit rei dominium: sed Christus & Apostoli talium Assumptio
 rerum habuerunt vsum: ergo per necessitatem ipsa- Conclusio.
 rum dominium. *Prima propositio* huius deductionis Assumptio
 famosa est: *secunda* vero probatur, ex eo vsum rerum probatio.
 consumptibilium, quem Christus & Apostoli ha-
 buerunt. Quoniam vel habuerunt vsum rei suæ
 de iure, vel non suæ de iure. Si vsum rei suæ de iure:
 ergo habuerunt simul cum vsum rei dominium. Si ve-
 ro rei non suæ, aut ergo alienæ, aut rei quæ in nul-
 lius bonis erat ante vsum eius. Si rei quæ in nullius
 bonis erat, cum talis occupanti concedatur de iure:
 Christus autem & Apostoli per necessitatem prius
 aut simul tempore cum vsum rem occupauerunt: er-
 go ipsius dominium ante vsum vel simul cum vsum
 habuerunt. Si vero vsum talis fuit in rem alienam, aut
 fuit hic concedente domino rei, vel non concedente,
 & maxime in vsum rem cōsumente aut alio quem do-
 minus de iure prohibuisse præsumitur: talis vsum
 esset illicitus, quod nefas esset de Christo aut Apo-
 stolis dicere. Si vero huiusmodi vsum rem aliquā con-
 sumens, fuerit concedente domino, aut igitur rei
 dominus concessit vtenti vsum solum absque do-
 minio, aut vsum cum dominio simul. Si vsum absq;
 dominio, vsum fuisset illicitus, quoniam ex tali vsum
 priuatur dominus dominio rei absque facto suo,
 quod licite seu de iure fieri non potest. Si vero vsum
 cum dominio concessit dominus sic vtenti, apparet
 manifeste quod sic vtens, perfectus existens, etiam
 simul cum vsum per necessitatem habuit rei domi-
 nium. *Amplius*, si perfectus nullum haberet rei do- 2. Obiectio.
 minium, sequeretur quod auferens ab ipso etiam a-
 ctualiter indigente, rem temporalem licite auferret,
 quoniam de iure. Nam quæ in nullius bonis sunt
 licite seu de iure, à quolibet occupari possunt: sed
 quæ per nullum vendicari possunt, in nullius bo-
 nis sunt, talia vero sunt quæ habet perfectus, vt

4. *Obiectio.* ex prioribus hypothefibus fatis apparet. *Amplius*, qui debent hospitalitatem feruare, necessario provisionem futurorum & aliquorū dominium oportet habere. Omnes Apostolorum successores, episcopi scilicet, ad hospitalitatem tenentur. Vnde 1. ad Timotheum 3. ad Titum 1. *Episcopum oportet hospitalem esse.* Adhuc videntur hoc fecisse sancti patres episcopi, habuerunt enim agros & possessiones in suo dominio saltem in communi cum aliis episcopis atque presbyteris. Vnde Ambrosius in epistola de tradendis basilicis, ait: *Agri ecclesie solvunt tributum*, ergo agros & immobilia possidebāt viri perfecti, qui etiam ecclesie nomine designantur aut designari debent, præcipue sacerdotes. *Ostenditur* autem hoc de Christo in speciali primum quidem: quoniam secundum leges etiam humanas, qui aliquem redimit à morte, illius dominus efficitur, & per consequens omnium suorum temporalium: sed Christus nos à morte redemit, non quacunque, sed ab æterna: ergo nostrorum corporum & temporalium acquisiuit dominium. Rursum Apocalypsis 19. scribitur de ipso, *quod habebat scriptum in vestimento, Rex regum, & Dominus dominantium.* Vbi glossa: *In vestimento scilicet humanitatis.* Cum igitur rex & dominus omnium eorum habeat dominium, apparet quod Christus in rebus temporalibus hoc habuerit.
5. *Obiectio.*
6. *Obiectio.*
7. *Obiectio.*

Ante refutationem, suo more quasdam hypothefes subvertit.

1. *Hypothesis. vultu & amictu contentum esse debere sacerdotem:*

probata auctoritate Pauli.

2. *hypothesis. vitæ necessaria subsidia ministris evangelii danda:*

Ex prius autem definitis à nobis de summa paupertate temporalium atque dominio, responderi poterit conuenienter his quæ obiecta sunt ex præfati capitulo: secundum Christi tamen & Apostoli sententiam, & primum apponentes, quod ministri euangelii, presbyteri seu episcopi, cum reliquis inferioris ordinis, contentari debent alimento quotidiano, & necessario tegumento statum perfectionis seu summam paupertatē custodire volentes. Vnde 1. ad Tim. ultimo: *Habentes autem alimenta & quibus tegamur, his cōtenti simus.* Quæ siquidē euangelizantibus ministrare tenētur secundum legem diuinam saltem, quibus euangelica prædicatio ministratur.

Hoc

Hoc enim figuraliter dictum Deuteronomii 24. *Non alligabis os bouis triturantis in area fruges tuas.* Exponens Paulus 1. ad Corinthios 9. tanquam dictum propter futuros euangelii doctores atque ministros, sic ait: *Nunquid de bobus cura est Deo, an propter nos utique dicit?* Idem apparet ex Mat. 10. dū ad hoc & propter hoc propositum dixit Christus: *Dignus est operarius cibo suo.* Debent ergo suscipientes euāgelium, victum quotidianum, atque vestitum euangelizanti ministrare, si possint. Et hoc tanquam debitum ex lege diuina petere possunt euangelizantes licite, quamuis non in iudicio coactiuo præsentis seculi, idque quibus euangelium ministratur si possint exhibere, recusantes in legem diuinam committunt. Vnde 1. ad Corinthios 9. *Ita & Dominus ordinauit his qui euangelium enuntiant, de euangelio viuere.* Sicut qui pascit gregem, de lacte gregis manducat: & qui plantat vineam, de fructu eius edit. Ad aliam vero, decimam aut partem aliquam suorum prouentuum nemo fidelium, euangelizantibus, secundum scripturam, tenetur. Quod si quibus euangelium ministratur, tantæ paupertatis essent, ut euangelizantis sufficientiam, victus atque vestitus ministrare nequirent: non obligantur ad hoc lege diuina; sed debet ipse aliunde sibi quærere necessaria vite, ut alia doctrina vel arte operatiua, si quam nouerit excercere, aut alio quodam honesto & cōuenienti modo. Sic enim faciebat Apostolus, ne pauperibus quibus euāgelizabat onerosus redderetur. Vnde actuum 20. de se loquens ait: *Aurum & argentum aut vestem nullius concupiui, ipsi scitis, quoniam ad ea quæ mihi opus erant, & his qui mecum sunt, laborauerunt manus istæ.* Idem dixit 2. ad Thessalonicenses ultimo: *Neque, inquit, panem gratis manducauimus ab aliquo, sed in labore & fatigatione, nocte & die operantes, ne quem vestrum grauaremus.* Verum aucto iam fidelium deuotorum numero, & præcipue temporibus his, nec laborare manibus, neque mendicare necesse est doctrinæ sacræ ministros. Nam statuta sunt & ordinata in fidelium communitatibus, tam

teste Moysa:

& Paulo interpret:

& Christi iudicio.

3 Hypothesis: ea petere licet, non iudicio exigere.

probat Pauli testimonio.

3. Hypothesis. Decimam sacerdotibus non deberi.

4. Hypothesis: Si ecclesia ministrum alere non possit: aliter sibi prospicere debet.

exemplum in Paulo.

Sed hoc seculo id non necessarium.

per legis humanæ latorem, quam personas aliquas singulares prouentus quidam, tam ex mobilibus, quam ex immobilibus, ex quibus sufficienter, quini-

Questio. ri possunt. *Interrogabit* autem aliquis, cuius aut quorum sit horum temporalium, præcipue immobilium iam dictum dominium seu vendicandi potestas coram iudice coactiuo præsentis seculi, cum tale dominium ministris euangelicis perfectis existentibus conuenire non possit, secundum determinatio-

Responsio. nem capituli præcedentis. *Nos vero dicamus* dominium temporalium, quæ sunt pro ministrorum euangelicorum sustentatione statuta, legislatoris esse, aut eius vel eorum qui per legislatorem ad hoc fuerint deputati; vel per eos qui talia dederunt, si fuerint singulares personæ, quæ supradicta temporalia dederint & ordinauerint ex bonis suis ad vsum prædictum: qui siquidem sic statuti ad ecclesiasticorum temporalium defensionem & vendica-

*Ecclesiarum
patroni qui
nam.*

tionem, vocari solebant *ecclesiarum patroni*. Nam antiquitus viri sancti atque perfecti ministri euangelici, Christum imitari volentes, contra nullum voluerunt contendere iudicio. Ideoque nec temporalium dominium assumpserunt, sed solum vsum necessarium ad suæ vitæ præsentis & impotentium pauperum sustentationem. Si enim immobilia temporalia fuissent in ipsorum potestate alienandi, etiam sine dominio aliquo seu vendicandi proposito, & ea non alienassent ad pauperibus occurrentibus statim distribuendum, minime seruassent Christi consilium, in quo dixit: *Vade & vende omnia quaecunque habes, & da pauperibus*, siue talia fuissent ab eis habita in proprio, siue etiam in cōmuni. Hoc tamen est opinandum, quod huiusmodi patroni, quos dominos vendicandi talia diximus, habeant potestatem alienandi ea, vel ad vsus alios conuertendi, quoniam peccarent in legem diuinam saltem, & in humanam fortasse, quoniam eis non est ad hoc concessum dominium, sed solummodo prohibendi & vendicandi coram iudice coactiuo ab auferentibus

aut

aut auferre vel aliquid contrectare volentibus. Et propterea si prouentuum custodia, distributio concedatur alicui perfectorum per legislatorem, aut personam singularem, cuius fuerit potestas huiusmodi, dico perfectum summam paupertatem seruando, licite posse; quinimo meritorie hanc curam suscipere propter proximi charitatem, & misericordiam exercendam in eum. *Obiectio.* Sed dicet alius perfectum sibi prouidere de crastino aut de crastinis multis, quoniam suum annuum victum, atq; vestitum suscipit & suscipere intendit ex sibi concessio prouentu. Et *Responsio.* dicendum est quod talia temporalia sic sibi distribuenda conceduntur, vt ex eis refeructur quod sufficiat euangelizanti singulis diebus ad victum & vestitum decentem, residuum vero illi committitur distribuendum pauperibus. Et quoniam perfectus propter communem fidelium vtilitatem ad æternam salutem statutus vel electus est ad euangelizandum super certum populum & in loco certo, seu determinato, in quantum euangelizans proponit conuenienter singulis diebus vnicam simul tantum sumere sufficientiam quam deseruit, non autem proponeret simul plures aut successiue sumere ex eadem re quæ sita: simul si posset vacare quæstui quotidiano, & simul euangelizare, sed quia simul his vacare non potest, oportet ipsum ex eadem re intendere plures sufficientias quotidianas cibi & potus sumere, successiue tamen ex eadem re. Nam si quod superest vni suæ sufficientiæ, distribueret pauperibus, non haberet in crastino vnde sumeret sufficientiam vitæ, quam quærere coactus necessario haberet mittere assumptam populi curam, in quo peccaret mortaliter, faciendo commune detrimentum animarum. Deinde vero in eo quod aliena distribueret præter, immo contra intentionem eorum qui talia sibi distribuenda commiserunt. Quia ergo secundum decretum fidelium (quorum est auctoritas ordinandi) visum est expediens, determinatum populum habere determinatum ministrum euangelii atque sacramentorum, qui eis ministra-

Perfectum posse bonorum ecclesiasticorum curam gerere.

Obiectio.

Responsio.

*Hypothesum
precedens: um
summa.*

*qua confirma-
tur Augustino:*

& Christo:

*ac Pauli ex-
emplo.*

*Ad præmissas
obiectiones re-
sponsio.*

Ad primam.

re debens in his, alendus est per eos, non conseruat ipse ad crastinum ex intentione propria propter se aliquid, quod in sua potestate sit distribuere. Rursum, quoniam non est in dispositione, secundum quam quotidianam vitam sibi quærere possit propter iam dictam causam, perfectus permanens, potest ex re commissa suæ custodiæ plures sufficientias sumere: semper tamen cum proposito id distribuendi quod sibi superest præsentis suæ sufficientiæ, si foret in sua potestate, foretque ipse in dispositione sibi acquirendi futurum quotidianum victum, quemadmodum etiam dicebatur in summæ paupertatis descriptione. Sufficere debet igitur euangelico ministro victus atque vestitus quotidiani sufficientia, quam sibi ministrare tenentur suscipientes illius ministerium. Et hanc iure diuino sibi debitam licite petere potest, quamuis non humano iure vendicare sibi debeat hanc coram iudice coactiuo, etiam si iure humano id foret præceptum. Vnde in glossa secundum Augustinum super eodem 2. ad Timoth. 3. *Nemo militans Deo, &c.* dicitur sic: *Hoc ideo dicit Apostolus, scribens Timotheo, ne forte cum indigeret Timotheus, & nollet victu quotidiano sustentari ab eis quibus euangelium ministrabat, nec in opere corporis laborare posset, aliqua negotia sibi quæreret, quibus animus eius implicaretur intentio, ex quo sibi relinquebatur mendicandum.* Ecce ergo, quod si noluisent Timotheo ministrare victum, non dixit eos cogendos, nec quod ipse hoc requirere deberet coram iudice coactiuo. Quoniam *auferenti tunicam dandum est & pallium,* iuxta Christi consilium, Matthæi 5. & Lucæ 6: potius quam in iudicio contendendum. Sic etiam dicebat Apostolus 2. ad Corinth. 8. & 9. pro pauperibus petens ab ipsis, *Non quasi imperans dico: & infra, in hoc consilium do, talem collectam appellans gratiam,* propter quod etiam signans eam spontaneam, dixit: *Vnusquisque autem prout destinauit in corde suo, non ex tristitia vel necessitate.* Nunc autem restat singulariter dicere ad præmissas instantias: Ad eam ergo primum quæ inducebatur ex Actuum 6. *Non est*
aquum

equum nos derelinquere verbum Dei, &c. Dicendum est, hoc dixisse Apostolos, nō quia vellent quicquam sibi acquiri temporalium reseruandum pro futuro, nisi quomodo diximus in summæ paupertatis descriptione. sed quia præsentis aut immediate instantis quasi præsentis simul vnicam sibi quæri volebant per aliquos necessitatis sufficientiam, eo quod hoc per seipsos facere non poterant debentes simul insistere prædicationi euangelicæ. *Ad aliam* quæ inducebatur ex glossa super Ioannis 12. quod ecclesiæ datur forma seruandi necessaria, &c. Dico, ecclesiæ, id est, viris perfectis tam in proprio quam etiam in cōmuni, datam esse formam seruandi, quod superest præsentis aut quasi præsentis sufficientiæ, si superfluum aliquid eis licite adueniat vt datum, aut corporis proprii opere seu labore quæsitum. Et hoc perfectis licitum est ex causa & intentione. quas diximus in summæ paupertatis descriptione: quamuis non debeant perfecti ex intentione propter se quicquam superfluum præsentis aut quasi præsentis necessitati quærere. Quod tamen licite aduenit superfluum, potius custodire aut aliis custodiendum & distribuendum committere, quos ad hoc nouerint magis idoneos quam reiicere debent. Vnde super id Matthæi 10. *Dignus est operarius cibo suo*, inquit Hieronymus: *Ergo necessaria tantum accipite, vt inde securi æternis melius vacetis.* Deinde vero super idem, inquit Augustinus: *Illa loquebatur Apostolis* (Christus scilicet) *vt securi non possiderent neque portarent huic vitæ necessaria, nec magna nec minima, ostendens à fidelibus omnia deberi ministris suis nulla superflua requirentibus.* Et ideo si decimæ frugum non sint necessariae ad ipsorum sustentationem, sed superflue in toto vel parte; quod ex eis superfluit virtute verborum sacrae scripturæ, nequaquam exigere possunt euangelici ministri, nec ad eius exhibitionem tenentur Christi fideles. Quod autem intellexerit Christus eos posse petere solum quæ sunt præsentis necessitatis, victus aut vestitus vel quasi præsentis apparet, eodem super id, *Neque duas tunicas.* Vbi bea-

Ad secundam

tus Hieronymus : In duabus tunicis duplex mihi videtur innuere vestimentum , non quod in locis Scythiæ & glaciali niue rigentibus una quis tunica debeat esse contentus. Sed quod in una tunica vestimentum intelligamus, ne alio vestiti, aliud nobis futurorum timore reseruemus. Prohibet ergo duas tunicas simul, id est, duplicia vestimenta, quorum alterum seorsum sufficiat pro tempore. Idemque de victu, & eadem ratione intelligendum secundum determinaciones scripturæ atque sanctorum expositiones in prioribus adductas.

Non conuenit igitur perfectis Christi & Apostolorum successoribus in suo dominio sibi reseruare agros, ciuitates, aut castra, nec vnquam opere seu exemplo Christi aut Apostolorum fuit data forma ecclesiæ, id est, euangelicis ministris habendi dominium immobilium, nec ipsa reseruandi ad futurum in ipsorum existentia potestate. Sed oppositum huius bene reperimus in scriptura ex Christi consilio, dum dixit : *Vade & vende*. Et rursus : *Nolite possidere aurum, &c.* Amplius & Actuum 4. *Vendentes offerebant pretia*. Datur ergo forma ecclesiæ seruandi acquisita mobilia propter causas iam dictas, immobilia vero nequaquam, quæ in sui dominio vel simplici potestate alienandi fuerint, quin ea debeant alienando commutare, cum primum potuerint. Hæc etiam fuit sententia Bedæ super illud Lucæ 12. Quando misi vos sine sacculo, &c. Non eadem (inquit Beda) viuendi regula persecutionis, qua pacis tempore discipulos informat. Missis quidem discipulis ad pradicandum, ne quid tollerent in via, id est, secum portarent, præcepit : ordinans, ut qui euangelium nuntiat, de euangelio viuat. Instante vero mortis articulo, & tota illa gente simul pastorem & gregem persequente, congruam tempori regulam decernit, permittens, ut tollant necessaria victui, donec sopita persecutorum insania tempus euangelizandi redeat. Quo scilicet tempore non indigent tollere seu portare aliqua pro necessitate futura, eo quod à suscipientibus euangelium sustentari debent, & hoc

ibipsis licite quotidie petere possunt. Si ergo quolibet tempore licuisset Apostolis & ipsorum successoribus pro futuro quolibet necessaria reseruare, frustra & inconuenienter dedisset eis aliam regulam tempore quietis, & aliam in casu, tempore scilicet persecutionis. Et hoc est, quod in summæ paupertatis descriptione iam diximus, perfectis videlicet non licere temporalium reseruationem, si fuerint in loco, tempore, ac sui dispositione tali, quod quotidianum victum sibi successiue conuenienter quære possint. *Ad aliam instantiam* quæ inducebatur *Ad tertiam,* ex glossa super Matthæi 7. cum dixit: *Sed nemo debet scandalizari,* &c. Dicendum, quod necessaria & suis & instantem aut immediate instantem quasi præsentem necessitatem perfectus licite procurare potest. Residuum vero si quod fierit ex quæsito pauperibus reseruando, absque tamen omni proposito dominii, & hoc magis expediens ac meritorium est quam illud deperdi sine re; misericordiæ enim opus est hoc & supererogationis. Vnde Matthæi 5. *Beati misericordes.* Et cum subiungitur in eadem glossa, quod *Christus habuit loculos, unde necessaria vñibus praberet,* concedendum vtique: sed talia in loculis reseruari fecit, vt quia loci vel temporis conditio, ac reliquæ adiicientiæ hoc exigebant, vel vt pauperibus occurrentibus inde prouideret. Sicut expresse patet ex glossa super illud Matthæi 18. *Staterem illum assumens,* &c. *Tanta enim,* inquit, *paupertatis fuit dominus, vt unde daret tributa non haberet.* *Iudas quidem communia in loculis habebat,* sed *res pauperum in suos vsus conuertere nefas duxit.* Ecce quod res illæ seruatae pauperum erant, id est, propter pauperes, nec intelligas ex pauperibus solos Apostolos, sed alios quoscunque, præcipue fideles, quibus etiam ipse cum Apostolis præbebant de reseruatis manducare, sicut apparet Matthæi 10. Marci 6. & 8. ac Ioannis 6. Vnde ait Christus: *Date vos illis manducare.* Sic etiam (vt ibidem) quæ superfuerunt reseruare præcepit, ne deperirent, vnde Ioannis 6. *Colligite qua superauerunt*

fragmentane pereant. Collegerunt ergo (Apostoli videlicet) & impleuerunt duodecim cophinos fragmentorum.

*Ad quartam,
quintam &
sextam.*

*Responsio ad
alias obiectio-
nes.*

Ad primam :

*negatione pro-
positionu.*

*& eius confir-
mationu :*

*contra resp ob-
sectionu propo-
sitionu :*

Assumptio :

Conclusio.

Ad reliquam vero instantiam ex glossa super Matthæi 6. cum dixit : *Non prohibet providentiam & laborem* : ad eam quoque inductam ex Ioannis 14. *Quidam autem putabant, &c.* Rursum ad eas quæ inducebantur ex Matthæi 14. Marci 6. & 8. ac Lucæ 9. cum dixit Christus ad Apostolos : *Quot panes habetis?* &c. Dicendum per omnia similiter, quemadmodum ad priorem immediatam instantiam dictum fuit. Ad eas vero instantias quibus deducebatur, perfectum summam paupertatem etiam observantem, rerum temporalium habere posse iam dictum dominium in proprio vel cum alio in communi, dicendum consequenter. *Ad earum igitur primam*, quæ sumpsit exordium ex Lucæ 22. cum dicebatur: Omnis qui emit & vendit, vel emere aut vendere potest aliquid rei alicuius temporalis & eius pretii habet dominium de necessitate: hanc nego, & comprobatur, quia omnis emens aut vendens transfert rei vel pretii alicuius dominium: hoc nego ab omnibus viris perfectis. Quamvis enim per se rem licite transferant aut commutent in pretium aut econverso, non propter hoc transferunt in alios, aut in se suscipiunt dominium rei alicuius; nisi forte secundum accidehs transferre dicatur, ut quia ipsis rem licite transferentibus, domini fiunt in quos transfertur, aliunde tamen per se (ut infra patebit) dominium autem nullo modo suscipiunt, nec suscipere possunt perfecti manentes.

Sed dicet disputans, qui emit rem à perfecto, vel vendit, suscipit quod transfertur à perfecto, & nihil aliud. similiter autem & imperfectus transfert quod habebat: cum igitur emens suscipiat rei quam emit dominium aut eius quam perfecto vendit, prius habebat & nunc desinat habere dominium; per necessitatem sequitur perfectum rei venditæ per ipsum prius habuisse dominium, aut emptæ iam dominium habere posterius. Primam vero propositionem

rem huius paralogismi concedo, si intelligatur per nihil aliud, id est, nullam rem aliam. Et similiter quod perfectus suscipit ab alio rem quam transfert, & habere desinit vendens, sed cum additur: Emens suscipit rei dominium, ergo à perfecto transfertur in eumentem, committitur *figura dictionis*, quoniam suscipere rei dominium aut rem cum dominio, non est suscipere quod, sed quomodo. Vnde similis est paralogismus ei quem format Arist. in secundo Elenchorum * iuxta locum sophisticum, qui dicitur figura dictionis. Est autem hic. *Quoniam tradidisti mihi solum denarium, solum denarium non habuisti: ergo tradidisti quod non habuisti.* differt tamen hic ab illo, quoniam in præsentī mutatur * quid in aliquid, in eo vero quem format Arist. econuerso. Veruntamen ut amplius satisfiat quæstioni, quoniam quærentis sophisma dissolutum est, & propter minus doctos in arte sophistica. Dico quod dum perfectus rem aliquam vendit, commutando, rem licite transfert in alterum, quoniam rem sibi iure quæsitam, & contractari lege concessam, cuius tamen nunquam habuit dominium. Quoniam ex præcedente capitulo monstratum est, quod rei alicuius aut eius usus vel vtriusq; simul, conuenit habere potestatem licitam seu de iure, primo & secundo modo dicto, etiam rei corruptiuam absque dominio, dicto secundum tres sæpe dictas significationes, & ideo licitam potestatem habet rem sibi iure quæsitam commutandi, dum tamen illa in nullius alterius sit dominio. Tu dices, vnde acquirit emens illius dominium? Dico quod iuris primo modo dicti permissione tam humani quam diuini. Nam quæ in nullius bonis sunt, occupanti: & volenti conceduntur quantum & dominium, quanto ergo magis, quæ sunt in bonis alicuius aliquo modo? ut iure primo & secundo modo dicto, quamuis non domino eo concedente ac consentiente possunt accipienti & volenti acquiri quantum ad dominium iure primo modo dicto, & translatione perfecti, secundum accidens tamen. Sic etiam econuerso dico, quod dum perfectus aliquid emit,

Responsio distinctione propositionis: quia est fallacia figura dictionis.

* cap. 5.

* substantia in qualitate.

responsionis declaratio.

Questio.

Responsio.

rei potestatem licitam accipit, nō tamen dominium, neque per se, neque secundum accidens, esto quod dominium desinat in vendente, ac in quolibet alio.

*Obiectio quæ
eadem qua ter-
tia ante propo-
sita.*

Responsio.

Sed dices, Ergo licite res venalis aut alia quælibet potest auferri à perfecto, etiam actualiter ipsa indigente, quoniam in nullius bonis est, ex quo in nullius dominio, seu vendicandi potestate, similiter autem pretium aut res empta per ipsum, quod absurdum videtur. Ad hoc dicendum, quod res in nullius bonis existens, occupanti iure conceditur: & cum dicitur rem quam habet seu tenet perfectus, in nullius bonis esse, quoniam in nullius dominio, de iure præsertim humano. In hoc committitur *paralogismus consequentis*, quoniam non sequitur, hoc non est in dominio alicuius de iure, ergo non est in bonis alicuius de iure: potest enim, vt diximus, aliquid acquiri alteri iure primo modo dicto, absq; omni iam dicto dominio. Quod si tamen humana iura hoc permitterēt, videlicet vt res quæ in nullius est dominio iam dicto, in nullius bonis intelligatur, & consequenter quod iure occupanti concedatur: dico, quod rem quamcunque apud perfectum existentem potest quilibet capax occupare, ac suam facere licite secundum ius humanum primo modo dictum, quod apparet ex liciti diffinitione, quamuis ipsam non consentiente perfecto, præsertim indigente, licite secundum ius diuinum illam nequeat occupare aut suam facere: quinimo peccat sic faciens mortaliter, committens lege diuina prohibitum sub pœna damnationis æternæ. Possunt autem hæc simul contingere, vt secundum vnā legem scilicet aliquid liceat quod secundum alteram prohibitum est. *Sunt enim fornicationes solutorum humana lege permissæ, propter aliquid maius inconueniens declinandum, quæ tamen lege diuina prohibitæ sunt cum pœna iam dicta.* *Ad aliam instantiam* qua dicebatur: qui habuit licitum vsum alicuius rei à dominio eius inseparabilem, per necessitatem habuit rei dominium. Hæc concedenda est si referatur inseparabilitas domini ab usu in personam vtentis, quo modo domi-

*Scortationis
impunitas.*

*Ad secundam:
distinctione
propositionis.*

nium *active* dicitur, ut videlicet quod ad omnem v-
 tentem sequatur dominium. Si vero hæc insepara-
 bilitas referatur ad rem quo modo *passive* dicitur,
 eiusdem rei omnino potest esse usus & dominium,
 non tamen propter idem est dominus & utens. Po-
 test enim aliquis licite uti re non sua consentiente
 domino rei, ut ex præcedente capitulo palam fuit, &
 ideo in hoc sensu neganda est. Secundum primum
 ergo sensum concessa propositione, sicut etiam vide-
 tur intendere disputans, *ad Minorē*, qua dicitur Chri- & negatione
assumptionis
 stum & Apostolos quarundam rerum habuisse usum
 licitum, quarum dominium non separabatur ab usu
 in utente scilicet: hanc nego tanquam hæreticam,
 sumendo dominium secundum tres priores iam di-
 ctas significationes. Et cum additur, *Aut habuerunt* eiusque proba-
tionis refuta-
tione.
usum rei suæ de iure, aut non suæ de iure: dico, quod
 utrarumque, ut quandoque suarum de iure, quando-
 que alienarum consentientibus earum dominis. Et
 cum dicitur, *Si suarum de iure, cum usu igitur earum*
habuerunt dominium: paralogismus consequentis
 committitur hic, ut pridem diximus. Non enim se-
 quitur; Hoc est alicui iure quæsitum vel eius usus:
 ergo ipsius est dominium: quamvis bene sequatur,
 dominiū rei, aut dominium usus eius est alicui iure
 quæsitum: ergo res vel ipsius usus sua, seu sibi iure
 quæsitæ est. Et cum ulterius dicitur; *Si re non sua uti-*
tur, aut ergo aliena vel ea qua in nullius bonis est. Di-
 co quod utraque licite potest uti, aut simul aut suc-
 cessive. Et cum destruitur utraque pars consequentis
dicendo primo, quod re in nullius bonis existente per-
 fectum uti non posse sine dominio, eo quod prius
 aut simul cum usu oportet ipsum rem occupare, &
 sic ipsius habere dominium. Dico perfectum eius-
 modi rem prius occupare, cum vero infertur; ergo
 eius fit dominus. Paralogismus consequentis est ut
 prius: posset enim piscem capere perfectus atque
 comedere, cum expresso tamen prius voto, nun-
 quam prædictum piscem aut rem aliquam tempora-
 lem vendicandi contentiose coram iudice coactivo.
 Tu dices, occupanti conceditur rei dominium: dico

quod verum est volenti, non volenti autem non, quia spernere dominium vnicuique permissum est ege diuina & etiam humana, vt ex priori capitulo palam. *Deinde ad alteram partem consequentis*, videlicet, quod in rem alienam non conueniat vsus perfectio, absque rei iam dicto dominio: quoniam, licet aliquis disputans, aut concedente domino rei eum consentiente, vel non: dicendum, quod consentiente domino: aliter enim illicitus esset vsus, maxime si dissentiret tacite vel expresse. Si vero consentiente domino (dicet disputans) aut ipso concedente dominium ipsi perfectio vel non concedente. Dico quod utroque modo licite contingere potest, etiam in re vnico vsu consumptibili. Esto quidem datur vsus concessum alicui perfectio, quem exercet in rem esse vsus, rem consumentem, si concessio sibi dominio rei cum vsu vtatur: ergo cum vsu habet perfectio iam dictum dominium. Dico paralogismum consequentis committi vt prius, quoniam non sequitur: hic concedit alicui vsus & dominium alicuius rei: ergo cui conceditur efficitur dominus rei, quia potest vnum acceptare, vt potestatem licitam vsus, & alterum renuere, aut dudum renuisse per votum, puta dominium. Dicit ergo disputans aliquis, cuius est ergo rei dominium? Dico quod domini cuius erat ante concessionem expressam quam fecerat perfectio, non volenti suscipere, vel nullius: si tali expressa concessione, priuetur dominus de iure humano rei dominio, potest tamen nihilominus perfectus re vti vsu etiam consumente & licite tanquam sibi iure quæsitæ, quamuis illius dominio in nullius bonis existente. Quod si dicatur dominium rei perfectio alicui concessisse vsus rei suæ etiam consumentem absque dominio: adhuc dico Christum & Apostolos & vnumquemque perfectum in summa paupertate manentem, licite posse in rem illam exercere vsus eam consumentem & destruentem. Et cum dicitur vsus licitus fieri, quia priuat dominum sine facto suo, rei suæ dominio. Hic attendendum, quod dominus rei alicuius vnico con-

consumptibilis usu, perfecto concedit usum, & concedere potest licite cum proposito sibi retinendi rei dominium quam diu res extat, sed quam cito desinit siue in fieri, siue in facto esse, non intendit sibi seruare dominium, sed illi renuntiat ex nunc prout ex tunc solum, non antea: quod etiam faciunt concedentes eleemosynam perfectis, ne aliqui maligni ab ipsis auferant, eo quod potestate talia repetendi contentiose seu coram iudice coactiuo priuati sunt, quamuis sponte perfecti. Si enim dominus rei semper rei suæ dominium intenderet habere, nunquam concederet aut concedere deberet perfecto usum destruentem eam nisi esset insanus. Quoniam rei non existentis, nemo dominus esse potest. Similiter etiam perfectus talem usus concessionem non susciperet, si hanc domini fore noscet intentionem. Et ideo dico, quod rei dominus facto suo priuatur rei dominio in fieri vel facto esse, dum res consumitur, aut perfecte consumpta est, quia sic priuari vult & exprimit. Et ideo nullam patitur iniuriam, propter quod etiam usus perfectorum in res alienas, sic volentibus rerum dominis, nequaquam illicitus est, quinimo sanctus & honestus; & tamen sic eis licite vtuntur absque iam dicto dominio.

Ad sequentem vero instantiam iam perfecte dictum est in solutione primæ instantiæ circa finem. *Ad tertiam.*

Ad aliam instantiam lumentem originem ex primæ *Ad quartam.*

ad Timoth. 3. & ad Titum 1. *quod oportet episcopum hospitalem esse.* Supponendo semper & vbique episcopum summe pauperem seu perfectum esse debere, si Christi & Apostolorum imitator perfectus existat, dico, quod oportet vel necesse est episcopū, &c. potest dupliciter intelligi, & secundum mentem Apostoli. Vno modo necessitate simpliciter & absolute. Alio modo ex conditione. Rursum vel quantum ad affectum seu firmum propositum, vel quantum ad affectum & exteriorem effectum. Si ergo intelligatur necessitate absoluta, quod oportet episcopum hospitalem esse secundum affectum, dico verum esse, sicque Apostolum intellexisse. Si vero

Quomodo necesse sit episcopum esse hospitalem.

intelligatur, quod oportet, &c. quantum ad exteriorem effectum, dico quod oportet siue debet non absolute, sed ex conditione, vt si habuerit vnde possit hospitalitatem exhibere. Quod si ad hospitalitatem, quantum ad exteriorem effectum teneretur episcopus absolute per necessitatem, oporteret ipsum habere atq; intendere conseruare temporalia, & per consequens sibi vendicare contentiose atque talibus dominari, sed non tenetur ad hoc absolute, sed ex conditione. Nam summus Pontificum secundum exteriorem effectum quandoque hospitalitatem non tenuit, cum dixit: *Filius hominis non habet ubi reclinēt caput*; & quoniam (vt supra induximus) tantæ paupertatis fuit Dominus, vt vnde daret tributa non haberet. De quo igitur & in quo tunc seruasset hospitalitatem secundum exteriorem effectum, quamuis secundum interiorem affectum illam semper obseruauerit? Et ideo ad *Maiorem syllogismi* dicendū, quod qui ex conditione debet hospitalitatem exteriorem vel absolute interiorem, non oportet fieri dominum alicuius rei temporalis: prouisorem autem futurorum aut reseruatorem omnem episcopum esse oportet ex conditione si potuerit, non tamen propter se, sed propter pauperes, sicut apparet ex *glossa* super illud Ioannis 21. *Pasce oues meas*. Ad *aliam* cum dicebatur, episcopos sanctos immobilium habuisse dominium, vt ex epistola beati Ambrosii de tradendis basilicis supra inductum est: dico quod sancti episcopi (vt Ambrosius & alii) agros & reliqua quæ dixerunt ecclesiæ, non dixerunt ecclesiæ, quia in dominio vendendi, alienandi, aut vendicandi potestate fuerit episcoporum in proprio vel communi, qui ecclesiæ nomine signantur persæpe, si statum summæ paupertatis obseruauerunt (quod ad præsens supponimus) sed pro tanto dicti sunt *agri ecclesiæ*: quoniam prouentus inde veniens, ad cultum Dei & sustentationem ministrorum euangelicorum atque templorum statutus erat per legislatorem aut alium donatorem, in quorum scilicet statuentium remanebat dominium defendendi & vendendi, à quocunque

cunque aliter talia contrectare volenti, quemadmodum dictum est circa principium huius. Et hæc erat intentio prædictorum sanctorum, vnde Ambrosius eadem epistola post præinducta verba, sic ait: *Si agros desiderat Imperator, potestatem habet vendicādorū. Nemo nostrum* (id est, presbyterorum seu episcoporum) *interuenit, potest pauperibus collatio pōpuli redundare, non faciat de agris inuidiam, tollat eos si libitum est: Imperatori non dono, sed non nego.* Non sic autem dicerent episcopi modernorum, & tamen si sciuisset se peccare mortaliter in non defendendo seu non negando agros: Imperatori certū est quod ipsos sibi negasset, præcipue si ad hospitalitatem exteriorē fuisset simpliciter obligatus, quemadmodum quidam somniasse videntur, *qui tamen in Israel magistri sunt*, nec talia ignorare deberēt, nec fortasse ignorāt, sed magis homini quam Deo placere student. *Quod* *Ad sextam.* *autem ostēdebatur* de Christo in speciali, quod eo secundum leges humanas, quialiquem redimit à morte, illius Dominus efficitur ac suorum temporalium: Christus autem omnes homines à morte redemit: dico ad primam propositionem, quod non est vniuersaliter vera, etiam secundum leges ciuiles, nisi apponatur volens. Esto namque iure permissum omni redemptori alterius fieri dominum eius, qui à morte redimitur & suorum temporalium: dico quod redimens aliquem à morte non necessario fit eius dominus, verbi gratia si nō voluerit aut renuntiauerit. Propter quod etiam esto Christum omnes homines sic à morte redemisse, vt dicunt humane leges, & per cōsequens omnium posse dominium effici: dico tamen quod Christus perfectus existens, dominus non fuit temporalis, maxime humano seu etiā acquisito dominio: eo quod omni tali dominio Christus renuntiauit, tam in personis quā in rebus, vt ex quarto huius, & etiam immediate præcedenti capitulo satis apparet. Vel dicendum, quod Christus pro eo statu omnium dominus efficitur, pro quo nos à morte redemit: hoc autem est pro statu alterius seculi & non presentis, nō enim redemit nos à morte huius seculi,

*Christus non est
Dominus tempo-
ralium.*

E F E N S O R I S P A C I S

etiam leges humanæ loquuntur. Et ideo procul huius ex sua redemptione non acquisiuit ium hominum, nec suorum temporalium. nim modo dixisset verum Christus, dum discipulo Matthæi 8. & Lucæ 9. *Filius autem hominis non habet ubi reclinet caput*, si dominus erat ium humanorum temporalium? Et ideo vel quam acquisiuit tale dominium (vt in secunda tione dicitur) vel si acquirere potuisset, noluit enuntiauit; quemadmodum facere posset etiam libet alter perfectus. Aut apertum dixisset mentium, quod nefas est credere. *Ad ultimam intentionem*, ex Apocal 19. ubi accipiebatur de Christo, *id habebat scriptum in vestimento, Rex regum, &c.* *hoc in vestimento humanitatis, secundum glossam.* dico quod scriptum habuit hoc Christus in vestimento humanitatis, quia verbum Dei iunctum fuit cum pelle humana, ratione cuius illud dominium sibi debebatur; sicut verbum scriptum est cum pelle ouina similitudinarie, ratione cuius, pellis aliquid habet venerandum, vt disciplinam signare, aut aliam veritatem quamcunque. Vel dicendum, quod de tali dominio scilicet temporali, non sensit ibi beatus Iohannes, imo de dominio regni eterni, vel quantum ad regnum æternum. Vnde *glossa* subdit, *Rex regum, id est, super omnes sanctos.* Non igitur erret, nec secum ^{est} alios errare faciat Roman. Papa vel alter episcopus, ^{1po-} quoniam si temporalia possidere quærit hisque ⁹¹⁻ dominari, hoc licite fortasse potest, etiam in statu salutis existens, non tamen summæ paupertatis seu perfectionis, instar Christi & Apostolorum statum observans. Quid quidem igitur sit paupertas meritoria, quisve sumus eius modus seu perfectissima species, & quod hunc Christus, ipsumque imitantes Apostoli seruauerint in via, ex dictis sufficienter determinasse putamus.

C A P V T

C A P V T X V.

*Sacerdotalis potestas per se & per accidens:
illâ non esse sacerdotem inferiorem epi-
scopo; sed hac solum.*

EST autem his habita *questio* difficilis, & ad con-
siderandum necessaria valde. Dictum est enim
nobis 15. primæ, & qualiter rememoratum octauo
huius in fine; Legislatorem humanum ipsum secun-
dum se aut per partem principantem, causam agen-
tem esse institutionis omnium officiorum seu par-
tium ciuitatis: cum his quoque meminimus nos di-
xisse in ultimo primæ; Sacerdotium seu sacerdotale
officium nouæ legis à solo Christo primum institu-
tum fuisse, quem tamen omnem seculi principa-
tum, omneque temporalium dominium abdicasse
monstrauimus 4. 11. 13. & 14. huius, & neque huma-
num legislatorem fuisse, 12. & 13. primæ: quapropter
non eundem esse cuiuslibet officii ciuitatis institu-
torem, & humanum legislatorem aut principem,
dixisse videmur: vnde merito dubitabit aliquis ex
his, cuius quidem sit auctoritas instituendi sacerdo-
tium, & in communitatibus fidelium maxime, quo-
niam inuicem iam dicta de hoc repugnare videntur.
Hanc itaque dictorum apparentem contrarietatem
amouere tentantes, rememorabimus primum eo-
rum quæ diximus 6. & 7. primæ, videlicet alteras ef-
se causas cuiuslibet officiorum ciuitatis, secundum
quod officia nominât habitus animæ; alterasq; ipso-
rum secundum quod partes sunt ciuitatis, institutæ
propter sufficientias habendas ex his, quod etiam
proportionaliter oportet attendere in sacerdotio,
quemadmodum in reliquis officiis ciuitatis. Nam
sacerdotii secundum quod animæ nominat habitum
quendam (*quem characterem vocant sacra scriptura*
Doctores ; causa efficiens per se immediata, seu per se
factor est Deus, hunc imprimens in animam, huma-
no tamen quodam præuio ministerio, quasi præpa-

*De causa effi-
ciente sa-
cerdotii, quæ est ex
contradictionis
specie.*

*Quæ diluitur
diuersa efficien-
tiæ sacerdotii
ratione.*

*Sacerdotii quæ
habitus animæ,
efficiens princi-
palis est Deus:
ministrans,
homo.*

*In nouo Testam.
efficiens est Chri-
stus: ministrans
homo, principa-
li quâ Deus.*

*Apostolos pri-
mum sacerdotes
creauit tanquâ
successores: &
reliquos, horum
ministerio.*

*Charaeter sa-
cerdotalis quid.*

*Quando Apost.
eorumque suc-
cessoribus sacer-
dotalis potestas
collata, opinio-
nes varia.*

Prima:

Secunda:

Tertia:

rante. Cuius exordium noua lege fuit à Christo: ipse enim qui verus Deus & verus homo fuit inquantum humanus sacerdos, ministerium exhibuit, quod subsequentes nunc exhibent sacerdotes. Inquantum vero Deus, characterem impressit in animas eorum, quos sacerdotes instituit. Quo modo primum sanctos Apostolos instituit, tanquam successores suos immediatos, sicque consequenter reliquos sacerdotes omnes, per ministerium tamen Apostolorum, & reliquorum sibi succedentium in hoc officio. Nam Apostolis aut reliquis sacerdotibus manum aliis imponentibus, & debita verba seu orationes ad hæc proferentibus, Christus inquantum Deus hunc habitum seu characterem sacerdotalem digne suscipere volentibus, imprimit. Et similiter opinandum est in reliquorum ordinum collatione, ex quibus character aliquis imprimitur in animam suscipientis. Hic siquidem *character sacerdotalis* sit vnus aut plures, potestas est, per quam sacerdos consecrare potest ex pane & vino, corpus & sanguinem Christi benedictum, cum certa verborum pronuntiatione, ac reliqua ecclesiastica sacramenta ministrare, per quem etiam soluere potest & ligare homines à peccatis.

Hunc autem characterem seu potestatem susceperunt Apostoli (secundum quorundam sententiam) cum dixit eis Christus, quod scriptum est Matthæi 26. Marci 14. & Lucæ 22. Quod quia series huius perfectius apparet in Luca, ipsam adducamus ibidem, vt habetur sic, *Accepto pane, gratias egit & fregit* (Christus scilicet) *& dedit eis* (Apostolis videlicet) *dicens, Hoc est corpus meum, quod pro vobis datur, hoc facite in meam commemorationem: hoc facite*, id est, hoc faciendi potestatem habete. Quibusdam vero visum est, hæc auctoritatem Apostolis fuisse datam, per id quod scriptum est Ioannis 20. dum dixit Christus ad eos: *Accipite Spiritum sanctum: & quorum remiseritis peccata, remittuntur eis: & quorum retinueritis, retenta sunt.* Alii autem dicunt hoc factum fuisse per id quod habetur Matt. 16. dum dixit

dixit Christus ad eos in persona Petri: *Tibi dabo claves regni calorum, &c.* Vel per id quod dictum est eis à Christo, eiusdem 8. *Amen dico vobis: quacunque alligaueritis super terram, erunt ligata & in calo: & quacunque solueritis super terram, soluta erunt & in calo.* Alii vero rursus dicunt, duas esse potestates seu auctoritates sacerdotales prædictas: *Vnam* quidem, qua sacramentum eucharistiæ, conficere possunt: *Reliqua* vero, qua ligare vel absoluerè possunt homines à peccatis. Quas siquidem etiam diuersis temporibus & Christi sermonibus dicunt Apostolis fuisse collatas. Quod tamen horum probabilius existat, nō refert ad præsentem intentionem. Nam qualitercunque aut quandocunque huius officii facta fuerit institutio in Apostolos, constat, ipsis per Christum hanc potestatem fuisse traditam: sic quoq; ipsorum ministerio iam dicto, & suorum successorum conferri ceteris, qui ad hoc officium assumuntur. Vnde i. ad Timoth. 4. *Noli negligere gratiam qua in te est, qua data est tibi per Prophetiam, per impositionem manuum presbyteri.* Eodemque modo, suum quendam characterem recipiūt *diaconi* per impositionem manuum presbyteri. De quibus Actuum 6 *Hos* (scilicet diaconos futuros) *statuerunt ante conspectum Apostolorum, & orantes imposuerunt eis manus.* Hunc siquidem sacerdotalem characterem siue vnum siue plures, quem diximus potestatem conficiendi sacramentum eucharistiæ seu corporis & sanguinis Christi, ac potestatem soluendi atque ligandi homines à peccatis (& quem etiam deinceps appellabimus *auctoritatem essentialem seu inseparabilem* presbytero, in quantum presbyter est) *probabiliter mihi videtur, quod omnes sacerdotes habent eundem specie, nec ampliorem habet hūc Romanus episcopus, aut alter aliquis quam simplex dictus sacerdos quicunque.* Nam in hac auctoritate siue vna siue plures extēt, episcopus à sacerdote non differt, teste Hieronymo, imo verius Apostolo, cuius etiam est aperta sententia, vt infra patebit. Inquit enim Hieronymus super illud Matthæi 16. *Et quodcunque ligaueris super terram, &c. Habent*

Quarta.
Potestas sacerdotum duo.

Collatam tamē esse certum est.

Ut liquet Pauli teste.

Eandem etiam esse diaconorum rationem probatur.

Hac autem sacerdot potestas (siue, vt vocat, character) aqualiter omnibus presbyteris collata.

nec maior in Papa quam in quouis sacerdote:

Teste Hieronymo: qui Apostolo: quibus omnibus presbyter. & episcopus parē clauis potest. tribuit.

De potestate
eucharistica nō
est dubium: su-
per totū autem
potestatem hac
& ceteris
conspicit.

Enque mira est
eorum pertina-
cia, qui Papam
ceteris praefer-
rant.

Quod, ut S. li-
bris refellatur
notandum, Pre-
sbyter & Episco-
pus synonyma
fuisse in prima
ecclesia.

Teste Hierony-
mo.

* Tomo 2. e-
pistol ad Eua-
grium: ut ha-
bent nostri
codices.

* Tit. 1.

* 1 Tim. 3.

& Paulo.

quæ dein-
ceps propo-
nit, ex Hiero-
nym. ad Tit. 1.
mutuatus est.

quidem eandem iudiciariam potestatem alii Apostoli
(supple, quam habuit Petrus) quibus post resurrectionem ait (Christus scilicet) *Accipite Spiritum sanctum, quorum remiseritis peccata, remittuntur eis, &c.* ha-
bet omnis ecclesia, presbyteris & episcopis: præponens
in hoc presbyteros, quoniam auctoritas hæc debetur
presbytero in quantum presbyter primo & secun-
dum quod ipsum. De potestate vero sacramenti eu-
charistiæ nemo contendit, quin equalis sit in quouis
sacerdote illi quæ Romani Pontificis. Ideoque miran-
dum est, cur contendant aliqui pertinaciter asseren-
tes, minus tamen rationabiliter, Romanum Pontifi-
cem reliquis sacerdotibus ampliorem clauium à Chri-
sto potestatem habere, cum id ex scriptura conuinci
nequeat, sed oppositum magis. Propter quæ etiam
evidentius intuenda, debet vos nō latere, quod hæc
nomina, presbyter & episcopus, in primitiua ecclesia
fuerunt synonyma, quamuis à diuersis proprietati-
bus eidem imposita fuerint. Nam presbyter ab æta-
te nomen impositum est, quasi senior: Episcopus ve-
ro à dignitate seu cura super alios, quasi superinten-
dens. Vnde Hieronymus in epistola quadam ad * Eu-
andrum presbyterum, quæ intitulari solet, qualiter
Presbyter & Diaconus differant, inquit sic: Presbyter
& Episcopus, aliud ætatis, aliud dignitatis est nomen.
Vnde & ad * Titum & ad * Timotheum de ordinatio-
ne episcopi & diaconi dicitur, de presbyteris omnino re-
citetur, quia in episcopo presbyter continetur. Hoc et-
iam manifeste apparet per * Apostolum ad Philip-
penses primo, cum dixit: *Omnibus sanctis in Christo Iesu, qui sunt Philippis cum episcopis & diaconis.* Ec-
ce quod sacerdotes non aliter nominauit quam epi-
scopos. Certum enim est, quod episcopi plures in v-
nica ciuitate non aliter erant, nisi quia plures sacer-
dotes. Idem rursus palam per eundem ad Titum 1.
cum dixit: *Huius rei gratia relinquit te Creta, ut ea
qua desunt corrigas, & constituas per ciuitates presby-
teros, sicut ego tibi disposui, si quis sine crimine est.* Et
immediate subiungens constituendorum presbyte-
rorum qualitatem, ait: *Oportet enim episcopum sine*
crimine

trimine esse, sicut Dei dispensatorem. Ecce quod constituendum presbyterum non nisi episcopum vocauit. Idem Actuum 20. loquens ad vnius ecclesiae sacerdotes, Ephesi videlicet, inquit: *Attendite vobis & uniuerso gregi, in quo vos Spiritus sanctus posuit episcopos regere ecclesiam Dei, quam acquisiuit sanguine suo.* Ecce quod in ecclesia vnius municipii, videlicet Ephesi, plures allocutus est Apostolus tanquam episcopos, quod non fuit nisi propter sacerdotum pluralitatem, qui omnes episcopi dicebantur, propter hoc quod superintendentes esse debebant populo: quamuis hoc nomen in posteriori ecclesia sibi solum retinuerit qui primus sacerdotum eiusdem ciuitatis aut loci, per reliquos sacerdotes & populum instituebatur. Vocabat autem Apostolus eos magis episcopos quam presbyteros, vt ad eorum memorias reduceret, curam & sollicitudinem quam habere debent reliquorum fidelium. Seipsum presbyterum vocabat, nō episcopum, propter humilitatem, vt apparet ex præinducta serie i. ad Timotheum 4. cum dixit: *Noli negligere gratiam, &c.* Sic etiam Petrus atque Ioannes se vocarunt *seniores*, id est, *presbyteros*, quoniam nomen hoc ab ætate impositum fuit. Vnde i. Petri 5. *Seniores ergo qui in vobis sunt obsecro consenior, & testis Christi passionum.* Et 2. Ioannis 1. *Senior electæ domine & natis eius.* Et rursum eiusdem 3. primo. *Senior Caio charissimo.* Verum vbi communis litera canonis habet senior, aut consenior, beatus Hieronymus in epistola prædicta vbique habet presbyter aut conpresbyter; quoniam his nominibus tanquam synonymis utebantur Apostoli. Post hæc autem Apostolorum tempora, numero sacerdotum notabiliter aucto, ad scandalum & schisma euitandum elegerunt sacerdotes vnum ex ipsis, qui alios dirigeret & ordinaret quantum ad ecclesiasticum officium & seruitium exercendum, & oblata distribuendum, ac reliqua disponendum convenientiori modo: ne istud quolibet pro libito faciente, œconomia & seruitium templorum turbaretur, propter affectionum diuersitates. Hic siquidem

Qui vocatus fuerit Episcopus post Apostolorum tempora.

Quare Paulus sacerdotes vocat episcopos potius quam presbyteros:

cur se vero presbyterum.

Quando & quare episcopi (qui iam in v. su) instituti

electus ad alios sacerdotes regulandos, ex posteriorum consuetudine retinuit sibi soli *nomen episcopi, quasi superintendentis*, eo quod non solum fidei populo superintendens erat, propter quod omnes sacerdotes in ecclesia primitiua dicebantur episcopi, verum etiam quia superintendebat reliquis presbyteris suis, *propter quod talis Antiochia sibi soli nomen episcopi retinuit, ceteris sibi postmodum simplex nomen retinentibus sacerdotis*. Verum iam dicta electio seu institutio per hominem, sic electo nihil amplioris meriti essentialis seu sacerdotalis auctoritatis, aut prius dictæ potestatis tribuit: sed solum ordinationis œconomicæ in domo Dei seu templo, potestatem quandam, alios sacerdotes, diaconos, & officiales reliquos ordinandi & regulandi. Quomodo *Priori* datur potestas in monachos temporibus his: potestas, inquam, non coactiua cuiusquam, nisi quantum de hoc sic electo concessum fuerit per legislatorem humanum (vt quarto huius & octauo demonstratum est, & in sequenti capitulo amplius apparebit) neque aliqua intrinseca dignitas alia siue potestas. Hoc etiam modo militantes in bellicis sibi eligunt capitaneum, quem præceptorem seu imperatorem antiquitus solebant dicere, quamuis nomen hoc, Imperator scilicet, ad regalis monarchiæ modum quendam aut speciem, aliarum quasi supremam translatum fuerit, & taliter his temporibus visitetur. Sic quoque diaconi ex ipsis archidiaconum eligunt, cui meritum essentialis seu sacrum ordinem diaconatu ampliorem talis electio minime tribuit: sed solum qualem quãdam (vt diximus) humanam potestatem ordinandi seu regulandi diaconos reliquos. *Vnde non plus sacerdotalis auctoritatis essentialis habet Romanus episcopus quam alter sacerdos quilibet, sicut neque beatus Petrus amplius ex hac habuit, ceteris Apostolis*. Omnes enim hanc eandem auctoritatem à Christo susceperunt equaliter & immediate, vt dictum est prius auctoritate *Hieronimi* super illud Matthæi 16. *Et tibi dabo claves regni calorum, & am-*

hæc

hæc aperte sententia beati *Hieronimi* epistola supra-
dicta, in qua postquam ex multis Apostolorum præ-
dictorum auctoritatibus demonstraerat eundem
esse penitus in essentiali dignitate à Christo data præ-
sbyterum & episcopū in ecclesia primitiua seu Apo-
stolorum tempore, reddens causam dictorū, inquit:
Quod autem unus electus est, qui ceteris præponeretur,
in schismatis remedium factum est, ne unusquisq; ad
se trahēs, Christi ecclesiam rumperet. Nam & Alexan-
dria à Marco euangelista usq; ad * *Hereidam & Dio-*
nysium episcopos presbyteri semper unum de se electum
in excelsiori gradu collocatum, episcopum nomina-
bant: quomodo, si exercitus imperatorem faciat (id
est, præceptorem seu capitaneum secundum mo-
dernum vsum, non quidem secundum quod Impe-
rator modum monarchæ dicit vsum moderno) *aut*
eligant diaconi de se quem industrium nouerint & ar-
chidiaconum vocent. Quid enim facit excepta ordi-
natione episcopus, quod presbyter non faceret? quan-
tum scilicet ad actus essentialis auctoritatis. Non
enim intellexit ibi Hieronymus per *ordinationem*,
potestatem conferendi, seu collationem sacrorum
ordinum, quoniam præter hanc multa faciunt, & fa-
ciebant etiam suis temporibus episcopi, quæ non fa-
ciunt sacerdotes, quamquam ad omnia sacramenta
conferenda diuina potestate sic possit sacerdos quili-
bet sicut episcopus. Sed intellexit ibi per *ordinatio-*
nem potestatem æconomiam, de qua diximus prius,
ab homine vel hominibus sibi datam immediate,
quod etiam confirmo ratione cum eiusdem Hieron.
auctoritate. Ratione quidem, quoniam iam multi
fuerunt electi episcopi a tota plebe, sicut *beatus Cle-*
mens, *beatus Gregorius*, *beatus Nicolaus*, & reliqui
multi sanctorū, quibus constat per plebem aut etiam
sibi conpresbyteros maiorem sacrum ordinem non
fuisse collatum, aut intrinsecum characterem ali-
quem: sed solam potestatem ordinandi ecclesiæ ri-
tum, atque personas regulandi, quantum ad exerci-
tium diuini cultus in templo seu domo Dei: propter
quod etiā tales electi ad alios sacerdotes diriguntur

* Hieron. ad Alex.

Oeconomus reuerendi, qui nunc episcopi.

in templo, & populum instruendum in his quæ sunt fidei, vocati episcopi, ab antiquis legumlatoribus, ut à Iustiniano & Romano populo tunc vocabantur *œconomi reuerendi*, quorum etiam supremus vocatus est *œconomus reuerendissimus* ab eisdem. Et ideo secundum veritatem & intentionem *Hieronymi non aliud est episcopus quam archipresbyter*. Quod autem non altera sit essentialis dignitas episcopi quam sacerdotis, neque inuicem episcoporum seu sacerdotum amplior, expressit etiam *Hieronymus* epistola prædicta, cum dixit: *Nec altera Romana urbis ecclesia, & altera totius orbis existimanda est, & Gallia, & Britannia, & Africa. Et Persis, & Oriens, & India, & omnes barbaræ nationes unum Christum adorant, unam observant regulam veritatis. Si autoritas queritur, orbis maior est urbe. Vbicunq; fuerit episcopus, siue Roma, siue Eugubii, siue Cōstantinopolis, siue Regii, siue*

• *Tanis. Alexandria, siue* Rachanis: eiusdē sunt meriti, eiusdem sunt sacerdotii. Potentia diuitiarum, & paupertatis humilitas vel sublimiorem vel inferiorem episcopum facit: ceterum omnes Apostolorum successores sunt.*

Hæcenus propria ac diuina sacerdotis potestas explicata: sequitur altera per accidens & humana.

Alia vero quædam aut aliæ sunt sacerdotalium officiorum institutiones non essentielles, qualem quandam iam dictam electionem diximus, qua vnus ex ipsis ad aliorum ordinationem seu gubernationem assumitur, quantum ad ea quæ diuino cultui attinent: quales etiam sunt ipsorum quorundam electiones & institutiones ad docendū & instruendum, ac nouæ legis sacramenta ministrandum certo populo & in determinato loco maiori aut minori: similiter quoque ad dispensandum tam sibi, quam reliquis pauperibus temporalia quædam, per legislatorem aut singulares personas statuta & ordinata pro sustentatione pauperum euangelizantium in certa prouincia vel communitate, necnon propter aliorum etiam pauperum (sibi sufficere impotentium, propter ætatem aut infirmitatem vel alteram miserabilem causam) sustentationem, ex eo tamen quod superest euangelizantium sufficientiæ: quæ siquidem temporalia sic statuta vocantur ex usu moder-

no *Ecclesiastica beneficia*, de quibus habitum est decimo quarto huius. Hæc enim templorum ministris dispensanda committuntur in vsus prædictos, ministris, inquam, ad hæc statutis, electis, & ordinatis in certa prouincia. Per eam enim auctoritatem essentialem, qua successores sunt Apostolorum, non magis determinantur ad vnum locum aut populum instruendum, & sacramenta nouæ legis ministrandum, quam ad reliquum: quemadmodum nec Apostoli omnino fuerunt determinati, quibus dictum fuit Matthæi ultimo: *Euntes ergo docete omnes gentes*. Non determinat eos Christus ad loca, sed ipsi postmodum inter se sibi condiuiserunt populos & prouincias, in quibus verbum Dei seu legem euangelicam annuntiarent, quandoque vero reuelatione diuina id etiam perceperunt. Vnde etiam ad Galatas 2. *Dexteræ dederunt mihi & Barnabæ societatis* (Iacobus videlicet, Cephas, atque Ioannes) *ut nos in gentes, ipsi autem in circumcisionem*. Sic igitur ex prædictis apparet, à quo tanquam efficiente sit institutio sacerdotii & aliorum ordinum, quos sacros appellant; quoniam à Deo seu Christo immediate, quamuis præuiò quasi præparante quodam humano ministerio, ut manuum impositione atque verborum pronuntiatione, quæ ad hoc fortasse nihil efficiunt, sed sic præmittuntur ex quodam pacto seu ordinatione diuina. Apparet etiam ex iam dictis, *quod alia est quedam humana institutio*, qua sacerdotum vnus aliis præfertur: qua etiam sacerdotes ad certas prouincias & populos erudendos & instruendos in lege diuina, & ministrandis sacramentis, ac dispensandis temporalibus, quæ *beneficia ecclesiastica* diximus, statuuntur. Apparuit rursum ex his, quoniam in auctoritate prima (quam ex principio essentialem diximus) omnes sacerdotes æquales sunt merito atque sacerdotio, quemadmodum Hieronymus dixit in epistola prædicta, causam assignans, quoniam omnes episcopi Apostolorum successores sunt. In quo innuere videtur, omnes Apostolos æqualis auctoritatis fuisse: sicque

*Sacerdotes quæ
Apostolorum
successores, certo
loco non astringi:
ut nec Apostoli.*

Anacephalasis.

Ritus ecclesiastici quales.

consequenter, neminem ipsorum singulariter in alterum aut supra reliquum vel reliquos auctoritatem habuisse, nec quantum ad essentialem institutionem (quam primam diximus) nec quantum ad secundarias institutiones. Vnde etiam similiter opinandum videtur de ipsorum successoribus inuicem, ad quos siquidem & in quos, vnde perueniant institutiones huiusmodi, quas secundarias & auctoritate humana factas iam diximus, quæve rationabiliter sit earum effectiua causa, determinandum vtique restat.

CAPVT XVI.

Apostoli aequales inter se officio & dignitate: eorum successores quiuis episcopi, qui similiter pares dignitate.

Tria expli-
canda.

1. *Propria ac
primaria sacer-
dotii potestas a-
qualiter Petro
& ceteris Apo-
stolis collata pro-
batur transub-
stantiationis,*

APRIORIBVS itaque inchoantes, in hoc ostendamus *primum* Apostolorum neminem ad alios habuisse præminentiam in essentiali dignitate, sacerdotali scilicet, sibi datam à Christo: *deinde* vero quod in nulla institutione alia, quam secundariam diximus, & eo minus in iurisdictione aliqua coactiua, quamuis hoc proximum sufficienter demonstratum fuerit quarto huius & 5. Ex quibus etiam per necessitatem deducemus, episcoporum sibi successorum, neminem singulariter auctoritatem seu potestatem aliquam iam dictarum in reliquos sibi coepiscopos seu conpresbyteros habere, nec oppositum huius virtute verborum scripturæ, sed magis propositum posse cōvinci. *Demum* vero ex hoc quod & præcedenti capitulo finaliter intendimus, deducemus per necessitatem ad humanum legislatorem fidelem pertinere has institutiones *quas secundarias sæpe vocauimus*, tanquam ad causam per se factiuam illarum, sicuti & aliarum partium ciuitatis. *Primum* quidem igitur propositorum conuincitur, ex Lucæ 22. Nam tribuens Christus Apostolis potestatem ad *eucharistia sacramentum*, inquit ad eos: *Hoc est enim corpus*

corpus meum, quod pro vobis datur, hoc facite in meam commemorationem, id est, hoc faciendi potestatem habete, proferendo tamen verba consimilia, quando actum hunc exercere debetis, videlicet: *Hoc est enim corpus meum*. Nec dixit hæc verba plus ad beatum Petrum quam ad alios. Non enim dixit Christus, fac, & aliis Apostolis sic faciendi potestatem tribuas, sed dixit: *facite*, in plurali, & omnibus indifferenter. Idem quoque per omnia sentiendum de *clauium potestate*, siue his eisdem verbis tradita fuerit Apostolis, siue aliis, aut alio tempore, vt his quæ habentur Ioannis 20. Postquam enim Christus dixit Apostolis: *Sicut misit me Pater, ita & ego mitto vos*, insufflauit & dixit eis: *Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt*. Dixit ergo Christus: *Mitto vos, sicut Pater me misit*: nec dixit Petro aut alteri Apostolo singulariter, Mitto te sicut Pater, &c. & tu alios mitte. Nec rursus dicitur, Christus insufflauit ei, sed dixit eis, non vni per alterum. Nec dixit Christus ad Petrum, accipe Spiritum sanctum & aliis postmodum tribue, sed dixit: *accipite*, in plurali, & indifferenter omnibus loquens. Et hoc est etiam quod habetur Matthæi ultimo, dum dixit Christus ad eos: *Euntes ergo docete omnes gentes*: & dixit euntes, pluraliter & indifferenter, non dicens Petro, vade ergo & alios mitte. Quod amplius exprimens Apostolus ad hanc quæ-

& clauium potestate: in quibus ea potestas consistit.

confirmatur secundo testimonio Pauli: primum,

& glossa Aug.
gust.

Alterum Pauli
rest. ex eadem
epistola:

& glossa Ambrosii.

& Augustini.

Tertium Pauli
testimonium:

Iacobus, & Cephas, & Ioannes, qui videbantur columna esse, dexteram dederunt mihi & Barnabae societatis, &c. Qui ergo fuit operatus Petro in apostolatuum, operatus fuit & Paulo: hic autem fuit Christus: ergo huiusmodi officium non suscepit à Petro, & similiter nec Apostoli reliqui. Vbi etiam glossa secundum Augustinum hoc amplius exprimens, inquit: Illi qui videbantur esse aliquid, scilicet Petrus & alii, qui fuerunt cum domino, nihil contulerunt, id est, addiderunt mihi, in quo patet, quod non illis inferior sum, qui à Domino, à Deo perfectus sum, ut nihil esset quod in collatione mea perfectioni adderent. Ecce quod Paulus non fuit inferior Petro nec aliis. Consequenter ad hanc intentionem subiungit glossa: Cum vidissent, quod euangelium praeputii creditum est mihi ut fidei, ita principaliter sicut & Petro euangelium circumcisionis. Ecce quod aequè principaliter missus fuit Paulus quemadmodum & Petrus, & non à Petro aut Apostolorum aliquo, sed à Christo immediate. Quod amplius exprimens Apostolus eadem primo, sic ait: Paulus Apostolus non ab hominibus neque per hominem, sed per Iesum Christum & Deum Patrem. Vbi glossa secundum Ambrosium: Paulus Apostolus non electus vel missus ab hominibus, scilicet ab Anania, ut quidam dicebant, vel ab aliis, ut quidam ab Apostolis electi & missi fuerunt. Deinde parum infra subdit secundum Augustinum: Ceteri enim Apostoli videbantur esse maiores, quia priores: iste minimus, quia nouissimus. Sed inde apparet dignior, quia priores constituti sunt per Christum adhuc ex parte hominem, id est, mortalem. Nouissimus vero Paulus per Christum iam totum Deum, id est, ex omni parte immortalem; & Deum Patrem qui hoc fecit per filium, atque ut aperiret, cur dixerit, Neque per hominem, subdit, qui suscitauit eum à mortuis. Et ita dignius constituit me per immortalem Christum, quam alios per mortalem. Rursum confirmans hoc Apostolus infra eodem, ait: Notum exim vobis facio euangelium, fratres, quod euangelizatum est à me, quia non est secundum hominem: neque enim ego ab homine accepi

accepi illud, neque didici, sed per reuelationem Iesu Christi. Vbi glossa secundum Augustinum: *Notum & glossa con-*
enim vobis facio euangelium fratres, quod euangeli- *sensu.*
zatum est à me, quia non est secundum hominem do-
centem me, & vere non est ab homine. Neque enim
accepi illud neque didici ab homine, ut homo me eli-
geret ad euangelizandum, vel mihi iniungeret, neque
didici ab homine docente me, sed per reuelationem I-
esu Christi. Ecce quod neque Petrus neque alius A- *Petrus non ma-*
 postolorum aut homo quisquam elegit, misit, aut *riorem habuit*
 iniunxit Paulo ministerium euangelii. Idem quo- *Paulo potestatem,*
 que iudicandum est de Apostolis reliquis. Nullam *eoque nec reli-*
 ergo potestatem, eoque minus coactiuam iurisdic- *tionem Apostolorum.*
 tionem habuit Petrus à Deo immediate super Apo-
 stolos reliquos, neque instituendi eos in officio sa-
 cerdotali, neque segregandi eos seu mittendi ad of-
 ficiū prædicationis; nisi quod hoc sane concedi po- *qua ratione su-*
 test, ipsum fuisse priorem aliis ætate vel officio, for- *prior dici pos-*
 tasse secundum tempus, aut Apostolorum electione, *sit.*
 qui eum propterea reueriebantur merito, quamuis
 hanc electionem ex scriptura nemo conuincere pos-
 sit. Signum autem verū esse quod diximus est, quo- *Tertio probatur*
 niam beatus Petrus nullam sibi assumpsisse singula- *signo: quia æ-*
 riter auctoritatem supra reliquos Apostolos, inue- *qualitatem cum*
 nimus ex scriptura, sed magis cum ipsis æqualitatem *Apostolis ser-*
 seruasse. Non enim sibi assumpsit auctoritatem de- *uauit:*
 terminandi, quæ dubia erant circa euangelii prædi- *ut liquet ex cō-*
 cationem, quod pertinet ad doctrinam: sed quæ du- *cilio Apostolo-*
 bia fuerunt in hoc, ex communi deliberatione Apo- *rum.*
 stolorum & aliorum fidelium magis doctorum de-
 terminabantur, non Petri aut alterius Apostoli seor-
 sum determinatione. Vnde Actuum 15. Dissensione
 orta inter prædicatores euangelii, An oporteret cir-
 cumcidere incircumcisos fideles ad salutem eternam
 consequendam? quibusdam dicentibus oportere,
 Paulo vero & Barnaba reclamantibus contra hoc,
 conuenerunt Apostoli & seniores videre de verbo
 hoc: super quo locuti sunt Petrus & Iacobus, non o-
 portere, quorum sententiæ seniores & reliqui con-
 senserunt Apostoli, vnde subditur infra: *Tunc pla-*

cuit Apostolis & senioribus cum omni ecclesia eligere viros, & mittere Antiochiam, &c. scribes per manus eorum. Et fuit modus scribendi modo deliberandi conformis, & talis. Apostoli & seniores fratres his qui sunt Antiochia, & Syria, & Cilicia fratribus ex gentibus, salutem, &c. Simile etiam habetur in-

ta eodem continuata sententia, cum dicitur: *Placuit ergo nobis collectis in unum eligere viros & mittere ad vos.* Rursum idem eodem infra parum: *Visum est enim Spiritui sancto & nobis, nihil ultra imponere vobis oneris.* Non ergo determinavit Petrus supradicta dubia circa finem de plenitudine potestatis,

Plenitudo potestatis seu iussumma Papa potestas constituitur.

Petrus solus, congregatione Apostolorum inferior:

quod probatur ex eius legatione.

Adulatores sacrilegi qui Papa Plenitud potestatis ascribunt.

Petrus fuit reliquis Apostolis aequalis.

Quarta ratio à præcepto Christi.

quam quidam somniantes *Magistri in Israel habere dicunt Romanum episcopum*, qui pronuntiauerunt in non scriptis dogmatibus, ipsum per se solum (quod non ausit Petrus) ea quæ circa fidem dubia sunt, determinare posse. Quod falsum apertum est, & scripturæ dissonans palam, de quo etiam sequenti capitulo, & huius vigesimo diffuse dicemus. Deliberavit ergo, dubium determinavit, elegit, & scripsit fidelium doctorum congregatio. Et hac auctoritate, validum fuit sic determinatum atque mandatum. *Congregatio enim Apostolorum amplioris fuit auctoritatis, quam solus Petrus, aut alter Apostolus.* Vnde ab ipsa Petrum legimus missum in Samariam, ut apparet Actuum 8. *Cum autem audiuissent Apostoli qui erant Hierosolymis, quia recepit Samaria verbum Dei, miserunt ad eos Petrum & Ioannem.* Cur ergo & vnde assumunt *adulatores sacrilegi* quidam dicere quemquam episcopum habere à Christo plenitudinem potestatis, etiam in clericos, nedum in laicos: cum beatus Petrus aut alter Apostolus nunquam talem sibi potestatem ascribere præsumpserit opere vel sermone? Hoc enim asserentes deridendi sunt, nihil credendi, minusque timendi, cum scripturæ oppositum clament in literali & manifesto sensu ipsarum. Nam beatus Petrus nunquam super Apostolos aut alios talem habuit potestatem, sed cum ipsis potius, ut iam diximus, æqualitatem, iuxta Christi præceptum seruauit.

uit. Vnde Matthæi 23. *Nolite vocari Rabbi: unus est enim Magister vester Christus: omnes autem vos fratres estis*, id est, æquales. Et dixit omnes, excipiendo neminem. Confirmatur autem sententia hæc per Apostolum ad Galatas 2. vbi sic ait: *Ascendi autem secundum revelationem, & contuli cum illis euangelium quod prædico in gentibus*. vbi glossa secundum Augustinum. *Et non didici ab illis tanquam maioribus* (à Petro scilicet, nec ab aliis principalioribus Apostolorum; de quibus infra dicetur) *sed contuli cum eis tanquam amicis & paribus*. Idem rursus infra eodem, cum dixit Apostolus: *Cum autem venisset Cephæ Antiochiam, in faciem ei restiti, quia reprehensibilis erat, &c.* vbi glossa secundum Hieronymum, *Ipsi nihil mihi contulerunt, sed ego contuli Petro*. Et subiungitur consequenter: *Ego restiti tanquam par. Hoc enim non auderet facere nisi sciret se non impari fore*. Ecce ergo quod Paulus fuit par officio, & dignitate Petro non inferior, licet Petrus fuerit ætate senior & tempore prior pastor. Similiter apparet, beatum Petrum aut alium Apostolorum neminem super reliquos habuisse præminentiam seu potestatem in distribuendis temporalibus oblatis ecclesiæ primitiæ, vnde Actuum 4. *Quotquot enim possessores agrorum & domorum erant, vendentes offerebant pretia eorum, & ponebant ante pedes Apostolorum, diuidebantur autem singulis, prout cuique opus erat*. Ecce quod dispositio temporalium oblato- rum ecclesiæ fiebat per Apostolos communiter non à solo Petro. Non enim dicitur, ponebant ante pedes Petri, sed *Apostolorum*. Nec dicitur, diuisit autem Petrus, sed *diuidebantur*.

Quinta à Pauli testimonio ac facto.

& glossa August.

2. In hanc ecclesiasticam in aequalis fuit Petri & reliquorum Apostolorum potestas.

Dic igitur mihi, vnde Romano episcopo venit auctoritas talia pro voto distribuendi, vel legata in hominum testamentis ad pias causas, aliis tamen commissæ conseruari aut distribui, tanquam sibi soli debita repetendi, cum nec sibi soli aut cum alio liceat diuino aut humano iure talia petere, quæ aliorum fidei custodiæ per leges rationabiles commissæ sunt, ut testantium aut sic ordinantium voluntate? Dicat

Unde Papa in bona Ecclesia tyrannice tollitur.

enim testator (de suo scilicet) & *lex erit* : sicut in aliis scriptum est. Non enim potest ratio sumi ex scriptura sacra, fidem faciens, hanc potestatem Romani aut cuiusquam alterius episcopi fore, sed oppositi magis. *Quod si hac legata commissa fuerint ecclesia distribuenda determinata diœcesis, ad eos pertinebit episcopos, qui sic determinata diœcesi præsunt, ad Romanum vero nequaquam.* Huius autem causa est, quoniam Romanus episcopus supra reliquos sibi coepiscopos aut conpresbyteros nullam habet à Christo, nec habuit potestatem aut auctoritatem, quod erat vnum propositorum ex principio capituli huius. Nam sicut Petrus hanc non habuit supra reliquos Apostolos, ita nec Petri successores in episcopali sede Romana supra successores reliquorum Apostolorum. Non enim habuit Petrus potestatem, sacerdotium, apostolatam, aut episcopatum illis conferendi : quoniam omnes à Christo potestatem seu auctoritatem hanc immediate, non per Petri ministerium plusquam econuerso sumpserunt, quemadmodum ex scriptura patenter probauimus supra. Quod etiam expresse dicit *Augustinus* de quæstionibus noui & veteris testamenti, quæstione 84. vbi sic ait : *Eodem die* (id est, Pentecostes) *lex lata est, quo & Spiritus sanctus decidit in discipulos, ut auctoritatem caperent, ac scirent euangelicum ius predicare.*

Papa enim non est iure diuino aliorum episcoporum dominus :

sicut nec Petrus reliquorum Apostolorum.

Episcopi exemplo Petri & Apostolorum non opus habent confirmatione Papæ aut alterius episcopi.

ut etiam Apostolica ecclesia usu confirmatur.

qui rite seruatur ad Con-

Amplius sicut Petrus Antiochiæ legitur electus in episcopum per fidelium multitudinem, aliorum Apostolorum confirmatione non indigens : sic & Apostolorum reliqui præfuerunt in aliis prouinciis absque Petri scientia, institutione, vel consecratione aliqua (fuerant enim per Christum consecrati sufficienter) propter quod similiter opinandum, horum Apostolorum successores non indiguisse aliqua confirmatione successorum Petri, quinimo multi successores aliorum Apostolorum fuerunt electi & instituti episcopi rite, ipsorumque prouincias sancte rexerunt absque alia institutione vel confirmatione de ipsis facta per successores Petri. Et extitit hoc sic legitime obseruatum vsque quasi ad tempora *Constantini*

stantini Imperatoris, qui quandam præminentiam & potestatem tribuit episcopis & ecclesiæ Romanorum super ceteras mundi ecclesias seu presbyteros omnes. Hanc siquidem Petri & Apostolorum æqualitatem significauit Apostolus ad Galat. 2. cum dixit: *Dexteræ dederunt mihi & Barnabæ societatis, Iacobus, Petrus, atque Ioannes, ut nos in gentes, ipsi autem in circumcisionem.* Dexteræ societatis ergo & æqualitatis, ut ex glossa secūdum *Augustinum* satis ostensum est supra, quamuis in hoc dictum Apostoli sic sit apertum, ut glossa non egeat, quod etiam supra induximus ex epistola *Hieronymi* ad Euandrum, dicentis, *omnes episcopos sine Roma siue alibi, eiusdem sacerdotii atque meriti seu potestatis à Christo collata.*

Quod si tamen beatus Petrus à quibusdā sanctorum princeps Apostolorum scribatur, dictum est large, ac improprie sumēdo vocabulum principis, etiam si sic aperte contra Christi sententiam & oraculum, ubi Matthæi 20. & Lucæ 22. inquit: *Principes gentium dominantur eorum, vos autem non sic.* Ideoque dicendum, sic sanctos locutos fuisse, non propter potestatem aliquam à Christo super Apostolos sibi datam: sed fortasse quia ætate senior, aut quia Christum prius confessus est, fuisse verum Dei consubstantialem filium: vel quia fortasse fuit in fide feruentior atq; constantior, aut quia cum Christo conuersatus & frequentius vocatus in consiliis & secretis. Vnde Apostolus ad Galatas 2. *Iacobus & Cephas* (id est, Petrus & Ioannes) *qui videbantur columna esse.* Vbi glossa secundum Ambrosium, *Quia honoratiores erant in Apostolis, quia semper in secretis cum domino fuerunt.* Cuius rei exemplum conueniens sumi potest ex principantibus seculi, qui nec præsumunt sibi inuicem aliqua potestate, ut Comites eiusdem regni, quorum vnus alteri non subest iurisdictione vel auctoritate, sed omnes immediate regi. Cum autem quandoque inter alios vnus aut plures ceteris honoratiores habeantur, ut quia seniores, aut aliqua vel aliquibus virtutibus excellentiores, vel magis obsequiosi regi aut regno, propter quod à re-

stantini tempora: unde Papa dominatus inique cepit.

Nam Apostoli reliqui pares Petro.

Occupatio:

Petrus cur (& quam male) princeps Apostolorum vocatus.

simili illustratur propositio.

Redditio.

Petri non habuit civi'em in reliquos Apost. potestati: eoque nec eius successores.

Ratio à Christi praecepto:

quod cōtra traditiones humanas colendum: teste Christo.

enim auctoritati aduersantur Decretales:

qua ambitioni & avaritia feruntur.

ge vel populo magis diliguntur, & reuerentiores habentur. Quo etiam modo debemus opinari de Apostolis inuicem & ad Christum. Omnes enim sub Christi potestate & auctoritate fuerunt, immediate ab ipso suam institutionem sacerdotii & apostolatus suscipientes, non ab inuicem, (vt in aperto clamat ubique scriptura, & sancti sequentes ipsam,) quamuis inter eos beatus Petrus honoratior fuerit propter iam dictas causas: non tamen propter aliquam sibi à Christo super reliquos traditam potestatem. Hanc enim eis inuicem interdixit, vt supra induximus ex Matth. 23. cum directe ad propositam nunc intentionem dixit eis: *Nolite vocari Rabbi: unus est enim magister vester, vos autem omnes fratres estis.* Similiter autem neque iurisdictionem coactiuam habuit in reliquos Apostolos plusquam econuerso, nec per consequens ipsorum successores inuicem. Hanc enim sibi Christus penitus interdixit Matth. 20. & Luc. 22. ad propositas intentiones directe: *Cum enim facta esset contentio inter eos, quis eorum esset maior, dixit eis Christus. Reges & principes gentium dominantur eorum, & qui maiores sunt, potestatem exercent in eos, vos autem non sic.* Nec posset Christus hoc magis aperte negare. Cur ergo credit aliquis de hoc magis humanæ traditioni, siue sancti siue non sancti, quam apertissimo Christi eloquio? Contra talem enim vel tales loquitur Christus Marci 7. cum dixit directe ad propositam intentionem: *In uanum autem me colunt docentes doctrinas & praecepta hominum.* Relinquentes enim mandatum Dei tenetis traditiones hominum. Et parum infra: *Bene irritum facitis praeceptum Dei, vt traditionem vestram seruetis, quod faciunt docentes humanas decretales; quæ Romano episcopo dicunt conuenire potestatem & dominium temporalium non solum ecclesiasticorum, verum etiam & imperialium atque regalium, facientes irritum Dei praeceptum, vt ex decimoquarto demonstratum est, & ex præsentī capitulo liquet aperte, vt suam traditionem de bonis temporalibus ad ipsorum commodum seruent.*

Quod

Quod si tamen Apostoli beatum Petrum tamquam sibi episcopum elegissent, aut principaliorē propter ipsius ætatem & sanctitatem acquisitam, excellentiorem, (vt habetur ex quodam Anacleti Papæ decreto, in Isidori codice contento, cuius series est; Ceteri vero Apostoli cum eodem, Petro scilicet, pari consortio honorem & potestatem acceperunt, ipsumq; principem eorum esse voluerunt) non tamen ex hoc sequeretur, quod ipsius successores in Romana sede vel alia, (si alibi fuit episcopus,) hanc prioritatem habeant super aliorum successores, nisi à reliquorum successoribus eligerentur ad hoc: maioris enim virtutis fuerunt aliqui successores aliorum quibusdam successoribus Petri: quamuis proprie quilibet episcopus indifferenter sit successor cuiuslibet apostoli quantum ad officiū, licet non locum. Rursum cur magis conueniret hoc successoribus eius in sede Romana, quam in Antiochena vel Hierosolymitana vel alia, si episcopus in pluribus extitisset? Amplius quilibet episcopo, quantum ad intrinsecam dignitatem, inseparabilem scilicet, indifferenter successor est cuiuslibet Apostoli, & eiusdem meriti siue perfectionis, quantum ad dignitatem prædictam siue characterem, quoniam omnes hunc habent eundem ab vno efficiente siue datore secundum numerum immediate, videlicet à Christo: non ab eo, qui manus imposuit. Neque refert quis Apostolorum manus imposuerit. Vnde primæ ad Corinth. 3. *Nemo in hominibus gloriatur, siue Paulus, siue Apollo, siue Cephas, &c. vos baptizauerit, vel aliter manus imposuerit, non refert.* Vnde subdit; *Vos autem Christi estis*, id est, interius signaculum habetis à Christo. Vbi glossa: *Vos autem Christi non hominum; in creatione vel recreatione, qua per sacramenta fit,* supple.

Amplius propter manuum impositionem Romanus episcopus nō est aut dici debet singulariter beati Petri successor, quoniam Romanum episcopum esse conuenit, cui non imposuit manus beatus Petrus, nec mediate nec immediate: nec rursus propter

1. Occupatio ob-
jectionis: cess
Apostoli episco-
pum sibi elegis-
sent,

tamen hinc non
firmaretur Pa-
pa in episcopos
reliquos pote-
stas.

Ratio prima:
Secunda:

Tertia:
Quilibet episco-
pus successor S.
Petri.

Quarta.

2. Occupatio ob-
iecti. Papam non
esse peculiariter
Petri successorē
propter illius
manuum im-
positionem
Ratio prima.

2. Ratio.

sedem siue loci determinationem. *Primum* quidem, quia nullus Apostolorum lege diuina determinatus fuit omnino ad populum aliquem vel locum. nam Matthæi vltimo dictum est omnibus: *Euntes ergo docete omnes gentes.* *Amplius* quoniam beatus Petrus prius legitur Antiochiæ fuisse quam Romæ. *Rursum* quoniam si Roma fieret inhabitabilis, non propterea periret Petri successio. *Adhuc* quia neque lege diuina, neque scriptura (quamquam de necessitate salutis ad sui credulitatem inuitante) conuinci potest, per Christum, aut Apostolorum aliquem vel ipsorum collegium fuisse statutum, episcopum cuius determinatæ prouinciæ siue diœcesis debere vocari vel esse Petri aut alterius Apostoli singulariter successorem, ceterisq; priorem; esto, quantumcunq; Apostolos auctoritate impares extitisse. *Sed ille vel illi magis sunt aliquo modo beati Petri & reliquorum Apostolorum successores, qui vita & ipsorum sanctis moribus amplius conformantur.* Tales enim responderent beati Apostoli fore successores suos interrogati de his, instar Christi eorum magis, qui Matthæi 12, respondens, dicenti sibi, *Mater tua & fratres tui foris stant, quærentes te,* ait: *Quæ est mater mea & fratres mei? Quicumque enim fecerit voluntatem patris mei qui in calis est, ipse meus frater, & soror, & mater est.* Quis ergo episcoporum aut sacerdotum magis meretur Apostolorum dici successor? is certe, qui eos amplius moribus & operibus imitatur. Quod si dicatur, episcopum aliquem eo fieri beati Petri singulariter & principaliter successorem, quia per Romanum clerum, aut per ipsum cum reliquo populo ad episcopatum eligitur: & eo fieri episcopum vniuersalis ecclesiæ, quamquam specialius ciuitatem Romanam respiciat, quamdiu extiterit ipsa. *Dicendum* quod, quamuis hoc dictum multiplices possit pati calumnias, vnico tamen modo sufficienter repelli potest, quoniam ex sacra scriptura conuinci non potest, sed oppositum magis, quemadmodum supra monstratum est, & immediate sequenti capitulo amplius ostenditur. Propter quod eadem vel consimili facilitate

facilitate qua dicitur, negari potest. Vnde tamen & propter quid principalitas peruenerit, si debeatur episcopo & ecclesiæ Romanorum super ceteras, 22. huius seriose dicetur. Iam dictis autem audiri desuetis mirabilius est (quia desuetum amplius & inopinabile fortassis videbitur, si non falsum) quod ex certo scripturæ testimonio conuinci potest, *Romanos episcopos magis esse successores quantum ad prouinciam & gentem, Apostoli Pauli quam Petri*, præsertim in episcopali sede Romana: rursusque quod iam dicto superadmirabilius videbitur, *quod per scripturam probari nequit, Romanos episcopos successores esse singulares beati Petri, propter sedis siue prouincia determinationem: sed propter hoc potius eos, qui sederunt aut sedent in episcopali Antiochena sede, quam Romanos. Prioris autem nunc dictorum fides esse potest ex eo, quod quamuis beatus Paulus generaliter missus fuerit ad omnes nationes, quemadmodum Apostolorum quilibet reliquorum (vnde Actuum 9. *Vas electionis est iste mihi, ut portet nomen meum coram gentibus & regibus & filiis Israel*) singulariter tamen & principaliter fuit Apostolus gentium, quemadmodum Petrus Iudæorum, tam per reuelationem quam secundum Apostolorum inuicem ordinationem. Vnde ad Galat. 2. *Cum vidissent Iacobus, Petrus, & Ioannes, quod creditum est mihi euangelium præputii* (id est gentium) *sicut Petro circumcisionis, id est, Iudæorum: & intendit Apostolus utrobique tam Petro quam sibi principaliter. Quoniam & Petrus gentibus & Paulus Iudæis poterat prædicare, si causa vel necessitas extitisset, quamuis principalitas in gentibus per dispensationem esset Pauli, & ad Iudæos esset beati Petri, sicut glossa secundum Augustinum, exponit ibidem. Rursus Actuum 22. Dictum est Paulo in stupore mentis suæ per reuelationem. *Vade, quoniam in nationes longe mittam te.* Amplius Actuum 28. & ultimo. *Et sic venimus Romam.* Et infra parum loquens Apostolus Iudæis in Roma, inquit: *Notum ergo sit vobis, quoniam gentibus missum est hoc salutare Dei, & ipsi audient.* Mansit autem biennio tota**

*Paradoxum
axioma pri-
mum:*

Secundum.

*Prioris confir-
matio:*

*quia Paulus pe-
culiariter suis
Apostolus gen-
tium, ut Petrus
Iudæorum: te-
stib. S. Iheron.*

in suo conductu, & suscipiebat omnes qui ingrediebantur ad eum prædicans regnum Dei. Rursum testatur hoc ipse magis specialiter ad Romanos 11. *Vobis enim* (inquit) *dico gentibus, quamdiu quidem ego sum Apostolus gentium, ministerium meum honorificabo, si quomodo ad emulandum prouocem carnem meam*, id est, licet quandoque etiam Iudæos exhorter ad hoc, principaliter tamen ad gentiles Apostolus sum. Ad huc ad Galatas 2. *Iacobus, & Cephas, & Ioannes, qui videbantur columna esse, dextras dederunt mihi & Barnaba societatis, ut nos in gentes* (id est, ad Gentiles) *ipsi autem in circumcisionem*, id est, ad Iudæos irent euangelium prædicandum. Postremo vero legitur idem 1. ad Timoth. 2. & 2. ad eundem 1. & series omisi propter abbreviationem. Cum igitur per scripturam constet euidenter, Paulum Romæ fuisse biennio, & ibidem omnes suscepisse Gentiles conuertere volentes, idemque prædicasse, constat ipsum fuisse Romanum episcopum specialiter, eo quod ibidem officium pastoris exercuit, auctoritatem huius habens à Christo, & reuelatione mandatum, & Apostolorum aliorum electione consensum. De beato vero Petro, in quo secundum propositorum apparebit, dico per scripturam sacram conuinci non posse ipsum fuisse Romanum episcopum: & quod amplius est, ipsum nunquam Romæ fuisse. Admirandissimum namque videtur, si secundum quandam vulgatam ecclesiasticam *Legendam sanctorum* beatus Petrus præuenerit Romam beatum Paulum, ibidem prædicans verbum Dei, & postmodum captus: deinde quod beatus Paulus in suo aduentu Romam, vna cum beato Petro tot conflictus habuerit cum Simone Mago, & simul tantum pro fide certarunt aduersus Imperatores & ipsorum ministros: demumque secundum eandem historiam, quod ambo simul capite priuati, propter Christi confessionem dormierunt in Domino, & sic Romanam Christo consecrauerunt ecclesiam: admirandissimum inquam dico, quod beatus Lucas, qui Actus Apostolorum scripsit, & Paulus Apostolus de beato Petro

Petro nullam prorsus mentionem fecerunt. Amplius quod beatus Petrus Romam non præuenerit eos, credere facit probabiliter valde, quod Actuum ultimo scribitur. Dum enim Paulus in suo aduentu primo alloqueretur Iudæos inter cetera, sui aduētus Romam volens assignare causam, inquit: *Contradicientibus autem Iudæis coactus sum appellare Cæsarem.* At illi dixerunt ad eum: *Nos neque literas accepimus de te à Iudæa, neque veniens aliquis fratrum nuntiavit aut locutus est quid de te malum. Rogamus autem à te audire qua sentis, nam de secta hac notum est nobis, quia ubique ei contradicatur.* Dicat ergo mihi veritatis inquisitor, non quærens contendere solum, si probabile sit alicui beatum, Petrum Romam præuenisse Paulum, & nihil nuntiasse de Christi fide, quam Iudæi loquentes ad Paulum *sectam* vocabant. Amplius Paulus in reprehendendo ipsos de incredulitate, si nouisset Cepham ibidem fuisse & prædicasse, quomodo nō dixisset aut ipsum huius testem induxisset negotii, qui resurrectionis Christi testis extiterat? vt apparet Actuum 3. Et rursum, de quo iam diximus quis opinabitur, quod biennio existens ibidem Paulus nunquam conuersationem, collationem aut contubernium habuerit cum beato Petro? Et si habuisset, quod de ipso nullam penitus mentionem fecisset, qui Actuum scripsit historiam? In aliis enim locis minus famosis, dum Paulus Petrum inuenit, mentionem de ipso fecit, & cum eo conuersatus est, vt in Corintho, 1. ad Corinth. 3. & in Antiochia, vt ad Galatas 2. & sic de reliquis plerisque locis: in Roma vero inuentum, quomodo non nominasset, quæ omnium urbium famosissima erat, & in qua secūdam iam dictam historiam beatus Petrus præerat tanquam episcopus? Sunt enim hæc incredibilia quasi, propter quod *historia illa siue legenda non videtur in hac parte probabiliter posse teneri, & cum Apocryphis computari debere.* Sed per scripturam sacram indubitanter tenendum, beatum Paulum fuisse Romanum episcopum: & si quis alter eum ipso Roma fuerit, tamen Paulum singulariter

Secundus

Tertius

Quarta.

Legenda sanctorum.

Anacephala-
losus.

principaliter propter causas prædictas fuisse Romanum episcopū, beatum vero Petrum Antiochia, ut apparet ad Galatas 2. Romę vero nō contradico, sed verissimiliter teneo ipsum in hoc non præuenisse Paulum, sed potius econuerso. Quod autem omnium maxime attendendū propter propositum principale. est. quoniam & si aliquæ sint congruentiæ, propter quas appareant quomodocunque singulariter vocati successores beati Petri, successoribus aliorum reuerentiores, & præcipue in episcopali sede Romana: nulla tamen, ut eisdem subiecti credantur secundum aliquam potestatem iam dictam aliorum Apostolorum successores, sacrę scripturę necessitas vocat. Esto ad huc Apostolos auctoritate impares extitisse. Non habuit ergo beatus Petrus aut Apostolus alter virtute verborum scripturę super alios potestatem instituendi aut deponendi, neque quantum ad sacerdotalem dignitatem quam essentialem diximus: neque ad eorum missionem seu determinationem ad locum aut populum, neque ad scripturę seu fidei catholicę interpretationem, neque quantum ad coactiuam cuiusquam in hoc seculo iurisdictionem. Vnde per necessitatem sequi videtur, quod nec virtute verborum scripturę, successor aliquis ipsorum alicuius singulariter quomodocunque vocatus, in successores reliquorum aliquam supradictarum habeat potestatem. Potest autem hoc patenter astrui auctoritate Hieronymi, quam ex epistola ipsius ad Euandrum circa finem quartę capituli præcedentis induximus.

C A P V T X V I I.

De auctoritate instituendi episcopos ac ceteros ecclesię ministros certo populo & loco, ac bonorum ecclesiasticorum distributione & usu.

Transitio. **D**E prima quidem igitur sacerdotalis auctoritate, quam essentialem diximus, factina causa iam

iam dictum est nobis. De reliqua vero, qua scilicet certis sacerdotibus aut populo vel vtriusque in certa prouincia seu loco præferuntur ipsorum aliqui: *amplius* vnde conueniat eisdem temporalia quædam, iam vocata ecclesiastica beneficia, dispensare: vnde etiam *rursum* ad ipsos seu ipsorum quosdam coacti- uæ iurisdictiones peruenerint, ad quem etiam, aut quos, & qualiter conuenientius sacræ scripturæ du- bios sensus, in his præcipue quæ ad salutis necessita- tem attinent, determinare pertineat, reliquum no- bis est definire. SuffICIENTER enim manifestatis his, apparebit quod ab huius operis initio propositum manifestare fuerat.

Huius capituli
propositio
prima:

Secunda:

Sequens cap-
ituli argumen-
tum.

Ante tamen quam hic proposita singulariter prosequamur, expedit narrare *primum* institutionis & determinationis episcoporum seu presbyterorum modum circa statum & initium ecclesiæ primiti- uæ, vnde cetera postmodum deriuata sunt. Horum au- tem omnium principium, accipiendum est à Chri- sto, qui *caput est & petra, super quā fundata est eccle- sia catholica*, secundum quod dicit Apostolus ad E- phesios 4. & 5. & 1. ad Corinthios 10. quod etiam di- cit glossa quædam super illud Matthæi 16. *Super hanc Petram ædificabo Ecclesiam meam*. Hoc inquam caput ecclesiæ petra & fundamentum, Christus sci- licet, Apostolis contulit sacerdotium & auctorida- tem episcopalem super omnes gentes & populos cuiuslibet seorsum, neminem ad certum locum seu populum determinando sic, quin etiam sibi liceret ubilibet prædicare: quamuis aliqui magis deputati fuerint in gentes, alii vero in circumcisionem, ipso- rum inuicem aut Spiritus sancti ordinatione. Quod etiam videtur sentire glossa super illud 2. ad Galatas. *Et cum cognouissent gratiam qua data est mihi inter gentes*. Inquit enim glossa: *Christus enim dedit, Paulo ut ministraret gentibus, qui etiam Petro dede- rat ut ministraret Iudæis. Ita tamen dispensatio dis- tributa est illis, ut & Petrus gentibus prædicaret, si causa fuisset & Paulus Iudæis*. Quod similiter vide- tur Apostolus intellexisse ad Romanos 11. cum di-

Propositio præ-
mittit hypothe-
sin de potestate
sacerdotis dmi-
natus data.

Christus caput
& fundamen-
tum ecclesiæ.

Apostolos nulli
certo loco aut
populo sacerdo-
tes præfecit &
astrinxit:

teste glossa:

& Paulo:

unde idem de
sacerdotibus
colligitur,

& S. literis pro-
batur.

xit: *Ministerium meum honorificabo, si quo modo ad
amulandum prouocem carnem meam*, id est, Iudæos,
ex quibus natus erat secundum carnem, ut glossa di-
cit ibidem. Ex quibus verbis sentiendum videtur,
quod ea potestate seu charactere, qua quis sacerdos
instituitur, indifferenter habet potestatem ubique
ministrandi, & super omnem populum, quamuis di-
uina reuelatione, vel humana quadam ordinatione
quidam ad certum locum aut populum magis de-
terminentur quam ad reliquum, præcipue tempo-
ribus his. Hæc autem videntur scripturæ ac rationi
consona. Nam generalem unicuique Apostolorum
tradens Christus administrationem, Matthæi 28.
dixit Apostolis indifferenter: *Euntes ergo docete
omnes gentes*, neminem determinando ad locum
aut populum. Quandoque vero ad specialem gen-
tem aut populum diuina reuelatione determina-
ti fuisse videntur, cum dicat Apostolus de se A-
ctuum 22. *Factum est autem reuertenti mihi in Hie-
rusalem, & oranti in templo fieri me in stupore men-
tis, & videre illum* (Christum videlicet) *dicentem
mihi. Festina & exi velociter ex Hierusalem, quo-
niam non recipient testimonium tuum de me*. Et pa-
rum infra subiungitur sibi dictum à Christo: *Vade,
quoniam in nationes longe mittam te*. Ecce quod
per reuelationem accepit quandoque Paulus ali-
quam loci & populi determinationem. Sic etiam
eandem suscepit determinationem ipse cum aliis
Apostolis, humana quadam ordinatione. Vnde ad
Galatas secundo dixit: *Dexterarum dederunt mihi &
Barnaba societatis, Iacobus, Cephas, atque Ioannes,
ut nos in gentes, ipsi autem in circumcisionem*. Ecce
determinationem Apostolorum ad certum popu-
lum & prouincias, humana ordinatione factam im-
mediate. Constant autem, quod ex tali determina-
tione (siue facta immediata Dei reuelatione, si-
ue ipsorum inuicem ordinatione) ipsos non rece-
pisse perfectionem per Spiritum sanctum, quam
prius non habuissent. Apparet hoc siquidem ratio-
ne, quoniam esto, episcopum aut alium curatum
quem-

quemlibet determinatum ad aliquam prouinciam aut populum, extra prouinciam sibi commissam exiisse (sicut frequētius quam oporteat, euenire videmus) obuiet autem casu aliquo vel à proposito etiam alicui non fidei neque baptizato, baptizari tamen petenti per se vel alium, si quidē hunc baptizet, seruata forma sacramenti, constat hunc vere baptizatū esse; quamuis forte mortaliter peccet sic baptizans in non sibi subiecta seu cōmissa prouincia. *Non ergo determinatus est quisquam ex episcopali seu sacerdotali potestate, quam essentialē diximus, ad locum aut populum, sed indifferenter respicit omnes.* Determinata fuerunt tamen huiusmodi quandoq; diuina reuelatione, vt in ecclesia primitiua, frequentius tamen humana ordinatione præcipue modernis temporibus. Et hoc ad scandalū euitandū inter episcopos & sacerdotes inuicem, & propter alias euidentes vtilitates, quas in sequentibus assignabo. *His itaq; sic præmissis, ad proposita in principio huius capituli singulariter accedētes, * ostendemus primum* determinatæ institutionis Apostolorum ad certos populos atque prouincias *causam factiuam* conuenientioremm immediatam fuisse Christi reuelationē, aut ipsorum inuicem concordem ordinationem. * *Deinde vero* quod suorum successorum primorum ante populi conuersionem, determinatæ institutionis causa factiua immediate fuit expressa voluntas omnium Apostolorū aut plurium; si omnes aut plures præsentēs fuerunt simul in loco seu prouincia, in qua sacerdotem aut episcopum oportebat statuere: vel ipsorum Apostolorum vnicus secundū loci & populi ac temporis dispositionem. * *Demum vero* quod post mortem Apostolorum aut in ipsorum absentia, episcoporum & aliorum ecclesię seu spiritualium ministrorum institutio secundaria modorum conuenientissimo possibilium humanæ conuersationi, facta est per vniuersitatem fidelium in loco siue prouincia, super quam iam dicti ministri debent institui, quam per aliquod singulare collegium aliud vel personam. Sicq; postmodū ostendentur reliqua consequenter.

Ad rem accedit.

Primam cap. proposit. tribus partibus explicat. Prima.

* Secunda bimembra.

1. membrum.

2. membrum.

* Tertia.

* *Horum ergo primum* apparere potest, quod videlicet non alia conuenientior huius determinationis causa potest assignari quam diuina reuelatio, aut ipsorum conueniens deliberatio, quoniam in harum neutra error aut malitia interuenisse videtur. De diuina siquidem reuelatione nemini dubium: de Apostolorum autem electione videtur probabile, atque credendum, quoniam Spiritu sancto inspirati erant, vt ex Ioannis 20. pridem induximus.

* *Deinde* dico quod suorum successorum primorum, maxime ante populorum conuersionem, institutionis secundarię seu determinationis causa factiua immediata fuerunt & esse debuerunt omnes, aut plures Apostolorum vel ipsorum vnus secundum modum prædictum: vt si simul omnes, aut ipsorum plures aut vnus tantum reperti fuerint ibidem. Hoc autem conuincitur *primum* ex scriptura, nam ipsos sic egisse legimus Actuum 6. in diaconorum institutione, etiam quantum ad primam institutionem, quam essentialem iam diximus, vnde hos *statuerunt ante conspectum Apostolorum, & orantes* (Apostoli scilicet) *imposuerunt eis manus*. Non ergo adduxerunt eos ad *Petrum* solum, sed ante conspectum Apostolorum. Nec solus *Petrus* sibi assumpsit singulariter auctoritatem imponendi eis manus, sed Apostoli imposuerunt eis manus. Est autem & hoc rationi consonum. *Verisimile* enim est omnes aut plures Apostolorum simul certius deliberasse, ac minus errasse circa personam promouendam siue ad sacerdotium siue ad alium sacrum ordinem, quolibet ipsorum seorsum accepto: quemadmodum supra induximus capitulo præcedente, ipsos propter hoc simul conuenisse cum aliis senioribus ad definiendum dubium circa legem euangelicam in facto circumcisionis. *Rursum* ex hoc tollatur scandali & contentionis materia, quæ verisimiliter inter eos orta fuisset, si quis eorū in aliorum præsentia potestatem aut prioritatem præter reliquos assumere voluisset, quam Christo viuentē inter ipsos ortam ex hoc Christus definiuit, ipsorum exprimens

primens æqualitatem, vt ex Matthæi 22. & Lucæ 22. induximus, per Apostolum quoque ac sanctorum expositiones, id amplius manifestauimus capitulo præcedente. *Amplius* rationabilius sic agere fuit, vt *Tertia.* ex hoc ab omnibus suis successoribus præsumptionem huius singularitatis auferrent, & similiter faciendi exemplum præberent, vt ex glossa super Actuum 6. monstrabitur infra parte nona.

Quod si tamen non simul omnes aut plures fuissent, vbi episcopum multitudini alicui fidelium custodiendæ ac seruandæ in fide oportebat præficere, *Secunda pars secundæ membri explicatio,* dicendum sane hoc ipsorum vnicum licite facere potuisse: maxime vbi multitudo fidelium pauca erat, rudis & imperita discernere conuenientiorem personam ad episcopatus officiũ, & præcipue vbi sufficiẽtium personarũ ad hoc officium quasi nulla pluralitas erat, quemadmodum Paulo & suis successoribus primis sæpe contigit propter causas prædictas, vt ex Actibus Apostolorum & suis epistolis ad Timotheum & Titum satis apparet. Quod autem per ipsorum vnicum talis institutio fieri potuerit & debuerit, licite ostendi potest, quoniam ex hoc eligebatur melior & conuenientior pastor. Aut enim præficere se aliis in ministerio euangelii, licitum erat vnicuique pro voto, aut hoc fieri debebat per electionem subiectæ multitudinis, aut per Apostolorum aliquem ibi præsentem. Ex primo modo scandalum & error contingere potuisset: scandalũ quidem, si duo vel plures hanc sibi auctoritatem assumere voluissent: error quidem seu pastoris insufficientia similiter, quoniam vt plurimum *Stulti magistratum appetunt & assumere tentant amplius studiosis & sapientibus viris.* Ex secundo vero modo, videlicet ex illius multitudinis electione constituisse prælatum, error & insufficientia verisimiliter contigisset, propter multitudinis illius imbecillitatẽ in quanto & quali, rudes enim erant à principio in pluribus prouinciis, præsertim extra Iudæam, & facile seducibiles, vt ex tota epistola ad Galatas & pluribus satis apparet. Vnde Apostolus 1. ad Corinthios 3.

Et ego fratres non potui vobiscum loqui quasi spiritalibus, sed quasi carnalibus, tanquam paruulis in Christo lac potum dedi, non dum enim poteratis, sed nunc quidem potestis, adhuc enim carnales estis.

Conclusio. tunc ergo & sanius fuit hanc institutionem fieri electione seu determinatione alicuius Apostolorum, cuius vita & sapientia præponderans & amplior erat (propter habitum sancti Spiritus) ea quæ simul omnium in tali multitudo: quamuis non sit negandum, expediens fuisse Apostolorum consuluisse multitudinem de moribus præferendi. * His consequenter ostendere volo, quod post tempus Apostolorum & priorum patrum, sibi quasi prope succedentium in officio, & præcipue communitatibus fidelium iam perfectis huius institutionis seu determinationis præsidis (siue maioris, quem vocant *episcopum*, siue minoris, quos *curatos sacerdotes* appellant, simul & reliquorum minorum) causa factiua immediata sit & esse debeat vniuersa eius loci fidelium multitudo per suam electionem seu voluntatem expressam: aut ille vel illi, cui, vel quibus iam dicta multitudo harum institutionum auctoritatem concesserit. Et quod eiusdem auctoritatis sit, vnumquemque iam dictum officialem ab huiusmodi officiis licite amouere siue priuare, ac ad illius exercitium compellere, si expediens videatur. Verumtamen oportet attendere, quod quamuis in potestate cuiuslibet sacerdotis sic sit suum exhibere ministerium, vt alterum quemlibet fidelem volentem, promouere possit ad sacerdotium, ipso ministrante quasi præparante, Deo autem simpliciter & immediate sacerdotalem potestatem seu characterem imprimere; dico tamen id sibi pro voto non licere conferre cuilibet, neque diuina neque humana lege in communitatibus fidelium iam perfectis, vt diximus; quinimo criminoso aut aliter insufficienti, cooperans peccat plectibiliter contra legem diuinam & humanam. Quod autem contra legem diuinam plectibiliter peccet, apparet per Apostolum 1. ad Timotheum 3. & ad Titum 1. *Quoniam episcopum opar-*

* Tertiæ partis repetitio.

& confessarium.

Utriusque probatio & primo per apharefin.

Non licere sacerdoti quemlibet pro arbitrio sacerdot. creare: immo si sceleratum aut ineptum creauerit utriusque legum pæna obnoxius.

Probatum de diuina:

Quoniam episcopum opar-

et sine crimine esse, cum reliquis sufficientiis ibidem enumeratis: idemque aut proportionale de diaconis opinandum. Vnde ad Timotheum vbi supra. *Diaconos similiter pudicos, &c.* Quod autem contra humanam legem delinquat plectibiliter sic insufficientem promouens ad ecclesiasticum ordinem, apparet ex his quæ ostensa sunt octauo huius. Committit enim aliquid transiens in alterius nocumentum pro statu præsentis & etiam futuri seculi simul, quod sibi probari potest inesse (id etiam ipso negante) promouendo scilicet ad publicum officium talem, qui aliorum vtriusque sexus (fœminini maxime) vitam & mores corrumpere potest: aut quantum expedit & necesse est pro statu tam præsentis quam futuri seculi, mores hominum formare nequit; qualis est peruersus vel aliter insufficientis diaconus aut sacerdos.

& humana.

Ex his amplius per necessitatem inferre volo, quod, in communitatibus fidelium iam perfectis, ad legislatorem humanum solummodo seu fidelium multitudinem eius loci (super quâ intendere debet promouendus minister) pertineat eligere, determinare, ac præsentare personas promouendas ad ecclesiasticos ordines. Et quod nemini sacerdoti vel episcopo singulariter, neque ipsorum soli collegio cuiquam cooperari liceat ad huiusmodi suscipiendos ordines absque legislatoris humani, vel ipsius auctoritate principantis licentia. Hoc autem *primum* ex scriptura sacra demonstrabo, *demum* vero *ratione* probabili confirmabo. *Auctoritate* siquidem scripturæ hoc apparet ex Actuum 6. Indigentes enim sancti Apostoli diaconis pro ministerio ipsorum & populi, requisierunt fidelium multitudinem tãquam eam, cuius erat personas huiusmodi eligere, ac etiam determinare, vnde vbi supra. Conuocantes autem duodecim multitudinem discipulorũ (id est, fidelium, qui tunc discipuli vocabantur omnes, vt habetur in glossa) dixerunt; *Non est æquum nos derelinquere verbum Dei, & ministrare mensis. Considerate ergo fratres, viros ex vobis boni testimonii septem plenos Spiritu sancto & sapientia, quos constituamus super hoc opus,*

Deinde per thesin:

Ad eam communitatem in qua omnes fideles, sacerdotum electio pertinet:

sine cuius consensu creati non potest.

Confirmatio:

1. Auctoritate S. literarum.

*Nos vero orationi & ministerio verbi instantes erimus. Et placuit sermo coram omni multitudo. Et elegerunt Stephanum virum plenum fidei & Spiritu sancto, & Philippum, reliquosque similiter. Quod si presentibus Apostolis talis electio commissa fuit multitudini, minus perfectæ, ut certius eligerentur magis apti (quoniam tota multitudo aliquid scire potest, præcipue de moribus & vita vnius hominis, quod vnus multum doctus ignorat per sæpe) quanto magis electio sacerdotum, qui amplioris necessitatis sunt in virtute ac sapientia diaconis & absentibus talibus prælatis, quales fuerunt Apostoli in communitate fidelium perfectæ, debet electio hæc vniuersitati committi, ut de promouendo amplius & certius testimonium habeatur? Conuocantes ergo duodecim, non solus Petrus. vbi glossa; *De communi consensu. Multitudinem discipulorum.* vbi glossa, *Consensum quarunt multitudinis, quod in exemplum debet assumi. Hos statuerunt, &c.* vbi Rabbanus: *Hic ordo seruandus est in ordinandis. Eligat populus, ordinet episcopus.* Et hoc est, quod etiam dicit Apostolus aperte i. ad Timotheum 3. *Oportet autem illum* (id est, presbyterum) *testimonium habere bonum ab his qui foris sunt,* id est, extra ecclesiam. vnde glossa; *Non solum à fidelibus, sed etiam ab infidelibus.* Vbi etiam de diaconis parū infra dicitur; *Et hi autem probentur primum, & sic ministrent.* Nunc autem ratione probabili (si necessarium probabile liceat dicere) ostendere volo, promouendi cuiuslibet ad sacrum ordinem, electionem, atque approbationem pertinere ad iudicium tertiæ significationis, sententiam scilicet humani legislatoris in communitatibus fidelium iam perfectis: & cum hoc simul secundariam eius institutionem, qua scilicet fidei populo alicui & in certo loco præficitur episcopus aut curatus, sicq; in reliquis minoribus ecclesiasticis officiis: ab ea quoq; remotionem seu priuationem: ad exercitium quoq; secundū eam ecclesiasticos (si oporteat) arcere ministros. Deinde vero monstrabitur ad quem vel quos ecclesiastica temporalia (vocata *beneficia*) distri-*

2. Ratione.

distribuere pertineat. *Primum* quidem conuinci potest eisdem aut consimilibus demonstrationibus qualibus 12. 13. & 15. primæ ad vniuersitatem ciuium legumlationem & principantium institutionem ostendimus pertinere, sola demonstratione mutata extremitate minori, vt videlicet electio seu personæ ad ordinem sacrum promouendæ approbatio, ipsiusque institutio seu determinatio ad certæ plebis atq; prouinciæ præsidatum, eiusque priuatio siue remotio ab eisdem propter delictum vel rationabilem alteram causam assumantur in demonstrationibus pro termino legis, aut principantis institutione. Est autem & in his tanto euidentior necessitas talium fiendorum per legislatorem seu ciuium vniuersitatem, quanto periculosior est error circa propriam in sacerdotali aut altero ecclesiastico gradu atque præsidatus officio statuendâ, quam circa humanam legem aut principaturum secundum ipsam instituendum. Nam si ad sacerdotium promoueatur peruersus more vel ignorans aut utrinque deficiens, sicque curando & dirigendo fidei populo præferatur, ex eo periculum imminet populo mortis æternæ: siquidem, quoniam ipsius est docere atque dirigere in his & de his quæ attinent ad necessitatem æternæ salutis. Vnde Malachiæ 2. *Labia sacerdotis custodiunt scientiam, & legem requirunt ex ore eius*: diuinam scilicet, in qua continentur præcepta, & prohibita obseruari aut omitti, de quibus transgrediens non excusaretur per ignorantiam aut malitiam sacerdotis. Ideoque discernere debet populus, qualem sibi præferat pastorem, eo quod ex ipsius officio vnicuique commodum aut incommodum atque periculum euenire potest. Cuius quidem discretionis seu cautelæ, populus fidelis habet, & rationabiliter habere debet potestatem, aliter namque inconueniens hoc euitare non posset. Est autem quam diximus, plane *Augustini* sententia in libro De pœnitentia, quinimo & *Christi* verius, cuius auctoritate loquitur, & affirmat quod dicit. Inquit enim, & recitat Magister sententiarum libro 4. 17. distinct. cap. 6. *Qui vult pec-*

quia minus in electione sacerdotis errat populus.

Error autem necessario vitandus hæc in re:

cum ad vitam æternam.

teste Augustino:

cata confiteri ut inueniat gratiam quærat sacerdotem, qui sciat ligare & soluere: ne cum negligens circa se extiterit, negligatur ab illo (Christo videlicet) qui eum misericorditer monet & petit, ne ambo in foveam cadant, quam stultus evitare noluit. Est ergo vel esse debet in potestate cuiuslibet, ministrum poenitentiae conuenientem eligere, similiter & aliorum sacramentorum, ut dicit etiam *Magister* ibidem. * Cum igitur electio præstantior fieri possit per fidelium vniuersitatem quam per vnicum, apparet quod ad ipsam magis quam ad vnicam singularem personam, aut singulare collegium talis electio seu præsidis institutio debeat pertinere. Amplius potest hoc esse ad ciuile incommodum grande, quoniam sacerdotes confessionis titulo, mulierum habent persæpe secreta colloquia. Quod quia facile seducibiles sunt, præsertim ipsarum iuuenes tam virgines quam etiam conjugatæ (ut apparet Gen. 4. & inducit Apostolus 1. ad Timotheum 2. *Adam enim seductus non fuit, sed mulier in prauaricatione*) sacerdos peruersus existens, ipsarum mores & pudicitiam facile corrumpere poterit, quod etiam frequenter his temporibus propter sacerdotum qualitatem euenire videmus, hoc autem est ciuile incommodum non modicum, considerare volenti, quæ sequuntur ex hoc incōuenientia. Vnde & *Aristoteles* 1. Rhetoricæ, 8. capitulo. Quibuscunque enim ea quæ secundum mulieres sunt praua, quemadmodum Lacedæmoniis fere secundum dimidium vitæ non sunt felices. *Mulier enim est quasi domus medietas*, ut apparet ex illius œconomia. Vnde si propter temporale commodum assequendum per legislatorem, expedit determinari personas ad reliqua ciuitatis officia promouendas, ac etiam principantis instituere seu determinare personam, ut potior fiat electio, & propterea cōuenientior ad officium assumatur (quemadmodum demonstratum credimus 15. primæ) videtur eo magis ad eundem legislatorem humanum, seu fidelium vniuersitatem pertinere determinationem promouendorum ad officium sacerdotis, & sacerdotum institutionem.

* Argumen-
tationis sum-
ma.

*sum ad presen-
tem ac ciuilem.*

*Maximum pe-
riculum in se-
creta confes-
sione.*

*Anacapha-
laosus.*

tutionem in officio præsidatus. Quoniam etsi peruersus princeps afferre possit graue incommodum pro statu præsentis seculi, puta temporalis mortis, sacerdotis & peruersi ecclesiastici pastoris actio eo grauius inducere potest, quoniam mortis æternæ. Sic etiam propter periculum cogendus est rationaliter per humanum legislatorem aut principem cogi potest ecclesiasticus minister ad exhibenda & ministranda sacramenta, quæ sunt de necessitate salutis, vt baptismum, si peruersus existens hoc facere recusaret. Possunt autem confirmari prædicta de promouendis ad sacros ordines, & instituendis ad animarum curas maiores siue minores, per ea quæ de *Isidori* codice induximus 21. huius parte. 4. & 5. Testantur autem dictis institutiones gloriosissimorum sanctorum, factæ secundum modum quem diximus, vt beati *Gregorii* & *Nicolai*, ac reliquorum plurimorum, quemadmodum ex ipsorum Legendis & approbatis apparet historiis.

Nec obstat, quod sacerdotes aut ipsorum collegium, de promouendorum sufficientia, tam ad sacerdotium quam ad officium pastoratus & reliqua minora, magis nouerint iudicare. Similiter & reliquæ consimiles instantiæ adductæ 13. primæ, quibus argui videbatur ad ciuium vniuersitatem, legumlationem, aut principatium institutionem, minime pertinere, potest enim ad has, quemadmodum ibidem consimiliter responderi. Quoniam, esto sacerdotes de talibus amplius & certius habere iudicium, reliqua ciuium multitudine (quod tamen fallit his diebus plerumq;) nō tamen ex hoc inferri potest solum collegium sacerdotum, horū certius habere iudicium tota multitudine, cuius pars existunt, vnde reliquæ multitudini coniuncto sacerdotum collegio, certius & securius habebitur iudicium, quam ex solo seorsum. Verumtamen hoc sane tenendum, quod bene posita lex conformiter legi diuinæ statuere debet, principantem de hoc credere iudicio sacerdotum, aut legis diuinæ doctorum & aliorum honestorum virorum, quemadmodum de promouendis in

Sacerdotem si negligat, cogi ad officium posse à principe.

Occupatio obrektionis. Sacerdotes de eligendo melius norūt iudicare reliquo populo: ergo ad eos pertinet electio.

Resp. ad antecedens:

1. *Non semper melius iudicant.*

2. *et si reliquo populo, non totius pars sunt.*

Tamen eorum in sacerdotum eligendorū examine iudicio utendum.

*hec est cognitio-
ne: non impe-
rio.*

*Ratio prima:
nam id legula-
toris aut prin-
cipis est:*

Secunda.

*Conclusio tertia
partu, prima
propositionu:*

*qua de commu-
nitatibus, ubi o-
mnes fideles, in-
telligenda: ubi
vero secus, alia
est ratio.*

reliquis disciplinis, tam de disciplina, quam de mori-
bus, iudicio peritorum & approbatorum debet exa-
mine uti, iudicio inquam peritorum dicto secun-
dum primam iudicis aut iudicii significationem.
Quoniam iudicio tertiæ significationis, auctoritate
legislatoris habet principans approbare vel reproba-
re personas statuere vel remouere ab officiorum ex-
ercitio, quemadmodum ostensum est 15. primæ. Se-
cus autem tot essent in communitate vnica princi-
pantes supremi, quot iudicantes primæ significationis
iudicio, de sufficientia vel defectu, secundum v-
numquodque officiorum ciuitatis, quod est incon-
uenientium & impossibilium si debeat manere ciui-
tas, & recte disponi, velut demonstratum est dicimo
huius & 17. primæ.

Sunt ergo legislatoris, aut eius auctoritate princi-
pantis sententia seu iudicio (tertiæ significationis)
approbandæ vel reprobandæ personæ ad ecclesiasti-
cos ordines promouendæ: instituendæ quoque vel
remouendæ a cura seu præsidatu maiori vel minori,
& ab exercitio eius prohibendæ: aut etiam, si ex ma-
licia desisterent ab officii exercitio, exercere cogen-
dæ, ne sui peruersitate possit aliquis incidere pericu-
lum mortis æternæ, ut defectu Baptismatis vel alte-
rius sacramenti. Quod sane intelligendum est in
communitatibus fidelium iam perfectis. Nam in
quo loco legislator & eius auctoritate principans in-
fideles existerent (quemadmodum erat in commu-
nitatum plurimis, & quasi omnibus circa statum ec-
clesiæ primitiuæ) personarum promouendarum ad
ecclesiasticos ordines, approbatio vel reprobatio
cum reliquis institutionibus iam dictis, & officio-
rum exercitiis) sacerdoti vel episcopo cum saniori
parte fidelis multitudinis existentis ibidem, aut illi
soli (si solus esset) auctoritas hæc conueniret absque
consensu vel scientia principantis: ut ex huiusmodi
promotione, ac prælatorum seu curatorum institu-
tione, fides Christi & doctrina salutaris diuulgare-
tur: quæ legis, custodis auctoritate, studio vel præ-
cepto non fierent, sed magis prohiberentur. Quo et-
iam

iam modo, id fecerunt Apostoli, circa initium ecclesiae Christi: & facere tenebantur praecepto diuino, & tenerentur ipsorum successores, in legislatoris defectu. Vnde Apostolus 1. ad Corinthios 9. *Nam si euangelizauero, non est mihi gloria, necessitas enim mihi incumbit. Vnde mihi, si non euangelizauero.* Vbi tamen legislator fidelis, & legis custos, talia volunt fieri; dico ipsorum esse auctoritatem, secundum iam dictum modum propter assignatas causas seu probationes, tam ex scriptura sacra, quam ex humana, probabilis & necessaria ratione. * *De distributione vero temporalium* (quae beneficia ecclesiastica vocari solent) oportet praescire, quod talia temporalia, vel ordinata sunt per legislatorem, ad sustentandum euangelicos, ministros & reliquas personas miserabiles (de quibus diximus 14. & 15. huius) vel ordinata sunt ad hunc usum, per personam aliquam, aut collegium aliquod singulare. Quod si huiusmodi temporalia ex dono, & legislatoris ordinatione sic statuta fuerint; dico, quod de ipsis distribuendis, auctoritatem cui vult & quando, licite secundum legem diuinam *committere potest*: & ex causa, cum voluerit, auctoritatem ab eo vel eis, cui vel quibus, personae singulari vel collegio commiserat, *reuocare*: nec posset huius oppositum, sed magis propositum ex scriptura conuinci. Sicut etiam auctoritate *Ambrosii* ex epistola De tradendis basilicis supra monstraui-
mus 14. huius. Nec solum talium temporalium auctoritatem distribuendi, ab eo vel eis cui commiserat, *reuocare potest* licite, secundum legem diuinam legislator fidelis, verum etiam, *vendere aut aliter alienare*, propter rationabilem causam superuenientem, quoniam sua sunt & in ipsius semper potestate de iure: nisi fortasse rem ipsam simpliciter, aut etiam cum dominio in alterius collegii, aut personae singularis transtulerit potestatem. His tamen semper adiiciendo, secundum omnem euentum *fidelem populum lege diuina obligari, si potens fuerit, ad euangelicorum ministrorum sustentationem*, in victu & tegmento decenti, quibus contenti debent esse, vt ex 1.

* De secunda propositione huius capituli. *Propos. explicatio per diuisionem.*

Diuisionis prior pars.

Altera pars.

ad Timotheum ultimo monstratum est. Si vero huiusmodi temporalia statuta fuerint ad pia opera ex dono vel legato personæ, vel personarum singularum, dico talia debere conservari, custodiri, atque distribui, secundum donantis aut legantis intentionem. Quod si quis *error*, in distributoribus horum, *correctione indigens* appareat, iuxta donantis vel legantis intentionem, debet error huiusmodi per humanum legislatorem, aut eius auctoritate principantem corrigi. Quinimo id sciens & potens, peccat omittens, quoniam non pertinet hoc, aut fieri debet per collegium aut personam aliam singularem aliquam cuiuscunque conditionis existant, excepto duntaxat, si talium correctio per donatorem aut legatorem alicui personæ vel collegio commissa foret, quorum etiam error si contingeret, tandem corrigi debet per principantem. *Quamvis etiam persona singularis aut collegium, basilicam construere, ibique legis evangelicæ quemquam ministrum statuere nequeat, absque legislatoris concessione*, propter pridem assignatas causas.

Utriusque propositionis confirmatio auctoritate regum Franciæ

Amplius, proposita de ministrorum ecclesiasticorum institutione, ac temporalium seu beneficiorum distributione vel collatione ostendere volo, auctoritate *catholicorum Franciæ regum*, non spernenda, sed potius attendenda. Afferunt enim ipsi de iure (quod etiam de facto usque in præsens tempus volunt & faciunt immutabiliter observari) aliquorum officiorum ecclesiasticorum & temporalium seu beneficiorum ad se sic pertinere auctoritatem institutionis & distributionis, ut à nemine singulari vel collegio mortalium cuiuscunque conditionis existat, in ipsos aut ad ipsos hæc auctoritas deriuetur. Non enim lege diuina prohibitus est legislator aut princeps, ab horum institutione, collatione, seu distributione. Quinimo auctoritas hæc in perfectis fidelium communitatibus ex legislatoris cōcessione deriuata est, si licita fuerit, non subdole usurpata in personas aut collegia sacerdotum. Vnde in legibus *principum Romanorum* statutus est modus forma eligendi seu instituendi episcopos, curatos, decanos, & reliquos ordinandi

& principum Romanorum legibus,

ordinandi templorum ministros, numerus quoque ipsorum determinatus & præfinitus. Hoc enim ad humanum legislatorem & principantem pertinet, ut demonstratum est octauo huius, & 15. primæ. Sic etiam de modo tractandi ecclesiastica temporalia seu beneficia, & actuum contentiosorum inter presbyteros inuicem, & ad quoscunque alios, leges statutæ sunt, contra quas priores Romani antistites, sancti & suæ libertatis conscii, non ignari, minime reclamauerunt, sed illis fuerunt & esse voluerunt, sicut etiam & iuste debuerunt, sponte subiecti. Ut etiam vicesimo primo huius, parte secunda declarabitur amplius, usque in octauam. Vnde vero tanta peruenit aletas, ut sacerdotale collegium non solum legibus & principum seculi consuetudinibus se dicat exemptum, verum etiam super illos, iam se legislatorem constituat, idque pertinaciter asserat & defendat, posterius dicturi sumus. Rursum etiam ex præmissis, nos latere non debet, humanum legislatorem, aut eius auctoritate principantem, ex temporalibus ecclesiasticis, præsertim prouentibus immobilium quæ beneficia diximus, si qua residua fuerint sufficientiæ ministrorum euangelicorum, * talias & collectas suscipere posse licite secundum legem humanam atq; diuinam, pro patriæ defensione, aut captiuorum in fidei obsequium redemptione, vel supportandis oneribus publicis, ac aliis rationabilibus causis, secundum legislatoris fidelis determinationem. Non enim qui talia temporalia, legato vel dono ad alias causas statuit, & alicui vel aliquibus distribuenda commisit, ea potuit cuiquam collegio, vel singulari personæ cum immunitate maioritribuere, quam habuerit dum extiterunt in ipsius potestate. Sed pro tunc nunquam fuerunt à publicis oneribus immunita: ergo nec postquam per donatorem aut institutorem translata fuerint cuiusuis alterius potestatem. Huic autem testatur *Ambrosius* in epistola de tradendis basilicis, cum dixit: *Soluimus quæ sunt Caesaris, Casari: & quæ sunt Dei, Deo. Tributum Casari est, non negatur.* Et rursum eadem: *Si tributum*

quas primi sancti Papa probauerunt: iugue merito peremerunt.

Bona ecclesiastica tributo obnoxia demonstrantur.

* tributum

Propositio

Assumptio

Conclusio,

firmata auctoritate Ambrosii:

petit Imperator, non negamus. Agri ecclesia solvunt tributum. Quod tamen Imperatori negasset, si hoc sibi iure non deberi credidisset, quemadmodum sibi templa negavit, seu sacerdotum institutionem in eis propterea quod Arrianis videbatur favere, etiam contra plebis sententiam, de quo amplius in sequentibus dicturi sumus. Idem dicit Hugo de sancto Victore, tractatu De sacramentis: Inquit enim; Ecclesia licet fructum terrena possessionis in usum accipiat, potestatem tamen exercenda iustitia per ecclesiasticas personas aut iudicia secularia exercere non potest, potest tamen ministros habere, laicas personas, per quos iura & iudicia ad terrenam potestatem pertinentia secundum tenorem legum & debitum iuris terreni exerceantur, sic tamen ut & ipsum quod potestatem habet, à principe terreno se habere cognoscat, & ipsas possessiones nunquam ita à regia potestate elongare posse intelligat, quin si ratio postulaverit & necessitas, & illis ipsa potestas debeat patrocinium: & illi, ipsas possessiones debeant in necessitate obsequium. Sicut enim regalis potestas patrocinium quod debet aliis, non potest non dare, sic ipsa possessio ab ecclesiasticis, &c.

CAPUT XIX.

De origine ac statu primitivae ecclesiae: & unde Papa seu Romanus episcopus, & ecclesia suam illam auctoritatem & primum assumpserit.

Propus capituli.

NUNC autem restat ex propositis intentionibus manifestare ortum & initium, ex quibus iurisdictio coactiva & omnium sacerdotalium institutionum secundariarum, non essentialium vocatarum, ecclesiasticorum quoque temporalium omnium distribuendi potestas in episcopos seu presbyteros aliquos pervenerit: talium quoque potestatum supremam unde sibi Papa Romanus ascribat. Hisque consequenter adiiciendum, cuius aut quorum scripturae sensus

casus dubios interpretari, & interpretatos fidelibus credendos & observandos tradere atque præcipere sit iusta potestas. Supponentibus igitur primum ex determinatis à nobis 15. & 17. primæ. 4. 5. 8. 9. & 10. huius, ad nullum episcopum, aut presbyterum, vel ministrum ecclesiasticum aliquem, in quantum huiusmodi, iurisdictionem aliquam cuiusquam coactivam in hoc seculo pertinere. Rursumque monstratum sufficienter 15. 16. & 17. huius, nullum episcopum aut presbyterum immediata ordinatione Christi, alteri episcopo vel presbytero subesse quantum ad aliquam sacerdotalium potestatum essentialem, aut non essentialem iam dictam, id quoque quod de temporalium ecclesiasticorum distributione iam diximus capitulo præcedenti: sufficienter patere posset insipientibus solutio quæsitōrū, verumtamen ad horum dissolutionem accedere volumus singulariter magis, propter minus introductorum in talibus tarditatem.

Quæsitæ ergo propositæ reddere tentaturis oportebit de ipsis intendere primum quatenus processerunt de facto, & circa ipsorum origines. Deinde vero quantum iuri diuino & humano, ac recte rationi sic facta conformiter se habuerint, aut habere debuerint, quæ etiam his contrarie atque difformiter: ut demum conformia tanquam probanda & observanda; difformia vero velut notiva seculo & fidelium quieti ac licite detestanda & declinanda noscamus. De his autem quantum de facto & iure processerint, principium quærendum est ex canone sacro. De consequentibus vero colligere possumus ex approbatis historiis. Harum autem plurimum ex Isidori codice suprascripto, & demum aliqua recitare, quæ disciplinarum experientia magistra nos docuit. A sacro itaq; canone, tanquam à fonte veritatis quæsitæ, facientes exordium, suscipiemus oraculum Christi, Ioannis 20. quo siquidem sacerdotalem auctoritatem aut clauium potestatem vel vtrumque indifferenter Apostolis tribuit, dum eisdem dixit insufflans; Accipite Spiritum sanctum: quorum remiseritis peccata, remittuntur ei: Huic quoque adicientes

1. Hypothesis
proposito præmissa.

2. hypothesis.

Ex quibus satis
cognosci potest
scopu veritas: ta-
men in rudiorū
gratiam spe-
cialim explicab-
itur:

& qua metho-
do declaratur.

Origo potestas.
eccles. de facto
& iure ex S. le-
teris explica-
tur.

Christus sacer-
dotalem aucto-
ritatem ac po-
testatem Apo-
stoli tribuit &
ubiq; euangelicū
docere iussit.

*Qui paruerunt
Apostolis:*

*& magno fru-
ctu.*

*præcipue Petrum
& Paulus.*

*A quibus Chri-
stiana religio
propagata: a
Paulo, ut præ-
cipue & primo
gentium docto-
re: a Petro, ut
Iudeorum.*

*Qui exemplo
Christi magi-
strati parue-
runt & id alios
docuerunt.*

mandatum eiusdem, quo indifferenter etiam præ-
dicationem euangelicam per vniuersum orbem in-
iunxit eis, cum ad eos Matthæi ultimo dixit: *Euntes
ergo docete omnes gentes*, &c. Quibus siquidem post-
modum immediata sui vocatione adiunxit Paulum
tanquam vas electum, Spiritus sancti videlicet, ut
ex Actuum 9. satis apparet. Hic autem, simul & alii
iam dictum *Christi mandatum exequentes Aposto-
li* (ut ex ipsorum Actibus & Epistolis palam) in Iu-
dæa *primum* nuntiauerunt & docuerunt euange-
lium seu fidem Christianam, ad quam multos etiam
conuerterunt ibidem. *Deinde* vero reuelatione di-
uina & ipsorum ordinatione inuicem ipsorum qui-
dam in Iudæa remansere. Reliqui vero diuisim ad
diuersos se transtulerunt populos, in quibus confi-
denter & constanter prædicantes euangelium, pro-
fecit in personarum vtriusque sexus conuersione,
quantum potuit & Deo placuit vnusquisque, velut
in ipsorum legendis, seu de ipsis approbatis historiis
recitatur, quamuis inter ceteros sua prædicatione
notabiliter profecerint ipsorum duo beati scilicet
Petrus & Paulus. Qui siquidem Paulus, quamuis ex
duodecim non fuerit, à Christo nil minus vocatus &
missus fuit æque immediate ac principaliter, sicut a-
liorum Apostolorum quicumque, quemadmodum
apparet Actuum 9. & ex 2. ad Galatas, cum dictis san-
ctorum exponentium, sufficienter ostensum est 16.
huius. Ab his inquam duobus Apostolis *Petro &
Paulo* primum (quamuis tamen secundum canonis
seriem à Paulo manifestius, & præsertim ad Genti-
les *Augustinus* 14. De ciuitate Dei, capitulo 9.) eccle-
siæ Christianæ deriuatus est ritus: nam & ipse *Paulus*
principalis & primus Apostolus fuit ad gentes,
siue Gentiles, seu præputium, quemadmodum *Pe-
trus* in circumcisionem, ut apparet 2. ad Galatas, &
Romanos 11. Ex *glossa* quoque sanctorum ibidem,
& aliis plerisque scripturæ locis. Hi vero Aposto-
li duo cum reliquis omnibus suum magistrum imi-
tantes, Christum videlicet, sub principum seculi co-
actiua iurisdictione vixerunt, & alios sic viuere do-
cuerunt.

merunt, ut aperte monstratum est quarto huius & quinto. Sic quoque vixerunt ipsorum successores presbyteri seu episcopi, cum suis diaconis, & reliquis ministris evangelicis successorie usque ad tempora *Primi Constantini Romani Imperatoris*, ut ex prædicto *Isidori* codice satis apparet. Ita quod nemo episcoporum per omne tempus illud, in alios episcopos coactiuam iurisdictionem exercuit: quamuis tamen aliarum prouinciarum episcopi plures, in quibus dubitabant, tam de scriptura sacra, quam de ritu ecclesiastico, non audentes se publice congregare, consuluerunt episcopum & ecclesiam fidelium existentem Romæ, propter maiorem ibidem forte fidelium multitudinem, & magis peritiorum, eo quod *studia scientiarum omnium tunc multum Romæ vigeant*. Vnde ipsorum episcopi & sacerdote peritiores, & in talium numero plus ceteris abundabat ipsorum ecclesia. Erant etiam & reuerentiores, tum quia beatus Apostolorum senior, meritis perfectior & reuerentior ibidem tanquam episcopus sedisse legitur, & beatus Paulus similiter, de quo amplius constat, quemadmodum apparuit 6. huius. Tum etiam propter Romanæ urbis principatatem & famositatem ampliorem ad certas mundi prouincias. Vnde etiam prouinciarum aliarum fideles, sufficientia personarum carentes, ad ipsorum ecclesias gubernandas ab episcopo & ecclesia Romana fidelium postulabant personas, sibi ad episcopatum præficiendas, eo quod ecclesia fidelium Romæ personis talibus, ut iam diximus, amplius abundabat. Episcopi vero & ecclesia Romanorum sic requisiti consilium & auxilium, tam circa fidem, quam circa ecclesiasticum ritum & personarum prouisionem indigentibus & requirentibus, charitatiue atque fraterne subueniebant in his, episcopos scilicet eis mittendo (*qui vix inueniebantur acceptare volentes*.) Ordinationes etiam, quas super ecclesiasticum ritum sibi fecerant, aliis communicando prouinciis, & quandoque etiam in aliis prouinciis *attentionem* aut schisma fidelium inter se audientes

Quos episcopi ad Constantinum temp. imitati: nullum sibi in alios episco. imperium vindicantes.

Etsi de controversiis consulerentur ecclesia & episcopus Romanus.

1. ob doctorem copiam:

2 Petri & Pauli ministerii in ea urbe, optinuerunt:

3. Rom. urbis dignitatem.

Eos, reliqui viri docti destituti inde sibi episcopos petierunt:

quia talibus abundat Roma.

Rom. vero episcopi petentibus gratificati sunt:

& ritus ecclesiast. charitate non imperio communicant:

& reliqui
amplexi sunt.

Quemadmodū
Roma suas le-
ges à Græcis:

& Aureliana
academia, à Pa-
risiensi.

Ex qua consuet.
Decreta præscri-
bere toti eccle-
siae de ritibus
eccles. ceperunt
Roma. episcopi
ad temp. Con-
stantini.

Qui primus
Christianus Im-
perator.

Sacerdos prin-
cipum imperio
exemisse vide-
tur: & Papa
quam usurpat
potest. donasse.

charitatiue mouendo. Hæc autem aliarum prouin-
ciarum ecclesiæ grate suscipiebant, vt ex quibusdam
historiis & serie prædicti codicis à *Clemente* Papa,
qui primus ibidem scribitur episcopus Petri vel Pau-
li aut vtriusque successor, vsque ad tempora iam di-
cti Constantini, satis apparet. Hoc etiam modo, vel
consimili quasi, suscepit à Græcis Rom. populus gra-
tuite non coacte *leges quasdam vocatas decem tabu-
larum*, à quibus tanquam ab origine leges reliquæ
Romani populi processerunt. Et tamen constat Ro-
manum populum, Græcis nulla iurisdictione vel
auctoritate subiectum. Sic etiam qui librum hunc in
lucem deduxit, studiosorum vniuersitatem *Aurelia-
ni* degentem vidit, audiuit, & sciuit per suos nuntios
& epistolas requirentem & supplicantem *Parisiensi*
vniuersitati tanquam famosiori & veneratori, pro
ipsius habendis regulis, priuilegiis, atque statutis,
cum tamen Parisiensi vniuersitati, nec ante nec post
esset in auctoritate apostolica vel iurisdictione sub-
iecta. Ex iam dicta vero quasi *consuetudinaria prio-
ritate*, aliarum ecclesiarum consensu spontaneo, Ro-
manorum episcopi secundum ipsorum vltiorem
à principio processum, auctoritatem quandam, *De-
creta*, seu ordinationes constituendi super vniuersa-
lem ecclesiam, quantum ad ecclesiasticum ritum &
actus etiam sacerdotum, & illarum obseruationem
præcipiendi ampliorem sumpserunt vsque ad tem-
pora *Constantini* prædicti: vtrum autem id facere
potuerint Romanorum episcopi sola ipsorum au-
toritate, an aliorum oportuerit ad hæc interuenire
consensum, in sequentibus dicturi sumus. *Constan-
tinus* vero prædictus (vt ex iam dicto codice capi-
tulo de primitiua ecclesia in concilio Niceno narrat
Isidorus, & in edicto domini Constantini Imperato-
ris in scripto pariter continetur) primus fuit Impe-
rator, qui fidem Christi, ministerio beati *Syluestri*
tunc Papæ Romani patenter adeptus est. Et qui sa-
cerdotium à iurisdictione coactiua principum exe-
misse videtur: qui etiam per prædictum edictum,
ecclesiæ Romanæ ac ipsius episcopo similiter tri-
buisse

*buisse videtur auctoritates & potestates super alios episcopos & ecclesias omnes, quas sibi conuenire nunc asserunt aliunde**, vt 19. primæ, parte 8. & 9. supra narrauimus. Cum his quoque iurisdictiones coactiuas super eosdem agros, prædia, & possessiones plurimas cum quarundam etiam prouinciarum seculari dominio, vt palam se offert inspicienti prædictum edictum. Hic etiam vt supra legitur, primus Imperator fuit, qui Christianis concessit licentiam se publice congregandi, templa seu ecclesias construendi, & cuius præcepto *primum concilium Nicenum* existit, congregatum. De quo siquidem cum reliquis quæ facta sunt in processu ecclesiæ ab Apostolorum vsque in præsentia tempora, consequenter in suis locis (quantum proposito nostro conueniet) tangemus & iuducemus historias. Ex ipsis quidem quæ legi diuinæ ac rectæ rationi consona fuerint, recipientes: quæ vero dissona, reiicientes: *qualiter autem & quæ facta sunt se habere tradentes*. Sic itaque definiendorum à sui origine aliququaliter recitato progressu, ad ipsorum determinationem ingredientibus amplius, *Suppositionem cum Apostolo* faciemus indubiam, *fidem catholicam unam esse, non plures*. vnde ad Ephesios 4. *Vnus Dominus, una fides*. Hanc quoque rursum in vnitatem secundum eundem sensum, videlicet credendam & ab omnibus confitendam, vt vbi supra, parum post inquit Apostolus: *Donec occurramus omnes in unitatem fidei, & agnitionem Filii Dei*. Ex quibus quidem per necessitatem inferemus *primum*, quod legis diuinæ, præsertim euangelicæ dubios sensus atque sententias, & si quæ fuerint inter Doctores ipsius contentiones vel controuersie probabiles (quemadmodum quorundam ignorantia vel malignitate aut vtrisque iam euenisse legimus) iuxta Christi & Apostoli prophetiam, expedit terminare. Huic autem per necessitatem assequi monstrabimus, ad solum generale concilium, fidelium omnium, vel eorum, qui omnium fidelium auctoritatem habuerint determinationem hanc tantummodo pertinere. Deinde ostendam, secundum

* Id est, non Imperat. sed Christi dono.

& templa ac publicas ecclesias Christianis concessit: & Nicenum concilium indixit.

Haftenus de facto: sequitur de iure potest. ecclesiæ.

Hypothesis prima: Secunda.

Conclusiones ex iis: deinceps demonstranda.
1. Controuersia de religione dirimenda sunt.

2. Idque à concilio gener. aut in quibus id ab eo mandatum.

3. *Concilium generale a solo fidei legatore, qui nulli sub st, aut eo cui non est sit, indicendum.* legem diuinam & rationem rectam, quod *generale concilium* conuocare, idque si expediat per coactionem potentiam congregare, ad solius humani fidelis legislatoris superiore carentis, auctoritatem pertineat, non autem ad personam aliquam aut collegium aliquod singulare, cuiuscunque dignitatis aut conditionis existant, nisi eidem aut eisdem, per supradictum legislatorem, auctoritas concessa foret.
4. *Ritus eccles. qui omnes pœna metu deum: ut a solo concilio gener. præstribendi.* Amplius ostendam per certitudinem nihil statui posse circa ecclesiasticum ritum & humanos actus, quod omnes homines ad observationem obliget sub aliqua pœna, pro statu præsentis seculi vel venturi, nisi per solum generale concilium seu supremum legislatorem fidelem immediate, aut inde sumpta prius auctoritate. Ex quo etiam monstrabitur consequenter, quod nullus princeps, prouincia vel communitas aliqua, interdici aut excommunicari possit nec debeat per aliquem sacerdotem quicumque sit ille, nisi secundum modum, per supradictum generale concilium ordinatum. Deinde monstrabitur euidenter, ad nullius vnici siue solius episcopi vel alterius vnice singularis personæ aut particularis vnici collegii cuiusquam auctoritatem pertinere, in cunctis mundi ecclesiasticis officiis personas instituere, neque pro eisdem ecclesiastica temporalia, vocata beneficia, distribuere seu conferre: sed auctoritatem hanc, solius esse fundatoris seu donatoris, vel vniuersalis legislatoris fidelis, aut eius vel eorum, cui vel quibus, & secundum quam formam & modum, idem donator aut legislator hanc concesserit potestatem. Deinde vero monstrabitur, quod vnicum episcopum & ecclesiam, quales & quorum auctoritate, aliorum principaliorum siue caput, conueniens est instituere: cuius quidem cum ipsius ecclesia sit insinuare, reliquis omnibus episcopis & ecclesiis eam, quæ per generalia concilia circa ritum ecclesiasticum & alios humanos actus ad communem fidelium utilitatem, tranquillitatem, & quietem ordinata fuerint & appareant ordinanda. Demum vero ex his per necessitatem inferemus, tam determi-
5. *Nullus princeps aut resp. nisi ex gen. concilio iussu excommunicandi.*
6. *Toto orbe eccles. ministros instituere & bona eccles. distribuere non ad vnum eum aut collegium: sed ad datorem aut legatorem pertinet.*
7. *Vna ecclesia cum suo episcopo & quam ac quomodo ceteris præstenda.*
8. *Quæ a concilio gener. decre-*

data circa scripturam & fidem catholicam, quam circa ritum ecclesiasticum, cum reliquis institutis per generale concilium, solius generalis concilii auctoritate, non autem alterius particularis collegii vel personæ singularis alicuius immutari posse, augeri, minui, vel suspendi, aut totaliter reuocari. Ex quibus quidem omnibus ad vniuscuiusque, quasi iensatam notitiam deducetur, *Romanum episcopum aut ipsius ecclesiam vel quemvis alium episcopum aut ecclesiam* (in quantum huiusmodi) *nullam potestatem aut auctoritatem iam dictarum habere*, super reliquos episcopos & ecclesias, diuino vel humano iure, nisi qua sibi simpliciter vel ad tempus concessa fuerit per supradictum concilium generale. Propter quod etiam apparebit, Romanum episcopum aut quemvis alium incongrue, minus debite, ac præter, imo contra scripturarum diuinarum & humanarum demonstrationum sententiam, sibi ascribere, super principem, communitatem aut personam aliquam singularem, *plenitudinem potestatis*. Et quod ab ipsius sibi attributione, idem episcopus & alter quicunque penitus est, etiam per monitionem & coactiuam potestatem, si oporteat, ab humanis legumlatoribus, seu ipsorum auctoritate principantibus, cohibendus.

ta, eiusdem solum auctoritate mutanda aut reuocanda.

Unde constabit Papam aut vltimum alium episcopum nullum habere in vel quos episcopos & ecclesias iure dominum;

Eoque Papam contra ius diuinum & humanum Pleni iudicium potestatis in principes & respub. ascribere.

C A P V T X I X.

Quibus scriptis aut sacrarum literarum interpretationibus ad salutem necessario credendum.

ANTÈ vero quam ad demonstranda proposita procedamus, oportet attendere perutile quiddam, quinimo necessarium, ad eorum omnium certitudinem quæ insequentibus dicturi sumus. Est autem hoc, quod nullam scripturam irreuocabiliter veram credere vel fateri tenemur de necessitate salutis æternæ, nisi eas, quæ canonice appellantur; vel

Conclusionum probationis hypotheseos præmittit & confirmat. Prima bimensuris: S. literis semper fides adhibenda: & quodam solus.

Secunda. eis quæ ad has ex necessitate sequuntur: aut scripturarum sacrarum sensum dubium habentium, eis interpretationibus seu determinationibus, quæ per generale fidelium seu catholicorum concilium essent factæ, in his præsertim, in quibus error damnationem æternam induceret, quales sunt articuli fidei Christianæ.

De prioris hypotheseos prima parte.

Secunda hypothesis

ratio:

*que firmatur
primum aucto-
ritate S. litera-
rum:*

prima:

*à Rabano ex-
plicata:*

altera:

Quod autem sacris scripturis firma sit veritatis præstanda credulitas, & confessio, per se notum supponitur omnibus Christianis, quod quia probari nõ posset aliter quam ipsarum auctoritatibus, series prætermisi propter abbreviationem. Quod vero ipsarum interpretationibus sic factis, ut diximus, eadem sit præstanda credulitas, satis apparet: quoniam ab eodem Spiritu nobis reuelatas, pie tenendum videtur. Quod etiam ex scriptura, & in ipsa infallibili deductione firmata, ostendere possumus. *Ex scriptura* quidem, dicente veritate Matthæi 28. & ultimo. *Et ecce ego vobiscum sum omnibus diebus, usque ad seculi consummationem.* Vbi Rabanus, *Ex hoc intelligitur quod usque in finem seculi non sunt defuturi in mundo, qui diuina mansione & in habitatione sunt digni.* Quibus scilicet, ad fidei conseruationem Spiritum sanctum pie tenendum est semper adesse, vnde Hieronymus: *Qui ergo usque ad consummationem seculi cum discipulis se esse promittit, & illos ostendit semper esse victuros, & se nunquam à credentibus recessurum.* Idem aperte conuincitur ex Actuum 15. ostendente Apostolorum & fidelium congregatione, post ambiguitatis illius determinationem. *Visum est enim Spiritui sancto & nobis.* Asseruerunt enim & asserit scriptura ipsorum determinationem, in dubietate illa circa fidem, factam esse à Spiritu sancto. Cum igitur fidelium congregatio seu concilium generale per successionem, vere repræsentet congregationem Apostolorum & seniorum ac reliquorum tunc fidelium, in determinandis scripturæ sensibus dubiis, in quibus periculum maxime æternæ damnationis induceret error verisimile, quinimo certum est, deliberationi vniuersalis concilii, Spiritus sancti

sancti dirigentis & reuelantis adesse virtutem. Hoc *deinde ratione*
ex S. literis de-
ducta.
Alia doctrina
esset inutilis ad
salutem.
 etiam deductione infallibili ex scriptura vim sumen-
 te, patere potest. Quoniam frustra dedisset Christus
 legem salutis æternæ, si eius verum intellectum, &
 quem credere fidelibus est necessarium ad salutem,
 non aperiret eisdem hunc quærentibus, & pro ipso
 inuocantibus simul, sed circa ipsum fidelium plura-
 litatem errare sineret. Quinimo talis lex non solum
 ad salutem foret inutilis, sed in hominum æternam
 perniciem tradita videretur. Et ideo pie tenendum,
 determinationes consiliorum generalium in sensi-
 bus scripturæ dubiis à Spiritu sancto, suæ veritatis
 originem sumere: ab humano vero legislatore (vt
 in sequentibus ostendetur) suæ obseruationis in con-
 fessione, auctoritatem coactiuam: promulgationem
 vero atque doctrinam earum à sacerdotibus & eu-
 angelicis ministris, horum vero maxime ab eo, quem
 ad hoc principalem statuerit fidelis legislator huma-
 nus superiore carens, aut consilium generale. Quod
 autem scripturis aliis, quæ scilicet humano spiritu
 reuelatæ sunt & traditæ, nemo certam credulitatem
 aut veritatis cōfessionem præbere teneatur, apparet.
 Quoniam nulli scripturæ falsum significare poten-
 ti, tenetur quis firmiter credere, aut ipsam tanquam
 veram simpliciter confiteri. Hoc autem patiuntur
 scripturæ innitentes humanæ inuentioni singularis
 personæ aut collegii partialis. Possunt enim à veri-
 tate deficere, vt experientia palam, & habetur Psal-
 mo 115. *Ego autem dixi in excessu meo, omnis homo*
mendax. Scripturæ vero canonicæ non sic, quia non
 sunt ab humana inuentione, sed immediata Dei tra-
 ditæ inspiratione, qui nec falli potest, nec fallere
 vult. Hanc autem quam diximus sententiam
 differentiam humanarum & diuinarum scriptura-
 rum, aperte confirmat Augustinus 13. epistolarum ad
 Hieronymum, cum dixit: *Ego enim fateor charita-*
ti tuæ: solum enim scripturarum libris, quæ iam cano-
nica appellantur, didici hunc honorem timoremque
deferre, vt nullum earum auctorem, scribendo aliquid
errasse, firmissime credam. Ac si aliquid in eis offera-

imo perniciofa.

Prioris hypo-
theseos pars al-
tera repetitur,

& probatur.
Propositio,

Assumptio: un-
de differentia
sacrarum lite-
rarum & hu-
manarum per-
spicitur:

et eiusq. illustra-
tio ex Augu-
stino:

tur literis, quod videatur contrarium veritati, nihil aliud, quam vel mendosum esse codicem, vel interpretem non assecutum esse quod dictum est, vel me minime intellexisse, non ambigam. Alios autem ita lego, ut quantacunque sanctitate doctrinaque prepolleant, non ideo verum putem, quia ipsi ita senserunt: sed quia mihi, vel per illos auctores canonicos vel probabili ratione, quod à vero non aberret, persuadere potuerunt.

* Augustini
iudiciū de
libris.

Hoc idem replicat & admonet in prologo tertii de Trinitate, cum dixit: * Noli (lector scilicet) meis literis quasi scripturis canonis inservire, sed in illis (id est, canonicis) & quod non credis, cum inueneris, incunctanter crede: in istis autem quod certum non habeas, nisi certum intellexeris, noli firmiter tenere. Idem quoque dixit in epistola ad Fortunatianum, & aliis plerisque libris, quorum series omisi propter abbreviationem.

* Hieronymo.

In quoque videtur sensisse Hieronymus, in expositione catholicæ fidei, cum dixit: Nouum & vetus testamentum recipimus in eo librorum numero, quem sanctæ catholicæ ecclesiæ tradidit auctoritas. Intellexit ergo beatus Augustinus per canonicas scripturas, eas solas, quæ in volumine Bibliæ continentur, non quidem Decretales aut Decreta Romani Pontificis, & suorum collegii clericorum, quos Cardinales appel-

Quid Canonica
scriptura Au-
gustino.

Decretales non
sunt Canonicae.

Ratio a defini-
tione Canonu.

lant: neque alia quæ vis humana statuta, de humanis actibus aut contentionibus, & humano spiritu adiuuenta. Canon enim regula est & mensura: mensura vero, quoniam certa, quod solius diuinæ scripturæ inter ceteras proprium est, ut ex Augustino indu-

& exemplo
Augustini.

ximus pridem. Ideoque Augustinus idem scripturas proprias à canonicis separauit; nec ipse qui tantæ fuit sanctitatis, auctoritatis & scientiæ, suas traditiones, canonicas appellare præsumpsit. Hoc enim impiū est, & sacrilegiū modus quidam, quoniam in humana traditione dicta vel scripta, error & falsum contingere potest: quod in canone secundum veritatem dicto aut eiusmodi, quam per generale concilium canonicæ scripturæ interpretationem factam diximus, nullatenus euenire contingit. Propter quod etiam ex concilio Carthaginensi tertio prohibitum reperitur

& Carthaginē-
sis concilii au-
thoritate.

tur

per rationabiliter valde, ne sub nomine harum, canonicarum scilicet, alia quavis scriptura legantur. Vnde legitur ibidem, & in Isidori predicto codice continetur series hæc: *Item placuit, ut præter scripturas canonicas nihil in ecclesia legatur sub nomine diuinarum scripturarum. Sunt autem canonica scriptura, Genesis & cetera, quæ de volumine Biblia numerantur ibidem.* * Nec obstat his, quod dicit Augustinus contra Manichæos in epistola fundamenti, inquit enim ibi: *Ego vero non crederem euangelio, nisi me catholica ecclesia commoueret auctoritas*, in quo humanam auctoritatem præferre videtur auctoritati scripturæ. Semper enim * propter quod vnumquodque est, & illud magis. * Nos autem dicamus, quod aliud est credere sermonem aut scripturam aliquam esse traditionem alicuius, seu ab aliquo factam: & aliud est credere illa esse veram, vtilem vel nociuam, obseruandam, aut omittendam. Vnum quidem enim horum recipere potest quis ex hominum testimonio absque secundo: & econuerso: & utrumque similiter quandoque. Velut oblatam & sibi præsentem scripturam aliquam, *credet quis esse patriam legem* ab incolarum communi testimonio, quam tamen esse veram, obseruandam, & non transgrediendam addiscere potest signo sensibili aliquo, vt pœna quam illius transgressoribus infligi vidit sua ratiocinatione recta, præter hominum persuasionem aut dictum. Sic etiam econuerso, videns aliquem hominem librum aut domum construere, vel alterum aliquid, credet ex se absque hominum testimonio, librum aut domum ab hoc esse constructum. Quod autem in libro contenta sint vera vel falsa, vtilia vel nociua, prosequenda vel fugienda, ab hominum, præsertim fide dignorum testimonio credere potest. Rursum & utrumque quandoque ab hominum testimonio suscipere potest quis, vt quod hic sit Hippocratis liber atq; doctrina, credet qui nunquam viderit Hippocratem ab hominum testimonio. Quod aut in eo cōtenta seu scripta sint vera vel falsa, seruanda vel omittenda propter sanitatem conseruandam,

* Occupatio obiecti auctoris & testimonio Augustini. Non crederem euangelio. &c.

* Arist. i post. ana yt.

* Responso. i. distinctione vocis credere.

qua exemplis illustratur.

& ad S. literas
accommoda-
tur.

& ægritudinem declinandam, suscipiet idem à testi-
monio peritorum. *Eodem quoque vel quasi confi-*
mili modo scripturam aliquam in *Biblia* contentam,
Dei credere traditionem, seu legem à Christo editam
esse vel dictam, potest accipere quis ex fidelium com-
muni testimonio seu ecclesiæ catholicæ, qui tamen
nec Christum vidit nec audiuit, aut alio exteriori
sensu percepit: Hanc tamen scripturam *veram esse*
vel observandam, credet ex fide vel signo aliquo sen-
sibili, puta miraculo, absque testimonio cuiusquam:
quemadmodum Paulus, qui legem quā persequabatur
prius, Christi fuisse doctrinam credebatur ex prædican-
tium quos persequatur testimonio, nec eam pro-
pterea verum continere credebatur. Credidit autem
postmodum veram esse: primum ex sensibili mira-
culo, consequenter ex fide quam habuit. Similiter
autem & *utrumque* quandoque susceptum est ab
humano testimonio, ut hanc scripturam esse legem
à Christo traditam & latam, in ipsa quoque conten-
ta vera esse, ac observanda propter æternam salutem
consequendam, & miseriam fugiendam, creditur &
creditum est à multis, qui nec Christum viderunt,
aut exteriori sensu cognouerunt, nec unquam mira-
culum seu signum de hoc sensibile perceperunt.

e. *Distinctionis*
ad locum Au-
gustini applica-
tio eiusque ex-
plicatio prima:

Secunda.
Prior magis cō-
uenit cū Paulo.
Nam S. litera
nō sunt vera te-
stimonio eccle-
sia: sed contra.

Quod ergo dicit beatus *Augustinus: Non crederem*
euangelio, &c. potest secundum prædicta *duplicem*
sensum habere. unum quidem, quia scripturam il-
lam credidit euangelium esse, id est, Christi traditio-
nem ex testimonio ecclesiæ catholicæ siue vniuersa-
lis, quamuis hanc scripturam seu euangelium verum
continere principalius crediderit ex miraculo for-
tasse, vel reuelatione aliqua, vel ex fide, qua Chri-
stum credidit esse verum Deum, & per consequens
omnem eius traditionem esse veram atque seruandam.
Alium vero sensum possunt habere Augustini
verba prædicta, ut quod utrumque testimonio ca-
tholicæ ecclesiæ primum accepit & credidit. Licet
primus sensus sententiæ Apostoli ad Galatas 1. ma-
gis conuenire videatur. *Non enim dicta Christi siue*
Dei vera sunt casualiter, eo quod eisdem testificetur
ecclesia

ecclesia catholica vero testimonio: sed testimonium ecclesie *causaliter verum est*, dum dicit dicta Christi vera, propter veritatem dictorum Christi. Vnde Apostolus ubi supra. *Sed licet nos aut angelus de celo euangelizet vobis praterquam quod euangelizauimus vobis, anathema sit.* Et consimiliter intelligendum, quod etiam si tota ecclesia aliud euangelizasset, id est, contrarium, illud non fuisset verum. Et causa est, quia sibi constabat, illud euangelium esse Christi dictum, seu reuelationem, in qua falsitas esse non poterat, quamuis *ex necessitate consequentia* & à posteriori bene sequatur; Ecclesia catholica dixit hanc orationem, Deus est trinus in personis, esse veram, ergo est vera: vel de quouis alio Christi dicto siue præcepto, quod dicat esse seruandum: eo quod dicta ecclesie catholice in his quæ circa fidem vertuntur, à Spiritu sancto immediate reuelata fore, pie tenendū est, vt apparuit ex præmissis. Et ideo secundum quemuis sensum, exponantur Augustini verba proposita, nō aduersantur sententiæ quam diximus, quoniam dictis ecclesie de his quæ circa fidem sunt credere, magis est credere Spiritui sancto, quam homini. Dicit autem *Augustinus* pro tanto se credere euangelio propter ecclesie catholice auctoritatem, quia suæ credulitatis initium inde sumpsit, quam Spiritu sancto dirigi nouit. Fides enim quandoque incipit ex auditu. *Voco autem catholicam ecclesiam eam, quæ propriissime atque verissime dicitur ecclesia secundum vltimam significationem ecclesie, dictam secundo huius.*

Teste Pauli.

Verum quocumque modo August. verba accipiantur, proposito non repugnant.

CAPVT XX.

Controuersias de religione, non Papa; sed concilii auctoritate dirimendas. Quinam, & quò ad concilium conuocandi; quodque singulorum in eo officium.

His itaque sic præmissis, concludenda iam proposita re, umentes, ostendere volumus, quod dubios

Conclus. propositas confirmat.

*a. Conclusionis
repetitio.*

*omnisque demon-
strationis propo-
sitis :*

Assumptio.

*firmata exem-
pli controuer-
siarum Arria-
nae sectae.*

*et reliquarum.
Macedonii Eu-
tycheta, Nesto-
rii, &c.*

*Ad quas diui-
dicandas & op-
primendas qua-
tuor concilia
conuocata.*

*Has autem con-
trouerfias pra-
dixerunt Chri-
stus & Paulus.*

*c. Conclusionis
repetitio, & de-
claratio.*

fensus siue sententias scripturae sacrae iam exortas
aut orituras, cum ortae fuerint, praesertim circa fidei
articulos, praeepta & prohibita, sit expediens & ne-
cessarium terminare. Quoniam expediens est, quin-
imo necessarium sine quo fidei unitas minime sal-
uaretur, error & schisma contingeret circa fidem in-
ter Christi fideles. Hoc autem est determinatio du-
biarum, & quandoque contrariarum sententiarum
Doctorum quorundam circa legem diuinam. In hac
enim opinionum diuersitate aut contrarietate, di-
uersas sectas inducerent, schismata & errores, sicut
ex iam dicto Isidori codice capitulo intitulo, *Incipi-
t praefatio Niceni concilii*, recitatur. Quodam enim
Alexandrino presbytero, Arrio nominato, Chri-
stum sic Dei fidelium esse dicente, ut ipsum existi-
maret pure creaturam existere, & per consequens
Patre Deo inaequalem atque minorem. Huius er-
roris, diuulgatione, numerosa multitudo Christia-
norum labefacta fuit, fuissetque amplior, nec ab er-
rore reuocata, nisi verus in hoc scripturae sensus a fal-
so determinatus fuisset. Sic quoque in Spiritum san-
ctum, & circa personae ac essentiae unitatem & plura-
litatem in Christo, insanas quida protulere senten-
tias: propter quarum discretionem a veris & ipsa-
rum reprobationem ac damnationem conuocatae
ac congregatae sunt *quatuor prima Synodi, Nicena,
Constantinopolitana, Ephesina, & Chalcedonensis.*
Has etenim controuerfias inter ecclesiae Christianae
Doctores, veros aut simulatos fideles, propheta-
uit Christus, Lucae 21. & Apostolus 1. ad Timo-
theum 4. & secundae ad eundem tertio, quorum se-
ries praetermisi propter ipsarum notitiam, & abbre-
uiationem sermonis. *Huic consequenter ostendo,*
quod huius determinationis auctoritas principalis,
mediata vel immediata solius sit generalis concilii
Christianorum, aut valentioris partis ipsorum vel
eorum quibus ab vniuersitate fidelium Christiano-
rum auctoritas haec concessa fuerit: sic videlicet, ut o-
mnes mundi prouinciae seu communitates notabi-
les secundum sui legislatoris humani determina-
tionem.

tionem, siue vnici siue pluris; & secundum ipsarum proportionem in quantitate ac qualitate personarum *viros eligant fideles*, presbyteros primum, & non *Quinam ad cibum vocandi;* presbyteros consequenter, idoneos tamen, vt vita probatiores, & in lege diuina peritiores, qui tanquam iudices secundum iudicis significationem primam, vicem vniuersitatis fidelium repræsentantes, iam dicta sibi per vniuersitates auctoritate concessa, conueniant, *ad certum orbis locum*, conuenientiore tamen secundum plurimæ partis ipsorum determinationem, vel suorum legislatorum, *in quo simul ea & quæ in eo quæ circa legem diuinam apparuerint dubia, vtilia, & necessaria terminari, definient: & reliqua circa ritum ecclesiasticum seu cultū diuinum, quæ futura sint etiam ad quietem & tranquillitatem fidelium, habeant ordinare.* Otiose namque ac inutiliter ad congregationem hanc conueniret multitudo fidelium imperita, inutiliter autem, quoniam *Cur indocti ab eo arcendi.* turbaretur ab operibus necessariis ad vitæ corporalis sustentationem, quod onerosum ei esset, aut importabile forte. Quamuis ad hanc congregationem, *Cur sacerdotes interesse debeant:* *fideles omnes* obligentur lege diuina propter finem prædictum; licet diuersimode: *sacerdotes* quidem enim, eo quod ipsorum officium sit legem docere secundum ipsius verum sensum, & ea procurare quæ ad ipsius synceritatem proficere possint, errores contrarios reprobare, ab ipsis quoque suis exhortationibus, arguitionibus, & increpationibus homines reuocare. Vnde Matthæi vltimo, ad sacerdotes omnes in persona tantum Apostolorum ait veritas: *Euntes docete omnes gentes.* propter quod in persona omnium Apostolorum loquens Apostolus 1. ad Corinthios 9. dicebat: *Necessitas mihi incumbit, ut mihi si non euangelizauero.* Obligantur autem sacerdotibus consequenter, amplius reliqua multitudo, qui periti fuerint in lege diuina: debent enim his aliquos excitare & conuenire cum sacerdotibus, præsertim si sufficienter ad hæc requisiti fuerint vel mandati. *Quoniam scienti bonum facere, & non facienti, peccatum est illi, vt scribitur Iacobi quarto,*

Pro reliquis etiam definiendis extra legem diuinam, quæ sunt ad fidelium communem vtilitatem & pacem, interesse possunt & debent concilio, qui ad hoc statuti fuerint per humanum legislatorem fidelem.

*Legislatores:
& quod horum
officium.*

*Probatio con-
clusionis,*

*primū ex præ-
cedentibus de-
monstrationi-
bus,*

*quæ huic rei
accommoda-
tissime.*

*Deinde Apo-
stolorū seu pri-
mi Christiani
concilii ex-
emplo.*

*Præterea a fi-
gno & usu re-
liquorum.*

Legislatores vero ad hoc etiam obligantur, eligendo personas idoneas ad concilium integrandum, eisq; de necessariis temporalibus prouidendum: & venire recusantes, ad hoc tamen idoneos & electos, tam sacerdotes quam non sacerdotes, propter vtilitatem publicam, si oportuerit, cōpellendum. Quod autem solius generalis iā dicti cōcilii sit auctoritas prædicta definiendi & ordinandi secundum dictum modum, nullius vero alterius personæ singularis, aut alterius particularis collegii, consimilibus demonstrationibus & scripturæ sacræ auctoritatibus conuinci potest, qualibus legumlationem & officiorum ecclesiasticorum institutionem secundariam, 12. primæ, & 17. huius monstrauius pertinere, sola demonstrationum minori extremitate mutata, vt videlicet circa legem diuinam determinanda seu definienda dubia cum reliquis circa ritum ecclesiasticum, siue cultum diuinum ac fidelium pacem & vnitatem ordinandis assumantur, pro termino legis aut officiorum ecclesiasticorum secundariæ institutionis. Tanto ampliori necessitate attendenda in his, quanto de lege seu fide tenenda, & his quæ omnibus fidelibus proficere vel nocere possunt, discretio & cura diligentior est habenda. Sic namque fecerunt Apostolicum senioribus, de his quæ dubia circa euangelium occurrerunt, vt apparet Actuum 15. & seriose induximus 16. huius. Non enim dubium illud de circumcisione *beatus Petrus* aut alter Apostolus, seorsum aut singulariter definiuit, sed conuenerunt super his omnes Apostoli & seniores siue peritiores in lege. *Signum* autem verum esse quod diximus, est, quoniam & conciliis principalibus in definiendis scripturæ dubiis, aderant *Imperatores & Imperatrices* fideles cum suis officialibus (vt ex *Isidori* sæpe dicto codice satis apparet, vbi sequenti capitulo, induximus ipsum à secunda in octauam) quamuis eo

tem-

tempore non tanta vocaret necessitas, * non sacerdotum præsentiam, quanta moderno, propter instantium sacerdotum & episcoporum turbam maiorem, diuina legis, quantum oporteret, ignoram. Vnde sacerdotibus inuicem dissidentibus de credendis ad salutem æternam, de ipsorum saniori parte, fidelium pars valentior habet iudicare, quamuis ipsis omnibus concordantibus, credendum sit in prædictis, sic tamen promotis ad ordines, quemadmodum diximus 17. huius. Propter quod etiam ostendere volorursum determinationem hanc nullatenus ad solum Romanum episcopum pertinere, neque ad ipsum etiam cum solo Cardinalium cœtu, & consequenter ex hoc, quod ad nullum episcopum alium vnicum siue solum, siue ipsum, & aliud aliquod particulare collegium. Esto namque (sicut euenire contingit) hæreticum aliquem ad Rom. Pontificem assumi, vel postquam assumptus fuerit, si non antea, in hanc cadere labem, ignorantia vel malitia, vel vtriusque: quales iam quidem assumpti leguntur, videlicet *Libertinus natiuitate Romanus*. Siquidem solus hic Pontifex, aut cum solo suo cœtu Cardinalium (quos sui complices erroris verisimiliter fore continget, quia sibi quales vult absque cuiusquam determinatione assumit, & se dicit assumere posse) aliquid determinauerit circa dubiam aliquam scripturæ sententiam: nunquid huius episcopi aut eius & sui solius collegii sententiæ standum erit, qui forte ignorantia vel malitia cupiditate aut ambitione vel alia quauis erunt affectione sinistra seducti? De quo ne longe petatur exemplum, id contigisse videmus *cuidam Papa Romano*. Ipse enim per se singulariter, aut cum solo suorum Cardinalium cœtu, ne summam Christi paupertatem & perfectionis statum deserere videretur, cum hoc volens temporalia etiam immobilia in suo vendicandi retinere dominio & seculariter principari, edictum emisit circa summæ paupertatis siue perfectionis statum, cuius sententia per falsam interpretationem Christi euangelio contradicit, sicut patam ostendimus 13. & 14. huius. Propter quod soli

* id est, Laicorum vt vocant.

In sacerdotum dissensione potior fidelium pars iudicare debet.

Eoque ad Papam & Cardin. non vertinet summum de relig. controuersiarum iudicium.

Nam hæreticum esse possit.

ut Papa Libertinus Roma nati exemplum docet.

& Ioannis 21. Papa: quare vide Chronicum Paineriti.

Deinde si eadem auctoritas Papa, quæ concilii: omnia regna eius imperio subiceretur.

Nam id Bonifacius octauus sua epistola decreuit.

Cui tanquam verissima & immutabilis fides adhibenda foret & parendum.

At vero & falsissima est & reip. perniciosissima.

Quod Papa Clementi quum decreto demonstratur.

cuius episcopo aut sibi & suo soli collegio clericorum hac auctoritate concessa fidelium vniuersitas naufragii circa fidem periculo subiacebit, vt ex iam dictis atque dicendis compositæ mentis quilibet intelligere potest. Amplius si solius Romani Papæ, aut alterius cuiusuis solius episcopi, quemadmodum dictum est, talis esset auctoritas: vel si (secundum Isidorum prædicto codice capitulo, cui titulus, *Præfatio Isidori in sequenti opere*) epistolæ siue decreta Romani Pontificis æqualia, vel non imparia forent auctoritate, his, quæ determinata & definita sunt per concilium generale, omnes seculi principatus omnia regna & mundi prouinciæ ac personæ singulares cuiuscunque dignitatis, præminentia, vel conditionis existant, antistiti Romano primo forent coactiua iurisdictione subiecti. Decreuit enim hoc *Octauus Bonifacius Papa Romanus*, per ipsius epistolam siue decretum quoddam, cuius initium: *Vnam sanctam catholicam ecclesiam*: eius vero finis: *Porro subesse Romani Pontifici omnem humanam creaturam, declaramus, dicimus, & definimus omnino esse de necessitate salutis*. Cum igitur semel determinata circa scripturam per concilium generale rite vocatum, congregatum, & secundum formam debitam celebratum, & consummatum, præsertim quæ ad salutem æternam vera credere necessarium sit, immutabilis & infallibilis veritatis existant, quemadmodum demonstratum est circa principium 19. huius. Obtereret igitur epistola hac Bonifaciana certam & indubiam ac irreuocabilem veritatem. Nunc autem eam ab initio nunc & semper constat esse falsam, erroneam, cunctisque ciuilibus viuentibus præiudicialissimam omnium excogibilium falsorum, sicut indubie demonstratum est quarto, quinto, & nono huius. Quam etiam falsam esse, ac dictum Isidori (nisi fortassis illud pia interpretatione iuuetur) manifeste demonstrat *Quinti Clementis*, successoris eiusdem Bonifacii epistola siue decretum, cuius initium: *Meruit charissimi filii nostri Philippi regis Francorum illustris*; eius vero finis: *Tanquam tam ad ecclesiam, quam*

quam etiam quo ad regem & regnum superius nominatos. Hæc enim dictus *Clemens* exprimit definiendo *Bonifacianam epistolam*, in nullo præiudicare regi aut regno prædicto. Cum ergo nec rex prædictus, nec illius successor aliquis vel regnicola suus quisquam, iuxta dicti *Clementis* conscientiam, ac omnium Christianorum scientiam, verum crediderint, aut credituri fuerint, sed falsum apertum esse, quod continet epistola supradicta in eo articulo, quo cunctos sibi subiicit principatus & regna, per necessitatem, sequitur quod credere id, non sit de necessitate salutis. Nam si sic, præiudiciale foret utique non credenti. Amplius consideranti, videbuntur tales epistolæ siue decreta insanix quædam. Nam ea quæ *Bonifacii* verum continente, ad ipsius credulitatem omnes mundi principes & populos obligat, ea vero quæ *Clementis*, non omnes: quoniam ab hac credulitate *Francorum princeps* cum suis regnicolis solus eximitur. Sunt igitur aliqua de necessitate salutis, auctoritate scripturæ quibusdam credenda, quibusdam vero minime. Non ergo vnus Dominus, nec vna fides, nec Christo in vnitæ fidei, omnes tenentur occurrere, cuius oppositum dicit aperte *Doct̃or gentium ad Ephesios 4.*

Est rursum interrogandum *Clementi*, secundum quem sanum intellectum ex sua fide mereri potuit *Francorum rex*, cum populis sibi subiectis, non obligari credere, quæ credenda sunt de necessitate salutis. Aut igitur ex fide meruerunt heretici & infideles fieri, aut epistola *Bonifaciana* continet apertum mendacium, & sic ista quæ à veritate non veniunt, plerumque etiam nullo impellente, se ipsa subuertunt, vt dicit *Augustinus 7. De ciuitate Dei, capitulo 16.*

Amplius dignum est admirari ceteros reges & populos, ipsisque conuenienter quærendum, quis locus aut sensus scripturæ, ipsos præter *Francorum regem* constituat Romano Papæ iurisdictione subiectos, curve illud vnus reliquo magis ad suæ salutis necessitatem credere teneatur? Hoc enim, velut figmento simile, multa fuit & est irrisione dignum: &

unde Bonifacii decreti falsitas conuincitur:

etiam & Clementi sibi mutuo & literis repugnantium insaniam præiudicantem

Tertio

*Doctos præter
sacerdotes etiã
ad concilium
conuocandos
probatum.*

*Primum au-
thoritatem Isidori.*

*Exemplo A-
postolorum.
Ad Constantini
usque tempora
sacerdotes, quia
soli fere erant
religionis pe-
riti.*

*fere soli ad re-
lig. controuers.
dirimendas cõ-
ueniebant.*

*nunc vero ob
plurimum igno-
rantiam (qui
malis artibus
sacerdotum aut
episcopatum in-
uaserunt.)*

** Oraculum
hoc zuo!*

ex talia proferentium ambitione, ac principandi se-
culariter ardore, ac supradicti *Francorum regis illu-
strissimi terrore procedens*. Quod autem prædiximus,
generale concilium etiam per non sacerdotes inte-
grari posse, deliberandis quoque per concilium con-
uenienter vna cum sacerdotibus suum apposituri &
interposituri decretum, suadebimus *primum ex Isi-
dori prædicto codice, capitulo, cui titulus, Incipiunt
Canones*, id est, regulæ ecclesiasticæ. Continetur e-
nim in eo inter cetera series hæc. *Deinde ingredian-
tur laici, qui electione concilii interesse meruerunt*.
Multo magis igitur qui fuerint literati, & in lege di-
uina periti, quamquam non sacerdotes existant. Sic
enim fecerunt Apostoli cum senioribus, vt pridem
induximus. Vnde oportet attendere, quod ecclesia
primitiua & antiquis temporibus, præsertim ante
tempora Constantini soli sacerdotes & quasi omnes
erant, sicut soli tenentur, & esse debent, *legis diuina
Doctores*, iuxta illud Malachiæ 2. *Labia sacerdotis
custodiunt scientiam & legem* (diuinam scilicet) *re-
quirent ex ore eius*. Vnde etiam Apostolus 1. ad Ti-
moth. 3. & ad Titum 1. *Oportet episcopum* (id est, sa-
cerdotem) *doctorem esse, amplectentem eum qui se-
cundum doctrinam est, fidelem sermonem, vt potens sit
exhortari in doctrina sana, & eos qui contradicunt,
arguere*. Propter quod soli tales existentes sacerdo-
tes, ad difficilia vel dubia circa scripturam & fidem
interpretanda & definienda, quasi soli conuenire so-
lebant. Nunc vero propter ecclesiastici regiminis
corruptionem, plurima pars sacerdotum & episco-
porum in sacra scriptura periti sunt parum, & (si di-
cere liceat) insufficienter, eo quod temporalia bene-
ficioꝝ, quæ assequuntur officiis ambiciosi, cupidi,
& causidici quidam obtinere volunt & obtinent ob-
sequio prece vel pretio, vel seculari potentia. * *Et Deo
teste ac fidelium multitudine, sacerdotes plurimos, ab-
bates & ecclesiasticos prelatos quosdam me vidiſſe ac
audiuisse memini adeo diminutos, vt etiam nec gram-
matica congruum scirent proferre sermonem*. Et quod
amplius horrendum est, in ecclesiastico ritu sciui &
vidi

vidi hominem citra vigesimum ætatis suæ annum
 diuinæ legis ignarum quasi penitus, cui tamen in fa-
 mosa & populosa ciuitate commissæ est episcopalis
 cura, eo nō solum sacerdotali ordine carenti, verum
 etiam diaconatus & subdiaconatus exorti. Quod *indulgento*
quidam asseruit se licite posse: hoc etiam & quasi *Papa*
 consimile inconueniens de facto persæpe faciens,
 propter potentum fauorem sibi quærendum. Qui
 (super ecclesiasticorum officiorum institutionem,
 & beneficiorum distributionem) Romanus episco-
 pus habere se dicit, velut Christi vicarium *Plenitudi-*
nem potestatis. A quo si quidem conuenienter inter- *inepti sunt ad*
 rogandum, cur talis episcoporum & sacerdotum in *concilium*.
 generali concilio congregabitur turba? Et qualiter
 in dubiis circa scripturas determinare nouerit veros
 sensus à falsis? Propter quod in horum defectum,
 non sacerdotes approbatos fideles, iuxta fidelis legis- *Eoque S. liter.*
 latoris determinationem scripturæ sacræ doctos suf- *periti & vita*
 ficienter, vita & moribus etiam talibus episcopis & *talibus episcopis*
 sacerdotibus præpollentes, perutile, quinimo neces- *& sacerdot. mo-*
 sarium, legi diuinæ, ac rectæ rationi consonum est *liores concilio*
 tali concilio interesse, ipsorumque deliberatione *adhibendi*
 cum reliquis, dubia circa fidem & quæsitæ cetera *sunt.*
 definiri.

C A P V T X X I.

*Cuius sit concilium generale cogere: & qui
 decreta illius violarint, punire: deinde
 ritus ecclesiasticos pro imperio præscri-
 bere: principes præterea aut populū ex-
 communicare aut à sacris arcere: ad-
 hac bona ecclesiastica, vel decimas, di-
 sciplinarum gradus (ut vocant) & ti-
 tulos pro arbitrio conferre: deniq, quos-
 dam in sanctorum numerum referre.*

N V N C autem ostendere volo, ad solius humani
 legislatoris fidelis superiore carentis, auctori- *3. Conclusio*
 repetitio, cuius

duae partes: prima, legislatoris est gen. concilium conuocare: & multos eo cogere. tatem pertinere, aut eius vel eorum, cui vel quibus per iam dictum legislatorem potestas hæc commissæ fuerit generale concilium conuocare, personas ad hoc idoneas determinare, ipsumque congregari, celebrari, & secundum formam debitam facere consummari, rebelles quoque ad conueniendum & iam dicta necessaria & utilia faciendum, determinatorum quoque ac ordinatorum in dicto concilio transgressores tam sacerdotes quam non sacerdotes, clericos aut non clericos licite secundum diuinam & humanam legem, per coactiuam arcere potentiam. Quæ quamuis demonstrata sint 15. primæ, 4. 5. 9. ac 11. huius, in quibus per demonstrationem ostensum est, & auctoritate scripturæ certificatum amplius iurisdictiones coactiuas super omnes indifferenter sacerdotes, & non sacerdotes, personarum determinationes & approbationes, officiorum quoque institutiones omnium, ad solius humani legislatoris fidelis auctoritatē, minime vero ad sacerdotalis collegii solius (inquantum huiusmodi) pertinere: volumus tamē nunc ea persuadere per iam dictum *Isidori* codicem plerisque locis, maxime vero in quibus ea quæ facta sunt, legi diuinæ ac rectæ rationi consona recitat. Primum quidem igitur, in capitulo cui titulus, *Incipit prefatio Niceni concilii* ubi sic inquit: *Ibiq; Arrium cccxviii. residentibus episcopis adesse iubet* (Constantinus videlicet) *ac de eius propositionibus iudicare: episcopos scilicet.* Ecce quod iussu legislatoris congregati fuerunt episcopi & sacerdotes in concilio supradicto. Idem rursum in capitulo, cui titulus, *Incipit concilium 630. episcoporum*, ubi sic inquit: *Sancta & magna & venerabilis synodus, quæ secundum gratiam Dei ex decreto piissimorum Imperatorum Valentiniani & Martiani congregata est.* Amplius ex capitulo cui titulus; *Explicit concilium Toletanum septimum, incipit octauum*: ubi sic inquit: *Anno vero orthodoxi atque gloriosi, & vera clementia dignitate præcipui Reccessiunchi regis, cum omnes nos diuina ordinatio voluntatis, eiusdem principis serenissimo iussu, in basilica sanctorum Apostolorum ad sacrum Synodi, coegisset aggregari conuentum.* Idem adhuc

huc ex capitulo, cui titulus; *Explicit concilium Toletanum undecimum, incipit 12.* Idem rursum ex eo, cui titulus: *Explicit concilium Bracharense primum, incipit secundum.* Amplius idem ex epistola Leonis Papæ Romani ad Ephesinam Synodum. Idem rursum ex epistola Leonis Papæ Romani, ad Theodosium Imperatorem. Ad huc idem ex epistola Leonis episcopi Martino Augusto, cuius initium est, *Poposcram.* Idem amplius in epistola ad Martinum Augustum, cuius initium est; *Multa mihi in omnibus.* Idem in aliis plerisque locis, dicti codicis & epistolis, quarum series propter rei notitiam & sermonis abbreviationem omisi.

Quod autem ad solum Romanum episcopum vel ipsum & suorum Cardinalium solum collegium, non pertineat auctoritas supradicta, suaderi potest cum prædictis, ex eo, quod si reus esset ipse aut cum suo collegio, criminis alicuius propter quod expediret huiusmodi concilium conuocare, verisimile est, ipsum talem congregationem quantum posset differre vel auferre totaliter, quod in grande fidelium grauamen & præiudicium redundaret. Hoc autem *fidei legislatori seu fidelium vniuersitati*, sic euenire non potest, eo quod ipsa, vel ipsius valentior pars non sic seducibilis est, neque in ciuilibus, quemadmodum ostendimus 13. primæ, neque in spiritualibus, præsertim circa fidem, vt ostensum est 19. & 20. huius.

Quod vero definitorum seu iudicatorum, & reliquorum ordinatorum, primæ significationis iudicio, per generale concilium, obseruationis coactiuum ferre præceptum seu dare decretum super omnes indifferenter, tam sacerdotes quam non sacerdotes, eiusq; præcepti siue decreti transgressores arcere pœna reali aut personali vel vtraque, in hoc etiam seculo transgressoribus infligenda, sit auctoritas humani legislatoris fidelis, superiore carentis, suadere volumus primum ex his quæ rationabiliter acta sunt. Et recitat *Isidorus* codice prædicto plerisque locis. Est enim hoc videre palam ex capitulo, cui

eiusque per a-
pharesin illa-
ratio.

Concilio conuo-
candi auctori-
tatem ad Pa-
pam & Cardi-
nales non perti-
nere probatur.

Secunda partio
confirmata.

ex conciliorum
actis.

titulus; *Edictum Martiani Imperatoris in affirmatione cōcilii Chalcedonensis*: in quo continetur inter cetera series hæc; *Nemo itaque clericus vel militans, & alterius cuiuslibet conditionis, de fide Christiana, publice terminata, coadunatis & audientibus tractare conetur in posterum, ex hoc tumultus & perfidia occasionem requirens*. Vbi etiam parum infra subiungitur; *Nam in contemtoribus huius legis poena non deerit*. Et infra rursum; *Igitur si clericus erit, qui publice tractare de religione ausus fuerit, à consortio clericorum remouebitur: si vero militia pradius sit, cingulo militia expoliabitur; & sic de reliquis consequenter statuit*. Idem apparet rursum ex capitulo immediate subnixo, cuius titulus, *Incipit sacra Valentiniani & Martiani augustorum post concilium Chalcedonense, in confirmatione eiusdem concilii, & damnatione hæreticorum*: in quo series talis habetur; *Hac lege decernimus eos qui Eutychetis errore decipiuntur ad exemplum Apollinariorum, quos Eutyches secutus est, quos venerabiles patrum regula (id est, ecclesiastici canones) & diuorum principum sacratissima sanctiones condemnant, nullum episcopum, nullum presbyterum, nullos creare vel appellare clericos, ipsumque Eutychen nomine presbyteri, quo indigne vtense expoliatus est, in totum carere*. Si qui tamen contra definita nostra episcopos, presbyteros, ceterosque clericos ausi fuerint ex his creare, tam facientes quam factos, vel præsumentes sibi, clericorum bonorum amissione, periculo subiacere exilii perpetui præcipimus. Ex hoc autem apparet verum esse, quod de promouendis ad sacerdotium & reliquos ordines sacros, ad fidelis legislatoris aut principis auctoritatem diximus pertinere. Amplius idem ex habito huic immediate capitulo, cui titulus; *Item alia Martiani Imperatoris contra eosdem hæreticos*. Adhuc idem ex capitulo, cui titulus; *Edictum regis de confirmatione concilii*: vbi hoc inter cetera continetur: *Si quis ergo clericus aut laicus harum sanctionum obediens esse noluerit, si episcopus, presbyter, diaconus, aut clericus fuerit ab omni concilio excommunicationi subiaceat. Si vero*
laicus

laicus & honestioris loci persona fuerit, medietatem facultatum suarum amittat, fisci iuribus profuturam. Ex quo etiam manifeste apparet, quod pœnas personales atque reales hæreticis infligere, ipsasque exigere, sibi que applicare licite possunt & solebant principes siue legislatores humani, quemadmodum diximus decimo huius. Hoc rursus ex capitulo, cui titulus; *Explicit concilium Toletanum 13.* cuius initium est, *Charitatis instinctu*, & aliis plerisque locis, de quibus pertranseo propter abbreviationem, & quoniam præinducta sufficiunt. Nec solum de observandis his quæ per concilium definita fuerant, coactuum ferre decretum ad humanum legislatorem seu ipsius auctoritate principantem pertinet: verum etiam formam & modum, Romanam sedem Apostolicam ordinandi, seu Romanum eligendi Pontificem statuere. Quod etiam ab Imperatore Romano Pontificem cum instantia postulasse legimus, non reclamasse, ut ex eiusdem codicis capitulo, cui titulus; *Incipiunt Decreta Bonifacii Papa, epistola deprecatoria ad Honorium Augustum*, ut constituatur à principe in urbe Romana quatenus per ambitum nunquam Pontifex ordinetur. Et ex capitulo immediate subiuncto, cui titulus: *Constantini Honorii Imperatoris ad Bonifacium Papam missa*, ut si denuo Roma duo episcopi ordinati fuerint, ambo ciuitate pellentur: cuius initium; *Victor Honorius inclytus triumphator semper Augustus, sancto ac venerabili Bonifacio Papa urbis Roma.* In quo siquidem decreto dictus Imperator parum infra subinfert; *Illud autem pietati nostra satis placuisse cognosce, quod sanctimonia tua de ecclesiarum aut populi perturbatione sollicita est. Quæ ne aliqua ratione possit euenire, satis clementia nostra credidit esse prouisum. Denique predicante beatitudine tua, id ad cunctorum clericorum notitiam volumus peruenire, ut si quid forte religioni tuæ (quod non optamus) humana sorte contigerit, sciant omnes ab ambitionibus esse cessandum. Ac si duo forte contra fas, temeritate certantur fuerint ordinati, nullum ex eis penitus futurum sacerdotem (id est, Romanum*

Papam Roma. ab humano legulat. vel eius auctoritate principe eligendum.

& ab Imp. elegi solitum probatur.

episcopum) *sed illum in sede apostolica permanfurum quem ex numero clericorum noua ordinatione diuinum iudicium, & vniuerſitatis conſenſus elegerint.* Ex quo etiam apparet verum eſſe quod diximus 17. huius ad vniuerſitatem fidelium ſiue humanum legiſlatorem fidelem pertinere inſtitutionem ſecundam, ſacerdotum, epiſcoporum, & reliquorum miniſtrorum eccleſiæ ad curas animarum maiores ſiue minores.

Amplius propoſita ſuadere poſſumus ex epiſtola, cui titulus, *Item ad Martianum Auguſtum, gratias agens, quod eius induſtria per Chalcedonenſe concilium pax eccleſiæ reddita ſit*: cuius initium eſt: *Leo epiſcopus Martiano Auguſto: Multa mihi in omnibus clementia veſtra literis, cauſa gaudii eſt.* In qua etiam circa finem legitur, quod idem Leo ſic ait; *Quia vero omnibus modis obediendum eſt pietati veſtræ & religioſiſſimæ voluntati, conſtitutionibus ſynodalibus, quæ mihi de confirmatione fidei catholica, & de hæreticorum damnatione placuerunt, libens adieci meam ſententiam. Quæ ut in notitiam omnium ſacerdotum, eccleſiarumque perueniant, veſtra clementia præceptio ordinare dignabitur.* Ecce quod ſuam ſententiam ſiue iudicium primæ ſignificationis adiecit Romanus Pontifex definitis per concilium: præceptionem tamen obſervationis ad eccleſias & ſacerdotes ſupplicans fieri per Romanum principem. Quod tamen non feciſſet, ſi hæc illius non fuiſſet auctoritas. Ex quo etiam apparet verum eſſe, quod diximus 4. 5. & 9. huius, auctoritatem ſcilicet coactiuam, tam in ſacerdotes quam non ſacerdotes ad humanum legiſlatorem ſeu eius auctoritate principantem pertinere. Neque contra hoc reclamauerunt Romani Pontifices antiquis temporibus; ſed pro talibus ſibi dandis regulis ſiue legibus per Imperatores potius ſupplicabant. Eadem ruruſum euidenter apparet ſententia ex capitulo, cuius principium: *Imperatores, Caſares, Theodoſius & Valentinianus.* In quo parum infra ſubiicitur; *Quoniam igitur in præſenti ſubita emergente dubitatione ad catholica & apoſtolica doctrina*

*Theodoſii &
Valentiniani
decretum.*

Erina ac nostra fidei custodiam (quæ, ut sit, diuersis
sententiis impugnata conturbat & confundit homi-
num sensus & animas) intolerabile duximus huiusmo-
di delictum contemnere : ne per talem negligentiam,
ipsi Deo inferri contumelia viderentur. Ideoque sancimus, in unum sanctissimos & Deo placitos conuenire
viros, quibus pro pietate catholica, atque vera fide
plurimus sermo est, ut uniuersa quidem talis & vana
dubitatio subtili proposito & inquisitione soluatur. ve-
ra autem & Deo amica catholica fides firmetur. Igi-
tur & tua sanctitas, sumptis secum decem reuerendissi-
mis Metropolitanis qui sub tua degunt diœcesi, & aliis
similiter decem sanctis episcopis, sermone & vita orna-
tis, qui in doctrina & scientia recta & immaculata fi-
dei, præ cunctis apud cunctos eminent, proximis Cal.
Augusti Ephesum, Metropolim Asia, conuenire absque
ulla dubitatione festinent : nullo scilicet alio præter
prædictos viros sanctam synodum molestante, quate-
nus uniuersis, sanctissimis, & beatissimis episcopis, quos
conuenire per sacras nostras epistolas sancimus ad præ-
dictam concurrentibus ciuitatem, & subtilissime inue-
stigantibus & quarentibus, omnis de medio error con-
trarius auferatur : catholica autem doctrina & or-
thodoxa fidei saluatoris nostri Christi amicissima soli-
detur & consuecte fulgeat, quod uniuersi in posterum
inconcussum Deo propitio & intemeratum custodiant.
Si quis vero tam necessariam & vere Deo amicam syn-
odum prætermiserit, & omni virtute secundum præ-
dictum tempus ad præfinitum locum non peruenerit,
nullam excusationem neque apud Deum, neque apud
nostram inueniet pietatem. Sacerdotalem enim con-
uentum, non nisi quis mali propria conscientia saucia-
tus euitat. Theodoretum sane episcopum Syria ciuita-
tis, quem pridem iussimus sua soli vacare ecclesie, san-
cimus, non prius ad sanctam Synodum conuenire, nisi
uniuerso complacuerit conuenienti concilio & ipsum
concurrere, & pariter interesse. Si vero aliqua dis-
cordia de eo emerferit, absque illo sanctam Synodum
conuenire, & quæ iussa sunt, ordinare præcipimus. ex quo tres præ-
cedentes coim-
plices firmantur,
Ex hoc autem edicto attendenti apparet intentio

trium conclusionum iam propositarum. Vnius quidem, quod dubia quæ circa legem diuinam fuerint, expedit definire. Secunda vero quod definitio hæc non ad singularis personæ vel collegii auctoritatem pertinet, sed ad concilium generale. Tertia quidem, quod huiusmodi conuocare seu præcipere concilium, & per ipsum definita & ordinata seruari statuere, statutorum quoque transgressores arcere in statu & pro statu præsentis seculi, auctoritas sit solius humani legislatoris fidelis, seu eius auctoritate principantis.

4. Conclusionis
repetitio.

amplificatio,

His consequenter *ostendere conuenit*, nihil per hominem aliquem singularem cuiuscunque dignitatis aut conditionis existat, statui posse circa ecclesiasticum ritum, quod homines ad observationem obliget sub aliqua pœna pro statu præsentis seculi vel venturi, nisi per generale concilium immediate, aut inde sumpta prius auctoritate: ad hæc etiam fidelis humani legislatoris primi, aut eius auctoritate principantis, interueniente decreto: nihilque circa humanos actus alios, velut *ieiunia, esus carniū, abstinentias, sanctorum canonizationes ac venerationes*, operum mæchanicorum aut aliorum quorumcumque prohibitiones seu vacationes (Augustinus 15. De ciuitate Dei, capitulo 16.) *matrimoniorum copulas infra certos cognationis gradus*, ordine quoque siue collegia religiosorum approbare vel reprobare, reliquaque similia lege diuina licita seu permissa, statuere sub aliqua ecclesiastica censura, vt interdicti vel *excommunicationis* aut alterius pœnæ consimilis maioris aut minoris, eoque minus ad ea quemquam obligare posse sub pœna reali vel personali in statu præsentis seculi exigenda, absque iam dicti legislatoris auctoritate; cuius siquidem licita solius potestas est infligere ac exigere tales pœnas, vt ex 15. primæ ac 10. huius sufficienter apparet. Hæc autem eisdem demonstrationibus & auctoritatibus supponendum probata, quibus & dubiorum legis diuinæ sensuum determinationem ad suprascriptum concilium, reliquosque humanos actus circa ritum eccle-

et confirmatio
ex precedentiibus prima:

ecclesiasticum per coactiua decreta ordinare, ad fidelem legislatorem humanum supra monstrauius pertinere, sola rationū minori extremitate mutata, *Adhuc* quoniam lege diuina permiffa, non prohibentur nec illicita fiunt, nisi per legislatorem humanum. *Amplius* quoniam nullus episcopus in alium auctoritatem habet aliquam à Christo immediate, quemadmodum demonstratum est 15. & 16. huius, neque coactiuam inuicem aut in alios iurisdictionem, vt 4. 5. & 9. huius ostendimus prius. *Ex quibus* etiam deduci potest & conuenit ad solius iam dicti concilii, non autem ad solius episcopi aut presbyteri vel alicuius ipsorum particularis collegii auctoritatem pertinere, principem, prouinciam, aut communitatem aliam ciuilem excommunicare, vel diuinorum officiorum vsum interdiceret. Ignoranter enim aut inique volente presbytero seu episcopo vel particulari aliquo ipsorum collegio principem aut prouinciam excommunicare vel interdiceret, magnum inde scandalum paci & quieti fidelium omnium euenire contingit. Quod etiam quasi nouissime iam rerum experientia magistra monstrauit, dum *Octauus Bonifacius Papa* Romanus claræ memoriæ *Philippum Pulchrum Francorum catholicum regem* excommunicare tentauit, eiusque regnum cum sibi adhærentibus ecclesiasticorum officiorum interdictis supponere, reclamante prædicto rege aduersus narrationem quandam scriptam (cui principium, *Vnam sanctam catholicam ecclesiam*) emissam à prædicto *Bonifacio*, aut ab eodem cum suorum Cardinalium cœtu, inter cetera continentem, quinimo finaliter concludentem, *omnes mundi principes, communitates, & personas singulares Romano Papa coactiua iurisdictione subiectos*. Quamuis etiam temporibus illis proponeret idem *Bonifacius* aduersus iam dictum principem & sibi subditos ac adhærentes singulariter tendere, reliquosque quos potuisset aduersus illum principes & populos fideles (teste immortalī veritate, ac *viuentium plurimorum memoria*) concitare, nisi de medio, sorte morta-

Secunda:

Tertia:

s. Conclusionis repetitio.

Ratio à periculo.

Quod Papa Bonifacii s. exemplo probatur: qui Philippum Pulchrum tyrannidis sua resistentem excommunicauit.

Maximo rei publ. malo: nisi maleficum hunc mors abstergeret.

*Qua tyrannia,
plena periculi
extinguenda:
& concilio ge-
ner. solum au-
thoritas ea tri-
buenda.*

*Conseſſarium:
decreta à concilio
gener. ab eo-
dem solum poſſe
mutari aut re-
uocari.*

*6. Concluſ. repre-
ſentatio, cuius pars
prima.*

Secunda.

*Qua ex praece-
dentibus nota
tamen proban-
tur.*

lium, sublatus fuisset. Hæc aut consimilis alterius malignæ concitationis *tempeſtas potius quam poteſtas* grandis schismatis atq; periculi fidelibus allatiua, reſecanda prorsus eſt, temperandaq; . Interdictorum & excommunicationum huiusmodi forma ſoli Chriſtianorum generali concilio relinqui debet, cuius iudicium dirigente ſancto Spiritu, ignorantia vel malignitate aliqua peruerſi non poteſt. His autem per neceſſitatem ſequitur ordinata & definita tam circa fidem ſiue legis euangelicæ ſenſum, quam circa eccleſiaſticum ritum ſiue cultum diuinum & reliqua omnia per concilium generale ſtatuta, mediate vel immediate, implicite vel explicite, aut alio quouis modo: auctoritate ac ordinatione nullius epiſcopi, aut alterius particularis collegii, concilii, vel congregationis (eoq; minus perſonæ ſingularis cuiuſcunq; conditionis aut dignitatis extet) poſſe immutari, augeri, minui, vel ſuſpendi, aut interpretationem recipere (præſertim in arduis) aut penitus reuocari: ſed quæ ſic ordinata fuerint, ſi ad immutandum aut ſimpliciter reuocandum vocet neceſſitas euidentis, ad ſupradictum concilium conuocandum debere referri. Hoc autem eiſdem rationibus & auctoritatibus conuincendum, quibus per ſolum iam dictum concilium eiſmodi ordinanda, diffinienda, & ſtatuen- da monſtrauimus.

Ex eiſdem quoq; ruruſum ſcripturæ auctoritatibus & humanis rationibus demonſtrari poteſt & conuenit, ad nullius ſolius epiſcopi vel perſonæ ſingularis aut particularis alius collegii auctoritatem pertinere (absque iam dicti generalis concilii vel fidelis humani legiſlatoris determinatione) in aliquibus mūdi eccleſiaſticis officiis perſonas inſtituere ſeu præferre: neque pro eiſdem officiis quenquam eccleſiaſtica temporalia, *vocata beneficia*, diſtribuire, neque vocatas diſciplinæ licentias, notariatus, aut reliqua officia publica ſeu ciuilia conferre cuiquam, niſi auctoritate iam dicta. Quæ quauis 15. primæ, ac huius 17. ſecundum modū aliquem oſtenſa ſint cōuenienter, ea tamen amplius explicandū & confirmandum ex

imme-

immediate prædictis & aliis quibusdam probabilibus argumētis in hac parte decreuimus. Nam illud nō est necesse debet auctoritas *Romani* vel alterius cuiusvis episcopi aut particularis cum ipso collegii clericorū, propter quod omnia regna omnesq; politię maiores siue minores hēresis & dissolutionis exponuntur periculo. Sic autem fit Romano aut alteri soli cuius episcopo, absque determinatione vel legislatoris, vel concilii generalis tali potestate permilla. Esto namque, vt supra iam diximus, hāreticum aliquem aut necromanticum, cupidum, & superbum, aut aliter criminofum, *quales quidam in episcopos Romanos præfici visum est, & leguntur assumpti.* Siquidem criminofus hic auctoritatem habeat (absque determinatione legali aliqua generalis concilii aut fidelis legislatoris mortalis) in omnibus ecclesiasticis officiis personas statuere qualescunque voluerit, verisimile valde videtur, eiusmodi Pontificem eos in ecclesiasticis officiis, præcipue maioribus, vt cardinalatu, episcopatu aut * præferre quos suorum criminum complices nouerit, & suis peruersis omnibus fauere votis. Erit igitur inde vniuersus grex fidelium expositus periculo subuersionis à fide, quemadmodum etiam aliquo modo ostensum est 11. huius. Et hoc præsertim, si hāresi labefactus ignorantia, vel malitia interpretationis diuinæ legis habeat potestatem, sicut etiam pridem induximus 20. huius, & ex præsentium memoria & conspectu *de duobus Romanis episcopis* omnibus liquet. Rursum si Romano episcopo diuina vel humana lege non reperitur concessa potestas, sed potius interdicta instituendi sibi successorem in episcopali sede Romana (cum tamen ex ea prouincia magis nosse possit & debeat sufficientias personarum, & quid eidem prouinciæ magis expediat) cur igitur episcoporum aut aliorum prælatorum, curatorum, & etiam ministrorum in alienis & remotis prouinciis, quibus expedientia minus noscit, & ex ipsis sufficientias personarum successores instituendi, potestas siue auctoritas eidem episcopo permittetur?

Partis primæ confirmationis propositio:

Assumptio.

probata hypothesis.

* deesse videtur presbyterio aut simili quid.
Conclusio.

Ratio secundæ.

*Secunda pars
repetitur.*

*et probatio, quia
resp. noceret.*

*Nam primum
male distribu-
ventur bona.*

*ut hypothefi &
exemplo Papa-
rum monstra-
tur.*

*Huius seculi
Paparum ex-
pressa imago.*

*Deinde seditio-
ni ob potentiam
occasionem
præberent.*

*Ut exempla Pa-
parum docent:
Bonifacii octa-
vi,
& Ioannis 22.*

Amplius, cuius episcopo soli, aut etiam cum solo particulari aliquo clericorum cœtu, conferendi omnia mundi ecclesiastica temporalia, vocata beneficia, pro suo voto (absque iam dicta determinatione legali aut generalis concilii & humani legislatoris vel fidelis principantis) auctoritate sibi concessa: omnia regna & omnes politię maiores & minores solutionis exponantur periculo. Rursumque ritus ad ecclesiarum siue animarum regimen, ditiores & excellentiores seculari potentia vel fauore, quantumcunque ignorantes & more peruersos, pauperibus, iustis & humilibus quantumcunque doctis & vita pollentibus præferri faciet. Esto enim *Romanum episcopum* superbum aut aliter criminofum, volentem etiam seculariter principari (quales eos & qualia sectari videmus modernis temporibus ipsorum quam plures) propter suam siquidem *anaritiam insatiabilem & explenda reliqua sua vota peruersa* iam dicta, & propterea potentum fauores & gratias acquirendis, ecclesiastica officia & beneficia venalia ponet. Ipsa quoque potentibus, violentis & bellicosis, aut iuxta ipsorum requisitionem, cognatis, affinibus, & amicis eorum conferet, quos ad sua praua desideria perficienda suffragari tam velle, quam posse putabit. *Hac autem, ut diximus, sic euenire possibile, non solum argumenta probant, verum etiam sic euenisse dudum ac euenire continuo, experientia rerum magistra docet,* quasi fidelibus omnibus inoculta. Rursum hac illi officiorum institutionis, & temporalium seu beneficiorum distributionis, generali & immoderata potestate permessa, regna & politię omnes solutionis aut immensæ perturbationis periculo subiacent, si talis episcopus seculare principatus sibi subiicere querat, quos omnes secundum suam narrationem scriptam, decretalem vocatam vobis præmissam, *Octavius Bonifacius*, sic Romano cuilibet episcopo coactiua iurisdictione subiectos expressit, *ut id credere fidelibus pertinaciter fore asseruit de necessitate salutis.* Idemq; in suis edictis aduersus inclytum *Ludovicum ex Ducibus Bavarie Romanum.*

Romanorum regem assumptum, implicet *quidam* *vocatus Papa Romanus*, quamuis hoc solum expri- (cuius rebellionis
mere videatur de regno siue imperio Romano- fraus retegitur
rum: reliqua tamen omnia comprehendens per & refutatur.
eum, quo sibi hoc cum aliis rationibus præmissum
adscribit titulum, *plenitudinem* scilicet *potestatis*, hoc
enim titulo non magis superest coactiua iurisdictio-
ne principi Romanorum quam reliquis regibus,
quemadmodum euidenter ostensum est vltimo pri-
mæ. Hic inquam ergo episcopus hanc super princi-
pes seculi iurisditionem, quamuis minus debite,
quærens talium temporalium seu beneficiorum &
decimarum (quæ ad omnia regna mentem conuer-
tenti, iam quasi facta sunt inæstimabilis pars) distri-
butione seu donatione, seditionem magnam conci-
tare potest, & de facto hætenus concitauit & conci-
tat, præcipue in vniuerso Romanorum Imperio,
quemadmodum magis in sequentibus seriose dictu-
ri sumus.

Et propterea oportet humanum legislatorem aut Legislatoris in
ipsius auctoritate principantem attendere in deci- decimas aucto-
marum & reliquorum temporalium ecclesiastico- ritas ea est,
rum acceptione, siue assumptione, an huiusmodi ec-
clesiastica temporalia superfluant sufficientiæ pau-
perum, euangelii ministrorum, & reliquorum et-
iam pauperum impotentum, propter quos statuta
sunt talia, vel non superfluant. Et rursus attende-
re debet, an talibus bonis de necessitate indigeat ad
rem publicam defendendam, aut aliter sustentan-
dam, vel non necessario his egeat propter finem iam
dictum. Quod si eguerit his temporalibus ex ne- ut quod ex im.
cessitate propter finem prædictum, superfluis omni- ministris & pau-
bus sufficientiæ iam dictorum ministrorum & pau- peribus super-
perum vti, & *auctoritate propria* sumere possunt li- est, si necessitas
cite secundum legem diuinam legislatores siue prin- urget in resp.
cipantes, nulla obstante contradictione sacerdotum usum conuertere
aut talium ministrorum: nec solum decimas, ve- re possit.
rum etiam quartas & tertias, & ad vnum dicere, i-
psorum & pauperum impotentum sufficientiæ quod-
cunque superfluum. *Alimentis enim & his quibus te-*

Alias non licet sine scelere. **gantur contenti sint sacerdotes**, ut dicit Apostolus 1. ad Timotheum 6. Quod si huiusmodi bonis ad usum siue finem prædictum non egent, peccant mortaliter suscipientes, sibi que consentientes vel ipsos inducentes ad hoc. Non est igitur ecclesiasticorum temporalium potestas soli Romano episcopo vel alteri permittenda, nec sibi & suo soli collegio sacerdotum, ne tali potestate seculares fauores in præiudicium principum & populorum sibi querere possint: & inter Christi fideles inde contentiones & scandala suscitare. Ad hæc enim sibi non modicum, quinimo magnum instrumentum est iam dicta potestas, eo quod plurimi, quamuis seducti, credentes talia per ipsum sic posse distribui, seq; ipsa suscipere iuste ad acquisitionem & receptionem ipsorum facilius inclinantur. Propter quod illi episcopo & alteri cuicumque per *generale concilium* & legislatorem humanum fidelium hæc *quieti perniciofa potestas* penitus subtrahenda est, aut debite moderanda, præsertim cum eidem lege diuina minime debeat, sed, sicut est, fuerit potius interdicta, quemadmodum ostensum est sufficienter 13. 14. & 17 huius. Propter eandem quidem igitur causam conferendi *licentias in disciplinis*, iam dicto episcopo, & alteri cuicumque presbytero ac ipsorum soli collegio debet ac licite potest reuocari potestas. Est enim hoc humani legislatoris aut eius auctoritate principantis officium, quoniam hæc ad commune ciuium commodum aut incommodum cedere possunt pro statu præsentis seculi, quemadmodum demonstratum est 15. primæ. Eodemque modo sentiendum est de *sanctorum canonizatione seu veneratione instituenda*. Potest enim hæc nociua vel proficua fore communitati fidelium ciuium. Posset namque peruersus episcopus hac potestate fretus quosdam pronunciate sanctificatos, ut ipsorum dictis aut scriptis suas roboraret opiniones peruersas in præiudicium aliorum: propter quod auctoritas hæc est soli generali concilio fidelium committenda. Sic etenim *Gregorius Quartus* ex assensu *Ludonici Imperatoris*

Ergo penes Papam non est bonorum eccles. potest.

Quia id reip. quieti perniciosum.

Ratio.

Eoque concilio generali ea Papa potestas detrahenda.

& quam usurpat in discipl. (ut vocant) gradibus:

& sanctorum consecratione.

Prima ratio à periculo.

ratoris

ratoris & omnium episcoporum instituit, vt *festum* *altera ab exem-*
Omniū sanctorum celebraretur, vnde etiam de con- *plō Gregorij 4.*
similibus omnibus similiter sentiendum. Rursum, *in festi Omniū*
quoniam hac sibi temporibus antiquis per legisla- *sanctorum de-*
torem auctoritate concessa propter ipsorum vitæ *dicatione.*
sanctitatem, & doctrinæ sufficientiam, vt ex scien- *Tertia a sine po-*
tia ciuiliū actuum euidenter apparet, in oppositas *test. illius, Papa*
temporibus his qualitates conuersi, literatorum col- *primum con-*
legia sibi subiiciunt & seculi principantibus subtra- *cessa.*
hunt, ipsisque tanquam non modicis instrumentis, *Papa profani*
quinimo maximis in suis acquirendis & defenden- *& indocti:*
dis vsurpationibus aduersus seculi principantes v- *potestatis sua*
tuntur episcopi supra dicti. Nolentes enim aut du- *specie doctos sibi,*
bitantes viri literati suorum *magistrorum titulos* per- *in republ.*
dere appetitu commodi & gloriæ consequentis, hos- *perniciem, de-*
que sibi episcoporum auctoritate aduenisse non ali- *mos habent.*
unde credentes, votis horum exsequuntur: & (quam
arbitrantur) eorum auctoritati contra dicentibus
aduersantur, tam seculi principibus quam subiectis.
Verum quia eiusmodi auctoritas conferendi *discipli-*
narum licentias est humani legislatoris, aut illius au-
thoritate principantis: ne literatorum & sapientum
fauore careant, sed hunc, (qui super auxilia extrin-
seca quæque ad suos stabiliendos & defendendos
principatus & politias, præponderandus est) acqui-
rent & seruent: iam dictas soli debent & licite pos-
sunt auctoritate propria conferre licentias notaria-
tuum & reliquorum magistratuum siue officiorum
ciuiliū titulos: hoc enim priuatæ personæ cuius-
cumque dignitatis, aut conditionis vel collegio par-
ticulari cuiquam competere nequit, inquan-
tum huiusmodi, quemadmodum de-
monstratum est 15. & 17.
primæ.

CAPVT XXI.

Expedire ut vnus episcopus & ecclesia ceteris presint; & quomodo: qua etiam ratione Romano episcopo, eiusque ecclesie hic honor conueniat.

7. Concluf. prima pars: Vnam eccles. ceterarū caput esse conuenit:

eiusque distinctione ambiguitatu interpretatio.

1. Signific. S. literarū sensum & ritus eccles. omnibus presumere.

Quod nulli episcopo aut ecclesie conuenit.

1. Lege diuina:
2. Primitiua eccles. usu:
3. Legislatoris decreto.

4. Alias horrenda mēdacia & hareses credere oporteret: ut liquet exemplis Bonifacii 8. & Ioanni 22.

DETERMINATIS autem his, ostendere volumus consequenter, expediens & perutile, fore vnicum episcopum & vnicam ecclesiam siue collegium sacerdotum aliarum caput, siue principaliorē statuere. Primum tamen oportet diuidere modos & intentiones, quibus vnicam ecclesiam aut episcopum aliorum omnium esse caput, intelligi potest, ut ipsorum conuenientem ab inconuenientibus & expedientibus separemus. Esse autem vnicum episcopum aut ecclesiam omnium aliarum caput, vno modo intelligi potest, ut videlicet secundum ipsorum definitionem & determinationem scripturæ sacræ sensum, in quibus dubia fiunt (præcipue de credendis & obseruandis de necessitate salutis) omnes mundi ecclesiæ ac personæ singulares credere teneantur: ritumque ecclesiasticum siue cultum diuinum, secundum ipsorum ordinationem seruare. Iuxta quem sensum siue modum, nullus episcopus aut ecclesia vnica cuiusquam prouinciæ (inquantum huiusmodi) siue collegium sacerdotum caput aliarum ex statuto diuinæ legis, nec secundum exemplum ecclesiæ primitiuae talem, aliquam vnicam expedit esse. Neque similiter legislatoris humani fidelis ordinatione aliqua seu decreto. Sic enim cum reliquis inconuenientibus, quæ sequuntur ad hæc, ex necessitate salutis credere tenerentur omnes principes, communitates, & populi, secundum *Ostiani Bonifacii* definitionem, se fore Romano Papæ coactiua iurisdictione subiectos: rursumque secundum *cuiusdam, vocati Papæ Romani*, constitutiones, non esse Christi consilium, spernere seu renuntiare in cōmuni & proprio temporalium, quæ ad præsentē necessita-

cessitatem superfluunt, possessioni siue dominio seu potestati licite contendendi pro talibus, aut talia sibi vendicandi coram iudice coactiuo. Quorum *unum falsum horrendissimum est, secundum* vero tanquam *hereticum* declinandum, quemadmodum ex 13. 14. 16. & 20. ac 21. huiusclare visum est prius.

Alio rursum modo existimare est vnicum episcopum & ecclesiam siue collegium caput siue principaliorē cunctis aliis, sicut omnes mundi clerici siue collegia clericorum sibi sint iurisdictione coactiua subiecti. Quod etiam nulli episcopo vel ecclesiae lege diuina conuenit, sed magis interdicitur consilio vel præcepto, quemadmodum ostensum est sufficienter 4. 5. 8. 9. & 11. huius. *Alio* quoque modo intelligi potest prioritas hæc sic, vt ad vnicum episcopum aut ecclesiam siue collegiū pertineat omnium officialium ecclesiasticorum institutio, & temporalium beneficiorum distributio, depositio, & oblatio.

Quo etiam modo lege diuina conuinci non potest, episcopum aliquem aut ecclesiam aliquam ceteris esse priorem: sed oppositum magis. Et ad vnum dicere, *virtute verborum scriptura conuinci nō potest, quod aliquis episcopus secundum vllam auctoritatem siue potestatem, aut ecclesia, sit caput siue principalis aliorum aut aliarum*, quemadmodum ostensum est ex 15. 16. 17. & 20. huius, & in capitulo præcedente.

Vnde neque alium episcopum plus excommunicare potest alter, aut sibi commissio populo siue prouinciæ diuina interdicare sacramenta vel officia; quam econuerso: neque auctoritatis plus habet in alterum aut sibi commissum populum; quam econuerso: nisi per generale concilium aut fidelem legislatorem humanum super alium aut alios auctoritas siue potestas hæc concessa foret. Omnes enim episcopi

aqualis meriti sunt & auctoritatis, in quantum episcopi sunt, vt ex epistola Hieronymi ad Euandrum induximus 15. huius. Nec perfectior est aut fuit cui perfectior Apostolus aut episcopus manus imposuit, vt apparet 1. ad Corinthios 3. *Nemo enim* (inquit Apostolus) *in hominibus gloriatur. Omnia enim ve-*

2. Signif. in omnes mundi sacerdotes esse habere imperium.

Quod nulli episcopo aut ecclesiae lege diuina conceditur.

3. Signif. omnes ministros ecclesiae creare & bonum ecclesiae præstare.

Nec ulli lege diuina hoc conuenit: sed contra. Imo ex S. literis probari non potest vlla episcopi vnius aut ecclesiae in alterius auctoritas.

Eoque non magis unus alterius episcopum excommunicare potest: quam contra.

Teste Hieronymo.

Non enim maior est, cui dignior Apostolus aut episcopus manus imposuit: vt Paulus docet.

stra sunt, siue Paulus, siue Apollo, siue Cephas, &c. vos autem Christi. vbi glossa, *Vos autem Christi, non ho-*

*Ego, non refert
quis manus im-
posuerit: modo
auctoritatem
eam habeat:
nam vis omnis
à Deo,
teste Paulo.*

*Eoque omnes
episc. siue sacer-
dotes aequales.*

*Non igitur ul-
lus episc. aut ec-
cles. per se lego
diuina caput.
Tale enim sim-
pliciter ac per
se. solus est Chri-
stus: teste Pan-
lo.*

*Christus unicū
caput ecclesie
non Papa ali-
quis aut epi-
scopus.*

minum in creatione vel recreatione. Propter quod non refert ad aliquod sacramentum, an perfectior vel minus perfectus presbyter man⁹ imponat, dummodo auctoritatē habeat: *quia solus Deus effectū dat sacramenti.* Vnde eadem & eodem, inquit Apostolus, soluens addubitationē hanc; *Ego plantaui, Apollo rigauit, sed Deus incrementum dedit.* Sicut plantans arborem aut irrigans, non est qui germinare seu operam vitæ facere tribuit, sed qui dat animam vegetantem plantæ: ita vult Apostolus, quod imponentes manus, docentes aut benedicentes, non dant opera meritoria; sed qui dat characterem aut gratiam interiorē, Deus ipse: quamuis & hi adiuuent, quemadmodum irrigantes. Et quoniam vnus est dator interioris auctoritatis & characteris eiusdem speciei & gratiæ, Deus ipse, ideoque omnes episcopi siue sacerdotes æqualis sunt auctoritatis & meriti à Deo dati, secundum quem modum *Hieronymus* intellexit.

Non est igitur episcopus aliquis aut ecclesia caput siue principalior aliorum (inquantum huiusmodi) virtute verborum scripturæ. *Caput enim ecclesia simpliciter & fidei fundamentum,* Dei ordinatione immediata, secundum scripturam siue veritatem *unicum est Christus ipse,* non aliquis Apostolus, episcopus, aut sacerdos, vt aperte dicit Apostolus ad Ephesios 4. & 5. ad Colossenses 1. & 1. ad Corinthios 10. Vnde omnes Apostolos, Prophetas, Doctores, reliquosq; fideles dicit constituere *corpus Christi,* quod est ecclesia, tanquam reliqua membra: neminem autem sicut *caput, nisi solum Christum.* Vnde ad Ephesios 4. *Et ipse dedit quosdam quidem Apostolos, quosdam autem Prophetas, alios vero Euangelistas, alios autem Pastores & Doctores ad consummationem sanctorum in opus ministerii, in adificationem corporis Christi, donec occurramus omnes in unitatem fidei, &c.* Et parum infra subiungit: *Unitatem autem facientes in charitate, crescimus in illo per omnia, qui est caput Christus. Ex quo totum corpus compa-*
ctum

Et & connexum per omnem iuncturam subministrationis, secundum operationem, in mensuram uniuscuiusque membri, augmentum corporis facit, in adificationem sui in charitate. Rursum quinto; Quoniam vir caput est mulieris, sicut Christus est caput ecclesia, ipse saluator corporis. Sicut ecclesia subiecta est Christo; ita & mulieres viris suis in omnibus. Nusquam tamen Cephā dixit ecclesiæ caput, nec ecclesiam illi tanquam capiti fore subiectā, cum tamen hæc dicta fuerint, postquam Christus surrexit à mortuis, & super cælos ascendit. Vnde parum infra eodem, in persona omnium fidelium loquens Apostolus, ait: Nemo enim unquam carnem suam odio habuit, sed nutrit & fouet eam, sicut & Christus ecclesiam, quia membra sumus corporis eius. Amplius ad Colossenses 1. Et ipse est caput corporis ecclesia, qui est principium primogenitus ex mortuis, ut sit in omnibus ipse primatum tenens. Idem dixit aperte beatus Petrus prima Canonica sua, capitulo 5. Et cum apparuerit princeps Pastorum, (Christus scilicet) percipietis immarcessibilem gratia coronam. Est rursus & fuit Christus solus ecclesiæ siue fidei fundamentum & petra. Vnde 1. ad Corinthios 3. Fundamentum enim aliud nemo ponere potest præter id quod positum est, quod est Christus Iesus. Et rursus eiusdem 10. Petra autem erat Christus. Et hæc palam fuit Augustini sententia 10. De ciuitate Dei, capitulis 6. & 20. Idem decimotertio, capitulo vigesimotertio. Idem 17. capitulis quarto, nono, duodecimo, decimo octauo, & vigesimo. Idem 18. capit. 45. & 52. Idem vigesimo secundo, capitulo decimo octauo, & aliis plerisque locis, de quibus pertranseo propter abbreviationem sermonis. Alio vero modo episcopum aliquem aut ecclesiam esse vel statui caput, & ceteris principaliorē auctoritate generalis concilii, aut fidelis legislatoris humani, cōuenienter intelligi potest, sic ut videlicet ipsius sit officium, cum suo tamen collegio sacerdotum (quos sibi fidelislator aut generale cōciliū ad hoc associare voluerit) deliberatione præhabita, si casus emerferit fidei (aut fidelium euidentis necessitas) sibi delatus,

Ecclesiam non esse subiectam Petro, tanquam capiti.

Solus Christus eccles. siue fidei fundamentum teste Paulo,

& Augustini.

4. Signif. A cōcilio gener. præ reliquis epis & ecclesiis auctoritatem habere.

Quæ describitur.

propter quem expediens omnino videatur generale concilium conuocare, id insinuare atque *significare* debeat fidei legislatori, superiore carenti, iuxta cuius coactiuum præceptum id debeat (quemadmodum diximus) congregari: cuius etiam officium sit in dicto concilio, inter episcopos & clericos *primam sedem seu locum tenere*, deliberanda proponere, deliberata in præsentia totius concilii recolligere in scriptis sub sigillis authenticis, & tabellionum signaculis redigi facere: cunctis requirentibus ecclesiis, talia communicare atque insinuare: ea quoque scire, docere, ac de talibus respondere: deliberatorum quoque (tam circa fidem quam ritum ecclesiasticum siue cultum diuinum, & reliquorum ordinatum ad pacem atque fidelium vnitatem) transgressores, per *ecclesiasticam* aliquam arcere *cenfuram*, vt *excommunicationis vel interdicti*, aut alterius poenæ consimilis, *secundum concilii tamen determinationem*, & per ipsius auctoritatem; nequaquam vero potestate aliqua coactiua poenæ realis aut personalis inflictiua pro statu & in statu præsentis seculi. Cuius etiam, cum sibi per legislatorem, videlicet dati & instituti collegii parte valentiori siue maiori iudicare sit super episcopos & ecclesias (non subinuicem positas) de contentionibus spiritualibus proprie dictis, iuxta secundam scilicet ac tertiam huius nominis spirituale significationem, assignatis secundo huius. In quibus cadunt ea quæ circa *ritum ecclesiasticum* ordinata fuerint per concilium obseruari. Quamuis eiusmodi episcopo ecclesiæ siue collegio circa tale officium secundum apertam, verisimilem, & quasi communem aliarum ecclesiarum sententiam, peruerse nimis aut negligenter habente licitum sit ecclesiis reliquis humanum legislatorem fidelem appellare (si per legislatorem aut ipsius auctoritate principantem corrigi possit conuenienter) vel generale concilium requirere, si casus ille per reliquarum ecclesiarum ampliorem partem, & legislatoris iudicium exigat concilium huiusmodi congregari.

& limitatur.

Hoc igitur solo & ultimo modo episcopum aut ecclesiam

elesiam aliquam vnicam statuere aliarum caput seu
 principalem in cura pastoralis, absque iurisdictione
 coactiua (quamuis non sit lege diuina præceptum,
 quoniam & sine hoc fidei vnitas, licet non sic facili-
 ter saluaretur) expedire dico ad hanc vnitatem fa-
 cilius & decentius obseruandam. *Deinde* vero de-
 monstrandum erit nobis, *qualem* episcopum, eccle-
 siam, siue collegium sacerdotum & clericorum: &
 ex qua *diœcesi* siue prouincia conuenientius expe-
 diat aliorum caput siue principalem statuere. De-
 mum vero monstrabimus cuius aut quorum sit au-
 thoritas huius institutionis, correctionis, & depositionis
 etiam, si visum fuerit expedire. * Horum autem pri-
 mum, videlicet, quod tale caput ecclesiarum vnicum
 expediat instituere, supposita necessitate, conuocan-
 di quandoque generale fidelium concilium & sa-
 cerdotum propter vtilitates prædictas circa ecclesia-
 sticum ritum siue fidem & cultum diuinum, per-
 suaderi potest ex eo, quod frustra occuparentur plu-
 res episcopi aut ecclesiæ in officio quod per vnicum
 episcopum aut ecclesiam, æque conuenienter exer-
 ceri potest, atque compleri. Nunc autem insinua-
 tio conciliorum prædicta cum reliquis, quæ ad hu-
 ius capitis ecclesiæ officium diximus pertinere, æque
 conuenienter, aut conuenientius per vnicum exer-
 ceri possunt & perfici, quam per plures. Amplius &
 huiusmodi capitis siue principalioris super episco-
 pos & ecclesias institutione, contentio tollitur, &
 scandalum oriri possibile. Nam in generali concilio
 congregato, agendorum *dare formam & modum*
oportet. Hæc autem ordinare aut præcipere, si qui-
 libet indifferenter posset & vellet, inter eos verisimi-
 liter suscitaretur scandalum, confusio atque conten-
 tio: & rursum, quoniam in generali concilio congre-
 gato attenditur ordo loci; vt in sedendo vel stando;
 sermonis etiam; vt in proponendo & deliberando:
 & aliqua præcipere quandoque, vt nimis garrulis, si-
 lentium imponendo. Amplius, quoniam & per con-
 cilium *deliberata re colligere oportet*, ac in scriptis per
 tabelliones redigi facere, sub certis & authenticis

*Atque hæc pri-
 ma pars con-
 clus interpretatio.*

Secunda pars.

Tertia bimestris.

** Primæ par-
 tis confirmatio.
 Prima.*

Propositio

Assumptio.

*Secunda: eiusque
 duplex ratio:*

1.

2.

signaculis & sigillis, expediens fuit vnum esse aliorum priorem, cuius sit auctoritas ceteros ordinandi, & reliqua expedientia præcipiendi circa concilium celebrandum & debite consummandum: ne propter talium diuersitatem & quandoque contrarietatem publica fidelium turbetur aut differatur utilitas. Ad huc videtur id expedire propter consuetudinem ecclesiæ Christianæ, in hoc. Et quoniam ex eo fidei unitas magis apparet sensibili signo.

Tertia:

Quarta.

* *Secundæ partis, repetitio & declaratio.*

Qui ceteris doctrina & pietate præstant, episcopi & ecclesiæ ceteris præfici debent.

Tamen episcopo & ecclesiæ Rom. id deberi videtur.

Ratio prima.

Secunda.

Tertia.

* Quem vero episcopum & qualem cuiusque provincie siue diocesis ecclesiam, sic caput aliarum instituere magis conueniat, qualem primum assignantes: dicamus secundum veritatem *eum qui ceteris vita & sacra doctrina, cunctis præpollet, in quo tamen est bona vita potius attendendus excessus.* Cuius autem loci siue provincie ecclesia præferri debeat? dicendum eam, cuius sacerdotale siue clericorum collegium, & ut plurimum honestioris vitæ ac lucidioris doctrinæ sacræ, viris abundat. Quamuis ceteris paribus aut non multum distantibus etiam Romanus episcopus & ipsius ecclesia (quamdiu locus habitabilis extet) pluribus congruentiis videatur meruisse præferri. *Primum* quidem, propter episcopi sui primi beati Petri aut Pauli, vel vtriusque excellentem fidem & charitatem, famositatem, & per Apostolos reliquos illis impensam reuerentiam: *Deinde* vero propter Romanæ urbis solennitatem, & quam dudum super ceteras obtinuit principalitatem: & abundantiam in ipsa virorum illustrium, sanctorum atque doctorum fidei Christianæ, secundum temporis plurimum ab initio ecclesiæ constitutæ, qui aliarum ecclesiarum in augmento fidei & eius unitate seruanda, curam diligentem atq; laborem assiduum præbuerunt. *Rursum* etiam propter sui populi ac principis generalem tunc monarchiam & auctoritatem coactiuam super reliquos omnes mundi principes & populos: qui de obseruatione fidei & eorum quæ per generalia definiebantur concilia, soli poterant omnibus coactiuum ferre præceptum, & illius vbilibet transgressores arcere, sic quoque fecerunt

& cc-

& ecclesiam ex modico in rem magnam auxerunt : quamquā ab ipsorum aliquibus postmodum persecutionem fideles sint passi quandoq; , propter quorundam malitiam etiam sacerdotum. *Demum* vero Quarta. congruit episcopo Romano & illius ecclesiæ principalitas hæc propter consuetudinem , eo quod hunc episcopum & ecclesiam fideles omnes præ ceteris didicerunt seu consueverunt amplius reuereri, & illius exhortationibus atque monitionibus ad virtutes & Dei reuerentiam excitari, eiusque argutionibus seu increpationibus & comminationibus æternæ damnationis à vitiis & sceleribus reuocari.

* Cuius autem sit auctoritas instituendi prioritatem hanc : dicendum , quod *generalis concilii* aut secundum eius dictamen fidelis legislatoris humani superiore carentis. Ad quos etiam pertinet determinare primum illum clericorum cœtum siue collegium : secundum quem modum *Romana urbi*, quam diu extiterit , *obicemque ad hoc non apposuerit* *populus ille* , propter beatorum *Petri & Pauli* reuerentiam, & quas pridem diximus conuenientias poterit, licite ac debet iam dicta principalitas in episcopo & ecclesia continue reseruari.

Hanc autem fore legislatoris quam diximus potestatem, testatur edictum *primi Cōstantini Romano- rum Imperatorum* , insertum codici *Isidori* supradicto, in quo continetur inter cetera series hæc; *Atq; decernentes sancimus* (nos videlicet, Imperator Romanus) *ut principatum teneat* (ecclesia Rom. scilicet) *tam super quatuor precipuas sedes, Antiochenam, Alexandrinam, Constantinopolitanam, & Hierosolymitanam, atque etiam super omnes in uniuerso orbe terrarum Dei ecclesias. Et Pontifex, qui pro tempore ipsius sacrosanctæ Romanæ ecclesiæ extiterit, celsior & princeps cunctis sacerdotibus totius mundi existat. Et eius iudicio quæque ad cultum Dei, vel fidei stabilitatem procurandam fuerint, disponantur.* Dixit autem signanter *procurandam per ipsum fidei* (siue legis diuinæ) *stabilitatem*, nec dixit secundum suam aut suæ solius ecclesiæ siue collegii sententiam

* Tertiæ partem primi membri declarationis

& confirmatio duplex.
1. Ab edicto Constantini quo Rom. ecclesiam ceteris præferebat.

eaque auctoritate qua iam explicata.

*Præterea civi-
lem potentiam
consulit sponte.*

*Eamque reuo-
catam forte per
successores eius,
restituit Pho-
cas.*

*3. Confirmatio
ex præcedenti-
bus.*

*Tertia partitio,
secundi mem-
bri confirma-
tio.*

*Exceptio: Si de-
sit Christ. legu-
lator qui conce-*

determinandam. Quoniam (vt pridem diximus) sollicitari, & inquirere opiniones emergentes circa scripturam & fidē, quæ schisma vel aliud scandalum afferre possunt, & fidelium quietē ac vnitatem turbare: idq; denuntiare fideli legislatori, aut illius auctoritate principanti: & ab ipso concilium requirere propter huiusmodi determinanda, & si expediens fuerit, corrigenda, ad sui pertinet officii prioritatem, quam diximus. Sic igitur principalitatem hanc tribuit *Constantinus* episcopo & ecclesiæ Romanorum, & cum principalitate hac (*propter deuotionem*) auctoritates alias quam plurimas, etiam coactiuas: ad quarū collationem eidem diuino vel humano iure minime tenebatur. Hanc siquidem etiam principalitatem iam dictam ab episcopo & ecclesia Romanorum, *reuocatam* fortasse per successores aliquos *Constantini*, restituit *Augustus Phocas* ecclesiæ supradictæ, vt ex *Chronica Martini* de Romanis Pontificibus & Imperatoribus euidenter apparet: vbi legitur inter cetera, *Bonifacius Quartus natus Marforū*, &c. & parum infra; *Hic obtinuit ab Augusto Phoca Imperatore, vt ecclesia beati Petri Apostoli caput esset omnium ecclesiarum, quia Constantinopolitana primam omnium se scribebat.*

Huius autem rursus institutionis auctoritatem esse legislatoris humani fidelis, iuxta consilium & determinationem generalis concilii, conuinci potest eisdem rationibus & auctoritatibus, quibus ostensum est 21. huius, ad ipsius auctoritatem pertinere generale concilium conuocare, rebelles ad conueniendum sacerdotes & non sacerdotes omnes, ac ordinatum per concilium transgressores, licite per coactiuam arcere potentiam, sola rationum mutata extremitate minori. Ex quibus eisdem per necessitatem sequitur, eiusdem fore auctoritatis, iam dictum episcopum principalem, & ecclesiam siue collegium corrigere, ab officio suspendere ac priuare seu deponere licite, si visum fuerit rationabiliter expedire. Non est autem prætereundum silentio, quod sub infidelibus legislatoribus siue horū auctoritate princi-

principantibus constituti fideles, tam sacerdotes quam non sacerdotes, qui fuerint in lege diuina periti, eadem diuina lege videlicet obligantur, si congrue possint conuenire ad eius sensus dubios definiendum, & determinandū, ac reliqua ordinandum, quæ ad fidei & fidelium augmentum & vnitatem atque communem vtilitatem proficere possint, quamuis ad hoc amplius obligentur sacerdotes, & debeant alios excitare: quoniam ipsorum officium est alios docere, exhortari, arguere, & si oportuerit increpare. Tenentur etiam consequenter ad hoc, qui docti fuerint in lege diuina: & per sacerdotes ad hoc requirendi sunt. *Quoniam scienti bonum facere, & non facienti, peccatum est illi, vt scribitur Iacobi 4.* Quemadmodum enim ad ciuilem libertatem defendendam per pugnam corporalem tempore necessitatis, humana lege non solum obligantur qui assignati sunt officio militari, pedestri aut equestri; verum etiam qui ex aliis officiis ciuitatis extiterint: & amplius qui ad hoc sunt magis idonei, præcipue cum per militares aut ipsorum ducem fuerint requisiti: sic etiam ad fidei defensionem & declarationem & reliquum ritum ecclesiasticum ordinandum, non soli sacerdotes obligantur lege diuina: verum etiam qui non sacerdotes, periti tamen in ea, præsertim cum ad hæc per sacerdotes fuerint requisiti: quamuis hoc sit proprium sacerdotum officium.

Quo vero conuocante sacerdotum collegium & reliquorum fidelium idoneorum, congregabuntur; merito quæret vtique quis: cum nullus sacerdotum aut reliquorum fidelium, lege diuina sit ceteris prior secundum determinata prius: neque humana, eo quod legislator humanus vbique supponitur infidelis. Nos autem dicamus iuxta scripturæ sensum, per nullum episcopum siue sacerdotem, habentem super alios sacerdotes & episcopos auctoritatem, futuram conuocationem aut congregationem prædictam, nisi forsitan eo casu, quo per iam dictam fidelium pluralitatem huiusmodi auctoritas alicui sacerdotum concessa foret. Esto igitur neminem sic

lum cogat: conuenire tamē debent legi diuina periti:

præsertim sacerdotes:

tum etiam aliis.

Quod simili declaratur: propositio:

Redditio:

A quo autem tum concilium conuocandum quæritur.

& declaratur, à nullo episcopo, pro auctoritate:

nisi à fidelium cœtu data fuerit.

*Sed si desit qui
hac ratione pri-
matus teneat:*

*Omnes sa. et do-
cti concilio ha-
buerunt au-
dorem:*

*aut illi quibus
pietas ac chari-
tas potissimum
cordi.*

*Quod declara-
tur,
i. exemplo Apo-
stolorum.*

*Non enim le-
guntur alicuius
Apostoli aucto-
ritate, reliqui
conuenisse.*

*Quis vero pri-
mus suaserit
non constat.
Est tamen suis-
se Petrum, pro-
pter virtutum
præstantiam, nō
tamen inde se-
quitar reliquos
præfuisse:
ut simili decla-
ratur.*

*Nec obstat quod
primus sentent.
dixerit: nam id
non pro imperio*

aliis omnibus per sacerdotem & reliquorum fide-
lium multitudinem fuisse prælatum, sed præferen-
dum expedire, aut aliud quid circa fidem & ecclesia-
sticum ritum expediens ordinandum. Dico vocatio-
nem congregationis huius vel ab omnibus sacerdo-
tibus prouenturam, si fortasse tantæ charitatis fue-
rit vnusquisque, quod propter fidem conseruandam
& augendam velit alios excitare, sic, vt hoc sibi con-
dicentibus & consentientibus omnibus, nulli du-
bium ipsos faciliter congregari. Aut si forte non o-
mnes tantæ fuerint charitatis, vt seipsos & alios ad
dictam cōgregationem mouere velint, ab aliquo vel
aliquibus reliquis feruētiorib⁹ amore diuino proue-
niet, aliis vero presbyteris aut nō presbyteris obtem-
perantibus sibi tanquam benedicientibus & consu-
lentibus recte. Quo etiam alterutro dictorum mo-
dorum conuenerunt *Apostoli* & seniores videre, an
oporteret ad salutem æternam incircumcisos fratres
circumcidi, sicut apparet Actuum 15. Nusquam enim
legitur, quod vocante Apostolorum aliquo per suam
auctoritatem alii conuenerint. *Sed solum hoc quod
conuenerunt Apostoli & seniores videre de verbo hoc.*
Et rursum quod *conuocantes duodecim multitudinem
discipulorum.* Quis vero Apostolorum primus exci-
tator seu exhortator fuerit ad huius congregationes
fiendas, ex scriptura non habetur expressum. Esto ta-
men hunc fuisse beatum *Petrum* propter ampliorem
in ipso charitatem, non propterea sequeretur ex hoc,
ipsum habuisse super Apostolos alios auctoritatem
aliquam: nisi eam forte quam sibi, per ipsorum ele-
ctionem super ceteros, tribuissent, quemadmodum
supra ostensum est 15. & 16. huius. Sunt enim in clau-
stris & ciuitatibus plurimi, merito vitæ atque do-
ctrinæ sacræ perfectiores, aut virtute politica præ-
stantiores, qui tamen minus perfectiorum non sunt
principes aut prælati, sed plerumque subiecti, quod
*in sacerdotalibus officiis, nescio (vel fortasse noui) qua-
peste frequenter euenit temporibus his.* Amplius, sicut
quandoque in ciuili congregatione studiosioribus,
antiquioribus, & magis approbatis viris à suis ciui-
bus,

bus, nulla sibi tamen auctoritate subiectis, sed propter solam reuerentiam quæ ampliori virtuti & ætati deberi videtur prærogatiua sedendi, loquendi, & deliberandi conceditur, & in aliis honorationibus defertur quam pluribus: sic verisimile valde ac iuxta scripturæ seriem, propter iam dictas causas, ceteri Apostoli Petro deferebant. Primus enim inter alios proposuisse legitur, vnde fortassis à quibusdam sanctis, dictus est *os & vertex collegii Apostolorum*, quamuis nulla forent sibi auctoritate subiecti, nisi secundum eam quam pridem diximus ipsorum electionem, si ipsum sic sibi præferre sponte voluerint, ut *Abbatem aut Priorem monachi & præsidem populi*. Secundum itaq; iam dictos modos, conuocationem & cōgregationem fidelium fuisse possibile, rationabile valde. Sicut enim ad ciuilem communitatem & legem ordinandam conuenerunt homines à principio, ipsorum valentiori parte concordante in his quæ sunt ad vitæ sufficientiam, non quidem vocati per singularem hominem, aut per plures aliquos habentes auctoritatem coactiuam in reliquos, sed suasionem & exhortationem prudentum & facundorum virorum, quos natura inter alios produxit inclinatos ad hoc, ex se postmodum proficientes suis exercitiis, & alios dirigentes, ad quam etiam homines naturaliter inclinati, obtemperauerunt suadētibus facile, quemadmodum ex 1. Politicæ capitulo 1. & 4. eiusdem capitulo 10. & ex 7. illius capitulo 12. induximus tertio, quarto, septimo & decimotertio, primæ. Sic quoque proportionaliter opinandum, multitudinem Apostolorum atque fidelium conuenisse, suadente fortasse Apostolorum aliquo vel aliquibus charitate feruentioribus, reliqua quoq; multitudine Spiritus sancti gratia, & inclinatione obtemperante faciliter. Quo etiam modo, post Apostolorum tempora sub infidelibus legislatoribus siue principibus, fortasse fecerunt episcoporum siue sacerdotum aliqui charitate Christi & proximi magis abundantes, cum quibus se mansurum usq; ad seculi cōsummationem, Christus promisit Matthæi ultimo & nouissimo verbo.

concessum, sed reuerentia ætatis & virtutis ut in civilibus etiam causis fieri solet.

Ac propterea à Patribus os & vertex Apostolorum dictus est.

2. Exemplo à primis civilibus conciliis. Propositio.

Redditio.

Hi enim sunt de quibus *Rabanus* dicit ibidem: *quod usque in finem seculi non sunt defuturi in mundo, qui diuina mansione & in habitatione sunt digni: quamuis ad hoc ex officio teneatur quilibet sacerdotum, si congrue possit. Omnibus enim hoc datum est preceptum in Apostolorum persona Matthæi ultimo, dum ad eos dixit Christus; Euntes ergo docete omnes gentes.* Quod attendens Apostolus 1. ad Corinthios 9. dicebat: *Va mihi si non euangelizauero, necessitas enim mihi incumbit.* Cuius exemplum, solici-

Pauli charitatem non imitantur Papa: sed fideles ad discord. excitant, ut tyrannidem tueantur.

Conclusio precedentium & transitio.

Quomodo Papa praesse debeat explicatum: sequitur origo & progressus illius potest. quam iam usurpat.

2. De potestate Papae ante Constantinum: fuisse illi primas in ritibus ecclesiasticis concessas non iure, sed sponte.

tudinem & laborem circa fidei augmentum & unitatem seruandam *moderni pastores ecclesiae Romanae, parum attendunt, Christi fideles ad litem & discordiam inuicem excitantes, ut eisdem possint securum, quamuis illicite ac indebite, seculariter principari.*

Ex dictis itaque patet, Romanum episcopum, & ipsius ecclesiam aliarum hactenus extitisse principalem & caput, & in quibus esse debuerit & debeat esse caput, sufficienter ostensum est. Vnde vero ad ipsum, & secundum quem modum peruenit auctoritas hæc, & usque ad quantum *de facto*, (quamuis indebite ac illicite) subreptitie sit protensa, resumentes dicamus, quod episcopus & ecclesia Romanorum, (secundum ea quæ induxi mus 18. huius, parte 5. 6. & 7.) ab initio sui usque ad tempora *Constantini* obtinuit licite prioritatem hanc ex aliarum ecclesiarum, quasi electione præbentium eidem consensum & obedientiam, sponte tamen: non quidem, quia eidem aliqua forent auctoritate subiectæ: sed propter apostolorum *Petri & Pauli* præeminentiam charitatis; & in fide constantiam; & rursus propter multitudinem solemnium personarum in ea, honestate præpollentium atque doctrina. Qui etiam propter ipsorum charitatem immensam, curam & sollicitudinem assumpserunt, aliarum ecclesiarum prælatos & singulares fideles alios instruere, ac fraterne monere. His autem ipsorum monita tanquam doctiorum, suscipientibus, ipsorum etiam ordinationes circa ecclesiasticum ritum, (quoniã vitales videbantur & iustæ, postmodum susceperunt, & demum

lemum ipsorum mandatis sub ecclesiastica censura
in communionis vel interdicti, propter fidelium vni-
 tatem seruandam obedierunt. Quæ siquidem obe- *Quod consue-*
 dientia spontanea, per longam consuetudinem obti- *tudine vim ele-*
 nuit vim electionis cuiusdam. Vnde licet circa ini- *ctionem obtinuit:*
 tium ecclesiæ, reliqui episcopi & ecclesiæ fidelium
 neque diuina neque humana lege aliqua obligaren-
 tur obedire mandatis aut institutis ecclesiæ vel epi-
 scopi Romanorum, plusquam econuerso; inuale-
 scente tamē hac vtili & rationabili *consuetudine*, qua
 fideles in vnitatem amplius seruabātur (eo quod tunc
 fidei caruerunt legislatore ipsos ad ordinem redu-
 cente ac in vnitatem seruante) obligati fuerunt poste-
 ri, lege diuina ad huiusmodi obedientiam in licitis
 & honestis, ac si dictum episcopum & ecclesiam per
 electionem sibi iudicem statuissent circa ecclesiarum
 ritum, & hoc præsertim *usque in ea tempora quibus*
possent publice congregari, & de statu ecclesiastico per-
 fectius ordinare. De contentiosis autem actibus al-
 tera quidem ratio est: in illis enim iudicandis inter
 fideles, siue sacerdotes siue non sacerdotes aliud con-
 silium dedit Apostolus, secundum quod ex 1. ad Co-
 rinthios 6. induximus aliqualem 9. huius, & eius-
 dem 29. explicabimus amplius. Hoc enim noluit
 Apostolus esse officium sacerdotis seu episcopi cu-
 iusquam, aut solius ipsorum collegii, sicut ex Apo-
 stoli, serie ac sanctorum expositionibus euidenter ap-
 paret ibidem. Sic ergo Romanus episcopus & ipsius
 ecclesia prioritatem licite à principio, per quandam sui
 charitativam sollicitudinem obtinere cœpit: qua post-
 modum propter consuetam deuotionem, reuerentiam,
 & obedientiam spontaneam, electionis quasi robur as-
 sumpsit. Nusquam enim ex scriptura colligi potest,
 quod præcepto Christi vel consilio aut alicuius Apo-
 stolorum, ecclesiæ vel episcopi reliqui, subesse debe-
 rent ecclesiæ vel episcopo Romanorum etiam in ec-
 clesiastico ritu. Quod si tamen necessitatis fuisset
 debitum ad salutem fidelium (quemadmodum as-
 serunt iam quidam Romani episcopi) nec solum cir-
 ca ecclesiasticum ritum, verum etiam in iurisdictio-

*De civilibus
 vero controuer-
 siis iudicandis,
 alia est ratio.*

*Nam iis sacer-
 dotes Apost. in-
 terdixit.*

*Papa igitur &
 Rom. eccles. po-
 testas in ritibus
 eccles. à consue-
 tudine mana-
 uit:*

non à S. literis.

*Eoque fabulosa
 est Paparum de
 sua potestate si-
 de sententia.*

3. De Papa po-
test. tempore
Constantini.

Qui Papa pri-
mas quas ei cō-
uenire diximus
confirmavit: &
prouincias quas
dam addidit.

Et si ante & post
quidam Papa
diuino iure sibi
primas debere
decreuerint:

Sed falso.
3. De potest. Pa-
pa post Constanti-
num.

Quidam Papa
iure diuino: in-
terdum dono
principū debere
sibi primatum
inconstanter
decreuerunt.
Eumq. definie-
runt euang. in-
terpretatione.
rituum eccles.
& ministrorum
institutione.

nibus coactiuis, nō tantum super clericos, verum et-
iam seculares principatus quoslibet; quomodo exi-
stimabile est, Christum & ipsius Apostolos hoc prae-
termisisse tradendum? Sed quoniam tam Christus
quam ipsius Apostoli aperte statuerunt *oppositū*, prae-
sertim in iurisdictionibus coactiuis (vt ex scriptura
palam ostensum est 4. huius, 5. & 9. debet sic sermo
dicentium *cum Apocryphis fabulis* computari. Tem-
pore vero *Constantini Primi*, Romani Imperatoris
(qui patenter Christi fidem & baptisimū assumpsit)
primū fideles incoeperunt publice congregari, & du-
bia circa fidem definire, ac ecclesiasticum ritum or-
dinare, vt ex *Isidori* praedicto codice apparet, capitulo
de primitiua ecclesia, in Synodo Nicena. Ab hoc liqui-
dem *Constantino* per edictum imperiale iuxta prae-
dictam laudabilem & antiquam consuetudinem obti-
nuit episcopus & ecclesia Romanorum, *prioritatem*
quam sibi super alias determinauimus conuenire: &
vltra prioritatem hanc prouinciarum quarundā pos-
sessiones atq; dominia. Quamuis *ante tempora Con-*
stantini & *post* etiam Romanorum episcopi quidam
suis epistolis siue decretis quibusdam prioritatem
(quam super alios illis conuenire monstrauimus ele-
ctione, vel constitutionibus principum) sibi singula-
riter absq; requisitione vel consensu legislatoris hu-
mani fidelis, collegii cuiusquā vel personę singularis
cuiusuis praeminentiae aut auctoritatis existat, in-
nuerunt diuina lege debere: cuius tamē oppositum
monstratū est sufficienter capitulo praecedente. *Post*
tempora vero Constantini Primi & praecipue *Imperia-*
li sede vacante, hanc sibi debere prioritatem quan-
doque lege diuina, quandoq; vero concessione prin-
cipum suis epistolis expresserunt *Romanorum episcopi*
quidam. In quibus autem & qualibus hęc sit atten-
denda prioritas, quam pluribus ipsorum insinuantibus
& aliquo aliter exprimentibus hanc esse circa legis
euangelicae interpretationem, & circa ordinationem
ecclesiastici ritus, tam circa diuinum cultum quam
circa ministros, quantum ad omnem ipsorum insti-
tutionem, inseparabilem siue primariam (quam ef-
fectia-

sentialem diximus) siue secundariam ac ipsius priuationem, quam separabilem siue accidentalem dicebamus 15. huius. Hanc etiam extendentes auctoritatem in omnes episcopos, & ecclesias, populos & singulares personas, ad sententiam *excommunicationis* & *interdicti* diuinorum officiorū, tam subditis, quam ecclesiarum ministris siue praelatis, ac alterius cuiuslibet *ecclesiastica censura* consimilis, vt *anathematis* in supradictos fideles ferendum. Consequenter vero ipsorum aliis idem intendentibus de omni iurisdictione seu coactiua potestate, super omnes ecclesiarum mūdi ministros & ipsorum collegia: ea quidem vtentes tanquam sibi conuenienti ex concessione principum, *quamdiu potens extitit Romanorum princeps*, ipsiusque regnum integrum, & plena sedes: hoc vero deducto in seditionem, & *præcipue Imperiali sede vacante*, per temporum interualla, freti sunt hac potestate, tanquam sibi diuina lege concessa. Quod cur tam varie contigerit, *sequenti capitulo* dicturi sumus. Sic etiam *suis epistolis* expresserunt, sibi conuenire temporalium omnium ecclesiasticorum dispensationem seu distributionem pro voto absque collegii cuiusquam aut personę singularis cuiuscunque dignitatis vel auctoritatis requisitione consensus. Quibus etiam ipsorum moderniores excessibus non contenti, *suis expresserunt epistolis siue Decretis*, auctoritatem siue iurisdictionem coactiuam supremam super omnes mundi principatus, populos & singulares personas, sibi lege diuina deberi: sic quidē, vt nullus principantium iam dictorum, iurisdictionem hanc coactiuam (quam vocāt ipsi *gladium temporalem*) præter aut contra ipsorum consensum siue dictamen, licite valeat exercere: præter autē aut cōtrarium facientes, principantes & populos *excommunicationis* vel *interdicti* sententię vocaliter, pronūtiando subiectos. Afferunt enim se solos in mūdo Christi vicarios, qui fuit Rex regū, & Dominus dominatiū, hic latenter intendent per eum quē sibi debitū dicunt titulum *Plenitudinis potestatis*: propter quod etiam ad suam auctoritatē pertinere dicunt omnia mundi

Deinde censura ecclesiast. in omnes exercendi potestate.

Cui alii eiusdem præterea in omnes sacerdot. potestiam adscripserunt.

Eaque florenti imperio sunt vsi vt imperatoris dono: eo vero turbato, tanquā a Deo data.

Deinde in omnia bona eccles. auctor. sibi tribuerunt.

Tandem ex illis recentiores etiā sibi summū civile in omnes mortales imper. diuino iure deb. statuerunt.

Nam eo nomine quod soli sint Christi vicarii, Plenitud. potest. titulum sibi arrogarunt.

Idque temerarie, & contra S. literas.

Ut liquet ex Papis, Bonifacio Octavo:

Clemente quinto: & Ioanne 22.

regna & principatus conferre, ac auferre licite posse, regibus & ceteris principantibus, ipsorum mandata transgredientibus, *quamuis impia sint secundum veritatem & illicita saepe.* Hoc autem inter ceteros Romanos episcopos, non minus temerarie quam praëiudicialiter & contra scripturae sensum literalem, metaphysicis eius expositionibus innitens *Octavius Bonifacius*, intantum expressit & asseruit, *ut hanc Romanis episcopis deberi potestatem decreuerit ab omnibus credendum & consitendum esse de necessitate salutis aeternae.* Cuius sententiam assecuti sunt successores eius *Clemens Quintus*, & dicti Clementis vocatu *Ioannes* immediate successor: quamuis hoc solum explicite videantur dicere de solo imperio Romanorum. Quod quia id asserunt innisi titulo supradicto, plenitudinis videlicet sibi *datae potestatis* à Christo, indubium est, potestatem hanc siue auctoritatem, si qua talis ex hoc illis conueniat, omnia mundi regna & principatus ex equo respicere, quemadmodum Christi potestas, sicuti seriose satis ostendimus 19. & ultimo primae.

CAPVT XXIII.

An plenitudo potestatis Papa conueniat: & unde, ac quibus gradibus eam sibi adscripserit.

Anacephalosis praecedentium & transitio ad sequentia.

DE quantis quidem igitur & qualibus potestatibus sacerdotum, determinatum est 6. 7. 9. & 11. huius. Amplius de ipsorum inuicem potestatis & dignitatis *aequalitate* habitum est 15. & 16. huius. Et rursus de vnius episcopi, ecclesiae siue collegii sacerdotum & clericorum super ceteros omnes expediendi & cōuenienti *proprietate* seu principalitate ipsiusque initii atque processus: adhuc autem de illius indisconuenientem sibi prioritatis formam & speciem latenti transitu, atque serpigine, vsque quasi ad grauissimum & importabilem *secularium potestatum*

occu-

occupationis excessum, immoderatumque amplius & intolerabile futurum penitus eorum desiderium principandi vocaliter iam expressum, dictum est aliquo capitulo præcedente. Quodque tam in occupatis quam etiam occupandis secularibus potestatibus & principatibus, ad quos (ut omnium quasi sensibus euidenter apparet) omni conamine tendunt *episcopi Romanorum* (quamuis indebite) non modicum exemplum fuerit, extet futurusque sit eis locus ille sophisticus, quem sibi videlicet adscribunt titulum *Plenitudinis potestatis* (vnde etiam *paralogismus*, quo reges & principantes ac singulos coactiua sibi iurisdictione subiectos, nituntur concludere, traxit originem) bene se habet perscrutari de huiusmodi plenitudine potestatis. Primum quidem separando seu distinguendo modos illius: Deinde vero inquirendo, an Romano Pontifici vel alteri cuiquam episcopo, secundum aliquem vnum aut plures modos, plenitudo conueniat potestatis. Post hac autem secundum quam significationem, hunc titulum Romanus episcopus sibi primum assumpsit. Demum vero qualiter ex hac in alias assumendas acceptiones (ut deceptiones principantibus & subiectis omnibus ciuilibus viuentibus præiudiciales) se transtulit. Et qualiter, & in quibus eis usus fuerit & utatur idem Pontifex, & nisi prohibeatur, verisimiliter sit vsurus. Verum quia *Plenitudo potestatis*, vniuersalitatem quandam importare videtur, & de voluntariis potestatibus propositum sit intendere solum, distinguendum nobis est plenitudinem potestatis in modos, penes vniuersalis voluntariæ potestatis distinctionem. Est igitur & intelligi vere potest uno modo potestatis plenitudo secundum significationem siue virtutem sermonis, ea quæ cuiuslibet actus possibilis & in rem quamlibet voluntarie factiua est, non habens hyperbolem, quæ soli hominum Christo conuenire videtur, vnde Matthæi ultimo: *Data est mihi omnis potestas in calo & in terra.* Secundo vero modo intelligi potest plenitudo potestatis, ad propositum magis, ea secundum quam li-

Quia Papa tyrannidus firmāda & augenda gratia insidioso titulo Plenitudinis potest. abutitur: de ea agendum est:

& quo ordine declaratur. Primum caput: Secundum.

Tertium:

Quartum:

Quintum de quo cap. sequenti, &c.
1. *Distinctio significationum plenitudinis potestatis.*

ceat homini exercere *quemlibet* suum *actum* voluntarium imperatum, in *quemlibet* hominem & rem *quamlibet* exteriorē, existentem in hominum potestate, siue ordinabilē ad vsum eorū. Vel ea rursus secundum quā quidem liceat *omnem actum* iam dictum, quamvis *non super quemlibet hominem aut rem omnem*, humanæ potestati subiectam: vel amplius ea secundum quam liceat, *non omnem actum exercere*, sed determinatum specie, siue modo, secundum tamen omnem volentis impetum, *quemlibet super hominem & rem omnem* humanę subditam potestati. Tercio vero modo intelligi potest plenitudo potestatis, ea quæ supremæ iurisdictionis coactiuæ super omnes mundi principatus, populos, communitates, collegia, & singulares personas, aut rursus in aliqua horum, secundum tamen omnem impetum voluntatis. Quarto vero modo intelligi potest, ea quæ iam dicta est, aut secūdum dictum modum super omnes clericos tantum, ipsosque omnes ad ecclesiastica officia instituendi, priuandi, seu deponendi, & ecclesiastica temporalia siue beneficia distribuendi, aut secundum modum iam dictum. Quinto autem potest intelligi, vt ea quæ sacerdotum omnimode ligandi & soluendi homines à culpis & pœnis excommunicandi, interdicendi, & reconciliandi, de qua dictum est 6. huius, & 7. Sexto quidem intelligi potest, ea qua manus imponere liceat omnibus ad ecclesiasticos ordines suscipiendos, & ecclesiastica sacramenta conferendi vel prohibendi, de qua dictū est etiam 16. & 17. huius. Septimo vero intelligi potest, ea quæ sit interpretandi scripturæ sensus, præsertim in his quæ sunt de necessitate salutis, & veros à falsis, sanos ab insanis definire seu determinare, ritumque omniæ ecclesiasticum ordinandi, & ordinatorum obseruationis coactiuum vel sub anathemate generaliter ferre præceptum. Octauo vero & vltimo modo quantum proposito nostro attinet, intelligi potest plenitudo potestatis, ea quæ curæ pastoralis animarum generalis ad omnes mundi populos atque prouincias, de qua dictum est 9. & 22. huius. Posset autem

FINIS

rursum plenitudo potestatis intelligi secundum vnamquamque diuisionum dictarum, ea quæ nulla sit determinata lege, non plena vero, quæ foret determinata per leges humanam aut diuinam, sub qua etiam recta ratio potest conuenienter comprehendi. Sunt autem fortasse modi quidam & combinationes aliæ plenitudinis potestatis, quæ tamen omnes ad intentionē propositam pertinent, enumerasse videremur. His itaque potestatis plenæ diuisionibus sic præmissis: Dico plenitudinem potestatis secundum iam dictos *duos priores* modos episcopo Romano, vel alteri cuiquam sacerdoti, præter Christum siue Deum minime conuenire. De quibus siquidem, propter rei euidentiam, & quoniam certificatum est ex diuina & humana sapientia, & omni morali scientia, pertranseo etiam propter abbreviationem. De *tertio* quidem & *quarto* modo plenæ potestatis per demonstrationem ostensum est 15. primæ, per scripturæ sacræ testimonium infallibile 4. 5. & 8. huius, amplius confirmatum 15. 16. 17. ac 21. eiusdem firmissime roboratum, quoniam sacerdoti aut episcopo (inquantum huiusmodi) super clericum aut non clericum quemquam absolute, nedum cum plenitudine aliqua, lege diuina nulli conueniunt. Vtrum autem humana lege sit clerico cuiquam, episcopo, vel sacerdoti vel non sacerdoti, talis potestatis plenitudo concessa, secundum aliquem modum possibilis quidem concedi, & ex causa rationabili legislatoris humani iudicio reuocari, certificandum est & humanis legibus & rescriptis seu priuilegiis legislatoris eiusdem. De reliquis autem *quinto* & *sexto* modo, plenæ potestatis scilicet, ostensum est sexto huius & septimo, quoniam potestas ligandi atque soluendi à culpis & pœnis, similiter eaq; anathematizandi seu excommunicandi publice quemquam, non est absolute siue cum plenitudine sacerdoti concessa, sed lege diuina determinata: sic vt neque innoxios apud Deum damnare, neque noxios soluere possit. Et rursum, quoniam excommunicandi quemquam publice, præcipue principantē aut cōmunitatē aliquam

2. *Plenitudinē potest. nec Papa nec cuiquam alteri episcopo conuenire vlla significatione.*

interdicendi cuilibet episcopo & sacerdoti, humana ordinatione conuenienter debet determinari potestas, quemadmodum ostensum est 6. 7. & 21. huius. Amplius eandem potestatem ad ecclesiasticos ministros instituendos per manuum impositionem, docendum & prædicandum, ac ecclesiastica sacramenta in communitatibus fidelium ministrandum, monstratum est 17. huius, non sic episcopis aut sacerdotibus cum plenitudine conuenire, quin diuina & humana lege determinatus sit eis modus conueniens agendi secundum illam. De residuis autem septimo & octauo modo plenitudinis potestatis, ostensum est 20. 21. & 22. huius, eos nulli episcopo aut sacerdoti cum plenitudine conuenire, sed secundum determinationem tam diuinæ quam humanæ legis. *Non igitur episcopo Romanorum aut alteri sacerdoti cuiquam plenitudo conuenit potestatis, in quantum huiusmodi: nisi eam fortasse velint appellare plenitudinem potestatis, prioritatem seu principalitatem, quam episcopo supradicto & ipsius ecclesiæ super reliquas omnes, fidelis legislatoris humani auctoritate,* 22. huius *monstrauimus conuenire.* Vnde vero & à qua significatione per *Romanum Pontificem* primum exordium sumptum est huius adscribendi sibi tituli plenitudinis potestatis (cum tamen vere secundum nullam dictarum significationum illi conueniat) consequenter dicendum. Videtur autem titulus hic à Romano Pontifice *secundum significationem octauam primum assumptus*, & suæ cuiusdam apparentis conuenientię, originem extitisse id Christi oraculum, quod habetur Ioannis 21. dum beatum Petrum alloquens, inquit: *Pasce oues meas.* Amplius ex eo quod Matthæi 16. ad eundem singulariter, *Tibi dabo clauēs regni calorum*, &c. Rursum ex eo quod Ioannis 18. *Conuerte gladium in vaginam.* Amplius ex discipulorum responso ad Christum, *Ecce duo gladii.* Ex quibus siquidem secundum suas interpretationes, quidam intelligi volunt vniuersitatem totam & totius orbis ouium, id est, Christi fidelium, soli Petro fuisse commissam, & sic cuilibet Roma-

3. Plenitudine potest. cum primum sibi adscriberent Papa generalem omnium animarum curam intellexerunt.

Cuius origo ex fa. s. S. literarum interpretatione.

Roma-

Romano Pontifici, tanquam beati Petri vicario singulari: reliquis vero Apostolis & ipsorum successoribus episcopis, non totā & totius orbis vniuersitatem ouium, sed singularis determinatum & singulum gregem atq; prouinciam gubernandam, fuisse commissam. *Quorum beatus Bernardus*, sic intelligens oraculum Christi prædictum, ad Eugenium Papam Romanum, De consideratione libro 2. sic ait: *Nec modo ouium, sed & pastorum, tu modo vnus omnium. Vnde id probem, quæris? ex verbo Domini. Cui enim, non dico episcoporum, sed etiam Apostolorum sic absolute & indiscrete, tota commissa sunt oues? Si me, amas Petre, pasce oues meas: nihil excipitur, ubi nihil distinguitur.* Parum etiam infra subiungens: *Inde est quod alii singuli singulas sortiti sunt Plebes scientes sacramentum: Denique Iacobus, qui videbatur vna esse columna ecclesia, vna contentus est Hierosolyma, Petro vniuersitatem cedens.* Consequenter autem propositum inferens, inquit sexto: *Iuxta canones tuos, alii in partem sollicitudinis, tu in plenitudinem potestatis vocatus es.* Intellecta fuit igitur ab initio plenitudo potestatis administratio seu cura generalis omnium animarum.

Vt ex Bernardo probatur.

Secundum hanc quidem significationem assumpta sibi prædicatione tituli huius (quamuis non secundum verum scriptura sensum, quemadmodum 28. huius sufficienter monstrabitur) ex præsumptione transiit in aliam Romanus episcopus (fortasse quæstus gratia, vel alterius commodi aut excellentiæ super alios vsurpandæ) assumendo videlicet, ac publice prædicando se solum singulariter à pœnis debitis seu infligendis pro statu futuri seculi, iuxta peccatorum demerita, suo verbo: vel satisfactionis in hoc seculo quo sibi libeat modo taxato, simpliciter eximere peccatores & absolvere posse.

Qua fraude ac quibus gradibus Papa hac significationem Plenitudinem potest. amplificauit.

Præter gener. animarum curam a pœnis posthumis absolutionem solus sibi vendica-

His autem sic sumptis sub quadam pietatis & misericordiae specie (prima quidem, vt ex charitate sollicitari & curare de omnibus videantur) secunda vero, vt omnibus misereri posse ac velle credantur) priuilegiis & concessionibus principum fulti, præcipue

runt.

Nunc progressi,
1. *Decreta cler-*
vici prescri-
pserunt.

2. *Populo ieiun-*
ia & certorum
ciborum absti-
nentiam suase-
runt ac persua-
serunt.

3. *& inueterata*
consuetudine fre-
ti tandem præ-
ceperunt: ac se-
cus facientes
excommuni-
caverunt.

* *Occasio du-*
plex tyranni-
dis Papæ.
& populi error
abusi se & om-
nes clericos one-
ribus publicis
exemerunt.

& aucto im-
moderate cleri-
corum numero,
potestatem suam
auxerunt, prin-
cipum vero mi-
nuerunt.

Et ut magis mi-
nuerent ad ty-
rannidem suam
firmandam qui
clericos laderet
excommunicā-
dos edixerunt
& excommu-
nicaunt.

Imperiali sede vacante, titulum hunc consequenter extenderunt episcopi Romanorum. *Primum* quidem ad ordinandum circa ecclesiasticum ritum lationes legum quasdam in clericos ab initio, vocata *Decreta.* *Deinde* vero per modum rogationum seu exhortationum ordinationes quasdam laicis suaserunt, ut *ieiuniorum* & ceteris temporibus abstinentię ciborum quorundam propter diuinum suffragium, & misericordiam impetrandam, ad quasdam tollendas tunc ab hominibus epidemias, & aerias tempestates, sicut ex *legenda beati Gregorii* & aliorum quorundam sanctorum satis apparet. Has autem suscipientibus laicis sponte, ac propter deuotionem obseruantibus, inueterata talium consuetudine, ordinationes iam dictas *Rogationes* per modum præcepti cœperunt indicere: sicut earum transgressores ausi sint, absque humani legislatoris licentia, vocalis sui *anathematis* seu *excommunicationis* sub pietatis tamen, seu diuini cultus specie, terrore ferire. *Crescente* autem consequenter *ipsis appetitu amplius dominandi* attendentibus etiam deuotos fideles huiusmodi verbis terreri propter * *ignauiam & diuinę legis imperitiam,* qui ad ea quę per sacerdotes indicebantur, obligari credebant, metu damnationis æternę præsumpserunt ulterius episcopi Romanorum cum suo clericorum cœtu oligarchica quædam *edicta*, siue ordinationes, circa ciuiles actus statuere, quibus seipsum, ac ipsorum ordinem, siue officium clericatus assumentes quoslibet, etiam mere laicos, pronunciauerunt exemptos ab oneribus publicis: ad hoc promouentes officium, seculares etiam coniugatos, qui facile sunt allecti, ut immunitatibus gaudeant onerum publicorum. Vnde non modicam ciuilis multitudinis sibi subiecerunt particulam, subtrahentes principatium potestati. Rursumque ampliorem subtrahere studentes, aliis pronuntiauerunt *edictis*, anathematis poena feriri eos qui personales iniurias qualescunq; intulerint his, qui clericorum collegio sunt adscripti; sic quoq; clericis iniuriam inferentes per *excommunicationem* in templis publice diffamantes, nec mi-

nus

nus propterea persequentes eosdem, requirunt hu-
 manarum legum pœnis arceri. Horum autem, de-
 testabilius & sacerdotum officio execrabile valde,
 quod Romanorum & episcopi reliqui, vt suam am-
 plient iurisdictionem, & per hanc sibi quæstum tur-
 pissimum *in Dei contemptum & principantium præ-*
iudicium manifestum, tam laicos quam clericos, vel
 negligentes aut etiam impotentes quædā persolvere
 debita pecuniaria, quibus ad certū temporis termi-
 num persolvendis fuerant ciuilitè obligati, excom-
 municant & excludunt ab ecclesiasticis sacramentis:
 quos Christus & sancti Apostoli multis exhortatio-
 nibus, pœnis, & laboribus, ac demum suis martyriis
 & preciosis sanguinibus intra ecclesiam posuerunt.
 Non enim sic fecit qui omnibus omnia factus est, vt
 omnes lucrifaceret: sed propter sola crimina graua
 voluit peccatores à reliquorū fidelium præcidi con-
 sortio, vt ex 1. ad Corinthios 5. induximus septimo
 huius. *Quibus etiam non contenti*, sed secularium
 (contra Christi & Apostolorum præceptum consi-
 lium) petentes fastigia in legumlationes, seorsum ab
 iis quæ ciuium vniuersitatis, proruperunt, omnem
 clerum ab his decernentes exemptum, *ciuile schisma*
 & principatum supremorū pluralitatem inducen-
 tes ex ipsis, quam velut impossibilem humanæ quie-
 ti, certam huius experientiam inducentes, demon-
 strauimus 17. primæ. *Hac enim pestilentia Italici re-*
gni radix est & origo, ex qua cuncta scandala germi-
 nauerunt, prodeunt: & qua stante, nunquam ciui-
 les ibidem cessabunt discordiæ. Potestatem ete-
 nim hanc, ad quam paulatim & latenti præuarica-
 tione subintrauit ex consuetudine (aut abusione ve-
 rius) dudum detinuit *Romanorum episcopus*, eam-
 demque sibi per principem reuocari formidans (&
 merito propter commissos excessus) creationem, at-
 que promotionem Romani principis omni maligna
 sollicitudine vetat: & in tātā demum ipsorum qui-
 dam prorupit audaciam, vt in suis edictis expresserit,
Romanum principem sibi iuramento fidelitatis astrin-
gi, tanquam coactiua iurisdictione subiectum, vt ex

Imo & quorundā
qui debita statō
tempore non sol-
uerint excom-
municant, ma-
ximo in Deum
& principes
sceleris:

contraque Chri-
sti & Apost.
sententiam.

Denique à legi-
bis ciuilibus o-
mnes clericos o-
ximantes, nouas
leges (quas de-
creta vocant)
iniquissime tu-
lerunt.

Atq; hinc Ital-
ia calamitas:
qua hac peste
regnante, nun-
quam cessabit.

Nam Papaty-
rāni sui me-
tuens, in inter-
regnotutus, Im-
perator. libera
creationi repu-
gnat.

Vt liquet ex
Clementis 1. au-
dacia: de qua
(supra pag. 102)

suarum narrationum (quas Decretales appellant)
 derisibili & contēnendo prorsus inuolucro septimo,
De sententia & re iudicata, palā se inspicientibus of-
 fert. Cui *præcipiti temeritati* adnuere recusans Chri-
 stianissimus Imperator ille, virtutum omnium vir,
 per omne tempus, locum & statum, singulariter in-
 tēr ceteros principes approbatus, felicitis & diuæ me-
 moriæ V I I. *Henricorum*, tanquam præstiti iuramen-
 ti se immemorem simulans, illius transgressor de-
 scribitur per falsam non minus quam temerariam
 narrationem quandam decretalem vocatam, cui ti-
 tulus *De iureiurando*: quamuis potius de iniusta in-
 iuria & illata diuo Imperatori, suisque successoribus
 & affinibus omnibus contumelia, intitulari merito
 possit. Nam à *canonum* vocatis conditoribus quo-
 niam periurus pronuntiatur infamis. Qui etiam
 eius claram memoriam (si calumniatorum huius-
 modi maculari posset verbis aut scriptis) denigrare
 sunt nisi. Has siquidem oligarchicas ordinationes
 non auferunt episcopi Romanorum cum suis Car-
 dinalibus vocare *Leges*, sed *Decretales* appellarunt;
 quamuis eisdem homines ad pœnam obligare in-
 tendant pro statu præsentis seculi & per potentiam
 coactiuam, quemadmodum hæc intendunt legisla-
 tores humani. Id autem vocabulo *legum* à princi-
 pio inauferunt exprimere, formidantes resistantiam
 & correctionem legislatoris prædicti, quoniam ex
 hoc in principantes & legislatores *commiserunt cri-*
men læsæ maiestatis. Vocauerunt rursus huiusmo-
 di ordinationes à principio *iura canonica*, vt ex vo-
 cabuli colore, quamuis *impie* appositi, magis ha-
 beantur authenticæ, ipsarumque credulitatem & re-
 uerentiam atque obedientiam fidelibus imprimant
 amplius. Sic igitur paulatim clanculum se transfe-
 rentes, vt omnia concludamus, *sex posteriores signifi-*
cationes plenitudinis potestatis de se prædicant Roma-
norum episcopi, per has quam plurima in ciuili ordine
monstruosa committentes contra legem diuinam &
humanam, ac rectum iudicium cuiuslibet rationem
habentis. De quorum aliquibus, quamuis non o-
 mnibus;

Hæc porro de-
 creta, non ausi
 sunt leges voca-
 re: sed Decre-
 tala:

metu principū
 quorum mai-
 statem lādunt:
 tum iura cano-
 nica impio vo-
 cabulo & ad ty-
 rannidem con-
 firmendam
 aptissimo.

Conclusio.

mnibus, singulariter saltem, rememorationem fecimus capitulo præcedenti.

C A P V T X X I V.

Qua ratione speciatim potestatis Plenitudine in ecclesiasticis ad ecclesie perniciem sceleratissime abusi sint Papæ: Romana curia mores profligatissimi, & Ruina graphice, & quasi prophetico afflatu exprimuntur.

AD hæc autem consequens est manifestare, qualiter, & in quibus plenæ potestatis sibi modis assumptis vsi fuerint hætenus Romanorum episcopi, vtatur, & nisi vetentur, verisimiliter sunt vsuri & primum quidem in ecclesiasticis officialibus statuendis: & beneficiis, seu temporalibus dispensandis, tam in ecclesiasticos ministros, quam alias miserabiles personas, propter quas etiam (vt in 14. huius) ecclesiastica temporalia tradita sunt & statuta fuere, sic per ministros ecclesiasticos dispensanda. Deinde vero monstrandum qualiter his plenis potestatibus vsi sint hætenus & vtantur ac deinceps vsuri ad eos qui ciuilitate viuunt, tam principes quam subiectos. Secundum hanc itaque plenitudinem potestatis hætenus & in præsentiarum Romanis episcopis actione permessa, Christi corpus omne mysticum infecerunt, & (si dicere liceat) corruerunt. Electionem namque, modum potiore, quinimo in quo solo securitas est simpliciter bene instituendi officialem quemcunque, diminuerunt, corruerunt & demum quasi totaliter extinxerunt, cum tamen hac Apostoli cum reliqua fidelium multitudine diaconorum institutionem effecerunt, vt habetur Actuum 6. Diminuerunt quidem primo, in solum clerum conuertendo quod per vniuersam fidelium multitudinem fieri solebat & debet, quemadmodum ostensum est 17.

1. Quomodo plenitudine potestatis abusi sint Papæ & abutuntur.

primum in ecclesiasticis ministris instituendis, & bonis distribuendis.

2. In ciuilibus de quo cap. sequenti.

Proposit. 1. part. 1. tu: Papa plenitudine potestatis ecclesiam corruerunt.

Probat. id de materia & forma ecclesie. Materia primum in ministris ecclesie: quorum electionem imminuerunt, eam soli clero committendo.

Corruperunt in huius. *Corruperunt* autem rursus *diminuendo*, & *Canonico* indo- in quorundam imperitorum & exortium legis diui-
dos & inuenes næ iuuenes, quos *Canonicos* vocant, exclusis prouin-
episcopi electio- ciæ sacerdotibus, eligendi episcopum auctoritatem
nem transfe- transferendo: nisi fortasse casu cōtingeret (quod ra-
rendo. rum est & in paucioribus) eundem esse sacerdotem

extinxerunt.
quia ecclesiasti-
earum functio-
num distribu-
tionem imme-
diatē sibi reser-
uarunt.

Unde saepe igno-
rantia aut ma-
lis artibus indo-
ctos & scelera-
tos in bonorum
locum substi-
tuunt: imo eius
ecclesia cui prae-
ficiuntur lin-
gua ignaros.

Quod duorum
episcoporum a
Ioanne 22. crea-
torum exemplis
probat.

atq; canonicum, ad solius vnius ecclesiæ siue templi clericos in prouincia, determinātes electionis auctoritatem; quæ saltem per omnem prouinciæ clerum fieri deberet, & per sacerdotes præcipue, quos debetum est esse diuinæ legis doctores, vt vbi, supra monstrauiamus. *Extinxerunt* autem quasi finaliter, quoniam omnium fere prælationum ecclesiasticarum, nec non horum, verum mediocrium & minorum officiorum, etiam quæ mere laicis cōuenire possunt, propter templorum custodiam, collectionem & pro his temporalium seu beneficiorum distributionem, *immediate* suę potestati reseruant *episcopi Romanorū.*

Qua siquidem *reseruatione*, irritas & inanes esse decernunt electiones quaslibet, quamuis rite factas, de sufficientibus & approbatis personis, horum vice instituentes de suæ plenitudine potestatis (ignorantis aut affectæ precio vel prece, odio vel amore, terrore, obsequio exhibito, aut obtinēdo fauore, vel peruerse aliter) diuinarum literarum ignaros, idiotas & indisciplinatos, & plerumque homines mente corruptos & notorie criminosos, qui plebibus etiam quibus præficiuntur, non communicant idiomate seu sermone. Vnde respondeat ipse Christo Ioannis 10. qui contra vel post factas aut fiendas electiones inter cetera mōstra, quæ fecit & facit, *de lingua sua Occitana* duos instituit episcopos, *unum Guintoniensem in Anglia*, reliquum *Londensem in Dacia*, cum populis illis nullo communicantes sermone, quales autem doctrina & moribus; non mea referre interest, quamuis Londensis, vt in Dacia liquet, ecclesia & diœcesis spoliata omnium armentorum gregibus necessariis ad agrorum cultum, secundum exigentiam patriæ, per venditionem, collectis inde thesauris & ecclesia *debita*, *abfugerit*, reuersus in regionem suam. Respondeat.

deat, inquam, *Romanus episcopus, quomodo pastor hic proprias oues vocabit nominatim*, mores ipsarum cognoscendo per ipsorum confessiones, & quos arguere oportet reprehendendo, aut quomodo sequentur illū oues, eius vocem prædicationis & doctrinæ intelligendo. Nec modo propter necessitatē siue defectum hominum, qualis erat antiquis temporibus, oportet ex alienis prouinciis mendicare pastores. Erant enim in *Anglia* viri præstantiores vita, & sacra doctrina doctiores eo qui vocum seu sermonum significationis ipsorum expers, nec sacrę scripturæ doctor, sed *causidicus* quidam præfectus est illis; sic & in *Dacia*, & in reliquis prouinciis de quibus in errore consimili, in occulta possent induci testimonia plurima, quę tamen pertranseo propter abbreviationem. Quis enim nō admirabitur aut stupebit, diuinarum scripturarum ignaros iuniores, morum conuenienti grauitate carentes, inexpertes, indisciplinatos, & quandoque notorie criminosos, ad maiores ecclesię thronos esse præfectos *Simoniaca prauitate*, vel prece potentum (non dico quandoq; terrore, obsequio vel sanguinis affinitate) repulsis aut neglectis scripturæ sacrę doctoribus, viris honestate probatis? Fictane loquor aut falsa? ab numerante quippe prouinciarū episcopos aut archiepiscopos, patriarchas & reliquos inferiores prælatos, *sacrę theologiæ Doctor*, aut in ipsa sufficienter instructus, nō reperietur unus ex decem. Et quod referre pudet (quamuis nō pigeat, quia verū) Episcopi modernorū neq; prædicare populo verbū Dei, nec hereticorum, si qui apparuerint, nouerunt erroris aduersari doctrinis, sed in prædictis euentibus impudenter mendicant aliorum doctrinas, cum tamen dicat doctor gentium i. ad Tim. 3. *quod oportet episcopum esse doctore, amplectentem eum qui est secundū doctrinam, fidelem sermonem, ut potens sit exhortari in doctrina sana, & eos qui contradicunt arguere*, ut idem scripsit ad Titum i. De reliquis vero prælatis inferioribus, abbatibus & prioribus ac reliquis ecclesiarū curatis, testem inuoco Deum; immortalem veritatem, numerosam ipsorum multitu-

*Qua ratio ad
toritati Christi
& pastori officio
repugnat.*

Occupatio

*Atque hæc la-
bes admiranda
plane, longe la-
teque regnat in
maioribus fun-
ctionibus:*

teste experientia:

*Tum etiam in
noribus,*

*Adeo ut causi-
dicos indigne
maioribus ec-
clesia muni-
bus praeferant.
Hos enim ad o-
pes suas tutan-
das aptos: theo-
logos vero ine-
ptos ad ecclesia
seruandam sal-
te indicant.*

*Occupatio. Ope-
enim & impe-
ria non sunt ha-
reditas Apost.
& iura sponsa
Christi:*

teste Bernardo.

*Apostolica ha-
reditas qua-
nam.*

dinem, vitæ atque doctrinæ sufficientis exortem, sic etiam, ut grammaticæ nesciant ipsorum quamplures congruum proferre sermonem. Sed quibus (rursum dicam) de plenitudine potestatis, plerumque conceduntur maiores ecclesiæ dignitates, & qui ad has gubernandas sufficientes putantur, *causidici* sunt. Hos enim tanquam utiles dignificat Romanus Pontifex, & ecclesiæ defensores, qui pro temporalibus conseruandis vel amplius vsurpandis, contendere norunt: sacrae vero Theologiæ Doctoribus, tanquam inutilibus reiectis ab eo. *Simplices enim sunt* (ut inquit ille, cum suorum Cardinalium cœtu) *& ecclesiam dilapidare sinerent*: cum tamen ecclesia non sint temporalia, sed Christi fideles, pro qua, non pro temporalibus, iuxta Christi consilium & Apostoli, cõtendere debet episcopus, ut in Ioan. 10. ac ex Apostolo, ubi supra, & aliis innumeris scripturæ locis, quæ inducere omitto propter euidentiam & sermonis abbreviationem. Non enim sunt temporalia *hereditas Apostolorum*, quam conseruandam successoribus suis episcopis dimiserunt. Nec sunt *iura sponsa Christi, fastigia imperialia & secularia dominia*, quæ sub huiusmodi verborum sophistice, *modernus Romanorum episcopus* se ut defendat, imopotius ut offendat, opposuit iniquissime *inclyto Ludouico ex Bauaria Ducibus Romanorum Regi*. Vnde *Bernardus* ad Eugenium De condesideratione libro 2. capitulo 4. cum de animarum seu ecclesiarum sollicitudine locutus fuerat, quam sancti Apostoli successoribus dimiserunt, inquit; *Nam quid aliud sanctus dimisit Apostolus? quod habeo*, inquit: *hoc tibi do. Quid illud? unum scio, non est aurum neque argentum*, cum dicat ipse: *Argentum & aurum non est mihi*. Et infra parum subdit: *Esto ut alia quacunque ratione hæc tibi vendices* (temporalia scilicet) *sed non apostolico iure*. Et infra rursum: *Quod habuit hoc dedit, sollicitudinem, ut dixi, super ecclesias*. Quid autem de dominio seu principatu? audi adiicientem Bernardum; *Nunquid dominationem? audi ipsum; Non dominantes, ait, de clero sed forma facti gregis. Et ne dictum*

*dictum sola humilitate putes, nec etiam veritate, vox Domini est in euangelio; Reges gentium dominantur eorum, & qui potestatem habent super eos, benefici vocantur. Et infert: Vos autem non sic. Planum est, Apostolis interdicitur dominatus. Et quod amplissima omnium admiratione ac attentione dignum, & per principes tanquam Dei ministros ad formam debitam reducendum in concilio generali, est de summi Pontificis & suorum fratrum, Cardinalium scilicet, institutione, quos caput & principaliores ceteris constituendos diximus, principaliter ad fidei veritatem & unitatem seruandam atque docendam, iuxta determinationem concilii supradicti. Ad hunc enim dignitatis apicem non semper, imo rarius eligitur, qui sacrae scripturae Doctor praefuerit, sed plerumque assumitur ex *causidicorum* collegio, quod sacrae scripturae in consonum est omnino, recte rationi dissonum, & in omnium ecclesiarum facie pudentissimum omnium. Sic quoque conuenienter, nec quasi minus aduertendum de *Cardinalium* coetu, quoniam ad hoc assumuntur lasciuu iuuenes, & diuinarum literarum indocti quam plures. Cum tamen episcopus hic & ecclesia siue collegium omnium aliorum esse debeat exemplar & forma, horumque consilio fretus, non aliter, praesertim in arduis, Romanus Pontifex habeat vniuersalem ecclesiam gubernare. Sed de his haecenus, unde sermo venerat, redeunt dicamus, quod Romanus Pontifex de plenitudine potestatis, ampliore multitudinem praelationum maiorum, mediocrum & minorum confert idiotis aut diuinarum literarum ignaris, non utinam criminosis, tam sibi cognitis quam ignotis, pueris & infantibus etiam, simoniaca prauitate sui, vel intercessorum, aut alia quauis plerumque affectione sinistra. Maioribus ergo ac principalioribus sedibus sic infectis ex talium promotione, quinimo intrusione, ceterae minores curae siue officia ad collationem horum pertinentia, contagione polluta redduntur. Gaudentes enim similibus (quemadmodum homine homo, & equus equo, iuxta sapientis gentilis oraculum) ad*

Quod vero maxime mirandum & a principibus concilio reprehendum, hae contagio, Papa & Cardinalium creationem inuasit.

Nam ad Papatum causidicis summo scelere & dedecore promouentur:

ad Cardinalatum autem lasciuu & indocti iuuenes. Verumque contra officium.

Ergo Papa plenitudine potest. confert functiones eccles. hominibus indignissimus.

Maioribus enim sic infectis ad minores serpit contagio. Nam ut similes habeant labra lactucas, indoctos & improbos coadmittunt:

doctos ac pios
derunt & rei-
ciunt veritatis
odio.

Imo Papa prece
& pretio iuue-
nes indoctos nec
sacrum initiatos
episcopos cele-
bribus urbibus
præfuit.

Materia eccle-
sia ita in mini-
stris corrupta,
ex malo illorum
exemplo totius
ecclesie deprava-
tio oritur.

Quia ministri
sunt instar
scopi.

Atq; hinc illa
malorum morum
seges.

Altera ecclesia
corruptio acco-
dit, nempe bo-
norum ecclesie in
voluptates &
bella dissipatio
ad parandam
tyrannidem.

ecclesiastica officia eam, qua Simonix aut alterius
peruersæ viæ ianuam ingressi sunt, referant idiotis
& more peruersis. Nam volentes agere secundum
habitum proprium (*quem non mutauit dignitas, sed
plerumque monstrauit*) sanctos & iustos ac doctos,
qui per talem semitam domum Dei intrare non
quærent, tanquam sibi inimicos odium & reiiciunt,
declinant, & premunt. Quoniam (vt inquit veri-
tas) *qui male facit, odit lucem*. Nec taceo quod supra-
dictus episcopus, fauore ac gratia potentum sibi que-
rendis, & cum his etiam inde fortassis receptis pecu-
niis, quosdam *iuuenes* diuinæ legis & aliarum disci-
plinarum *indoctos*, nec in sacrum quemquam ordi-
nem promotos, adhuc in famosis urbibus *ad episco-
patus promouit*, cum tamen ad Euandrum dicat *Hiero-
nymus, presbyterum in episcopo contineri*. Ecclesiastico
igitur regimine sic infecto, vniuersum corpus Chri-
sti mysticum ægrotat nimirum. Omittentibus enim
ecclesiarum prælatis reliquis curatis exhortationes,
obsecrationes & increpationes secundum sanam do-
ctrinam, committentibus autem detestanda & ab-
ominanda, palam scandalizatur populus ipsorum
exemplo. Quia velut signum sagittatoribus; sic
plebi constituuntur exemplum. Quod veritas at-
tendens Matthæi 5. inquit: *Sic luceat lux vestra co-
ram hominibus, vt videant opera vestra bona*. Et
hinc est modernorum morum radix & prima per-
uersitas, ad quam demum sequitur æterna damna-
tio. Quoniam (vt ait Christus Matthæi 5.) *Si cæcus
cæco ducatum præstet, ambo in foueam cadunt*.
Quid autem de temporalium dispensatione dice-
mus, cum debeant ecclesiasticorum ministrorum
sufficientiæ residua, pauperibus impotentibus, aliis-
que personis miserabilibus dispensari? quod nemi-
nem quasi latet: conuertuntur in eos vsus, & verius
abusus dixero, de quibus sermo fuit vndecimo hu-
ius: quibus adiice nouum eleemosynæ modum,
quod in mercenarios milites, equites, & pedites, ho-
rum plurima consumuntur *ad pugnas* inter Christi
fideles concitandas, & continue nutriendas, vt eos
sua

suæ tandem subiicere valeant *tyrannica potestati*. Sic igitur ex prædictis apparet, propter plenitudinem potestatis corpus ecclesiæ mysticum, secundum materiam siue membra principalia (maxime, verbi causa, prælatos) undique infectum, & corruptioni propinquum.

Conclusio: Ergo ecclesiæ ratione materia a Papa corrupta est plenitudine potest.

Nunc autem de corporis huius forma dicturis (quæ in suorum membrorum ordine, ac situ debito consistere debet) hoc ipsum tanquam inuenustum ac deforme monstrum videbitur diligenter inspectum. Quis enim animalis corpus, cuius singula membra suo capiti nexu immediate iunguntur, monstruosum & inutile ad operationes conuenientes esse non æstimet. Digitus namque vel manus, si capiti immediate nectatur, situ sibi debito carens, virtute, motu & opere conuenienti carebit. Non sic autem, si digitus manui, manus brachio, brachium humero, humerus ceruici, ceruix vero capiti, per conuenientes nectantur iuncturas. Sic enim corpus redditur sua forma decens, sic eius caput membris reliquis conuenientem virtutem vni per reliquum secundum eorum naturam & ordinem immittere potest: & ipsa quidem hinc sibi conuenientes operationes perficere. Quam siquidem formam & modum in ecclesiastico, necnon & ciuili quolibet regimine oportet attendere. Non enim potest vniuersalis pastor aut princeps immediate in omnibus prouinciis singulorum singulos actus inspicere, & immediate dirigere, sed oportet, si decenter, si sufficienter hæc perfici debeant, secundum ordinem debitum substitutis & specialibus ad ea iuuari ministris, sic enim ordinatum permanere potest & crescere corpus ecclesiæ. Quod sentiens Doctor gentium Paulus ad Ephesios 4. sic inquit: Cre-

Idem de forma docetur, nam ecclesiā ita monstrum esse demonstratione probatur, cuius propositio cōstat simili.

Quod ex Paulo probatur.

Assumptio: hanc confusionē ecclesiæ inducens

Papa cum omnes immediate sibi subiiciunt.

Quod tyrannicum & ecclesiae perniciosum.

Nam hinc illa subditorum insolentia:

& antistitem in officio negligentia: unde malorum litas.

Taceo quod diaconos quosdam (qui Cardinales vocantur) sacerdotibus & episcopo inique praeferunt:

& ministrum eccles. testamentum condere sine sua venia prohibent eorumque qui secus fecerint (ut etiam intestatorum) bona sibi vendicant,

sublata est: absoluit enim ipse à potestate seu cura & correctione superiorum, inferiores praelatos & ordines, ut à Patriarchis, Archiepiscopos, ab Archiepiscopis Episcopos, ab Episcopis vero suorum capitula seu collegia Clericorum, & rursus Abbates & Monachorum Priores, nouissime autem, *utinam non pessime*, religiosos qui *paupertatis ordines* appellantur. Hosq; omnes ordine perturbato suae curae atq; immediatae correctioni submittens, nulla quidem euidenti utilitate, sed notoria potius sibi lites accumulandi auiditate, in pecuniarum confluxum, ac in praelatorum expoliationem, & ipsorum ampliorem subiugationem intendens. Quanta tamen inde subsecuta *insolentia*, quasi nullus ignorat. Carentes etenim hi superiori cura sibi praesenti, contumaces, inobedientes & irreuerentes fiunt, quibus merito subesse deberent, ad seipsum & alios facultatem peccandi liberius, hinc etiam assumentes. Quibus vero cura talium esse deberet, sibi debita potestate priuatis, torpendi & negligendi praebetur occasio: unde *vexationes fidelium* tot, tantaque contingunt inconuenientia, eo quod ea diffusius enumerare propter ipsorum incomprehensibilem quasi varietatem & numerum, particulariter describere praetermisi. Quamuis ipsorum plurima, se volentibus indagare, faciliter offerant. Id quidem pertranseo, iam ex abusu faciem gerens honesti, quod *mensarum ministros diaconos quosdam, Cardinales vocatos*, sede ac reuerentia episcopis & sacerdotibus praeferre patitur, nihil attendens scripturam in hoc, nec quantum detestabile sit illud secundum *Hieronymum* ad Euandrum epistola, de qua supra 15. huius. Et his adice nouum germen iam dictae radice, quod Romanus episcopus ex hac plenitudine potestatis, beneficium ecclesiasticum obtinentibus ubiq; locorum, absque sui licentia, *interdixit condere testamenta*: & intestatorum simpliciter aut sic, ad suam sedem immediate decreuit bona deuolui & debere deferri. Et quod amplius à malo est (quoniam *Simonia*, quamuis post factum expleatur, amplissima est) quod eadem potestate

state redditus & prouentus beneficiorum omnium & ubique, quo primum anno *vacantia* fuerint, sibi *reseruat*, secundum hunc modum *sibi congregans omnes mundi thesauros, & eisdem omnia regna spolians, atque prouincias*: in quibus distribui debent ministris euangelicis & personis miserabilibus; aut in reipublicæ, de qua sumuntur, subsidium (si oportet) conuerti: quoniam ad hoc statuta & ordinata fuerunt. Hoc rursum intolerabilius, quod legata in testamentis fidelium laicorū, pro vltimario transitu vel alias pias causas, secundum determinatarum personarum dispositionem, quas *Commissarios* vocare solent, ad sui ordinationem pertinere dicit, eadem plenitudine potestatis: nec mirum, cum eadem omnium regum, principum & regnorum, se quidam ipsorum asseruerit habere dominium (vt induximus 20. huius) cum tamen prædictorum omnium nullum ad sui pertineat potestatem, vt ostensum est 15. primæ, & 17. huius. Ab eadem quoque radice his ampliora & grauiora contingent, quæ omnia narrari nequeunt, propter ipsorum tam variam esse naturam. Vno enim inconuenienti dato (præsertim eo, in quo cetera cogitabilia circa ciuiles actus humanos) inconuenientia continentur alia quacunque contingere, nihil difficile, iuxta gentilis sapientis oraculum. Hac enim sibi debita potestate plena, illi sequitur licere quod libet. Propter quod humanas omnes ordinationes & leges, etiam per generale concilium ordinatas, secundum sui votum suspendit & reuocat, quod tanquam vltimum inconuenientium in omni mundano regimine, tam sancti quam philosophi re-fugerunt, vt in 11. primæ per demonstrationem, & 5. huius, auctoritate *Augustini*, 1. ad *Timotheum* 6. fuit amplius confirmatum. Sic igitur ex sibi permis-sa plenitudine potestatis vniuersum corpus ecclesia infectum est. Omnis ecclesiasticæ œconomix præuaricatus est ordo, & omne ciuile regimen impeditum simpliciter, aut in parte turbatum, cum tamē huius episcopi, & ipsius ecclesiæ siue collegii sermones & opera cōstituta sint velut exemplum omnium aliq-

Imo etiam omnium functionū ecclesiast. redditus illius anni quo ministro vacant, sibi iniuste attribuant.

His accedit quod ad pias causas testamento legata sibi adscribunt.

Infinita alia præterea sunt quæ ex hoc absurdo sequuntur.

Ex hac enim plenitudine potestatis quodlibet licere sequitur: quod etiam sibi sumunt decreta conciliorum reuocando.

Conclusio.

*Apostrophe ad
lectorem de Pa-
pa & Cardina-
lum moribus:
& Romanae cu-
riae scelerum
collatio.*

rum. In quos (siquidem velint) quæso fideles con-
uertant lumina (quodam dudum honestatis sophi-
sticæ plurimorum ex ipsis obumbrata velamine)
cernent se ipsis limpide, qui *Romana curia* (imo ve-
rius cum veritate dicam, *domus negotiationis, & ea
quæ latronum horribilioris spelunca*) limina visitarūt,
aut qui ab hac abstinuerunt, numerosæ fide digno-
rum multitudinis relatione discent, eam pene scele-
ratorum omnium & negotiatorum, tam spiritua-
lium quam temporalium receptaculum esse factam.
*Quid enim aliud ibi, quam Simoniacorum undecun-
que concursus?* quid aliud quam causidicorum stre-
pitus & calumniatorum insultus, & iustorum im-
pulsus? *Ibi periclitatur innocentum iustitia,* vel intan-
tum differtur, si eam pretio redimere nequeant, ut
tandem exhausti innumeris fatigati laboribus, iu-
stas & miserabiles ipsorum causas cogantur deferere.
Ibi namque alte intonant leges humanæ: *silent*, aut
rarius resonant *diuina doctrina*: ibi tractatus & scru-
tinia inuadendi prouincias Christianorum, & per
armatam & violentam potentiā obtinēdi & eripien-
di ab his quorum custodiæ licite sunt commissæ.
Acquirendarum animarum nulla sollicitudo neque
consilia. Et adde quod ibi nullus ordo, sed sempiter-
nus horror inhabitat. Qui vero vidi & affui, videre
videor, quam Danielis secundo Nabuchodonosor
terribilem statuam in somnio recitatur vidisse, ca-
put siquidem habentem aureum, brachia vero & pe-
ctus argentea, ventrem autem & femora ærea, ti-
bias quidem ferreas, pedumq; partem vnā ferream &
reliquā fictilem. *Quid enim aliud ingens hac statua,*
quam status personarum curiæ Romanæ seu summi
Pontificis, quæ olim peruersis hominum terribilis,
nunc vero cunctis studiosis horribilis est aspectu.
*Huius enim statua superiora membra caput, pectus &
brachia,* quid sunt aliud in conspectu, in affectu & in
amplexu quam aurum & argentū & opera manuum
hominum? *Eius vero venter & femora,* quid aliud,
quā secularium litiū seu causarum calumniarum ve;
ac Simoniacarum negotiationum, tam spiritualium
quam

*Romana curia
cum statua quā
Daniel describit
collatio illustris-
sima: in qua
primum statua
partisus, Ro-
mane curia de-
ploratissimis mo-
res & scelera
comparantur:*

quam carnalium rerū sonitus & tumultus? Nec modo dicam excōmunicationum & anathematū, tam vocalium quam literalium, tonitrua & fulmina in Christi fideles Romano Pontifici & ipsius ecclesię seculariter subiici, & ipsorū carnalia siue temporalia, quamuis iuste recusantes tribuere. Quid aliud dic quæso *ænea femora*, quam voluptatū, luxus & vanitatum quasi omniū, etiam laicis indecentiū, apparatus pomposus, quem sensibus hominū imprimunt, qui ceteris esse debēt castitatis & honestatis exemplum? Ipsius autē *ferrea tibia ac pedes & digiti*, quibus statua figitur, secundū partem *fiētiles & testei*, in quid aliud tendūt, quam secularium principatuum, regnorum & prouinciarum vsurpationem, inuasionem & occupationem, per armatorū seu ferreatorum violentam potentiam, secū portantes in hoc superiora membra, *auri & argenti exhibitionem*, armatos ad hoc inuitantē, ventrem quoq; ac *femora ænea* talium, sonora promissione ac peccatorū & pœnarū vocali, *quamuis fallaci, absolute*, propriam vero libertatem defendentium, suisq; principibus debitam fidē obseruare volentiū, iniusta (quāuis Deo protegēte prorsus innocua) cōdemnatione ac maledictione? *Pedum vero bases & digiti testei, fiētiles* & proinde fragiles, quid aliud repræsentāt, quam inconstantiam Romanę curiæ? quid aliud notant quam quibus innititur *Romanus Pontifex aduersum Christi fideles opprimendos*, occasionum debilitatem, non modo dicam falsitatem & iniquitatem omnibus manifestam? Verum eodem testante Propheta, *super hanc statuam cæsurus est lapis sine manibus abscissus de monte*, id est, Rex, quem de hominum vniuersitate per suam gratiam electum suscitabit Deus, illi scilicet conferendo potestatem, & cuius regnum alteri non tradetur, hic inquam magis virtute siue gratia trinitatis quā opere seu potestate manuum hominū, huius terribilis & horribilis ac monstrosæ statuæ * *primū cōteret atq; cōminuet testeam partē*, pedum videlicet, quibus in cōueniēter innititur, falsas scilicet ac iniquas causas, & occasiones caluas verius dixero cū Poeta omnibus

Deinde statua
fractio: Papa-
li potestatis
ruina imminens
conferatur: eiusq;
ratio diuine ex-
plicatur.

* Prophetia
Marfilii.

*Hoc à Christia-
nu principibus
Dei gratia in-
choatū: tandem
elementissimus
Deus perficiat.*

populis, & principibus ipsarum reſerato ſophiſmate, ac humanis demonſtrationibus impugnato, & ſcripturæ ſacræ veritatibus annullato, innotefcere faci-
ciendo: *deinde* vero *ferrum ipſius*, ſcilicet atrocem & impiam poteſtatem arcendo: *et* autem conſequen-
ter, id eſt maledicendi, quam ſibi præſumpſit in prin-
cipes & populos, auctoritatem: ſecularium quoque iurisdictionum uſurpatarum, & proinde cauſarum & vexationum tumultum ſilere ac obmutefcere faciet: luxus quoque voluptatum & pompas vanita-
tum ceſſare: demum vero *argentum & aurum*, id eſt, *auaritiā & rapinā Romani Pontificis* & ſuperiorum membrorum curiæ Romanæ compelſcet, temporalium quoque uſum moderamine debito ſibi concedet. Sicque pariter ſecundum prophetam con-
terentur *ferrum, teſta, argentum & aurū*, omnia ſcilicet ſupradictæ curiæ vitia & exceſſus extinguen-
tur, quaſi redacta in ſauillam æſtiuæ aræ, quæ rapta ſunt vento. Quod enim tam contra naturam legem humanam atque diuinam & omnem rationem eſt, diu permanere non poteſt.

CAPVT XXV.

*Quonam modo & progreſſu plenitudine po-
teſtatis peculiariter in civilibus abuſi
ſint Papa, accuratiſſime explicatur.*

*Quomodo in ci-
uilibus plenitu-
dine poteſt. abu-
ſi ſint Papa de-
clarandum.*

*Hypotheſis præ-
miſſa, de primi-
tiua eccleſiæ
ſtatu ac pro-
greſſu.*

*Chriſtus Paſtoris
officio ſunclius,*

SVPEREST autem nobis exquirere, qualiter & ſin quibus plenitudine ſibi poteſtatis aſſumpta extra limites eccleſiaſticos uſi ſint haſtenus & vtan-
tur *epiſcopi Romanorum*; rememorabimur tamen *primum* eccleſiæ primitiuæ ritus eiſque proceſſus à ſui principio & capite quod eſt Chriſtus, & à primis ſuis promotoribus, Apoſtoliſ ſanctis. Hic enim, *Chriſtus* videlicet, *venit in mundum, ſacerdotale ſiue paſtoris animarum officium inſtruere*, ac etiam exercere. Legis namque lator æternæ, ſalutis exiſtens, ſacramentorum ritum & exercitium, præcepta quoque

quoque atque consilia credendorum, agendorum & spernendorum ad merendam simpliciter aut excellenter felicem seu beatam vitam (quam vocamus æternam) sub eadem lege perstrinxit: *iudicium quidem ciuiliū actuum siue principatus officium* huius seculi abdicans & eidem expresse renunciāns, & consimiliter abdicare præcipiens aut consulens, omnes Apostolos & sui ac ipsorum alios successores in officio supradicto, seipsumque subiectum exprimens ordinatione diuina, iudicio seu coactiuę potestati principantium huius seculi, sic quoque suos Apostolos: *sic ipsi seipfos* tam opere quam sermone; quemadmodum euidenter ostensum est ex scriptura, cum sanctorum & doctorum expositionibus & auctoritatibus 4. huius & 5. & humanis rationibus 8. & 9. eiusdem aliququaliter declaratum. Eas vero potestates exercens & Apostolis ac ipsorum successoribus in eorum persona exercendas concedens, de quibus etiam dictum est 6. 7. 15. & 16. huius, *summamque rursū paupertatem obseruans*, ipsisque ac ipsorum successoribus seruare docens, præcipiens aut consulens secundum rememoratum & declaratum à nobis modum 13. & 14. huius. Hanc siquidem formam & modum viuendi, & iam dictum officium exercendi, secundum potestates prædictas, *obseruauerunt Apostoli*, tanquam obedientię filii, obseruauerunt etiam Romanorum episcopi & Apostolorum ceteri successores plurimi, quamquam non omnes, vsq; quasi *ad tempora Constantini Primi Romanorum Imperatoris*. Ipsorum enim quidam prædia possederunt, quorum primus legitur fuisse *primus Urbanus, Romanus episcopus*, vsque in cuius tempus vixerat ecclesia siue sacerdotale collegium instar vitæ Christi & Apostolorum, quam *meritoriam & summam* diximus *paupertatem*. Hoc quamuis fortasse faciens principaliter prædictus *Urbanus* propter pietatem & pauperum subuentionem seu misericordiam, vt ipsius intentionem quam pie possumus referamus ad bonum, si tamen huiusmodi prædiorum aut ex ipsis prouentuum coram iudice coactiuo, vendicandi po-

civile iudicium & imperiū reiecit à sese. & Apostolis eo interdixit, sese & illos diuinitus magistratus subiectos docuit:

& eccles. potestate utēs summam paupertatem obseruauit & Apostolis præcepit.

Apostoli vero & Rom episcopi ceterique ad Constantinum fere obseruauerunt.

Urbanus primus, prædia primus possedit:

*aque à Christi
instituto decli-
nauit :*

*Quem quidam
ad Constant. imi-
tati.*

*Quo intervallo
ritus eccles. Pa-
pe instituerunt :*

*& reliquis ro-
gantibus com-
municarunt : &
aliorum curam
charitate ha-
buerunt :*

*& de officio mo-
nuerunt :*

*aque ecclesia
sponte parue-
runt.*

*& obedire re-
cusantes*

*excommunica-
bant Papa: id-
que prudentio-
rum & melio-
rum rogatu :*

*ut. per sese.
Ergo plerique
hac ratione Ro-
mani episcopi
paruerunt ve-
ritati ac paci
tate de gratia :
donec fidelis
magistratus
defuit.*

testatem assumpsit, vel ipsa vendēdi & precium dis-
tribuendi pauperibus habuit potestatem, nec vendi-
dit & distribuit ; à summa paupertate iam dicta siue
perfectionis statu (scienter aut ignoranter hæc fece-
rit) indubie declinavit. Quem modum etiam se-
cuti sunt Romanorum episcoporum quam plures
in hoc usque *in tempora Constantini*. Quo siquidem
intervallo (quemadmodum diximus 8. 10. & 22.
huius) ordinationes quasdam circa ritum ecclesia-
sticum, ut cultum diuinum, & statum honestum sa-
cerdotalis collegii sibi statuerint cum suo collegio
Romanorum episcopi. Et eas tanquam vtilis com-
municauere reliquis ecclesiis requirentibus maxime
has, ceterarum quoque mundi ecclesiarum iuxta
possibilitatem propter pietatem & charitatem, cu-
ram, diligentiam assumpserunt ; *eo quod rectoribus,
siue pastoribus sufficientibus carebant frequentius :*
propter quod aliarum personas exhortabantur at-
que monebant in his quæ pertinebant ad honesta-
tem & fidem. Eorum vero monitiones grate ac
sponte sumebant ecclesiarum reliquæ propter cau-
sas assignatas 18. & 22. huius. In quibus quidem et-
iam ecclesiis, quandoque discolis existentibus sacer-
dotum seu episcoporum aut diaconorum vel reliqua-
rum personarum aliquibus, neque ab aliorum tur-
batione circa mores aut fidem, fraterna præsentium
motione, cessantibus : *procurabant* fortasse ipsorum
discretiores, ac pie volentes in Christo viuere, per
Romanum episcopum & ipsius ecclesiam (quorum
monitu propter iam dictas causas magis verebantur
fideles) excommunicationes seu anathemata fieri,
& mandari super rebelles & aliorum turbatores vel
aliter criminosos : vel id *per seipsos zelo fidei* fecerunt
episcopi Romanorum. In aliis ergo locis, fideles exi-
stentes, secundum plurimam partem ipsorum, con-
cordauerunt obedire Romanorum episcopo, & i-
psius ecclesiæ, propter fidei unitatem & ipsorum in-
uicem quietem seruandam, quoniam hæc potestate
coactiua nec modo conuenientiori alio seruare po-
terant, eo quod infidelis esset, quasi ubique tunc le-
gisla-

gislator humanus. Adueniente vero tempore *Constantini Primi Romanorum Imperatoris* (qui primus Romanorum principum permisit & concessit, fideles Christi publice cōgregari) facta sunt primum *concilia generalia* sacerdotum seu episcoporum, præcepto & auctoritate principis supradicti. Quibus quidem conciliis definiti sunt & *determinati scriptura sacra sensus ambigui*, & ipsorum veri à falsis & erroribus sequestrati. Quos siquidem falsos & insanos sacerdotum aliqui, quandoque quidem propter ignorantiam & plerumque propter superstitionem atque malitiam seminauerant inter Christi fideles. In quibus rursus conciliis, facta sunt ordinationes circa ecclesiasticum ritum, ut circa cultum diuinum, diaconorum & sacerdotum honestatem & disciplinam, ipsorumque ad officia ecclesiastica, tam inseparabilia (quæ vocant ordines) quam separabilia (quæ vocant prælationes, siue curas animarum) & huiusmodi reliqua, in certis locis siue prouinciis promouendi: ac temporalia seu beneficia; ut oblationes ac reliqua, quæ sibi propter ministerium euangelii tradebātur, tam mobilia quam immobilia distribuendi, determinatus siue statutus est modus & forma. De quo siquidem obseruando *legislator humanus seu principans eius auctoritate*, præceptum coactiuum siue legem tulit, obligantem quemlibet sacerdotem aut non sacerdotem, secundum exigentiam cuiusque poena reali vel personali pro statu & in statu præsentis seculi transgressoribus infligenda. Ferebantur enim huiusmodi *leges in sacerdotes & episcopos* magis quam in alios, quoniam & ipsi tunc erant, qui frequentius causam dabant talibus edictis: nec aduersus legislatorem humanum reclamantibus episcopis Romanorum, aut aliis quibuscunq; tãquam non subiectis principū legibus & edictis; sed instanter supplicantibus ad principes pro legibus ferendis huiusmodi, quemadmodum ex codice *Isidori* supradicto, & aliis approbatis apparet historiis, de quibus induximus plures 21. huius. Amplius per eosdem principes statuebantur & statuta sunt leges de ipso-

Tempore autem Constantini concilia generalia primum habita:

Quibus veritas explicata & errores,

sacerdotum ignorantia aut summa perstet. & malitia sparsi, refutati sunt, & ritus ecclesiastici decreti

Quæ poena inobsequentibus sacerdotibus aut aliis proposita a principe sanciebantur.

Nam in sacerdotes & episcopos huiusmodi leges potissimum ferebantur: nec Papa reclamante sed pro eo principi supplicante.

Teste Isidoro.

Præterea ab eisdem principibus

*leges latae sunt
de sacerdotibus & e-
piscopis numero &
bonis ecclesiarum.*

*eorumque actio-
nibus civilibus,
sed moderatio-
res.*

*Nam spectan-
tes sacerdotum di-
gnitatem & sa-
cerdotum pro-
bitatem, priuilegia plurima,
ne opprimeren-
tur inique, in-
dulerunt.*

*Nam armis se
sueri sacerdoti-
bus insolens
erat:
Teste Ambro-
sio.*

*Quare priuile-
gium donati, ne
iniuria in fie-
ret: iam vero
contra aliam
iniuriam.*

*Hac ergo ratio-
ne principibus
parentes ab iis-
dem & populo
episcopi & sa-
cerdotes fun-
ctionis suae pra-
estabantur.*

rum numero certo secundum prouincias, & de ipso-
rum temporalibus siue carnalibus bonis, tam mobi-
libus quam immobilibus, *quae sibi per praedictum
Constantinum donata fuere*, ac per reliquos princi-
pes Romanos, aut alios, & successiue etiam per per-
sonas aliquas singulares: rursusque de ciuilibus seu
contentiosis ipsorum actibus, quamuis specialibus
ex humani legislatoris gratia moderatae fauoribus.
Attendentes namque legislatores *sacerdotalis chara-
cteris dignitatem & reuerentiam*: quoniam per ipsum
secundum veritatem, Christi repraesentatur officium:
attendentes etiam grauitatem morum & simplicitatem
ac innocentiam personarum, quae tunc in euangelio
ministrabant, & iam dictum gerebant officium: et-
iam in consimilibus actibus *leges minus rigorosas* pro
his statuebant, *ipsisque quam plurima priuilegia con-
cedentes*, ne à laicis calumniatoribus vexarentur, vel
à diuinis officiis turbarentur. Erant enim numero
pauci deuoti, & propter *humilitatem* facile caufidi-
corum cedentes insultibus, nec violenta seu armata
propter sui defensionem aut aliorum offensionem
vallati potentia. *Nam clericos, praesertim sacerdotes
aut episcopos, arma sumere, vel per se sumi iubere,
grande nefas, & quasi monstrum ciuile visum fuisset
priscis temporibus.* Vnde *Ambrosius* ubi supra indu-
ximus 9. huius; *Dolere potero, flere potero, gemere
potero, aduersus arma, milites, Gothos quoque, lachry-
ma mea arma mea sunt, talia enim munimenta sunt
sacerdotis, aliter nec debeo nec possum resistere.* Pro-
pter quod fauoribus & priuilegiis specialibus indi-
gebant, ad quiete ac tute viuendum, & calumniato-
rum vexationes euadendum, *quamuis modernis tem-
poribus ipsorum ad laicos in hoc conuersio facta sit in
oppositam qualitatem.* Sic ergo sub legibus & ordi-
nationibus ciuilibus principum vixerunt antiquis
temporibus, & dudum totum sacerdotale collegium
ab *eisdem & à populo* collationes, confirmationes &
inuestituras suorum officiorum separabilium, ut
praelationum, curarum & reliquorum similium, aut
minorum: ac temporalium seu beneficiorum distri-
buendi

buendi & dispensandi potestatem suscipientes. Nec propter huiusmodi subiectiones contendebant pastores antiqui *Romanorum episcopi* aduersus principes *Romanorum*, neque aduersus populum aut singulares personas *ecclesiarum patronos*, quoniam ad hoc se teneri nouerant diuina & humana lege; quemadmodum 4. 5. & 8. huius, ac 17. per scripturam & humanas rationes sufficienter ostendimus. Sic enim legimus de *Symmacho*, natiuitate Sardo. Hic enim *Laurentio* cuidam coelectus discorditer per *Theodoricum regem*, facto iudicio, confirmatus est in *Papam Romanum*. Sic etiam scribit *Martinus* de beato *Gregorio*: *Hic* (inquit) *in Papam eligitur*, & ipse (*Mauricius* videlicet Imperator) *imperialibus literis suum affirmat consensum*. Sic etiam suorum priuilegiorum confirmationem, ab Imperatoribus petere solebant episcopi *Romanorum*, vt de *Vitelliano*, natiuitate *Signeno*, & *Constantino*, natiuitate *Syro*, & aliis plerisque Romanis Pontificibus legitur: quinimo pro his & aliis supplicationibus & suis confirmationibus impetrandis ad Imperatores per loca distantia plurimum personaliter solebant accedere, vt de ipsorum quam pluribus legitur in *chronicis* & *approbatis historiis*. Et quod amplius est, *Ioannes Duodecimus* per *Ottonem Primum Romanum imperatorem* suis exigentibus demeritis, consentiente omni populo, tam clero quam laicis, à *Papatu depositus est*. Sic etiam vbi de *Nono Benedicto* agitur in *chronico Martini*, legitur de duobus electis contentiose, atque *depositis* Imperiali censura per *Henricum tunc principem Romanorum*. Eiusdem enim auctoritatis primæ est aliquid statuere, ac id cum expediens fuerit destituere: cum igitur episcopus quilibet per principem & omnem populum eligi debeat; ipsorum auctoritate destitui siue deponi potest, quemadmodum certificatum est 17. huius. Instar ergo Christi & Apostolorum vixerunt Romani, & ceterarum prouinciarum episcopi & sacerdotes, ac clericorum omne collegium, sub regimine coactiuo principantium auctoritate legislatoris humani. Verum

Nec de hac re contendebant Papa: sed illi, lege diuina & humana, obstrictos se norant.

Quod probatur exemplo Symmachi Papa,

& Gregorii.

Sic etiam priuileg. confirm. ab Imperat. coram petuisse exemplis Vitelliani & Constantini.

Immo ab officio iuste ab Imper. Ioannem 12. & alios depositos demonstratur.

Propositio:

Assumptio:

Conclusio:

Ergo Papa ceteriq. episc. sub princip. imperio Christi exemplo vixerunt.

Sed à Diabolo suadente ac stimulante huius mundi principe, superbia, ac ambitionis primo parente, reliquorum quoque vitiorum omnium suggestore diabolo, in alienam viam, ab ea quæ Christi & apostolorum, deducti sunt, quinimo seducti verius Romanorum episcopi quidam.

Nam videtur avaritia & superbia paupertatem & humilitatem Christi reiecerunt. Nam ipsorum animos inuadens cupiditas & avaritia, inde foris expulit, quam Christus in ecclesia tertio modo dicta, plantauerat & statuerat, summam meritoriam paupertatem. Rursumque inuadens eosdem superbia & ambitio seculariter principandi, expulit inde summam humilitatem, quam Christus indixerat, & obseruare mandauerat eidem ecclesiæ siue vniuerso cœtui sacerdotum.

1. Simplicius Tiberinus Papa: Quorum quidem primus hoc passus (si eo prior in hoc non alter extiterat) fuisse legitur Simplicius quidam, Tiberinus cognomine, Romanus episcopus. Hic enim, unde sibi nescio auctoritate sumpta, quamuis certissime nouerim, nisi per ignorantiam excusetur, unde temeritate præsumpta statuit, nullum clericum inuestituram à laico debere suscipere. Inuestituram siquidem intelligendo beneficiorum & officiorum, de quibus diximus prius. Quamuis tamen ex ipsius statuto significetur manifeste, prædecessores suos humilitatem & reuerentiam debitam principibus exhibere volentes, inuestituras prædictas à laicis recipere soluisse. Huius siquidem rursum successor, quamuis non immediatus, Pelagius primus statuit, ut hæretici per seculares potestates punirentur. De quo etiam statuto mirandum, quoniam non latuit illum huiusmodi legem tempore Iustiniani Romani principis in hæreticos latam fuisse. Et, quoniam sue non erat auctoritatis ferre huiusmodi leges in quantum episcopi (nisi fortasse hoc sibi auctoritate humani legislatoris foret indultum; quemadmodum duodecimo & decimo tertio primæ ostensum est, & vigesimo primo huius) ideo (quemadmodum iam dictus Simplicius) in alienam messem falcem iniecit, auctoritatem sibi videlicet, quæ alterius, vsurpando. Cui rursum Adrianus tertius, licet non immediate, successit in vsurpatione prædicta. Statuit enim, ut

qui decreuit nullam functionem ecclesiæ à laico petendam,

Quamuis hoc decreto significet antecessores contra fecisse.

2. Pelagius primus hæreticum à magistratu puniendum statuit mirabiliter: cum id a Iustiniano esset decretum.

& iniuste Imperat. munus inuadens.

3. Adrianus tertius qui ab electione Papa

successit in vsurpatione prædicta. Statuit enim, ut
nullus

nullus Imperator se intromitteret, & de electione Papa, imperatorum inique exclusio
 vt dicti *Martini* verbis vtamur. Quod siquidem *statutum omnino nullum*, eo quod à carente tali auctori-
 tate, legislatiua scilicet, emanauit. *Apertum etiam in-*
conueniens continebat (quemadmodum ex decimo
 septimo huius ostensum est) fueratque illius oppo-
 situm longa & laudabili consuetudine roboratum.
 Quamuis enim dicat *Martinus* (vbi legitur de *Leone* Etsi Martinus historicus aliter sentiat: sed male.
decimo) quod *Romani ex praua consuetudine petebant*
ab Imperatore pontificem sibi dari; consuetudinem
confessus, quod verum concedimus; *prauam* tamen
 auctoritate propria dicens, quantum petens iustifi-
 care usurpationes prædictas *Romanorum pontificum*,
 & iura principum siue humani legislatoris obfu-
 scans, magis homini quam Deo & veritati placere ni-
 sus, non verum dicit; sed huius rei ortum & myste-
 rium sibi clausum fuisse demonstrat. Nam licet ad
 principem aut alteram personam singularem, in-
 quantum huiusmodi, non conueniat diuino vel hu-
 mano iure, nec aliqua laudanda cōsuetudine, secun-
 dum ipsius solius impetum ad officium aliquod in-
 stituere seu determinare personam, maxime *ad Ro-*
manum episcopatum (quemadmodum decimoquin-
 to primæ, ac decimosextimo & vigesimo huius suf-
 ficienter ostensum est) ad principem tamen auctori-
 tate legislatoris humani sibi concessa secundum cer-
 tam formam & modum determinatum à lege, vt vi-
 delicet vsuro collegii sacerdotalis & aliorum sapien-
 tum, & studiorum consilio, ipsorumque valentioris
 partis determinationi credituro, potuit licite valde
Romani pontificis institutio pertinere. Nec in hoc
Martino credendum est, quoniā ipse, cum sui ordine
 usurpationis huiusmodi particeps erat. Obtinuerūt
 namque vel obtinuisse credunt ordines, quos *pau-*
peratis fratres appellant, à Romanis pontificibus
 exemptionem, vt videlicet suis pastoribus, episcopis
 aut aliis superioribus prælatis nulla sint iurisdictione
 subiecti: quamuis exemptionem, quæ à principum
 iurisdictione, obtineant ex solis priuilegiis, quibus
 clerus ab humano legislatore reperitur exemptus.

Quod ostendi-
tur declaranda
quomodo ad
principem Papæ
pertineat ele-
ctio:

Deinde Mar-
tini fides su-
specta quia
ipse r. al-
phi loqui-
tur.

Tertio: quia hac auctoritas Imperatoribus (Carolo Magno & Otthoni Primo eorumque successoribus à Papa & universo populo Romano concessa.

Quod edito Leonis Papa confirmatur:

& successorum assensu Stephani Papa,

Vnde tamen venit sermo prius, *non prava neque illaudabilis consuetudo fuit per Imperatores (ut diximus) ecclesia Romana pastores institui.* Hanc enim auctoritatem & ampliori modo iam dicto legimus (& concedunt qui tecum, Martine, veritati huic aduersari nituntur) per omnem Romanum populum, ut per episcopum, clerum, & alias seculares personas *Carolo Magno, & Otthoni Primo regi Theutonorum, & Romanorum Imperatori postmodum, fuisse concessam.* Vnde in approbatis legitur *historiis* (& verum est) *edictum* hoc emanasse de populi Romani consensu communi ; *Leo Papa in Synodo congregata Roma in ecclesia sancti Saluatoris ad exemplum beati Adriani Apostolica sedis episcopi, qui domino Carolo victoriosissimo regi Francorum & Longobardorum patriciatus dignitatem ac ordinationem Apostolica sedis & inuestituram concessit.* Ego quoque *Leo servus servorum Dei episcopus cum cuncto clero, ac populo Romano constituimus, confirmamus, & roboramus, & per nostram Apostolicam auctoritatem concedimus atque largimur domino Otthoni Primo regi Theutonicorum, eiusque successoribus, huius regni Italia in perpetuum, tam sibi facultatem eligendi successorem, quam summa sedis Apostolica Pontificem ordinandi, ac per hac archiepiscopos seu episcopos, ut ipsi ab eo inuestituram suscipiant, consecrationem autem unde debent, exceptis his quos Imperator Pontifici & Archiepiscopis concessit.* Et nemo deinceps, cuiuscumque sit dignitatis vel religiositatis, eligendi vel patritium siue Pontificem summa sedis Apostolica vel quemcunque episcopum ordinandi habeat facultatem absque consensu ipsius Imperatoris, qui tamen fiat absque omni pecunia, & ut ipse sit patritius & rex. Quod si à clero quis episcopus eligatur, nisi à supradicto rege laudetur & inuestiatur, non consecratur. Si quis contra hanc auctoritatem aliquid moliat, hunc excommunicationi subiacere decreuimus: & nisi resipuerit, irreuocabili exilio puniri, vel ultimis suppliciis puniri. Hoc siquidem edictum confirmavit *Stephanus Papa, prædicti Leonis successor, & Stephanus*

phani successor quidam *Nicolaus*, ipsumque sub terribilis anathematis poena seruari præcipiens, *Vt videlicet eius violatores seu transgressores cum impiis, qui non resurgent, debeant computari.* Ex hoc autem edicto singulariter notandum est, quod auctoritas hæc, quam de *inuestituris Romanus episcopus* cum vniuerso populo in *Imperatorem* transtulit, quantum erat *ex parte Papa*, fuit renuntiatio quædam. Quoniam auctoritas huius prima fuit & est principis siue legislatoris humani, qui hanc auctoritatem, *inuestiendi* scilicet *episcopos & archiepiscopos, iam Papa concesserat*, eo quod omnia temporalia per quemcunq; translata fuerint in quamvis ecclesiam, quantum ad hoc, subiecta fuerant & sunt legislatori humano, proninciæ, in qua sita sunt. Signatur autem hoc ex edicto prædicto, ubi dicitur, *exceptis his, quos Imperator Pontifici & Archiepiscopis concessit.* Sic etiam sedis Apostolicæ Pontificem instituire, pertinet ad Romani principis & populi potestatem, vt decimoseptimo huius ostensum est. *A quo siquidem populo non excluditur sed includitur clerus, cum pars sit illius.* Quam quidem potestatem seu auctoritatem, si transferre voluerunt in principem, aut simpliciter, aut cum determinatione legali, eam *princeps Romanus* licite sumpsit, nec ab ipso per *Decretalem* siue legem cuiusquam Romani Pontificis, absque decreto populi potuit licite reuocari. Non enim Romano populo, vel sibi cum clero tantummodo in communitate fidelium conuenit leges aut decretales aliquas condere, quemquam obligantes ad poenam, vt ex 13. primæ, ac 21. huius ostensum est. Has tamen ferre ac promulgare (licet indebite) tam in ipsa latione, quam in legibus latis, iurisdictionem populorum & principum vsurpantes tentauerunt *Romanorum episcopi quidam*, & paulatim in his processerunt, maxime imperiali sede vacante, quemadmodum deduximus 22. huius. Hinc autem plurimum, & propter temporalium, quorundam occupationem (quantum ex *chronicis* siue approbatis historiis comprehendendi potest) suscitatae

& Nicolai.

Ex hoc autem edicto notandum auctoritatē hanc Imperatori à Papa non datā primum, sed redditam.

Quod edicti verbis probatur.

Igitur Papa institutio ad principem & populum spectat: cuius pars clerici sunt.

Quam potest. si ad Imper. reuoluerint, recte acceperit: nec ab ipso Papa sine populi decreto reuocari potuit.

Nam non licet Papa soli cum clero leges poena proposita ferre.

Quamuis id quidem perpetrarint, maxime in interregno.

Atque hinc & propter bonorum quorundam occupationem inter Papas à Chris-

ſe alienas, & Imper. contentionem ac pugnam.

Exemplo eſt praecipue Paſchaliſ Papae in Henricum quartum Imper. rebellio.

Eius ſucceſſori Calixto Papae Henricus quartus episcoporum institutionem reddidit.

Otho 4. & Fredericus 2. vero repetentes plurimis Paparum & cleri Romani inſidias petiti ſunt.

sunt lites inter Romanorum Imperatores & ipsorum episcopos, quamvis contra Christi & Apostolorum consilium aut praecipuum in hoc egerint, qui sibi succedere debent in Apostolatus siue sacerdotis officio, summam paupertatem & humilitatem seruare debentes, qui quidem in aliam quandam & illi oppositam diuertentes viam ignorantia vel malitia vel utriusque (vt ex praemissis ostendimus) hanc inierunt aduersus iam dictos principes immortalem contentionem & pugnam. Quam inter ceteros magis aggressus est Romanus episcopus quidam, nomine Paſchaliſ, contra Henricum Quartum Teuthonicorum regem. Hunc enim (secundum historias) prohibuit dictus episcopus ad imperialem apicem scandere, aduersus illum concitans Romanum populum, vsquequo praefatus Henricus in Tuscia existens, per nuntios & literas inueſtituras episcoporum, abbatum, & omnium clericorum quasi coactus eidem concessit episcopo. A quo rursus postquam ingressus est urbem, super extortis ab ipso iuramentum expetens Papa praedictus, cum suorum Cardinalium coetu captus est: & demum liberatus pacem habuit cum Imperatore praedicto: cui rursus suscitans pristinam litem, tandem contendendo, laboriose finiuit.

Huius vero ſucceſſori Calixto cuidam (narrat Martinus) Imperator praedictus ad cor rediens (vt Martini verbis utamur) inueſtituram episcoporum & aliorum prelatorum per anulum & baculum libere resignauit, & concessit per omne imperium in omnibus ecclesiis, canonicam fieri electionem, possessiones & regalia beati Petri, quae propter suam vel aliam cum ecclesia discordiam alienata fuerant, Romana ecclesia restituit, & alias possessiones tam clericorum quam laicorum eidem occasione guerra sublatas, restitui fideliter disposuit. Has siquidem postmodum concessiones & priuilegia ex causa fortasse legitima reuocare volentes, aut reuocantes simpliciter aut in parte, Otho Quartus & Fredericus Secundus Romanorum Imperatores, episcoporum & cleri Romani plurimas inſidias, persecutiones, & impedimenta sunt

sunt passi, & eorum prædecessores aliqui, minus adiuti per populos subditos, propter ipsorum aut suorum officialium & ministrorum regimen, quandoque fortassis tyrannidem sapuisse. Est igitur, ut iam diximus, & fuit fomes hic primus, præsentis lris atque discordia inter Imperatores & Romanos Pontifices: hisque propter legem diuinam, & quorundam principum hæresim contentionibus extinctis omnino. Volunt enim Romanorum episcopi minus debite ac excessiue temporalia possidere, nec legibus & edictis subesse principū seu legislatoris humani, contra Christi & Apostolorum exemplum atque doctrinam (ut in quarto huius, & quinto, & decimoquarto eiusdem ostensum est prius) cum tamen in his quæ sua non sunt, suis existentibus potius cedere quam contendere debeant, iuxta consilium Apostoli ad omnes fideles primæ ad Corinthios sexto; Sic non est (inquit) inter vos sapiens quisquam, qui possit iudicare inter fratrem suum, sed frater cum fratre iudicio contendit, & hoc apud infideles? Iam quidem omnino delictum est in vobis: quid iudicia habetis inter vos? Quare non magis iniuriam accipitis? Quare non magis fraudem patimini? Et subdit, quod potest ad Romanos episcopos & reliquos clericos quasi omnes conuenienter dici; Sed vos iniuriam facitis & fraudatis, & hoc fratribus. An nescitis, quia iniqui regnum Dei non possidebunt? Nolite errare: neque fornicarii, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces Regnum Dei possidebunt. Quod parum attendentes Romani episcopi cum reliquis aliis, si quando per Romanos principes sibi videantur grauari per decimarum aut tributorum talium temporalium sumptionem, ad suos milites sustentandos, instante necessitate bellorum, pro suscepta gratia & beneficio carnalium rerum quas sibi cōtulerunt gratiose Romani principes, in superbiam elati, suæ cōditionis ignari, & ingratis omnib⁹ magis ingrati, effrenata quadam presumptione inhorribiles blasphemæ

Atque hæc prima fuit inter Imper. & Papam discordia origo.

Volunt enim iniuste opes immensas occupare, nec principū edictis subesse:

cum de suo potius inuaccedere debeant.

Teste Paulo.

Cuius auctoritate sprete, Papa cum in necessariis belli usus decimas cōuertit Imperat. summa ingratitudo. & superbia & hunc & subditos excommunicatione, suo damno ac frustra seruans.

mias & anathemata proruperunt tam in principes quam ipsis subditos Christi fideles: quamuis in ipsorum animas infelices & corpora potius redeunt, quam in principes & innocentem gregem fidelium transeunt.

Præterea imperii prouincias & bona inuadunt & occupant.

Imo principes se constituerunt, ut reges turpissime subingent.

Leges adhuc tulerunt seu decretales principibus & populo iniurias:

& inobsequentes excommunicant.

Imo quidam his legibus omnes principes & populos sibi subditos ad salutem credendum decreuerunt.

Hu itaque in rebus ac simili-

Nec sibi per principes cōcessis temporalibus contenti propter eorum esse insatiabilem talium appetitum, multa temporalium ad imperiale ius pertinentium prouinciarum, ut quæ *Romandiola* ciuitatum, ut quæ *Ferraria*, atque *Bononia*, ac plurium aliarum possessionum, necnon etiam prædiorum & aliarum iurisdictionum occuparunt, *maxime imperiali sede vacante*. Et quod omnium ciuiliū inconuenientium est extremum, principes & legislatores se constituerunt, ut reges & populos in suam, quamuis intolerabilem & turpissimam *seruitutem* redigere valeant. Eorum enim plurimi ex humili plebe trahentes natalia, dum ad statum Pontificalem sumuntur, præsidatum seculi nescientes, (quemadmodum neque diuitias, indiscreti nuper ditati,) fidelibus omnibus importabiles fiunt.

Amplius credentes sibi licere quodlibet de *Plenitudine potestatis*, quam sibi debitam asserunt, ordinationes quasdam oligarchicas, *Decretales vocatas*, statuerunt & statuunt, quibus ea quæ suo & suorum clericorum ac reliquorum laicorum, (de quorum exemptione diximus octauo huius,) temporali commodo conuenire credunt, quamuis in principantium & reliquorum fidelium grande præiudicium, seruanda decernunt: inobedientes vero his, suo (quemadmodum prædiximus,) anathemate ferientes, vocaliter aut in scriptis. *In tantam* quoque *dementiam* demum & insaniam *prorumpentes* ipsorum aliqui, ut omnes mundi principes & populos, his decretalibus pronunciauerint sibi coactiua iurisdictione subiectos: & hoc credere tanquam verum fore cuiuslibet de necessitate salutis æternæ. Quod tamen quanta sit *irrisione dignum* supra monstraui-
mus vigesimo huius 8. in 13. Hos itaque quos narra-
uimus per Romanos episcopos cum suorum cleri-
corum

corum cœtu in cunctos principes & populos patra-
 tos excessus (quamvis amplius & manifestius in Ita-
 licos populos & principes Romanorum) conseruare
 volentes ipsi, & pertinaciter velut obstinati defende-
 re: nec hos tantummodo, sed præconceptos & opta-
 tos eosdem aut ampliores in reliqua regna sibi quæ-
 rere volunt, omnique sollicitudine tendunt, & quam
 audent, omnium ad hoc exteriorem operam præbēt.
 Sane tamen attendentes atque noscentes (quamvis
 hoc dissimulent, & quibusdam verborum Poeticis
 boatibus & inuolucris, tam obscurare quam negare
 conentur (humani legislatoris *eiusdem* esse aucto-
 ritatem, *præuilegia* & concessiones quascumque
conferre & auferre, cum id iudicauerit expedire;
 Romani principis creationem atque promotionem
 omni sollicitudine maligna & conamine prohibent,
 suæ vel prædecessorum suorum ingratitude & de-
 meritorum conscii, *præuilegia* & concessiones reuo-
 cari & auelli sibi per Romanum principem formi-
 dantes, & inde meritas disciplinas subire. Rursum-
 que propter iam dictam formidinem, & quoniam
præuilegiis supradictis ad aliorum regnorum domi-
 nia, iurisdictiones & possessiones occupandas, nō sine
 calumnia sibi pateret ingressus, reclamantibus for-
 tasse quibusdā principum, exemptionem à principe
 Romanorum, alia quadam astuta meditatione ad
 hæc quæsierunt intrare. Assumpserunt enim *titu-
 lum* quem de se prædicant, & huius *nequitia instru-
 mentum* facere student, *Plenitudinem* videlicet *pote-
 statis*, quam à Christo in personam beati Petri aiunt
 sibi tanquam huius Apostoli successoribus singula-
 riter fore concessam. Quo siquidem *execrabili ti-
 tulo* & oratione sophistica secundum æquiuocum
 (omnibusque fidelibus nihilominus, tanquam fal-
 sa, secundum omnem eius sensum semper & vbiq̃ue
 neganda) paralogizauerant hætenus, paralogizant,
 & amplius paralogizare nituntur, & in ipsorum ser-
 uitutem redigere omnes mundi principes & popu-
 los, collegia & singulares personas. In eo namque
 sensu secundum quem *Plenitudo potestatis* signare

bui tyrannidem
 suam tuori pro
 virili nituntur:

& cum eiudem
 esse *præuilegia*
 conferre & in-
 dignu auferre
 norint (cui dis-
 simulent) Im-
 peratoris crea-
 tionem remo-
 rantur, me-
 tuentes ne iuste
præuilegia pri-
 uentur.

Eodemque me-
 tu quia sui il-
 li *præuilegia*
 regna occupare
 satis commode
 nō possunt, astu-
 te & selerato
 plenitudinem
 potest. quasi à
 Christo datam
 prætendunt.

Quo execrabili
 titulo fallacissi-
 me omnes in
 seruitutem
 redigere ni-
 titur.

Quod confirmatur Clementis 1. contra Henricum 7. Imper. edito.

De sententia & re iudicata.

videtur vniuersalem animarum curam seu pastorem
 tus vniuersalitatē, & rursum secundum quem sen-
 sum potestatem importat: omnes enim homines
 singulariter absoluendi à culpis & pœnis sub specie
 pietatis, charitatis, & misericordiæ dicto titulo ple-
 næ potestatis per Romanos episcopos sibi primum
 assumpto: ex his paulatim atque latenter (vt dedu-
 ximus 23. huius) transiuerūt, & demum sibi sumpse-
 runt hunc *titulum* in eam & secundum eam signifi-
 cationem, qua *Potestatis plenitudo* per ipsos intelli-
 gitur *auctoritas vniuersalis & suprema iurisdic-
 tio seu principatus coactiuus, omnium principum, populorum,
 & temporalium rerum.* Eius quidem transitus &
 præsumptionis inde, quamuis inconuenienter, per
 metaphoricæ expositiones suscipientes exordium,
 vnde diximus 23. huius, parte quinta. Signum au-
 tem omnibus in occultum, Romanos episcopos *iuxta
 sensum hunc* de se prædicare plenitudinem pote-
 statis, supremæ scilicet iurisdictionis seu coacti-
 ui principatus auctoritatem sibi velle super omnes
 principes, populos, & singulares personas ex hac po-
 testatis plenitudine conuenire; quoniam in suarum
 narrationum, quas *Decretales* appellant, in uolucro
 septimo de sententia & re iudicata, *Clemens Quin-
 tus Papa Romanus*, qui conditor eius præscribitur,
 & qui postmodum propalauit, eiusdem vocatus suc-
 cessor, quantum in ipsis extitit, reuocantes senten-
 tiam quandam diui *Henrici Septimi Romanorum Im-
 peratoris* inter cetera ipsorum iam solito more præ-
 missis quamplurimis contumeliæ, ignominia ac ir-
 reuerentiæ verbis in præfatum Henricum, tam vo-
 caliter quam in scriptis protulerunt hanc seriem;
*Nos tam ex superioritate, quam ad imperium non
 est dubium nos habere, quam ex potestate in qua va-
 cante imperio, Imperatori succedimus, & nihilomi-
 nus ex illius Plenitudine potestatis, quam Christus
 Rex regum, & Dominus dominantium, nobis (licet
 immeritis) in persona beati Petri concessit, sententiam
 & processus prædictos, & quicquid ex eis secutum est,
 vel occasione ipsorum, de fratrum nostrorum consilio de-
 claramus*

claramus fuisse, sic esse omnino irritos & inanes. Quod ne deinceps lateat horum episcoporum fallacia, *tantum veritatis praeo, clamo valenter*, & vobis dico, regibus, principibus, populis, tribubus, & vniuersis linguis per Romanos episcopos cum suorum clericorum seu Cardinalium cœtu, hac ipsorū scriptura, secundum omnem eius suppositionem apertissime falsa, summum omnium praeiudicium fieri. Vos enim tentant in suam redigere subiectionem, si eam manere passi fueritis, praesertim vim ac robur legis habere. Attendite namque per necessitatem sequi, habentem auctoritatem primam cuiusuis principis siue iudicis reuocandi sententiam, super eum habere iurisdictionem & coactiuum principatum, potestatem quoque sui principatus instituendi & deponendi. Hanc autem Romanus episcopus sibi auctoritatem adscribit super omnes principes mundi & principatus indifferenter: quoniam ab ea potestate plena, quam sibi Christum in persona beati Petri concessisse asserit, sententiam ciuilem reuocauit *Henrici* praefati. Quam siquidem etiam potestatem, per necessitatem sequitur non sibi minus fuisse concessam super reliquos omnes mundi reges & principes, quā super *principem Romanorum*: quoniam Christus non minus est vel fuit, aut erit rex aut dominus aliorum regum & principum, quam regis aut principis Romanorum. Quod etiam ipsorum sermo siue scriptura testatur aperte, dum dicunt aut scribunt, *Rex regum, & Dominus dominantium*. Si enim ipsorum sermo vel scriptum habuisset singulariter, quod de plenitudine potestatis sibi concessæ per Christum regē & dominū, regis siue Imperatoris Romani, &c. posset ex eo reliquorum regum atque regnorum aliquo modo exceptio comprehendi. Nunc autem, quoniam pluraliter, absolute ac indifferenter orationem protulerunt (quemadmodum ab Euangelista scribitur, quamuis non ad eam quam episcopi Romanorū intendunt sententiam) nulla potest ex ea regis aut principis exceptio fieri: sicut nec ipsi quenquā ab hoc exceptū intelligunt, sed conceptū quemlibet, ut alibi

*Et singulari
Marsili ad o-
mnes principes
& populos apo-
strophe:*

*Quia quid Pa-
pe tentent hinc
pates.*

*& Bonifacii a-
liam decreto,*

Deinde falsitatem Clementini edicti refutat,

prædecessor ipsorum *Octavius Bonifacius* distincte protulit, & induximus 20. huius, parte 8. Ad quos tamen (ne propter ipsorum sermonem vel scripturam quisquam infestus animo maneat) quod quanquam verum dixerit Euangelista, Christum enuntians *Regem regum, & Dominum dominantium*, etiam si addidisset omnium creatorum : falsum tamen & *apertum mendacium* contra Christi & Apostolorum Petri, Pauli, & Iacobi manifestam sententiam dixit & scripsit, qui potestatem principatus seu coactivæ iurisdictionis aliquā, ne dum plenam asseruit fore traditam in persona beati Petri aut alterius cuiusvis Apostoli, Romano vel alteri episcopo cuiquam. Sed est, fuit & erit episcopo Romano, & reliquis omnibus in Apostoli cuiuscunque persona, talis per Christum interdicta potestas, quemadmodū indubie certificauimus per scripturam, & sanctorū auctoritates, 4. 5. & 9. huius. In ea vero noua, & prius semper inaudita fictione Romanus episcopus non minus false, quam temerarie contra suam mentem & omnium quasi fidelium, consideratione hac participantium, non veretur enuntiare palam, dum pertinaciter asserit *non esse dubium se superioritatem* (quam coactivæ iurisdictionis siue principatus intendit) *ad Imperatorem Romanum habere* : rursusque *vacante Imperio, se succedere Imperatori prædicto*. His enim manifeste monstratur iniqua & iniusta vsurpatio iurisdictionum imperialium, quam hætenus episcopi Romanorum exercuerunt, & in præsentiarum exercent, vt diximus, maxime *imperiali sede vacante*. Quis enim tam *effrons sine verecundia* proferret indubium verum esse, quod nunquam à seculis est auditum, neque diuina vel humana lege aut recta ratione firmatum : & cuius oppositum secundum has semper est conceptum & enuntiatum, tanquam signum omnibus creditæ veritatis ? Vnde proportionaliter medicorum prouerbio, sicut plures sanat ille, de quo plures confidunt, sic reuera dicere possumus : *Plures seducere vult & fallere, cui plurima credulitas* modernis temporibus adhibetur.

C A P V T X X V I.

*Quomodo plenitudine potestatis abusi sint
Papa contra Imperatorem Romano-
rum.*

IA M dicta quidem igitur *Plenitudine potestatis*, & in deterius continuo secundum processum sic ha-
ctenus vsi sunt *Romanorum episcopi* & vtuntur, ma-
gis tamen aduersus principem & principatum *Roma-
num*. Quoniam in eum amplius hanc suam, sibi sci-
licet submittendi principatus, possunt exercere ne-
quitiam, propter regnicolarum inuicem, & aduersus
eorum principem per hos vocatos pastores, seu *Pa-
tres sanctissimos*, suscitatae hactenus, & continuo
suscitari atque nutrirī discordiam. Et rursum, quo-
niam hoc principatu submisso ipsis, facile credunt,
ad subiuganda reliqua regna patere ingressus: quam-
uis principi & principatui Romanorum ex susceptis
beneficiis amplius & singulariter, vt notū est omni-
bus, obligentur. Verum (ne vlli rem incognitam
aut nostrae vocis egentem loquamur) cupiditate seu
auaritia, superbia & *ambitione* percussi, *ingratitude*
peiores effecti quam mali, omnimode quærunt pro-
hibere *Romani principis creationem*, ipsiusque demum
quærentes soluere principatū, aut in aliam formam
sibi subiectam amplius transferre tentantes, ne per
iam dicti principis potestatem corrigantur, quos in
imperium patrauerunt excessus; & inde meritas sub-
eant disciplinas. Quod quamuis ea, quam diximus,
intentione patenter obicem ponant vndecumque
principi supradicto: id tamen dolose prætendentes
se facere aiunt vt *sponsa Christi* (ecclesiae videlicet)
iura defendant) quamquam sophistica pietas hæc
derisibilis sit. Quoniam temporalia vel eorum cu-
piditas, iurisdictionis aut principatus ambitio *spon-
sa Christi non est*, neque hanc Christus sibi matrimo-
nio copulauit, sed tanquam alienam repudiauit ex-
presse, quemadmodum ex diuinis scripturis osten-

Hac porro ple-
nitudine potest.
potissimum ab-
utuntur Papa
in Imperatorem
Rom.

1. Quia id faci-
lius possunt ob-
inestinatam &
perpetuam im-
perii discordiā
a se excitatam.

2. Quia hoc sub
ingato ad reli-
qua patere adi-
tum indicant.

Summo autem
scelere Imperae.
creationem &
imperii statum
turbare nitun-
tur: ne scelere
penas luant.

Quamquam
pietatem, flagi-
tio prætendans,
ridicula.

Teste Bernar-
do.

Papa suis opi-
bus & splendo-
re non Petro sed
Constantino suc-
cesserunt.

Sponsam Christi
non defendunt
sed offendunt :

& Christi comi-
tes excludentes,
sponsi hostes
sunt.

Imperium igitur
euertere stu-
dentes Papa
potestatem in Im-
per. & regnum
in interregno si-
bi conuenire
ponunt:

idque falsæ.

Cuius origo ex
Imperatorum su-
perstitione post
Constant.

Qui electionem
sui, Papa signi-
ficabat, ut eorum
precibus Deo com-
mendarent.

sum est 4. & 5. 13. & 14. huius. Non est hæc etiam
Apostolorum hereditas, quam suis veris, non fictis
successoribus reliquerunt, ut aperte dicit beatus Bern-
ardus ad Eugenium Papam, De consideratione libro,
& cap. 4. *Petrus hic est*, inquit Bernhardus, *qui nesci-
tur processisse aliquando vel gemmis ornatus vel serici-
cis: nec tectus auro, vel vectus equo albo, nec stipatus
milite, nec circumstrepentibus septus ministris, absque
his tamen credidit satis posse adimplere salutare man-
datum; Si amas me, pascere oues meas. In his (auro,
vel gemmis & reliquis, temporalibus scilicet) succes-
sisti non Petro, sed Constantino. Sic igitur propter tem-
poralia contendendo, non vere defenditur sponsa
Christi. Eam etenim quæ vere Christi sponsa est,
catholicam fidem & fidelium multitudinem, non
defendunt moderni Romanorum Pontifices, sed of-
fendunt: illiusque pulchritudinem, unitatem vi-
delicet, non seruant, sed foedant, dum zizanias &
schismata seminando, ipsius membra lacerant, & ab-
inuicem separant: Christi quoque veras comites,
paupertatem, & humilitatem, dum non admittunt,
sed excludunt penitus, se sponsi ministros non osten-
dunt, sed potius inimicos. Hunc ergo principatum
querentes subvertere Romanorum episcopi, supponunt
(quod ex suis narrationibus pridem induximus) se
diuino vel humano iure, aut utroque fortassis, supe-
rioritatem habere ad Romanum principem seu Impe-
ratorem, siue creatum siue creandum, Imperialem
quoque potestatem, siue iurisdictionem illis conuenire,
vacante imperio. Quæ tamen suppositiones aper-
tissime sunt falsæ, & nullo iure diuino vel humano,
aut recta ratione firmatæ, sed oppositum per demon-
strationem ostensum est 12. primæ, 4. 5. & 9. hu-
ius, per scripturam amplius confirmatum. Fuit au-
tem cum aliis iam dictis harum suppositionum, imo
verius presumptionum occasio, superflua dicam de-
uotio quædam. Voluerunt enim Romanorum prin-
cipum quidam citra tempora Constantini, electio-
nem de se factam amicabiliter significare Romanis
Pontificibus, ut in eorum persona Christo singula-
rem*

rem reuerentiam exhibentes, ab eo per Pontificum intercessionem amplio**rem** benedictionem & gratiam ad suum gubernandum imperium obtinerent. Eodemque aut consimili quasi modo, propter suæ inthronizationis solennitatem & signum, & amplio**rem** Dei gratiam obtinendam, Romanorum quidam Imperatores, diadema regum imponi sibi fecerunt per Romanos Pontifices: *quam siquidem impositionem Pontifici Romano plus auctoritatis tribuere super Romanum principem, quam Remensi archiepiscopo super regem Francorum, quis dicet?* Non enim conferunt huiusmodi solennitatis auctoritatem, sed habitam vel collatam significant. Ex hac quidem igitur reuerentia sic sponte per Romanos principes exhibita, quærentes sæpius quæ sua non sunt, episcopi Romanorum induxerunt *consuetudinem, & ab usum* verius propter principum simplicitatem, non modo dicam ignauiam, laudationem electæ personæ ac benedictionem, quam super illam mittebant, vocaliter aut in scriptis vocare *confirmationem electionis* prædictæ. Nec attendentibus olim Romanis principibus, quæ sub hac appellationis figuræ præiudicialis latebat intentio, sic ipsam successiue subinduxerunt *latenter*, nunc vero *patenter* Roman. Pontifices, ut nullus quantumcumque conuenienter electus in Romanorum regem, *rex* vocari debeat, neque regis Romanorum auctoritatem habeat aut exerceat, nisi per Romanum episcopum fuerit approbatus. Quæ siquidem *approbatio* in episcopi Romani solius mera voluntate consistit (ut dicit) quoniam in terris superiorem neminem aut æqualem in tali iudicio recognoscit, neq; suorum fratrum (quos Cardinales appellant) consilium in hoc aut aliis, quamuis eo utatur, imitari tenetur; sed oppositum agere se posse in quibuscunque, si voluerit, de suæ *Plenitudine potestatis*. Verum in hoc secundum suum morem, *falsum ex veris, & malum ex bonis concludit Romanus episcopus*. Non enim ex hac illi per Romanum principem propter deuotionem sponte impensa reuerentia, *significando sibi suam electionem*, ita id sequitur.

Eadem ratione quidam etiam ab illis coronari voluerunt.

Vnde non plus auctoritatis habent Papa in Imperat. quam Remensis arch. in regem Franciæ.

Atque hinc Papa Imperatorum simplic. & ignata abusi, confirmationem id vocarunt.

Adeo ut nullus licet probe electum, regē vocari posse sine sua approbatione asserant.

Eamque a suo solum arbitrio pendere.

Sed falso concludit.

Non enim ex voluntaria principum reuerentia id sequitur.

*Alias Imperiū
solueretur & Im-
perat. electio, ef-
fet quo inane
nom. n:*

*ac denominatio
solum ridicula:*

*Cum tamen in
potiori partis
arbitrio electio-
nis potestas sit,
non autem
unius.*

*Sic igitur Ele-
ctorum officium
euertere studet
Papa: licet sub
dolo neget.*

& ipsius postulando benedictionem, & apud Deum intercessionem, sequitur *electionem Romani principis* ab ipsius voluntate pēdere. Nō enim esset hoc aliud quam Romanum soluere principatum, & principis creationem perpetuo prohibere. Nam si electi regis auctoritas penderet à solius Romani episcopi voluntate, *inane* penitus est *officium eligentium*, quoniam per ipsos electus, neque rex est, neque rex vocari debeat antequam per suam voluntatem siue auctoritatem (*quam vocat sedem Apostolicam*) confirmetur, neque regalem auctoritatē aliquam sic electus exercere potest. Quinimo quod nedum pati, verum etiam audire onerosum est valde, nemini licebit electo ex prouentibus imperii absque huius episcopi licentia, quotidianos sibi sumere sumptus. Quid ergo aliud sibi tribuit auctoritatis principum electio quam nominationem, ex quo ipsorum determinatio ab vnus solius alterius voluntate dependet? *Tantam enim septem tonsores aut lippi possent Romano regi auctoritatem tribuere.* Ne tamen hoc in contemptum ipsorum, sed ipsos auctoritate sibi debita priuare volentis irrisionem dixerimus. Ignorat enim ipse, *qua sit electionis virtus & ratio*, & propter quid in valentiore parte debentium eligere, consistat potestas ipsius: & quoniam *eius effectus* ab alicuius vnus voluntate solius dependere non debet nec potest, si fuerit rationabiliter instituta; sed à solo legislatore, super quē principans debet institui: vel ab his tantummodo, quibus idem legislator talem auctoritatem concesserit, quemadmodum certificatum est per demonstrationem 12. & 13. primæ. Sic igitur *Romanus episcopus palam destruere vult officium electorum*, quamuis ipsos miranda versutia excæcare ac circumuenire nitatur. Inquit enim suis quibusdam sermonibus atque scripturis, *quod nullus electus in Romanorum regem, rex est, nec rex vocari debet ante confirmationem, cuius auctoritatem ad suam liberam potestatem pertinere asserit* (& electorum etiam institutionem ad eandem non minus intelligit pertinere) *quoniam imperium à Græcis in personam Magni Caroli trans-*
tulit

enlit in Germanos, vt afferit idem Episcopus. In aliis vero quibusdam edictis pronuntiando, quendam per ipsos electum, a Christo & a sua sede priuatum esse omni auctoritate, quam electores illi tribuere potuerunt subdole subdit; *Ac per hoc nullum volumus electoribus seu ipsorum officio praiudicium generari*: manifeste tamen illis praiudicando, quinimo verius ipsorum penitus officium annullando, dum prædixit *per ipsorum electionem nemini regalem Romanorum auctoritatem conferri*. Et dum per ipsos electum absque ipsorum consensu & determinatione priuat electionis iure per ipsos impenso. *Sicque* *ipsis illudens, non aliter praiudicat, quam eruens alterius oculum, id patienti noceat; quamuis sic agens dicat se illi nocere non velle.* Est rursus, hanc sibi Romani regis electi *confirmationem* ascribere, ac absque ipsa, *regem non esse quemquam*, nec regem vocari debere, neque regalia ministrare, nil aliud quam dicti principis creationem & promotionem perpetuo prohibere: vel iam dictum *principatum in Romani episcopi totalem redigere seruitutem*. Quoniam Romanus episcopus neminem electum Romanorum regem, si non voluerit, approbabit aut confirmabit, cum se omnibus superiorem asserat, & in hoc nulli subesse collegio vel singulari personæ: volet autem neminem semper, eo quod ab electo rege certa pacta & iuramenta, priusquam approbet, exigere vult, & inter cætera iuramentum, quo Rom. Imperator se illi episcopo asserat & exprimat, fidelitate seu temporali siue coactiua iurisdictione subiectum, & *quarundam prouinciarum occupationes illicitas & iniustas conseruari* vult sibi per dictum electum, idque promitti, & ipsius electi iuramento firmari. Quæ siquidem *illicita pacta & iuramenta*, nec salua conscientia regis maiestatis, & licito iuramento præstito in sui creatione, ad libertates imperii conseruandas fieri possibilia: *neque facta teneri*, nullus vnquam electus, nisi muliere mollior, & manifeste talia iurando vel promittendo periurus, Romano vel alteri cuiquam præstabit pontifici: pro-

Simile.

Sic etiam aus perpetuo imp. creationem impediet: aut Imperium subin-gabit.

Demonstratio- ni propositus i

Assumptio.

Conclusio.

pter quod electorum regum nullus unquam in regem Romanorum creabitur, aut vocem imperii merebitur, si ab episcopo Romano regalis seu imperialis auctoritas electorum pendeat. Quamdiu enim dictus episcopus (quamvis hoc iniquissime agens, & quæ sua non sunt, quærens) ipsos poterit impedire ac prohibere, impediet tam opere quam sermone.

Præterea si in interregno Papa succedat Imp. iuramenta & tributa a principibus exigere possit:

His autem grauius præiudicium & importabile nocumentum assequitur cunctos principes, communitates, & singulos Romano subiectos imperio. Cum enim vacante eodem, asserat iam dictus episcopus *se in officio succedere Imperatori* prædicto, per necessitatem sequitur, *ad ipsius auctoritatem pertinere*, iuramenta fidelitatis a cunctis principibus & feudatariis imperialibus reliquis exigendi, ipsosque

& principatus ac fenda ad eum pertinerent:

compellendi ad præstandum iuramenta prædicta: nec non ab eiusdem petendi *tributa* & reliqua seruitia, per eosdem Romanis principibus fieri consueta, cum hisdem quæ ultra consuetudinem sibi debita fingere voluerit iam dictus episcopus, de sua, quam de se prædicat plenitudine potestatis. *Collationem quoque principatum, feudorum & aliorum iurium* (quæ propter defectum masculorum hæredum, aut alia quauis ratione vel causa princeps Romanus conferre potest) ad auctoritatem huius episcopi, vacante imperio, similiter pertinere.

& omnes principum ceterorumque lites eius iudicio essent committenda.

Amplius horum præiudicialissimum & summe molestum, quod vacante imperio, iuxta Romanorum episcoporum potentiâ & sollicitudinem, ut diximus, in perpetuum vacaturo: contendentes inuicem ciuiler principes, collegia, communitates, & singulares personæ, imperio Romano subiectæ, per interpositas appellationes aut de ipsis ad curiam Romani episcopi delatis querelis, tam realibus quam personali-

Nec ullus Imperii princeps sententiam exequi posset appellandi ad Pap. licentia.

bus iam dicti episcopi per ipsius citationes adire curiam & subire ciuile iudicium compellentur. Nul- lum quoque *sententiam* poterit princeps, communitas aut iudex Romano subiectus imperio, *executioni mandare*, ad Ro. curiam ab ipsorum sententiis ciuilib. *appellationes* semper interponentibus condemnatis.

innatis. Nolentes autem imperio Romano subiecti, iam dicto episcopo parere aut in prædictis subesse (*quemadmodum nec tenerentur*) per anathematum seu blasphemiarum, *excommunicationum*, heresum, interdictorum, & demum temporalium priuationis seu amissionis vocatas sententias, eiusmodi temporalia publicando, & concedendo quomodocumque potentibus rapere, ipsosque persequentibus cum sibi subditis & adhærentibus, qualitercumque etiam occidentibus cuiuslibet culpæ aut pœnæ veniam (*inanem quamvis, atque fallacem*) concedendo, subditos eorum a iuramentis sibi præstitis aut præstandis (hæretice quamquam) absolviendo, incessanter & omni suo maligno ac proteruo nutu, sæpe dictus episcopus persequetur. Quod si dixerit Rom. episcopus more solito, curam plebis & pietatem prætendens, *eo pertinere ad se Romani principis electionem confirmare, siue probare, ne fortassis ad imperialem apicem hæreticus scandere valeat*, communitati fidelium inde quam plurimum nociturus: illi respondendum utique conuenienter, propter quod talis *electio* sui probatione non eget, cum eadem celebretur & fiat per tres solennes archiepiscopos Christianos, quorum quilibet æqualem a Christo suscepit auctoritatem episcopalem seu sacerdotalem Romano pontifici, quemadmodum ostensum est 15. & 16. huius. Et rursus per quatuor fideles principes seculares, cum quibus vnâ conuenientibus prædictis religiosi pastoribus, siue prælatis, electio prædicti Romani principis consummatur. Hos autem septem non est verisimile sic errare, aut intentione peruersa moueri, sicut solius Romani episcopi voluntatem, qui suo inniti soli iudicio sibi credit de iure licere, per eam, quam sibi ascribit incongrue, *plenitudinem potestatis*. Sic enim quemcumque pro voto posset hæreticum iudicare, ac electionis iure priuare, vnde principum eligentium officium redderetur nullum, & electi creatio atque promotio prohibita semper, propter causas prædictas. Esto tamen, secundum aduersantē,

& qui Papa iudicio non acquiescerent excommunicarentur ab eo & proscriberentur.

Occupatio electionis.

Responsio prima.

Secunda.

Romanum principem ante vel post sui electionem *in hereticam incidisse, aut incidere labem*, idq; latuisse vel sciuisse *principes electores*, dicendum, nequaquam propterea iudicium aut correptionem ipsius, ad solum Romanum episcopum pertinere. Nec rursus erit auctoritas hæc illius solius episcopi, aut cum solo suorum clericorum cœtu vel synodo, *sed concilis generalis*, eorum qui sub imperiali regimine continentur, propter iam dictas causas & alias assignatas 21. huius. Nam & *Cardinales* ipsi prædictæ usurpationi plerumq; consenserunt, cōsentiunt, atq; participant, propter quod insegurum est, electionem hanc talium subesse iudicio. Amplius quærendum, cur etiam non aliorum regum sufficientias personarum suo dicto iudicio & approbationis potestati subesse? pro quibus spondeo, sic ipsos intendere: quamvis hoc nondum audeant attentare, sed eius sibi congruum tempus obseruent; de quo etiam fortassis aliquid dicturi sumus. Ex dictis itaque *suppositionibus falsis viam erroris & iniquitatis ingrediens, iam omnium nouissime* modernus quidam, vocatus Papa Romanus, *totis suis studiis & nisibus impedit, & prohibet* inclyti Ludouici, ex Bauariæ Ducibus Romanorum regis assumpti, *processum ad possessionem quietam apicis imperatoria dignitatis*. Interimit enim, & merito, *dictus Ludouicus* tam verbo quam facto, *suppositiones* episcopi supradicti. Nam quamvis nondum per illius verba vel scripta confirmatus aut approbatus exstitit (sicut pridem euidenter ostendimus, nec indiget confirmari) ab electionis de se factæ & publicatæ per *Electores* tempore circa se regem Romanorum continuo, sicut secundum veritatem fuit, & est, scribi ac nominari facit ac fecit. Imperialia quoque siue regalia quæque, (quod etiam de iure tenetur, & potest) in omnibus administrat. Vnde aduersus ipsum, quamvis tamen per ipsum, seu prædecessores ipsius, *calefactus coluber* in suis prædecessoribus, *iuxta Æsopi* attendendum, & huic proposito conuenientem *apologum*, ex quanta paupertate, deiectione, oppressione,

Tertia.

Hu itaq; falsi argumentu Papa Ludouici Imp. maiestatem oppugnat.

Qua Lud. re & verbum merito enertit: usus legitime regis nomine & imperio.

Ideoq; Papa illum oppugnat summa ingratitudine, more angui Æsopi.

ne, opprobriis, ac persecutione, per Romanos principes, ad temporalium abundantiam, throni sublimitatem, & honorem, potestatem, & tranquillitatem releuatus, non velut habens apostolorum, sed tamquam ingratus & immemor, Romanus hic vocatus episcopus se crexit. Primum quidem suo peruerso & solito more in dictum principem expuens, verba ignominiae ac irreuerentiae quam plurima protulit, hoc tamen *sub melle venenum porrigens*, speciem pietatis secundum suam *consuetam* praetendit *fallaciam*, dum inquit in suis quibusdam epistolis (quas vocat *edicta*) se talia scribere vel proferre, ut dictum Ludouicum ab erroris deuio, ad callem sine semitam veritatis & salutis reducat: seipsum qui loquitur, quid loquitur, & cui loquitur non attendens. Ad quem tamquam deuium ab omni tramine veritatis & cuiuslibet aequitatis exortem, conuenienter & cum veritate verissime dici potest illud Matthæi 7. & Lucæ 8. *Quid autem vides festucam in oculo fratris tui, & trabem in oculo tuo non vides? aut quomodo dicis fratri tuo, frater, sine eiiciam festucam de oculo tuo, & trabs est in oculo tuo? Hypocrita, eiice primum trabem de oculo tuo, & tunc videbis eiicere festucam de oculo fratris tui. Non est arbor bona quæ facit fructus malos, neque arbor mala faciens fructum bonum, unaquaque arbor de fructu suo cognoscitur. Quid igitur hypocrita hic, arbor pessima, fructus omnis malitiæ, ac seditionis, & discordiæ portans vbique (vt sensatum est omnibus) virum virtutum, infontem, catholicum, & probatum, suis ignominiae verbis sub falsa pietatis & charitatis specie nititur diffamare? Eiiciat enim primo a sui mente caliginosa, & quasi cæca trabem, summam scilicet ignorantiam & errorem, & a sui affectione peruersa, quasi obstinata & indurata, malitiam & furorem: tuncque aliorum minutias peccatorum cernere valebit, & per suas exhortationes & monitiones poterit aptius & conuenientius expurgare. Deinde vero, qui non correptionem hominis, sed mortem ciuilem his sermonibus*

1. Venenata enim lingua falso pietatis praetextu ledit: dum errantem se rogare simulat.

Cum ista ipse erret via:

& omnibus sceleribus seateat.

2. Non correptionem Imperatoris, sed mortem

gem his verbis
machinatus ex
communicatio-
nis usus veneno
collere studet :

Neglecta Am-
brosius & S. lte-
rarum auctori-
tate.

Proscripsit.

dolosis & fictis intendit, in supradictum principem *Christianissimum*, venena quæ credidit illi mortifera ciuili vitæ, supradictus episcopus effudit & sparsit, dum ipsum cum sibi singulariter adhærentibus *excommunicauit*, & communitatibus fidelium, eidem tamquam regi Romanorum præstantibus aut præstituris auxilium, consilium aut fauorem, diuinorum officiorum exercitium interdixit : parum aut nihil attendens, quod monet *Ambrosius* in libro, qui De sacerdotali dignitate intitulatur. Tractans enim illud primæ ad Timotheum tertio : *Si quis episcopatum desiderat*, inter cætera 8. dicti libri capitulo inquit ; *Non litigiosum, id est, non linguam ad conuicium relaxet episcopus, ne per eandem linguam, per quam laudes refert Deo, & diuina libat officia, litium venena proferat. Quia non decet de ore episcopi benedictionem simul & maledictionem egredi, ne per eandem linguam qua Deus laudatur, homo maledicatur, quia non potest de vno fonte dulcem & amaram producere aquam.* Demum vero suæ *malitiæ aculeum*, quem in nocumento & exterminatione credit extremum, foras emittet fortassis, in prædictum principem figere credens, blasphemiam videlicet suam quamdam, ab ipso vocatam *sententiam*, licet *re vera supremam dementiam*, qua supradictum principem cum adhærentibus, aut obedientibus, & fauentibus sibi omnibus tamquam regi, pronuntiavit hæreticos & ecclesiæ inimicos siue rebelles, suorumque temporalium omnium, mobilium & immobilium iure priuauit, ea quidem per iam dictam sententiam indigne vocatam, publicando, ipsa quoque occupare volentibus & occupantibus concedendo, & hoc licite fieri posse, per suas voces atque membranas inscriptas, per se vel *pseudo* quosdam *predicadores*, alios, in omnibus prouinciis nuntiando, ipsosque rursus morte damnando, & occidentibus aut inuadentibus, culparum atque poenarum omnium, conuictorum, criminum, veniam concedendo : & si viui capiantur vbicumque fuerint,

ant, in seruitutem capientium redigendo. Amplius officia ecclesiastica maiora, vt episcopatus, archiepiscopatus, atque patriarchatus, mediocria & minora concedit, ecclesiastica quoque temporalia, *beneficia iam vocata*, thesauros, atque pecunias effundit, vt aduersus dictum principem in *inuidiam atque rebellionem*, & * *guerram atque discordiam* concitet vniuersos: cum tamen supradictorum cuiusquam ad huius episcopi auctoritatem nullam pertineat proferre sententiam. Vt 4. 5. 6. 7. 8. & 10. ac 20. huius euidenter ostendimus. Præter has autem malignitates horrendas nouum genus exercet nequitia, quod manifeste videtur hæreticam sapere labem. *Concitat* enim aduersus iam dictum catholicum principem *in rebellionem eius subditos* atque fideles, per sua quædam dicta *vel scripta diabolica, quæ tamen apostolica vocat*, ipsos absoluen- do a iuramentis fidelitatis, quibus sæpe dicto principi fuerant & sunt, secundum veritatem, astricti. Talesque *absolutiones* vbique diuulgat & prædicat per quosdam ministros facinorum, ex tali exercitio sperantes, per iam dictum episcopum, ad ecclesiastica officia & beneficia promoueri. Hoc si quidem non *opus apostolicum*, sed *diabolicum* esse constat: quoniam secundum hoc & ex hoc episcopus iste cum omnibus sibi complicibus, ordinatoribus, consensoribus, & executoribus, sermone, scriptura, vel opere, *caci* existentes cupiditate, *auaritia*, *superbia*, cum ambitione, summaq; vt omnibus constat, *iniquitate repleti*, ducatum præbent sibi credentibus & assequeutibus opere, in omnibus supradictis ipsorum sermonibus atque scripturis, ad casum & præ- cipitationem in foueam mortalium peccatorum. *Primum* quidem in *periurium* manifestum, *deinde* vero in *proditionem* & *iniustitiam* omnia in oculam, *consequenter* autem in *rapinam*, *homicidium*, & omnia quasi scelerum genera incidere faciunt, in quibus morientes nec pœnitentes, * *per hunc sanctissimum patrem*, & illius seducti ministros, nec (propter ipsorum crassam fuisse igno-

4. Et ne quid scelerum intentatum relin- quas, bona eccl. ad bellum ei mouendum dissipat.

* bellum.

5. & subditos ad rebellionem concitat illosq; edictis diabolicis a fide debita absolut.

Idq; sceleratorum opera promulgat. Nam id Diabolicum esse non apost. inde constat quod aliis grauissimorum scelerum exemplo ad perniciem præcunt.

* Ironia.

*Leg. Papa as-
si-
do in principes
subditos absol-
uenti, non pa-
rendum de-
monstratur.
Propositio:
Assumptio:*

Conclusio.

*2. Ratio ab A-
postolorum au-
thoritate:*

*& glossa Patrum
assensu.*

*Occupatio :
Quatenus obe-
diendum prin-
cipibus.*

*3. Ratio: quia
ita regnorum
vincula solui-
tur.*

rantiam) excusabiles apud Deum', præcipitantur & submerguntur in gehennam ignis, foueam videlicet perpetuo damnatorum. *Nam certum est* & esse debet unicuique rationem habenti, & ea vti potenti, neque Romanum episcopum aut alium sacerdotem ab huiusmodi & quouis alio licito iuramento præstito siue promisso quemquam absque causa rationabili absolueri posse. *Nunc autem* unicuique constat, qui proprie conscientiae stare voluerit, & quem sinistra non perturbat affectio, causam quam *Romanus* prætendit *episcopus* aduersus primum principem *Ludovicum*, & alium quemcumque in casu consimili, rationabilem minime fore, sed iniquam, præcipientem & iniustam. *Vnde* ducatus siue doctrina & exhortatio huius episcopi & sibi ministrantium in talibus cauendus est, & omnino spernendus, tamquam is qui ad æternum animarum perducit interitum. Sanæ enim doctrinæ ac verbis & sententiæ *Apostoli* ad Romanos 13. ad Ephesios sexto, primæ ad Timotheum sexto, 2. ad Titum 2. & 3. repugnat palam. Aperte namque vbi supra, præcipit *Apostolus*, *subditos obedire debere dominis suis carnalibus, non tantum bonis & modestis, sed etiam dyscolis*, vt beatus *Petrus* dicit prima Canonica sua, secundo capitulo. Quanto igitur magis cum fuerint illis per iuramentum astricti? quod etiam *glossa* secundum sanctos ibidem amplius explicant, manifeste dicentes, quod dominis etiam infidelibus & quantumcumque malis obedire tenentur & debent subiecti. Hoc sane tamen intelligendo, in quibus obedientia non repugnet sermone vel opere legi diuinæ. Indubium autem est, sermones & opera, quibus *Romanus* episcopus aduersus *Romanum* principem inuehitur & procedit, nec diuinæ legis fore mandata, neque illi consona, sed dissona potius & repugnantia manifeste, quemadmodum per scripturam monstratum est, capitulo quarto, quinto, & nono huius. Hæc *rursum* docenti seu prædicanti Romano aut alteri cuius episcopo credere vel obtempe-

obtemperare, nil aliud est quam omnium principatum radicem succidi sinere, vinculum & nexum cuiuscumque ciuitatis & regni dissolui. Non enim radicem & nexum huiusmodi arbitror alium, nisi *Nempe mutuū iuramentum & fides principum ac subditorum.* mutuum iuramentum & fidem subditorum & principum. Hæc enim, *fides* scilicet, vt inquit *Tullius*, De Officiis, libro primo: *Omnis est fundamentum iustitiæ*; quam inter principantes & subditos soluere nitens, nil magis sibi quærere tentat, quam pro sui libito principatum omnium potestatem euertere posse, & hinc eos in suā redigere seruitutem: & hoc etiam ciuilitate viuientium omnium pacem seu tranquillitatem turbare; ac inde præsentis seculi sufficienti vita priuare: demumque (vt iam diximus) sic animo dispositos, finaliter perducere ad æternam perniciem animarum. Propter quod huius episcopi & suorum complicum peius, quam *Pharisaorum* veniæ promissionem inanem, perniciosam & insanam doctrinam, quinimo *seductionem animarum* verius dicam, omnes *Christiani* contemnant & caueant, attendentes *Christum* id consulentem aut præcipientem, *Matthæi* decimoquinto, dum ad vniuersos fideles, in Apostolorum persona tamen, ait; *Sinite illos*; id est, *Pharisæos*, qui tunc Mosaicæ legis doctores putabantur; erronee tamen sentientes in ea, & Christo aduersantes quasi continuo: per quos siquidem significabantur, & intelligebantur omnes *sophistici & falsi doctores sacra Scriptura*, quales sunt hi persecutores *Romani principis*, & aliorum innocentium vere fidelium, in quorum persona etiam * *hi nequam Christum persequuntur*, & illi aduersantur. *Subdit autem causam Christus*, quare hos falsos doctores spernere debemus, dum inquit; *Cæci sunt, & duces cæcorum: cæcus autem si cæco ducatum præstet, ambo in foveam cadunt.* Sic igitur iuxta præceptum dominicum sinendi & spernendi sunt hi falsi doctores, tamquam *cæci* cupiditate, auaritia, superbia, & ambitione, *cæcorum, auarorum* scilicet, ac superborum & rebellium duces. Qui etiam non attendentes aut attendere non volentes præceptum apostoli-

*Propterea Papa absolutio tamquam Pharisæica veniale-
rior ac sceleratior repudianda est: teste Christo:*

* *Papa cū coniuratorib.*

Et Paulus

cum, quinimo diuinum, *sine metaphora*, dicentis aperte ad Romanos decimotertio: *Omnis anima subdita sit potestatibus sublimioribus*: docent & prædicant subditos aduersus ipsorum principes esse rebelles. Tales enim *sic rebelles*, & alios ad rebellionem suis dolosis & iniquis persuasionibus inducentes, *ordinationi Dei resistunt*. Nam *Apostolus* vbi supra, *Qui potestati* (id est seculariter principanti resistit)

Qui de Papa & a secularibus sceleribus prophetant:

* Sententiam Tullii nō intellexit Marcellus.

Dei ordinationi resistit. De quibus prophetauit idem primæ ad Timoth. 4. & eundem 2. tertio, dum dixit, *Hoc scito, quod in nouissimis diebus instabunt tempora periculosa. Et erunt homines seipso amantes, cupidi, elati, superbi, blasphemæ, parentibus non obediens* (sub parentibus principes comprehendens,

vnde * *Tullius* De officiis, libro primo; Principes sunt patria, sunt parentes, quorum maximis beneficiis obligamur. Parentibus ergo siue principibus non obediens) *ingrati, scelesti, infideles, pactum non custodientes, sine affectione*, (supple bona) *sine pace, criminales, incontinentes, immites, sine benignitate, proditores, procaces, proterui, tumidi, voluptatum amatores magis quam Dei, habentes quidem speciem pietatis* (id est apparentes agere quæ faciunt, propter cultum Dei, reuerentiam, & amorem) *virtutem autem eius* (scilicet talis pietatis) *abnegantes*. Quod de facile omnibus cognoscere est ab ipsorum operibus, iuxta illud *Matthæi* septimo.

viq; nec credendum nec obediendum mandauit.

Attendite vobis (inquit) *à falsis prophetis, qui veniunt ad vos in vestimentis ouium, intrinsecus autem sunt lupi rapaces, à fructibus eorum cognoscetis eos*. Et subdit *Apostolus* conformiter Christi consilio vel præcepto præmissio; *Et hos deuita*, id est his noli credere, neque in talibus obedire. Sed proh dolor, quod propter hanc *speciem pietatis*, in tantum homines seduxerunt, vt iam violenta freti potentia, quam sub specie pietatis obtinuerunt gratis in parte, plurimum

Nam falsa pietas specie & prætextu subditos in principes concitant.

vero latenter vsurpauerunt, & nunc patenter atque violenter vsurpant, deuitari non possunt, violentiam Christi fidelibus inferentes. Qui etiam ingrati, superbi, sine pace, ac immites, & reuera

quales

quales eos per omnia descripsit Apostolus, *Ponentes bonum malum, & lucem tenebras*, secundum illud E-
 saiaë 5. Ecclesiasticorum officiorum, maiorum, me-
 diocrium, & minorum, collatione, ac temporalium
 seu beneficiorum, tam rerum mobilium, quam im-
 mobilium, ac decimarum, quæ propter bonum fi-
 nem statuta fuerunt, exhibitione, promissione, ac
 horum prius interueniente conuentione nefanda:
 concitant aduersus fideles principes sibi subditos, &
 affines etiam non subiectos. Quod quamuis cum
 sibi complicibus, solum aduersus Romanum prin-
 cipem facere videantur, illius tamen exemplo, qui
 Romano episcopo, & ipsius ecclesiæ, in tantum be-
 neficus exstitit, ceteri principes discant, eadem sibi
 probabiliter contingere posse, & aduersus eosdem,
 eadem satagere prædictum episcopum, sine affe-
 ctione bona in quemlibet existentem, dum se illi hu-
 ius insultus facultas offeret. Afferens enim ipse, tam
 suis sermonibus, quam scripturis pridem induëtis,
 propter suæ, quam sibi (quamuis inconuenienter)
 ascribit plenitudinem potestatis, omnes principes
 & populos suo principatui siue iurisdictioni coa-
 ctivæ subiectos: hoc etiam ad effectum perducere
 cupiens & anhelans, obseruat tempora quibus
 principum fidelium inuicem aut populorum inui-
 cem schismata & contentiones, aut *subditorum ad-*
uersus ipsorum dominos rebelliones appareant, quas et-
iam nonnumquam concitari procurat, ut sic altera
 dissidentium inuicem partium, debiliior vel aduer-
 santi resistere nequens, suum cogatur implorare
 subsidium & subire dominium. Quamuis enim sub
 ficta specie pietatis ac misericordiæ videatur impo-
 tentes, inique fortassis oppressos, aliquândo protege-
 re, illisque fauorem secularem impendere, non ta-
 men hunc præstat, nisi prius ipsi constiterit sui fa-
 uoris egentes, eumque requirentes, suum subituros
 principatum seu seculare dominium. Sperans inde
 demum per mutuam oppressionem & inuidiam, v-
 trumque sic aduersantium ipsius potestatem cogi
 subire, propter quod cauendæ sunt contentiones

*Cuius rei exem-
 plum est Papa
 in Imperatorē
 seditiosa rebel-
 lio.*

*Nam Papa si-
 bi in omnes prin-
 cipes imperium
 adscribit.*

*Quod ut obti-
 neat occasiones
 dissidiorum cor-
 prat, easq; exco-
 lat.*

*ut falso pietatis
 & misericordiæ
 prætextu infir-
 miores subiu-
 get.*

*at tandem o-
 mnes tyrannidi
 sue subiciat.*

& actiones, quæ suorum fauorum cuiquam necessitatē inducant, quoniam tandem conuertuntur in libertatis perniciem & eos suscipientium seruitutem.

Ad quam parandam hac arte utitur.

non aude.

Et Italiam dist.

idemq; in Germania tentat.

Nam subditos ad rebellionem prout concitat:

Et rebelles ecclesia filios vocat.

reliquos principi fidos schisma.

Et haret. nominat, eosq; excommunicat & cō-

demnat.

Secundum hunc igitur *modum* per regna mundi successiue *reperit* episcopus hic, vt omnes tandem (quos incessanter ardet) principatus sibi subiicere valeat. In omnibus namque vel pluribus simul inaudet huiusmodi tentare processus, sed paulatim sibi tantam exspectat secularem subcreuisse potentiā, vt reliquorum residuam videat, & posse credat absque sui discrimine superare. Tunc enim fiducialiter aperiret super reliqua regna sensum præsumpti à se *tituli plenitudinis potestatis*. Et quemadmodum cum qui Romanorum, sic reliquos principatus explicite proferret suo dominio seu coactiue iurisdictioni fore subiectos, sibi que subiici, quamquam licite recusantes per blasphemias & consimiles iam præmissis sententias in Romanum principem & sibi fideles, per violentam quoque siue armatam, vsque ad attritionem & exterminium, persequeretur potentiam. His igitur modis & viis iam dictus episcopus cum sibi complicibus, quasi omnes Italiæ principatus, communitates & populos in contentionem ac schisma seduxit: idemq; in *Alamania* iam facere cœpit, & continuo perficere studet. Quosdam enim *subditorum, proditores & sceleratos*, fauoribus secularibus (vt officiorum ecclesiasticorum collationibus, decimarum & pecuniarum exhibitione) in *rebellionem aduersus Rom. principem concitauit*, & indefinenter quoscumq; potest maiores, medios, & minores concitare procurat, eosque qui sic per ipsum seducti fuerint, & eidem obtemperauerint, *ecclesia filios & vere fideles* appellat & vocat: qui vero in debita fidelitate suo principi obedientes persistunt, & persistere volunt, *schismaticos & hareticos* nominat, & tamquam ecclesiæ inimicos persequitur, *blasphemando*, quantum in ipso est, *diffamando*, *excommunicando*, & per sententiam secularem personaliter atque realiter *condemnando*, cum tamen nullum tale iudiciū illi taliter debeatur, in quantum huiusmodi, diuina

vel

vel humana lege, vt ex præcedentibus patet, & rememoratum est prius.

Est autem, de quo pridem aliquid diximus, omniū nequissimum & grauissimum nocumentum generaliter inferens (nec taceri potest à lege charitatis excidere non volente) quod videlicet Romanus exercens episcopus, *omnes Christi oues*, quas ad pascendum salutari doctrina sibi dicit fore commissas, æternaliter confundit & deuorat. Ponens enim rursum *malum bonum, & lucem tenebras*, concedit ipse vocaliter in scriptis *absolutionem culpa ac pœna cuiuslibet* militantibus omnibus tempore certo, equitibus aut peditibus aduersus iam dictos Christi fideles, Romano principi subditos, & cōstanter illi tamquam regi obediētes & obedire volentes: quos etiam velut *hæreticos*, & crucis Christi rebelles impugnare quomodocumque licitum esse, spoliare ac exterminare finaliter, per se vel alios, sermone tam scripto, quam non scripto pronuntiat. Et quod horret auditus, id prædicat, & per quosdam falsos & *pseudofrateres*, sitientes ecclesiasticas dignitates, tamquam Deo sit acceptum, quemadmodum in transmarinis partibus expugnare paganos, prædicari facit vbique. Quam siquidem *fallacem veniam* concedit similiter dictus *episcopus*, non potentibus propter corporis debilitatem id scelus explere, si ad proprios ipsorum sumptus id per alios vsque in idem tempus procurauerint perpetrari, aut summam illam ad hoc sufficientem exhibuerint nefariis exactoribus suis. Cum tamen secundum catholicam religionem nulli dubium esse debeat, sic militantibus atque pugnantibus hanc derisibilem & inanem *absolutionem* nihil proficere, sed nocere. Sic tamen fallit simplices ad explēda sua impia desideria, quod in sui potestate nō est vocaliter cōcedendo, quinimo sic ipsos deducit atq; seducit ad æternā perniciem animarum. Alienę namque patrię inuasores existentes, & expugnatores iniusti pacis, & quietis innocentium fidelium turbatores, quos etiam nō ignorant vere catholicos fore, sed proprię patrię defen-

Et quod iniquissimum est, omnes Christi deuorant

cum rebellibus & Imperatoris subditos oppugnantibus omnium absolutionem concedit.

& id per pseudofrateres promulgat.

Idemq; promittit illi, qui ad eam rem pecunias suppeditarint.

Atq; hac ratione eos ad inferna seducit.

Tales enim sunt non Christi, sed Diaboli milites.

*Neg, hac solum
bella per Laicos
trahat: sed et-
iam Cardinales
& Abbates.*

*Atq, in hos v-
sus bona ecclesia
ad pios vsus da-
ta, scelerate
dissipat.*

**expeditionē
in ethnicos.*

Contra officiū.

fores, & ipsorum vero & legitimo domino fidelita-
tis obseruatores spoliando & occidendo, vel aliter
impugnando, non sunt Christi, sed diaboli pugiles.
Rapinas enim, incendia, furta, homicidia, fornica-
tiones, adulteria, cetera quoque quasi omnia crimi-
num genera incidunt & committunt. Vnde con-
stat indubie, non ipsos mereri veniam, sed eo potius
reos & debitores fieri damnationis æternæ: ad quæ
tamen patranda seducuntur ipsi per illius oraculum
atque scripturas, *qui (quamuis non existat) se Chri-
sti vicarium dicit in terris.* Neque his tam horrendis
suo imperio vel inductione per laicos exerceri con-
tentus, *vir sanguinum hic & dolosus* quemdam pre-
sbyterum ex suis fratribus siue complicibus, quos
Cardinales appellant, cum equitum & peditum
numerosa caterua, transmisit in *prouinciam Lom-
bardia*, similiter quoque *abbatem, monachum* quē-
dam, in *Marchia quadam Italia*, quæ cognomina-
tur *Ancone*, propter impugnandos & exterminan-
dos *Christi fideles*, quos suis impiis & iniquis iussi-
bus aduersus ipsorum principem parere nolentes,
iam dictis persecutionibus omnimodis incessanter
infestat, ipsorumque pium principem *Ludouicum*
prædictum, illis compatiētem, ipsosque pro posse
fouentem, *fautorem hereticorum* ob hoc, solita re-
meritate, in suis dictis & scriptis appellare præsum-
psit. In quos siquidem, atque consimiles vsus eccle-
siastica temporalia (quæ deuoti fideles tam princi-
pes quam subiecti, communitates & singuli statue-
runt ad sustentationem ministrorum euangelii &
subuentionem pauperum impotentum) episcopus
his consumit atque conuertit: & in testamentis ad
pias causas *legata temporalia*, * vt *ultramarinum*
transitum, captiuorum per infideles redemptionem,
& similia reliqua, tamquam suæ potestatis
existentia iniuste vendicans, conuertere quærit.
Cum tamen *apostolicum & sacerdotale* opus non
sit, neque sacerdotem aut virum Deo dedicatum
deceat arma mouere vel moueri iubere inter Christi
fideles, & *inique* præsertim, sed eosdem potius, si
discor-

discordes aut dissidentes inuicem fuerint, per convenientes exhortationes, ad concordiam reuocare, quemadmodum per *Apostolum*, *Chrysostomum*, & *Hilarium*, atque *Ambrosium* sufficienter ostensum est quinto huius & nono. Non est igitur de cetero permittendum huic episcopo, vel alteri cuiquam, sic generalem, absolutam & tantam potestatem ecclesiastica ipsi alia conferendi, & distribuendi, sed per principes & legislatores, vel hanc simpliciter reuocandum ab ipso, vel moderandum: sic, ut quæ ad salutem fidelium præsentem atque futuram statuta, & ordinata sunt hætenus, statuuntur & ordinantur continuo, vel in futurum ordinabuntur, non cedant in continuam ipsorum vexationem temporalem, & demum in perpetuum cruciatum. Tali-
bus quoque processibus sic laudabilibus, * & Deo gra-
tis, quantum vnusquisque sanæ mentis neque per-
uersus affectu comprehendere potest, modernis
temporibus processit, & continuo procedit, vocatus
modernus Papa Romanus, cum suis ministris, quos
legatos appellat, aduersum sæpeditum *Ludovicum*
Romanorum regem: sic quoque aduersus eiusdem vi-
carios, & fideles subditos, maxime in prouincia
Lombardia, *Tuscia*, ac *Anconitana Marchia* pro-
cesserunt. Quorum tamen singularius persecutus
est hætenus generosum, nobilem, & illustrem vi-
rum catholicum, morum honestate, ac grauitate in-
ter ceteros *Italicos* singularem, bonæ recordationis
Matthæum vicecomitem imperiali auctoritate Me-
diolanensem vicarium, cum plurima sibi adhæren-
tium multitudine fidelium populorum. Hunc e-
nim, quamuis iniquissime, prædictus episcopus suis
profanis sermonibus & scripturis damnatæ vitæ
fuisse, ac damnatæ memoriæ fore pronuntiat: ve-
rum non ille *Matthæus*, sed ipse per quem scandala
veniunt, & qui profert de suæ thesauro malitiæ
semper mala, damnatæ pœnitentiæ apud Deum
& homines patenter habetur, estque amplius ante
mortem & post mortem futurus haberi, id sibi
comminante *veritate*, *Matthæi* 18. dum inquit,

*Ergo hæc Papa
potestas aut re-
uocanda a prin-
cipibus aut mo-
deranda.*

* *Ironia.*

*Hoc furore Io-
hannes 22. Lon-
donium imp-
oppugnauit:*

*eiusque vicarios
& subditos
in Italia.*

*Præsertim Mat-
thæum viceco-
mitem Medio-
lanensem.*

*Hæc enim mor-
tuum iniuste
condemnat
Papa.
Ipse contra da-
mnandus.*

Teste Christo.

*Qui iniquum
Papa iudicium
non sequitur.*

Teste Lōbardo:

& Hieronymo.

*Ergo, nec fidelib.
est metuendum.*

*Anacephalao-
sis generalis co-
rum qua hacten-
us de tyranni-
ca plenitudine
potest. disputa-
ta sunt.*

*e. De illius ori-
gine & progres-
su.*

*Va homini per quem scandalum venit. Et rursus eod-
em; Qui autem scandalizauerit unum de pusillis istis,
qui in me credunt, expedit ei ut suspendatur mola as-
naria in collo eius, & demergatur in profundum ma-
ris. Quæ etiam non attendens, sicut nec cetera mo-
nita Christi, qui pertinax & impœnitens est, indefi-
nenter persequitur, blasphematur viros alios quam-
plures clarissimos, fidelitatis atque constantiæ ad
ipsorum iam dictum Romanorum principem secta-
tores. Quorum famam apud Deum & homines re-
dolentem prædictis suis profanationibus atque bla-
sphemiis nititur maculare. Hic enim est episcopus
cuius & ipsius ecclesiæ non sequitur iudicium Deus,
quoniam per surreptionem & ignorantiam iudicat,
sicut dicit Magister sententiarum, libro quarto, dist.
decimaoctaua, capitulo sexto. Et huius causam red-
dit Hieronymus super illud Matthæi 16. *Et tibi da-
bo claves regni calorum.* Inquit enim, quod nec repe-
tere piget; *Hunc locum quidam non intelligentes* (si-
cut, supplendum, nec episcopus iste) *aliquid sumunt
de supercilio phariseorum, ut damnare innoxios, vel
soluere se putent noxios.* Et subdidit ad propositum;
*Cum apud Deum, non sententia sacerdotum, sed reo-
rum vita quaratur.* Non igitur sequitur Deus talis
sacerdotis seu episcopi vel ecclesiæ iudicium tam
iniquum. Propter quod ipsius ac suorum cōplicum
blasphemiæ verendæ non sunt, nec ab aliquo fide-
limendæ, quemadmodum diximus: quoniam non
transeunt in fidelium gregem, sed prorumpentium
in has, scæda corpora, sceleratas & infelices animas,
diuina virtute referre potius didicerunt. Sunt igitur
quæ iam narrauimus, *quasitorum initia vera.*
Et quæ etiam tam debite quam indebite processerunt
post hæc, vel ab his, quamuis propter tempo-
ris longitudinem, hominum ignauiam & inaduer-
tentiam, exciderint ab ipsorum conspectibus siue
memoriis, horumque vice propter consuetudinem
audiendi falsa, siue figmenta quædam, in anima-
bus fidelium plurimorum subinducta sint, & in-
serta veritatis opposita. Quorum siquidem origo
& fomes*

& fomes, *avaritia*, siue cupiditas, & ambitio siue *superbia* fuit. *Incrementi* vero atque horum tutelæ non paruum instrumentum, execrabilis illa opinio & enuntiatio, qua Romanus episcopus, & suorum clericorū cœtus siue collegium eidem asserunt, in persona tamen beati Petri Apostoli, à Christo fore traditam *Plenitudinem potestatis*. Verū post multam diligentem atque laboriosam perscrutationem, & exquisitionem scripturarum, diuinas ab humanis separantes, quas Romani Pōtiffices quidam in vnum confuderant, credentes ex permixtione hac communicare suis propriis institutis, eam quæ soli sacro canoni debetur auctoritas enuntiationis iam dictæ seu tituli, sensus determinauimus, & sufficienter aperuimus vigesimotertio huius omnibus ratione vten-
tibus (saltem quos sinistra non perturbat affectio) falsos esse, aliorum vero maxime eum sensum ad quem vltimo prædictam orationem transtulit Romanus episcopus, ex ea sibi videlicet adscribendo vniuersalem siue supremam iurisdictionem coactiuam, quam sub *verborum metaphora vocat gladium temporalem* super omnes mundi principes, communitates, & populos. Quamuis, vt diximus, & quibus ex causis in solum principem Romanorum nunc explicet titulum hunc, in omnes tamen reliquos explicaturus eundem, dum in ipsorum regnis seditionem prospexerit, ea quoque vsurpandi & occupandi violentiam sibi viderit potestatem adesse. Sic ergo *Plenitudine potestatis* propter *ignauiam* permissa Romanis episcopis, circa seculares actus ciuiles vsi sunt hætenus, vruntur continuo, sunt & in deterius, nisi prohibeantur, vsuri. *Leges* enim oligarchicas statuerunt, quibus videlicet *clericorum collegium* & aliorum coniugatorum quosdam à *legibus ciuilibus* rite latis *exemerunt* in principum & populorum præiudicium summum. Nec his contenti limitibus, iam laicos citari faciunt coram suis vocatis officialibus siue iudicibus, & iustificare volunt, in hoc principantium iurisdictionem penitus destruentes. *Hæc autem litis seu ciuilis discordia causa est singularis &*

occulta in sui origine valde, quam ex principio proponebamus ostendere. Propter diuinarum enim & humanarum scripturarum inuolucrum paralogizati fidelium plures inducti sunt credere; *Romanum episcopum* cum suis clericis, quos *Cardinales* appellant, *super fideles statuere posse quod volunt*, ad id quoque *seruandum omnes obligari lege diuina, transgredientes vero reos fieri damnationis aeternae*, quod tamen in prioribus, & praecipue duodecimo & decimotertio primae, ac huius vigesimoprimum, parte octaua monstrauimus per certitudinem non esse verum, nec vero propinquum, sed veritatis oppositum manifeste. Hæc rursus *causa est*, vt proæmialiter diximus, *qua regnum Italicum dudum laborauit*, laboratque continuo vehementer contagiosa, nil minus & prona serpere in reliquas omnes ciuitates & regna, & ea omnia iam infecit vtcumque, demumque nisi prohibeatur, ea totaliter, velut Italicum, infectura. Pro-

2. De Imperatoris, regum & principum officio in refrenanda Papa tyrannide.

Apostrophe
Marfilii ad Papam & ecclesiam
Romanam de
animis suis in hac
causa integritate & charitate,

pter quod principibus omnibus & populis per generale concilium, vt prädiximus, conuocandum, expedit hunc titulum interdicere, ac simpliciter prohibere Romanorum episcopo, & alteri cuicumque: ne propter consuetudinem audiendi falsa, de cetero populus seducatur. Reuocandaque sibi est potestas, ecclesiastica officia, & temporalia siue beneficia conferendi & distribuendi. Quoniam his abutitur episcopus hic in dispendium corporum, & animarum damnationem fidelium Christianorum. Ad hæc enim obligantur omnes iurisdictionem habentes, *praecipue reges*, lege diuina. Quoniam propter hoc constituti sunt, vt faciant iudicium & iustitiam, quod etiam negligentes facere deinceps inexcusabiles sunt, cum scandalum ex huiusmodi omissione proueniens, non ignorent. Qui vero Romanus episcopus cum sibi successoribus in sede prædicta, omnesque reliqui sacerdotes atque diaconi & spirituales ministri (ad quos sermones hi sunt, non tanquam *inimicos*, testem inuoco Deum in animam & corpus meum, sed potius *patres & fratres in Christo*) studeant imitari Christum & Apostolos, secula-

tes principatus & temporalium dominia simpliciter abdicando. *Eos enim peccantes coram omnibus, iuxta doctrinam Christi & Apostoli argui & increpauit palam.* Et ad veritatis callem praeo veritatis *in illo renouandi existens*, per diuinarum & humanarum scripturarum concordiam tentavi reducere, vt cauere possint, maxime *Romanus episcopus*, qui amplius tamen deuiasse videtur, cum indignationem omnipotentis Dei & Apostolorum Petri & Pauli, quam ipse singulariter ceteris per saepe comminatur. Vnde attendat ordinem charitatis, sic vt ipsam sibi praecauens, alios cauere doceat consequenter. Ipse enim non ignorat, vel ignorabit de cetero, quod praeter, quinimo contra Christi & Apostolorum consilium aut praecceptum, *Romanum aggreditur principatum, & principem minus iuste prohibet* atque perturbat. Neque rursus ignorat, quod propter scandalum per suos quosdam praedecessores & ipsum in Italia concitatum, bellicae pugnae sunt ortae, vnde violenta morte tot milia fidelium sunt extincta, quos aeternae damnationis reos extitisse verisimiliter praesumi potest, eo quod subita morte praeventi sunt ipsorum plurimi, fratrum odio & maliuolentia pleni, eorumque superstites infelices, nisi medica diuina manus adiuuet, eundem, quasi consimilem periculosum casum & exitum miserabilem expectantes. Ipsorum enim animos inuasit odium, lis atque contentio, vnde postmodum pugnae sequuntur: honestis quoque iam corruptis moribus & disciplinis, vtriusque sexus mentes & corpora, vitiorum, dissolutionum, scelerum, & errorum quasi omnia genera totaliter occuparunt. Recisa est ipsis reparatiua successio proles, consumptae substantiae, diruptae domus, atque subuersae ciuitates quam magnae atque famosae, vacuae, suis incolis destitutae, inculti agri & iam deserti desueuerunt reddere solitos fructus. Et quod omnium deflendissimum est, diuinus cultus quasi omnino ibidem cessauit abolitus, & ecclesiae siue templa in solitudinem destituta rectoribus seu animarum curatoribus remanserunt. Ad quae omnia miserrabilia insti-

do ad officium:

qui suis sceleribus Italiam perdidit.

gavit & instigat continuo miseros incolas vndecunque, propter odium & discordiam ipsorum inuicem mente cæcos, *draco ille magnus*, serpens antiquus, *qui digne vocari debet Diabolus & Sathanas*, quoniam omni conamine seducit & seducere tentat vniuersum orbem.

Quis igitur tam agrestis huius patriæ, siue matris tam pulchræ olim & nunc adeo deformis & laceratæ, filius, hæc cernens, sciens & potens aduersus sic ipsam trahentes & lacerantes iniuste, silere poterit & clamoris spiritum ad Dominum continere? Huic namq; cum Apostolo dicetur verissime, *quod fidem negauit, & omni foret deterior infideli*. De plenitudine quidem igitur potestatis, & modis ipsius, adhuc autem de illius origine atque progressu, amplius secundum quos modos & qualiter eam sibi sumpserit Romanus episcopus, & eadem sit vsus, tam circa ecclesiasticum ritum quam circa seculares hominum actus ciuiles, determinatum sit hoc modo.

CAPVT XXVII.

Obiectiones pro Papa tyrannica potestate.

VERVM de quibus diximus 15. huius, & sic in reliquis capitulis consequenter, merito quis dubitans, *primum ostendet ampliorem & alteram esse specie dignitatem episcopi, ea qua simpliciter siue tantummodo sacerdotis, nec solum humana institutione, quam separabilem diximus, verum etiam ordinatione diuina, quam essentialem vocauimus prius*. Videtur autem id posse conuinci ex Luca 10. vbi series hæc habetur: *Post hac autem designauit dominus & alios 72. & misit illos binos ante faciem suam*. Vbi Beda: *Sicut autem, duodecim Apostolos formam episcoporum pramonstrare, nemo est qui dubitet, sic & hos 72. figuram presbyterorum secundi ordinis sacerdotum gessisse*. Amplius ostenditur idem ex 1. ad Timotheum 5. cum dixit Apostolus: *Aduersus presbyterum, noli accipere*

Contra episcopi
& presbyteri
diuino iure æ-
qualitatem: &
pro Papa pri-
mati obiectio-
nes.

Prima.
declarata au-
tor. Beda.

Secunda.

cipere

tipera accusationem, nisi sub duobus aut tribus testi-
bus. Ergo Timotheus erat dignitate superior pres-
byteris aliis, non tamen presbyterorum, aut fide-
lium multitudinis electione: igitur ordinatione
diuina. Rursum apparet idem ex epistola *Clemen- Tertio.*
tis Papa, ad Iacobum fratrem Domini superscripta.
Videtur autem & hæc fuisse sententia quasi omnium *Quarta.*
episcoporum, qui beato Petro aut Paulo successisse
dicuntur in episcopali sede Romana, ut ex *Isidori* co-
dice supradicto euidenter apparet. Deinde vero vi-
detur ostendi posse, beatum Petrum potestate siue
auctoritate per Christum immediate, non per homi-
nem aut homines alios sibi tradita, superiorem fuisse
ceteris Apostolis, & per cōsequens successores ipsius
successoribus aliorum. *Videtur autem hoc primum* 1. *Auctoritas*
ex Matthæi 16. dum ad ipsum Christus singulariter bimembra.
inquit; *Et ego dico tibi, quia tu es Petrus, & super hanc*
petram adificabo ecclesiam meam, & porta inferi non
praualebunt aduersus eam: & tibi dabo clauēs regni alterum mem-
calorum, &c. Per quæ verba Christus expressisse vi- brum.
detur, beatum Petrum futurum caput & funda-
mentum ecclesiæ, præsertim mortuo Christo. Vbi
Glossa; *Specialiter eam* (scilicet potestatem) *Petro* à glossa expli-
concessit, ut ad unitatem nos inuitaret. Ideo enim cata.
eum principem Apostolorum constituit, ut ecclesia
unum principalem Christi haberet vicarium, ad quem
diuersa membra ecclesiæ recurrerent, si forte inter se
dissentiret. Quod si diuersa capita in ecclesia essent,
unitatis vinculum rumperetur. Amplius ostenditur 2. *Auctoritas*
idem ex Lucæ 22. cum ad ipsum specialiter Christus
inquit: *Ego autem rogaui pro te Petre, ut non defi-*
ciat fides tua, & tu aliquando conuersus confirma fra-
tres tuos. Suorum ergo fratrum, Apostolorum scili-
cet, ac aliorum fidelium prima cura pastoralis & con-
firmatio beato Petro commissa fuit, propter suæ fi-
dei firmationem, pro qua, ne deficeret, singulariter
Christus orasse videtur, ne deficeret inquam in ipso,
neque in ipsius aliquo successore. Vbi glossa; *Confir-* & glossa inter-
ma fratres tuos cum te principem Apostolorum consti- pretatio.
guerim. Hoc autem non solum intelligendum de Apo-

stolis, qui tunc erant, ut roborarentur à Petro, sed de omnibus fidelibus. Et parum infra subdit; Per pœnitentiam obtinuit (Petrus scilicet) ut esset antistes

3. *Auctoritas: mundi.* Rursum ostenditur idem Ioannis 21. inquit enim ad ipsum Christus singulariter; *Pasce oues meas, Pasce agnos meos, Pasce oues meas*, ter replicans idem verbum. Non determinatis igitur ouibus, primus & vniuersalis omnium pastor immediate à Christo institutus fuisse videtur. Vbi Chrysostomus etiam inquit sic; *Eximius enim Apostolorum erat Petrus, & os discipulorum, & vertex collegii: unde negatione deleta, committit ei pralationem fratrum.*

& Chrysostomi
explicatio.

Hæ auctorita-
tibus interse-
vuntur testimo-
nia Patrum:

Demum confirmatur hoc auctoritate plurimorum sanctorum, super illud Ioannis 21. *Si eum volo manere, donec veniam, quid ad te? tu autem sequere me.* Inquit enim Augustinus; *Duas vitas sibi diuinitus predicatas nouit ecclesia, quarum una est in fide, alia in spe. Ista (scilicet in fide) signata est per Apostolum Petrum propter sui Apostolatus primatum.* Rursum Theophylactus ibidem; *Cunctorum fidelium pralaturam ei instituit.* Chrysostomus autem; *Si vero dixerit quis, qualiter igitur Iacobus thronum assumpsit Hierosolymorum, id utique dicam: Quoniam Petrum orbis terrarum inthronizauit magistrum.* Et infra inquit idem; *Huic (scilicet Petro) & prepositura fratrum credita est.* Amplius idem; *Quia igitur ei magna prædixerat Dominus (Petro videlicet) & orbem terrarum commiserat.* Et rursum Theophylactus super illud Ioannis 21. *Si eum volo manere,* inquit sic; *Te namque nunc dimitto ad orbis pontificatum, & in*

& ratio.

hoc sequere me. Amplius, quoniam si Christus ecclesiæ caput non instituisset in ipsius absentia, ipsam acephalam reliquisset, nec videretur ipsam ordinasse secundum meliorem dispositionem aut optimam: nunc autem ipsam optime dispositam & ordinatam eum reliquisse credendum: ergo & illi caput aliquod instituisse tenendum, non aliud cōuenientius beato Petro. Igitur fuit ipse Christi determinatione immediate, ceteris Apostolis auctoritate superior.

Deinde vero idem in specie conuincere possumus,
osten-

ostendentes Paulum beato Petro dignitate siue auctoritate non fuisse parem. Ad Galatas enim 2. habetur hæc series: *Deinde, inquit Paulus, post annos tres veni Hierosolymam videre Petrum, & mansi apud eum diebus quindecim.* Et parum infra eodem subdit; *Deinde post annos quatuordecim iterum ascendi Hierosolymam cum Barnaba, assumpto Tito, ascendi autem secundum reuelationem, & contuli cum illis euangelium quod prædico in gentibus, seorsum autem his, qui videbantur esse aliquid, ne forte inuacuum currem, aut cucurrissem.* Vbi glossa: *Ostendit (Paulus scilicet) se non habuisse securitatem euangelii, nisi esset auctoritate Petri confirmatum, & aliorum roboratum.* Cum igitur Paulus securitatem euangelii sumpserit à Petro secundum glossam, apparet ipsum non fuisse parem Petro in auctoritate. Vnde per necessitatem sequi videtur tam ex hoc quam aliis supradictis, reliquos omnes episcopos mundi Romano episcopo tanquam singulari successori beati Petri diuina ordinatione fore subiectos, ecclesiam quoque Rom. esse aliarum omnium caput & primam, propter ipsius episcopi beati Petri successoris in ea omnium aliorum esse iudicem & pastorem: quod amplius exprimens *Isidorus* in codice supradicto capitulo, cui titulus; *Incipit præfatio Nicani concilii*: sic ait; *Sciendum est sane ab omnibus catholicis, quoniam sancta ecclesia Romana nullis Synodicis decretis prælata est, sed euangelica voce Domini & Saluatoris nostri primatum obtinuit, ubi dixit beato Petro Apostolo, Tu es Petrus, & supra hanc petram ædificabo ecclesiam meam: & tibi dabo claves regni celorum, &c.* Quo siquidem primatu, absque principum concessione aliqua, vsi sunt hactenus omnes episcopi Romani à tempore beati Petri vsque ad tempora *Constantini Primi* Romanorum Imperatoris, condendo scilicet canones, & illorum obseruationem, per omnem præcipientes ecclesiam, vt ex serie iam dicti codicis patenter apparet. Hoc rursum ratione confirmo, quoniam fides una est secundum Apostolum ad Ephesios quarto, ergo & ecclesia una: non autem est aliter una, nisi

4. Auctoritas, qua speciatim Petrum Paulo fuisse maiorem probatur.

Conseſſarium.

Confirmatum. testimonio Isidori:

& ratione.

*Qua confirma-
tur similibus.*

primum:

alterum.

*& Christi testi-
monio.*

*1. Conclusio ex
precedentibus.*

*probata aucto-
ritate Am-
brofii.*

2. Conclusio.

si propter vnum caput atque principium, quo nul-
lum conuenientius aut æque conueniens est episco-
po Romanorum singulari successori beati Petri, qui
petra fuit, super quam Christus se dixit suam eccle-
siam fundaturum. *Confirmatur autem hoc ex eo,*
quoniam velut temporalia in vnum reducuntur prin-
cipium, puta in principatum, sic & spiritualia in ali-
quod vnum primum videntur debere reduci, puta
episcopatum. *Amplius* ex alio, quoniam sicut in v-
nico templo vel vnica diœcesi oportet vnicum epi-
scopum esse, ne ibidem sacerdotum vnusquisque ad
se trahens, Christi rumpat ecclesiam, vt ex epistola
Hieronymi ad Euandrum induximus 13. huius: sic eo
magis necessarium est in vniuersa Christi ecclesia v-
nicum esse caput, propter fidelium vnitatem seruan-
dam. Quanto enim communius est bonum eiusdem
modi, tanto diuinius & eligibile magis. Vnde Ioan-
nis 10. *Et fiet vnum ouile & vnus pastor.* Hic qui-
dem pastor, & hoc quidem caput aliorum conue-
nientissimum videtur Romanus episcopus propter
causas in prioribus assignatas. Ex prædictis autem
per necessitatem sequi videtur, *Romanum episco-
pum solum causam effectiuam primam esse institutio-
nis secundaria omnium aliorum*, tam mediate quam
immediate, propter ipsius vniuersalem auctorida-
tem super reliquos omnes episcopos, presbyteros,
& alios ecclesiarum siue templorum ministros.
Cui siquidem sententiæ suffragatur auctoritas *Am-
brofii*, de tradendis basilicis, vbi sic ait; *Ecclesia Dei
est, Casari utique non debet adscribi. Ius Casaris
esse non potest Dei templum*: nec per consequens in-
stitutio sacerdotum in eo, quam secundariam ipso-
rum auctoritatem vocauimus decimoquinto hu-
ius. Quod si basilicarum traditio ius Cæsaris esse
non potest, eo minus alterius cuiusuis principan-
tis. Erit igitur auctoritas hæc illius, qui caput est, &
primus omnium sacerdotum, Romani Pontificis
auctoritate diuina, si nullius principis ius esse po-
test. Hinc etiam necessario sequi videtur ipsius au-
ctoritatem fore distribuendi seu cōferendi beneficia
seu

3. *Conclusio.*

seu ecclesiastica temporalia, quoniam propter exercenda officia conferuntur huiusmodi. Ex supra dictis etiam inferri posse videtur, eiusdem episcopi primi fore iurisdictionem coactivam super reliquos omnes episcopos mundi & alios templorū ministros. Sunt enim ordinatione diuina sibi subiecti, ut ex prioribus rationibus palam. Quod etiam potest astrui ex prædicto *Isidori* codice atque capitulo. Inter cætera namque ibidem scripsit hanc seriem: *Sed in eo concilio admirabile factum principis non puto reticendum. Etenim cum ex omnibus pene locis episcopi conuenissent, & ut fieri solet, diuersis ex causis inter se quadam iurgia detulissent, interpellabatur frequenter, a singulis offerebantur libelli, culpa offerebantur, & magis ad hac quam ad id pro quo ventum fuerat, animos dabant. At ille videns, quod per huiusmodi iurgia causa summi negotii frustraretur, diem certum statuit, quo unusquisque episcoporum, si quid querimonia habere videretur, deferret. Cumque resedisset, suscepit à singulis libellos, quos simul omnes in suo sinu continens, nec in eis quid contineretur aperiens: ait ad episcopos; Deus vos constituit sacerdotes, & potestatem vobis dedit de nobis quoque iudicandi, & ideo nos à vobis recte iudicamur, vos autem non potestis ab hominibus iudicari, propter quod Dei solius inter vos expectate iudicium. Et vestra iurgia quacumque sunt, ad illud diuinum referuentur examen: vos etenim nobis à Deo dati estis Dii. Conueniens non est, ut homo iudicet Deos. Ad eum ergo, qui talium deorum deus est in terris, ut dicitur, Romanum episcopum pertinet in eos iurisdictionis auctoritas.*

*Isidori testimo-
nio declarata.*4. *Conclusio.*

Ex eisdem quoque videtur eiusdem episcopi auctoritatem fore, generalia sacerdotum concilia conuocare atque præcipere, in ipsis etiam proponere ac determinare, quæ sibi proponenda & determinanda videntur circa legem diuinam & ecclesiasticū ritum. De auctoritate siquidem congregandi concilii loquens *Isidorus* in præfatione operis iam dicti codicis, inquit sic; *Synodorum vero congregandarum auctoritas, apostolica sedi priuata potestate commissæ est, nec*

*& Isidori testi-
monium.*

ullam synodum ratam esse legimus, quæ eius non fuerit auctoritate congregata vel fulta. Hac canonica testatur auctoritas. Hac ecclesiastica roborat historia. Hac sancti patres confirmant. De ea vero potestate siue auctoritate determinandi siue definiendi scripturæ sensum, loquens idem, eodem codice atque cap. dicit; *Deinceps diuersorum conciliorum Græcorum ac Latinorum, siue quæ antea vel postmodum facta sunt, sub ordine numerorum ac temporum capitulis suis distincta sub huius voluminis aspectu locauimus, subiicientes etiam reliqua decreta præsulorum Romanorum usque ad sanctum Gregorium, & quasdam epistolas ipsius, in quibus pro culmine sedis apostolica non impar conciliorum exstat auctoritas.* Potest igitur summus pontifex sui auctoritate solius id determinare, quod potest auctoritas concilii generalis, ex quo non impar est eius auctoritas ei quæ concilii generalis, secundum *Isidorum*. Potest autem & debet auctoritas generalis concilii scripturæ sacræ dubias determinare, definire, ac interpretari sententias, quemadmodum ostensum est vigesimo huius. Eadem quo-

✠ *Hieronymi.* que videtur in hoc fuisse sententia *Hieronymi* in epistola intitulata, de expositione catholicæ fidei, ubi sic inquit; *Hæc fides est, Papa beatissime, quam in catholica ecclesia edidicimus, quam semper tenuimus, in qua si minus perite aut parum occulte aliquod forte positum est, emendari cupimus à te, qui Petri & fidem, & sedem tenes. Sin autem hæc nostra confessio apostolatus tui iudicio comprobatur, quicumque me maculare voluerit, se imperitum vel malivolum, vel etiam non catholicum, non me hæreticum comprobabit.*

s. Conclusio,
probata ex
Luca:

✠ *Bernardo:*

De potestate vero statuendi, quæ ad ecclesiasticum ritum & æternam salutem pertinent, apparet ex oraculo Christi Luca 10. Inquit enim apostolis, & in ipsorum persona cunctis episcopis siue presbyteris; *Qui vos spernit, me spernit: qui autem me spernit, spernit eum qui me misit.* Sunt ergo de necessitate salutis sacerdotum obseruanda statuta. De his quidem igitur potestatibus assignatis Romano pontifici,

fici, & eis amplioribus, collectionem faciens beatus Bernardus ad Eugenium papam, De consideratione libro 2. sic ait; *Nunc iam repetenda reliquia, si qua sunt, loci quem disseruimus. Age indagemus adhuc diligenter quis sis, quam geras videlicet pro tempore personam in ecclesia Dei. Quis es? Sacerdos magnus, summus pontifex. Tu princeps episcoporum. Tu hares apostolorum, tu primatu Abel, gubernatu Noe, patriarchatu Abraam, ordine Melchisedech, dignitate Aaron, auctoritate Moses, indicatu Samuel, potestate Petrus, unctione Christus.* Et subdit infra eodem continuata sententia; *Nec modo ouium, sed & pastorum, tu vnus omnium pastor. Vnde id probem quaris? ex verbo Domini. Cui enim, non dico episcoporum, sed etiam apostolorum sic absolute & indiscrete, tota commissa sunt ones? Si me amas Petre, pasce oues meas.* Et parum infra subiungit; *Cui non planum, non designasse oues? nihil excipitur, ubi distinguitur nihil.* Et infra rursus eodem; *Inde est quod alii singuli singulas sortiti sunt plebes, scientes sacramentum: denique Iacobus, qui videbatur columna vna ecclesie, vna contentus est Hierosolyma, Petro vniuersitatem cedens.* Deinde vero concludens, ait sexto; *Iuxta canones tuos, alii in partem sollicitudinis, tu in plenitudinem potestatis vocatus es: aliorum potestas certis arctatur limitibus: tua extenditur & in ipsos, qui potestatem super alios acceperunt. Nonne si causa extiterit, tu episcopo calum claudere, tu ipsum ab episcopatu deponere, etiam & tradere Sathana potes? Stat ergo inconcussum privilegium tuum tibi, tam in datis clauibus, quam in ouibus commendatis.* Neque solum in ecclesiasticos ministros, vt episcopos, sacerdotes & inferiores ordines reliquos, auctoritatem dixit Bernhardus habere Rom. pontificem, verum etiam & coactiuam iurisdictionem super omnes principantes, quam *temporalem gladium* idem Bernardus sub metaphora vocat, eidem episcopo videtur adscribere. Vnde idem ad eundem Eugenium libro quinto, capitulo quarto sic ait; *Quod tu denovo surpare gladium tentes,*

ac Decretali-
bus.

quem semel iussus es reponere in vaginam? quem tamen, qui tuum negat, non satis mihi videtur attendere verbum Domini dicentis sic; *Conuerte gladium tuum in vaginam. Tuus ergo & ipse forsitan tuo nutu, etsi non tua manu euaginandus. Alioquin, si nullo modo ad te pertineret, & his dicentibus apostolis, Et ecce gladii duo hic, non respondisset Dominus, satis est, sed nimis est. Vterque ergo ecclesia, & spiritalis scilicet gladius & materialis; sed is quidem pro ecclesia, ille vero & ab ecclesia exercendus; ille sacerdotis, is militis manu, sed sane ad nutum sacerdotis & iussum Imperatoris. Sunt autem ad supradicta firmanda sanctorum alique auctoritates quamplures, harum tamen seriem inducere omisi, propter eandem aut consimilem earum effectum inductis virtutem, & eundem aut consimilem modum soluendi, & propter abbreviationem sermonis. Amplius videntur hæc posse firmari per *Decretales* & decreta quædam pontificum *Romanorum*: his enim cauetur omnia officia ecclesiastica, & propter hoc instituta beneficia, per episcopum Romanum & alios, nequaquam vero per humanum legislatorem, aut eius auctoritate principantem, statui vel conferri debere. Cauetur & rursum eisdem *Decretalibus* & *Decretis*, sacerdotes & clericos non debere subire iudicium coactiuum iam dicti legislatoris aut principantis, sed potius econuerso. Eisdem quoque astruitur omnes potestates conuenire Romano pontifici, quas eidem in suis sermonibus adscribit Bernardus.*

C A P V T X X V I I I.

Præcedentium obiectionum refutatio.

RESIDVVM autem huius dictionis est, scripturæ siue canonis auctoritates conuenienter exponere, ac humanas rationes dissoluere, quæ tertio huius, & capitulo præcedente inductæ, nostris determinationibus contrariæ videbantur. Ante tamen bene

bene se habet reminisci, quod diximus 19. huius, iuxta sententiam beati *Augustini*, & infallibilem rationem in scriptura firmatam, videlicet; *quod nulli sermoni vel scriptura fidem siue credulitatem certam, aut confessionem veritatis prestare tenemur de necessitate salutis, nisi eis, quæ canonica appellantur*, id est, quæ in volumine *Biblia* continentur, & eis quæ ad has per necessitatem sequuntur, & scripturarum sacrarum dubium sensum habentium eis interpretationibus, quæ per generale fidelium seu catholicorum concilium essent factæ, præsertim in his clausulis, in quibus error damnationem æternam induceret, quales sunt articuli fidei Christianæ, cum suis interpretationibus, factis in conciliis generalibus rationabiliter conuocatis, celebratis, & consummatis. Propter quod auctoritates canonis sacri siue scripturæ, quæ mystica expositione non egent, secundum ipsarum sensum literalem manifestum sequemur omnino; in quibus vero mystica expositione indigent sanctorum, probabiliori adhærebo sententiæ. Quas vero ipsorum auctoritate propria præter scripturam protulerunt sententias, scriptura siue canoni consonas, recipiam: quas vero dissonas, reuerenter abiiciam: non tamen aliter quam auctoritate scripturæ, cui semper innitar. Quoniam & ipsi quandoque circa scripturam & præter scripturam sententiis adinuicem dissident, ut *Hieronymus* & *Augustinus* super illud 2. ad Galatas; *Cum autem venisset Cephas Antiochiam, in faciem ei restiti, quia reprehensibilis erat*. Et rursus *Ambrosius* cum *Hieronymo*, de virginitate Ioseph. Amplius & idem ipsi sibi sanctorum aliquis quandoque dissona profert, ut ex sequentibus manifeste patebit. Hinc ergo primum ad instantias, quæ inducuntur sunt capitulo præcedenti. Cum enim ex *Lucæ* 10. sumebatur, episcopos esse maioris dignitatis quam simplices sacerdotes, ex eo quod ibidem habetur; *Post hæc autem designauit Dominus & alios 72.* per quos secundum Bedam figuratur ordo presbyterorum, quem secundum appellat, post episcoporum ordinem scilicet. Dicendum, quod iuxta sententiam

Obiectiones refutaturus hypothesein præmittit.
de auctoritate S. literarum earumque ab humanis scriptis differentia

Solis S. literis nititur per se
Marsilius: non Patribus.

Quia illos dissidere
a se mutuo, exemplis probatur:
Imo a semet-ipsis.

1. Obiectionis repetitio.

& responsio prima.

Secunda.

Apostoli, & ea quæ de sanctis inducta sunt 15. huius, conuenientius figuratur per 72. diaconorum ordo, quam sacerdotum. Vel potest dici conuenienter, quod non propter hoc sequitur, episcopum ordinem essentialiorem ampliores habere presbytero. Vnde illa missio, qua Christus eos misit in mundum, signauit electionem siue institutionem humanam, qua vnus eorum cæteris præferetur in ecclesiastica œconomia. Non enim contulit Christus eis, cum dixit, *Euntes ergo docete omnes gentes*, dignitatem essentiali, sed prius tradiderat. Et esto quod simili tempore vtramque tradidisset, dico quod illa missio non addidit intrinsecam perfectionem, quam prius non habuissent cum sacerdotium per Spiritum sanctum receperunt. Fuit autem de apostolis super reliquos futuros sacerdotes, facta per Christum hæc institutio secundaria, quoniam nulla tunc erat multitudo fidelium, per quam posset huiusmodi electio celebrari. Nec si fuisset, adhuc æque conuenienter fieri potuisset per aliquam multitudinem, sicut per Christum. Vnde apostoli etiam post Christi passionem & resurrectionem, ad electionem in diuidendis prouinciis se reduxerunt. Nam ad Galatas secundo legitur; *Dexteram dederunt mihi & Barnaba societatis, ut nos quidem in gentes, ipsi vero in circumcisionem, Iacobus, Cephas, & Ioannes*. Et ideo esto quod *figura fuisset*, qualem dixit Beda de statu sacerdotii. Dico quod intrinsecam dignitatem siue perfectionem aut characterem à Deo immediate non habet amplior episcopus quam sacerdos, & horum ratio sufficiens assignata est 15. huius. Ad reliquam vero instantiam ex primæ ad Timoth. 5. *Aduersus presbyterum, &c.* Dico quod secundam institutionem non essentiali accepit ab Apostolo super presbyteros alios in illa prouincia, cuius siquidem apostoli voluntas & institutio, electioni æquiualebat propter defectum & insufficientiam, siue ruditatem multitudinis fidelium. Vnde *Apostolus* primæ ad Corinthios 3. *Et ego fratres non potui vobis loqui quasi spiritualibus, sed quasi carnalibus.*

*Ad testim.
Beda.*

*2. Obiect. resu-
tatio.*

nalibus. Tanquam paruulis in Christo vobis lac potum dedi, non escam. Nondum enim poteratis, sed nunc quidem potestis, adhuc enim estis carnales. Hoc autem explicauimus amplius 17. huius, parte 7.

Quod autem inducebatur de Clementis epistola, quæ intitulatur ad Iacobum fratrem Domini, non recipio tanquam certum: nam epistolam fuisse Clementis, valde suspectum est, propter plura in ipsa contenta. Rursum suspecti sunt hi canones seu epistolæ, quoniam in ea quæ de sacramentis, vestibus & vasis ad Iacobum fratrem Domini, & in ea quæ de communi apostolorum vita intitulatur, scribitur, ac si Clemens Iacobo narret ea quæ Christus cum apostolis egit. Hæc autem fuisset magna ignorantia, non modo dicam præsumptio Clementis, quod ea quæ tantum audiuerat, significare vellet, quasi per modum doctrinæ, illi qui præsens interfuerat, & Christum cum apostolis, quorum vnus fuerat, ipse viderat. Quis enim discipulos, qui Hierosolymis erant, melius instruere poterat de vita Christi & apostolorum? quis de ritu ecclesiastico plus nosse debuit? an apostolus aut successor apostoli? nemo est qui dubitet: propter quod ipsa sunt cum apocryphis computanda. Sed esto quod Clementis fuerint, vt quidam asserunt, fabularibus innisi sermonibus, etiam prorumpentes in tantum, vt Clementem dicant, quia Romanus erat episcopus, maioris auctoritatis in ecclesia Dei, apostolo Iacobo. A quibus quærendum conuenienter, cur epistola Clementis in contextu sacri canonis positæ non sunt, sicut ea quæ Iacobi? Dicemus tamen ad ea quæ in dictis epistolis conuenientia videbuntur Christi & apostolorum sententiæ, cum auctoritates scripturæ tractabimus, quibus inniti videntur. Ad id autem quod dicebatur, hanc fuisse sententiam omnium episcoporum, qui beato Petro successerunt in episcopali sede Romana, dicendum est, quemadmodum diximus ad primam instantiam, sic eos intellexisse: si vero aliter; ipsis relictis, sequimur Apostolum & Hieronymum 15. & 16. huius.

3. Obiect. refutatio prima.

Epistola Clementis ad Iacobum aduersione:

& Canones.

Secunda.

4. Obiectio diluitur.

3. Objectionis
refutatio.

Ad 1. Aucto-
ritatis primum
membrum.

Caput & fun-
damentum ec-
clesiæ unicum
est & manet,
Christus.

Ut ex interpre-
tat huius au-
thor. glossa li-
quet.

& Augustini
conferentia.

& ratione pro-
batur Petrum
non fuisse ecclē-
siæ fundamen-
tū: sed Christū.

Ad eas vero canonis auctoritates, quibus videtur ostendi, *beatum Petrum* superiorem dignitate ceteris apostolis, non solum humana electione, verum etiam immediata Christi ordinatione, cum *primo* inducebatur ex Matthæi 16. *Tu es Petrus, & super hanc petram adificabo ecclesiam meam: & tibi dabo claves regni calorum, &c.* Per quæ verba Christus ipsum videretur instituisse in sui saltem absentia, caput & fundamentum ecclesiæ: dico caput & fundamentum ecclesiæ unicum esse & fuisse ordinatione immediata Dei: & hoc Christum, apostolorum vero neminem, etiam in absentia Christi, quemamodum per scripturam indubie conuicimus in 6. & 22. huius. Ad canonem ergo, cum dicitur; *Super hanc petram, &c.* dico secundum glossam; *Super hanc petram, id est, super Christum, in quem credis.* Vbi glossa interlineatis addit; *Tu es Petrus, id est, à me petra, ita tamen ut mihi retineam fundamenti dignitatem.* Petrum autem vocauit eum Christus, id est, *constantem in fide*, quod non negamus. Esto enim quod aliis constantior & merito perfectior, non propter hoc dignitate prior, nisi tempore forte, ut euidenter per scripturam probauimus, vbi supra. Eum autē quem diximus fuisse scripturæ sensum, adiuuat expositio beati Augustini super hunc locum. inquit enim Augustinus, & sumptum est ex libro Retractionum; *Dixi in quodam loco de apostolo Petro, quod in illo tanquam in petra adificata sit ecclesia, sed scio me postea sapissime sic exposuisse, quod à Domino dictum est; Tu es Petrus, & super hanc petram adificabo ecclesiam meam, ut super hunc intelligeretur, quem confessus est Petrus, dicens; Tu es Christus filius Dei viui, ac si Petrus ab hac petra appellatus, personam ecclesiæ figuraret, quæ super hanc petram adificatur.* Non enim dictum est illi; *Tu es petra, sed tu es Petrus; petra autem erat Christus quem confessus Simon: sicut ei (Christo scilicet) tota ecclesia confitetur, dictus est Petrus.* Et potest huius ratio assignari secundum scripturam, quoniam Petrus quamdiu viator extitit, errare potuit & peccare per sui arbitrii libertatem, unde

Vnde Christum negasse legitur, & quandoque ad veritatem euangelii ambulasse non recte: tale autem non poterat esse fundamentum ecclesiæ, sed ille solus fuit Christus, vt apparet primæ ad Corinthios 3. qui aberrare nō potuit, eo quod ab instanti suæ conceptionis, impeccabilis fuerit confirmatus. Vnde Apostolus vbi supra; *Fundamentum enim aliud nemo ponere potest, præter id quod positum est, quod est Christus Iesus.* Et quod addebatur; *Tibi dabo claves regni calorum*, nullam Petro super reliquos apostolos auctoritatem tribuit; quoniam hanc eandem iudicialiam potestatem cæteris apostolis tribuit, secundum Hieronymum & Rabanum, quorum glossas induximus sexto huius, parte 3. Amplius, quoniam Christus potestatem clauium illi non videtur tradidisse per hæc verba, *inquit enim; Tibi dabo*, quod sonat futurum, *non dixit; Do.* Sed Ioan. 20. indifferenter omnibus dixit; *Accipite spiritum sanctum, & quorum re. pec.* &c. Esto tamen quod Petrus his verbis potestatem hanc recepisset, non concluditur ex hoc, nisi quod tempore prius fuerit pastor institutus, & quod illi singulariter has tradiderit Christus claves, signare voluit ecclesiæ vnitatem in fide, ad quam fideles inuitauit Christus per singularem clauium traditionem siue promissionem, vt glossa dicit: vel fortasse, quia Christum Dei filium esse, primum constanter & manifeste confessus est, primum tempore dotatur clauibus & honoratur aut honorari promittitur, vt sic etiam confitendi Christum palam & constanter per huiusmodi præmium promissum, cæteris præberetur exemplum. Non tamen propter hoc conuincitur, ipsum fuisse cæteris dignitate siue auctoritate priorem, *quamuis hoc plures glossatorum dicere videantur a se, non habentes hoc ex scriptura.* Significat autem infallibiliter nos verū dicere sequens euangelii series, quæ habetur eiusdem Matth. 20. vbi Christus quæsitum hoc aperte definiens, dixit, nullum ipsorum esse superiorem aliis. Facta enim erat contentio inter eos, quis eorum esset maior. Idemq; Matth. 22. ad quos sic inquit Christus: *Vos autem*

*Ad secundum
membrum re-
sponsio prima.*

Secunda.

*Ad glossam re-
sponsio prima
ex Christi testi-
monio.*

418 DEFENSORIS PACIS

*Altera ex
glossa.*

*Ad 3. auctori-
tatem,*

*enius duo con-
fictaria,*

*responsio nega-
tione consequen-
tia prioris.*

Retio prima:

Secunda:

** Liberius
Papa.
Tertia.*

(inuicem supple) *nolite vocari Rabbi: unus est enim magister vester, omnes autem vos fratres estis. Omnes autem fratres, id est, æquales, non ergo excepit aliquem. Et est mirandum, si magis credere debeamus auctoritati glossatoris quam Christi, quicumque fuerit ille glossator etiam sanctus, & maxime, cum hoc non dicat tanquā glossator, sed proprio sensu. Series enim scripturæ tam manifesta est, quod glossa non eget in hoc. Amplius, quoniam & ipsæ glossæ oppositum dicunt, ad Galatas exponentes secundū, sicut apertum est 16. huius. Traстаuius autem istud sufficienter & seriose 4. & 16. huius, nec reiterauimus omnes probationes propter rei notitiam & abbreviationem sermonis. Ad aliam vero canonis auctoritatem sumptam ex Lucae 22. Dixit enim Christus beato Petro, Ego autem rogaui pro te Petre, ut non deficiat fides tua, & tu aliquando conuersus, confirma fratres tuos. Ex qua quidem serie inferunt aliqui duo: unum, quod solius ecclesiæ Romanæ fides deficere nequit, eo quod de fide Petri Christus intellexit etiam fidem successorum, & consequenter episcopum sibi successorem, aliorū primum: secundum vero quod ex hoc Christus ipsum reliquorū apostolorū prælatum fecerit. Dico neutrum sequi ex verbis Christi per virtutem sermonis. In hac enim consequentia stat oppositū consequentis cum antecedente. Secundo probetur per scripturā neutrum sequi, & per verba Christi, non alia. Primum quidem iam dictorum non sequitur, propterea quod omnibus dixit Christus Matth. ult. Euntēs ergo docete omnes gentes, &c. Et ecce ego vobiscum sum omnibus diebus usque ad consummationem seculi. Si Christus ergo spondit se cum aliis futurū, usque in seculi consummationem omnibus diebus, ergo intellexit etiam de aliorum successoribus, si de successoribus Petri hoc debet intendi. Amplius, quoniam si successor beati Petri singulariter dicatur Romanus episcopus, constat hæreticum quemdam aut quosdam in sede illa tanquā episcopum fuisse præfectum, ut * de Liberio & quibusdam aliis ostensum est 20. huius. Rursum quia 16. huius monstratū est, Romanum*

Romanum episcopum non esse singulariter successorem beati Petri, propter causas secundum scripturam assignatas ibidem. *Reliqua consequentia* similiter nulla est, quod probo etiam per scripturam. Contulit enim Paulus Petro in euangelio, non econtra, vt ex 2. ad Galatas induximus satis 16. huius. Et quod euidentius est, huius consequentiæ destructiuum est sermo Christi pridem inductus, ex Matth. 20. & Lucæ 22. per quem ex aperto sui sensu determinauit Christus, & definiuit oppositum. Vnde glossa exponens hunc locum, inquit; *Sicut ego te orando protexi ne deficeres, sic tu infirmiores fratres exemplo tua pœnitentia conforta, ne de venia desperent, intelligens per fratres indifferenter fideles. Quod etiam dicens Petro, fecit alios apostolos intelligere facturos.* Vnde Marci 13. *Quod vni dico, vel secundum aliam literam, sensum tamen eundem, quod vobis dico, omnibus dico.* Aut fortasse id Petro singulariter dixit, sicut etiam glossa sentire videtur, quoniam præscebat Christus Petrum se negaturum. Vnde, tu conuersus aliquando, id est, exemplo tuæ pœnitentiæ, eo quod verbo & sui exemplo, qui veniam meruerat, infirmos in fide singularius confortare seu confirmare volebat, ne scilicet de venia desperarent. Ad reliquam autem canonis auctoritatem sumptam Ioan. 21. per quam idem quod prius quidam nituntur conuincere, ex eo quod Christus beato Petro dixit; *Pasce oues meas, pasce agnos meos, &c.* Dicendum primo secundum glossam hunc esse sensum huius seriei, quod * *pascere oues, est credentes ne deficiant, confortare, terrena subsidia, si necesse est, subditis providere, exempla virtutum præbere, aduersariis obistere, fidei scilicet, peccantes corrigere.* Et subditur in glossa, & cum tertio audit à Petro se diligere, iubet pascere oues: trinæ negationi redditur trina confessio, ne minus amor lingua seruiat, quam timori. Ex hoc autem non conuincitur, nisi quod ipsum pastorem ouium Christus instituit: non tamen ex hoc sequitur quod ipsum super reliquos apostolos auctoritate vel dignitate priorem: nec rursus sequitur ex hoc, alios apostolos non fuisse institutos pastores.

Secunda consequentia negatio: cuiusque ratio prima: Secunda.

Ad 3. auctoritatem,

responsio

* *Pascere oues quid sit.*

Oppositum enim vtriusque consequentis iam dicti stat cum antecedente, videlicet cum sermone Christi prædicto. Testatur autem dictis, quod ecclesia catholica cantat de omnibus apostolis indifferenter, *Vere dignum & iustum est, æquum & salutare, te quidem omni tempore suppliciter exorare, ut gregem tuum pastor æterne non deseras, sed per beatos apostolos tuos continua protectione custodias. Ut eisdem rectoribus gubernetur, quos operis tui vicarios eidem contulisti præesse pastores.* Ecce apostolos in plurali, rectores, vicarios, & pastores, per Christi collationem immediatam. Nō autem solum aliquem rectorem, vicarium, aut pastorem constitutum per Christum. Interroganti vero; cur Christus hoc Petro singulariter dixit? dicendum utique, quod Christus quandoque sermonem dirigebat ad hominem in persona propria, ut in remissione peccatorum, sanatione infirmorum, & suscitatione mortuorum; quandoque vero dirigebat sermonem ad alterum in persona omnium aut plurimum, ut in Ioan. 5. *Vade & amplius noli peccare, ne deterius tibi contingat.* Vnde id officium Christus committendo Petro, illi loquebatur in persona omnium apostolorum, sicut ipsemet testatur hunc modum loquendi suum, Marci 13. cum dixit, *Quod autem uni vel vobis dico, omnibus dico.* Specialiter tamen ad Petrum sermonem direxit, quia senior erat, vel quia charitate ardentior, vel ut significaret ecclesiæ futuræ, quales debeant pastores institui, quoniam *ætate maturi*, ex qua signatur prudentia, seu scientia; & *charitate pleni*, ex qua significatur cura & diligentia quas debent habere pastores; aut fortasse ne videretur abiectior, quia Christum negauerat, quod sapere videtur glossa cum dixit, *trina negationi redditur trina confessio, ne minus amoris lingua seruiat quam timori.* Hoc enim certissime constat, quod omnibus Matth. ult. dictum est indifferenter; *Euntes ergo docete omnes gentes*, nec dixit Petro, *Vade & alios mitte*, in quo significauit omnibus auctoritatis æqualitatem, sicut etiam ex Matth. 13. pridem induximus, dum ad eos inquit Christus, *Nolite vocari Rabbi* (supple

Quæstio: cur
Petro potissimum dictum
Pascite oues
meas.

1. Responsio.

Secunda.

(supple inuicem aut vnus super reliquum vel reliquos) vnus enim est magister vester, vos autem omnes fratres estis. *Aut dicendum* & valde probabiliter, atque secundum veritatem mihi videtur, quod pro tanto dixit Petro; *Pasce oues meas*, vt sibi specialiter propter sui constantiam committeret populum Israel, qui & duræ cernicis populus fuit versus Deū, vt apparet Exod. 33. Et inducit Apostolus per Esaiam, Actuum vltimo. Et quoniam propter hunc populum conuertendum & saluandum principaliter venerat Christus. Vnde Matth. 15. *Non sum missus nisi ad oues quæ perierunt domus Israel*, non sum missus, principaliter supple. Ideoque huius populi curam beato Petro specialiter commisisse videtur, cum dixit, *Pasce oues meas*. Et videtur hac fuisse Apostoli aperta sententia, cum ad Galat. 2. dixit, *Cum vidissent quod creditum est mihi euangelium præputii, sicut Petro circumcisionis*, &c. vbi glossa secundum Aug. *Cum vidissent quod euangelium præputii creditum est mihi vt fidei, ita principaliter sicut Petro euangelium circumcisionis*. Christus enim dedit Paulo, vt ministraret gentibus, qui etiam dederat Petro vt ministraret Iudæis, ita tamen dispensatio distributa est illis, vt & Petrus gentibus prædicaret, si causa fecisset, & Paulus Iudæis. Nec video quod Paulus, vel alter sanctus aliunde sumere potuerit ex scriptura, populum Iudaicum specialiter & principaliter fuisse Petro commissum, nisi ex eo quod Christus dixit illi, *Pasce oues meas*. Cum dicat Paulus ad Gal. 2. *sibi creditum euangelium præputii, quemadmodum Petro circumcisionis*. Si namque creditum erit Petro euangelium vniuersaliter plusquam Paulo, vel aliis, inconuenienter utiq; dixisset Paulus verba prædicta, quoniam totus eius sermo fuisset inanis, & comparatio quam fecit in eo ad glossas sanctorum & reliquorum doctorū. Super hæc tria puncta scripturæ iam dicta, dicemus in fine capituli huius, ne idem sæpius iterare contingat. *Ad dictum vero apostoli ad Gal. 2. per quod videbatur ipsum auctoritate fuisse minorem apostolo Petro, per id quod dixit; Contuli cum illis*

Tertia

*Ad quartam
auctoritatem
responsio, qua
Pauli & Petri
aqualitas de-
monstratur.*

euangelium quod pradio in gentibus, ne forte in vacuum currerem aut cucurrissem, &c. dicendum primo secundum glossam Aug. super hunc locum. Inquit enim; Et non didici ab illis tanquam maioribus, sed contuli cum eis tanquam amicis & paribus. Quod autem secundum Hieronymum glossa inducit super id, Ne in vacuum currerem, &c. Ostendit (inquit glossa, secundum Hieronymum) se non habuisse securitatem euangelii, nisi etiam auctoritate Petri confirmatum & aliorum roboratum. Dico cum reuerentia, quod hæc glossa vel sibi contradiceret, in eo quod infra dicitur secundum eundem Hieronymum, si sic intelligatur, quemadmodum qui aduersatur sententiæ, quam dicimus videtur intendere. Vel oportet glossam hanc secundum Hieronymum intelligi, secundum id quod in ea subditur secundum August. Non enim fuit ista causa collationis, quia ipse dubitaret se non habere certitudinem euangelii, sed hæc ut magis ab audientibus crederetur, cum dicebat se contulisse cum illis qui cum Christo fuissent conuersati, quorum testimonium probabilius erat. Vnde verbum illud; Ne in vacuum currerem aut cucurrissem, non debet referri ad defectum Apostoli secundum se; nec ad dubitationem quam haberet in euangelio: quoniam hoc, neque ab homine, neque per hominem accepit, aut didicit, sed per Dei reuelationem immediatam, ut ipsemet dicit ad Gal. 1. Amplius ad Gal. 2. de hac collatione faciens memoriã, inquit Apostolus; Mihi autem qui videbantur esse aliquid, nihil contulerunt, sed e contra. Vbi glossa secundum Aug. Mihi enim (vel autem,) quasi ideo ad priora non recurro, quia quomodo fiunt, sufficiunt mihi ad commendationem, scilicet quod illi qui videbantur esse aliquid, scilicet Petrus & alii qui fuerunt cum domino, nihil contulerunt, id est, addiderunt mihi: in quo patet quod non illis inferior sum, qui à domino, à Deo perfectus sum, ut nihil esset quod in collatione mea perfectioni adderent. Qui enim illis tribus imperitis tribuit sensum, dedit & mihi. Et infra dicit glossa secundum Hieronymum; Ipsi mihi nihil contulerunt, sed ego contuli Petro. Et infra rursum;

Ego

Ego restiti enim tamquam par. Hac enim non auderes facere nisi sciret se non imparem fore. Debet igitur illud verbum; Ne in vacuum currerem, &c. referri ad audientes qui forte sibi non credidissent, aut non tantum, & ideo vacui remansissent. Et ipse similiter in eis vacuus fuisset, id est, propositum frustratum habuisset in eis; quoniam non generasset in eis fidem, quam suæ prædicationis cursu generare intendebat. Et hoc est etiam quod in glossa secundum Augustinum subditur infra; Apostolus enim Paulus, post Christi ascensionem de calo vocatus, si non cum apostolis communicaret, & cum eis euangelium non conferret, quo eiusdem societatis esse appareret, ecclesia illi omnino non crederet. Sed cum cognouisset eum hoc annuntiare quod illi, & in eorum communione & unitate viventem, accedentibus etiam per eum talibus signis, qualia & illi operabantur: ita enim domino commendante auctoritatem meruit, ut verba illius sic audiantur in ecclesia tanquam in illo Christus, sicut ipse verissime dixit, locutus audiatur. Meruit ergo Paulus auctoritatem, Christo commendante ipsum siue approbante simpliciter, non dixit, Petro vel aliis apostolis ipsum commendantibus. Et subditur infra primum in glossa secundum eundem. Vnde contulit cum illis euangelium, & dextras accepit, quia idem verbum cum eis, etsi non per eos habuit. ipsa enim collatio vnam doctrinæ speciem, excussa omni lepræ varietate, monstravit. Hæc igitur fuit causa collationis, ut varietatis doctrina scrupulus tolleretur ab auditoribus. Et hoc est quod supra dixerat glossa secundum Aug. inquit enim, Iterum ascendi Hieros &c. Ascendi dico cum Barnaba, qui de Iudæis erat, assumpta Tito, qui de gentibus, quasi hinc inde testes habui, quibus pateret falsum esse me aliud gentibus, aliud Iudæis prædicare. Ascendi autem non solum ea dispositione, sed secundum revelationem Dei, & non didici ab illis tanquam maioribus, sed contuli cum eis tanquam amicis & paribus euangelium Christi, quod prædico in gentibus. Hoc fecit pro assertionem prædicationis, quia multis erat scrupulus in doctrina apostoli, perturbantibus Iudæis,

quem scilicet scrupulum Deus voluit tollere. Et ideo non humana deliberatione, sed Dei reuelatione Apostolus ad conferendum cum illis euangelium ascendisse se dixit, nō quidem propter dubitationem quam in euangelio haberet Apostolus, sed vt ab auditoribus iam dictus scrupulus tolleretur. *Quod vero inducebatur ex glossatore ad Galat. 2.* quod posterior pastor fuit Paulus beato Petro Apostolo, dicendum glossatorem fuisse locutum proprie, quoniam beatus Paulus posterius tempore vocatus fuit ad Apostolatam, & ideo posterior tempore, sed non propter hoc inferior auctoritate; nec hoc glossa expressit, sed oppositum magis. Sic igitur ex prædictis apparet, neque Petrum aut Apostolorū alium fuisse maiorem Paulo, sed amicum & parem auctoritate per Christum illis immediate collata. Si qua vero fuerit inter eos prioritas, attendenda est ex ipsorum inuicem electione fortasse, aut secundum quem modum beatum Petrum ceteris priorem Apostolis diximus 16. huius. Ad dictum vero sumptum ex codice Isidori cap. cui titulus; *Incipit præfatio Nicani concilii*, cum inquit: *Sciendum est sane ab omnibus catholicis, quoniam sancta Romana ecclesia nullis Synodicis Decretis prælata est, sed euangelica voce Domini & Saluatoris nostri primatum obtinuit*, sic quoque intelligendo de ipsius episcopo. Negandum est Isidori & cuiuslibet alterius extra canonem sic dicentis sermonem. Nam *Romana ecclesia ex Decretis Romanorum principum est aliarum principalior instituta*, & ex aliarum ecclesiarum consensu, quasi electione quadam, secundum quem modum diximus 18. & 22. huius. Amplius ex præmissa canonis auctoritate, non sequitur quod infert Isidorus, sed repelli potest eius illatio & cuiuslibet sic dicentis, per determinata nobis 15. huius, parte 8. & 16. parte 13. & 14. Ad id vero per quod hæc astruere nititur, ex Matthæi 16. *Tu es Petrus, & super hanc petram*, &c. iam dictū est prius, & manifestata fuit huius Isidori sententiæ debilitas 22. huius. *Ad eam vero rationem*, qua deducebatur, ecclesiam vnā esse, & vnum esse primum episco-

Ad glossam.

Ad Isidori testimonium responsio.

Qua illud falsum probatur.

Ratio prima.

Secunda.

Ad Isidori probationem responsio.

Ad rationem responsio:

episcopum propter fidei vnitatem, secundum Apostolum ad Ephesios 4. *dicendum*, sumendo ecclesiam in propria significatione pro fidelium multitudine, *sic esse vnam ecclesiam, licut fides est vna. *Et quoniam fides non est vna numero in omnibus fidelibus, sed specie vel genere, idcirco nō concludit argumentum, ecclesiam aliter esse vnam. Et cum additur, *ecclesiam non esse vnam, nisi per unitatem numeralem alicuius episcopi ceteris superiorem, hanc nego*, & si concederem ipsam ad aliam illationem, quod hoc principium siue caput est Romane episcopus institutione diuina immediate, nego illationem hanc cum suis probationibus. Quoniam nec Petrus Apostolus fuit petra, super quam fundata est ecclesia, sed Christus, sicut pridem & 16. huius, per scripturam ostensum est. Et quoniam Romanus episcopus institutione diuina immediate, non sic est singulariter beati Petri aut aliorum Apostolorum successor, quod illi propter hoc, ad reliquos superior auctoritas debeatur, vt vbi supra monstratum est. Sed si qua illi singularitas insit, sibi cōuenit per institutionem seu electionem humanam, vt vigesimo secundo huius sufficienter ostendimus. Ad huius vero *confirmationem*, quoniam sic vnum episcopum aut episcopatum oportet esse, tāquam spiritualium principium, quemadmodum vnum principem aut principatum, temporalium omnium primum, potest negari comparatio: quoniam primi principantis aut principatus vnitas numeralis necessaria est propter contentiosos hominum actus, vt demonstratum est 17. primæ. Quæ siquidem vnitas non est necessaria in aliquo vel reliquorum officiorum ciuitatis aut regni. Amplius concessa comparatione secundum similitudinem seu proportionem, quæ primum assumitur ad id quod subiungitur, vnum esse primum principem aut principatum, dici potest quod verum est humana institutione, non aliqua Dei siue legis diuinæ ordinatione seu statuto immediate. Quomodo conclusimus etiam 22. huius, expediens fore vnum episcopum aliquem & vnam ecclesiam, secundum cer-

* Quæ sententia
vna ecclesia.
* & hdes vna.

Ad rationis cō-
firmationem &
primum simile.

*Ad secundum
simile responsio
prima:*

tam formam, & ad certum opus instituere omnium aliarum principalem & caput. Ad aliam vero rationem, quoniam ut in unico templo est unus episcopus, sic in orbe vniuerso fidelium. *Dicendum* primo, in unico templo, neque de necessitate salutis, neque legis diuinæ præcepto est unus episcopus, imo possent esse plures, sicut 15. huius ex Actuum 20. & aliis plerisque locis per Apostolum, & ex epistola *Hieronymi* ad Euandrum monstrauius. Quod vero vnus in unico templo vel diœcesi posteriori tempore instituatur episcopus, antonomatice in œconomia templi præferendo illum, proueniunt ex humana institutione immediate: nō quidem, ut diximus, ex necessitate imposita legem diuinam. Neque si esset talis imposita necessitas, lege diuina tenet simile. Non enim eadem necessitas est vnus œconomi numero in vnica domo, & in tota ciuitate aut prouinciis pluribus: quoniam nō existentes in eadem familia domestica, non egent vnitate numerali cuiusquā œconomi, eo quod sibi inuicē cibos & reliqua victui necessaria, mansionem, accubitus, & reliqua nō inuicem participāt, nec in tali vnitate, sicut qui sunt eiusdem domesticę familię, insimul conuersantur. Concluderet enim ratio hæc, pariter oportere vnū numero esse œconomū in orbe vniuerso, quod non est expediens neque verum. Sufficiunt enim ad conuictū humanum quietū, vnitates numerales principatum secundum prouincias, quemadmodū diximus 17. primę. Vnum autem esse iudicem coactiuum omnium, nondū demonstratum videtur esse de necessitate salutis æternæ, cum tamen huius amplior videatur necessitas inter fideles, quam vnus vniuersalis episcopi, eo quod vniuersalis princeps magis vnitate potest conseruare fideles, quam vniuersalis episcopus: *Antiquis namque temporibus per principes coacti sunt schismatici ad fidei unitatem seruandam*, quemadmodū ostensum est 21. huius. Per episcopos autem cogi non poterant, eo quod auctoritate coactiua carebant, quæ nec ipsis debetur, in quantum huiusmodi, quemadmodum demonstratum 15. primæ, & per scripturam & san-

& sanctorum auctoritates & alias rationes, amplius confirmatum 4. 5. 8. 9. & 10. huius. Vnitatem vero numeralem atque principalitatem episcopi & ecclesiæ siue collegii clericorum, & secundum quem modum instituendam, expedire monstrauius 12. huius: quamuis, vt diximus, determinatus sacerdos nullus, neque collegium ad hoc institutum sit lege diuina, sed humana electione seu institutione talis determinatio facta fuerit, quemadmodum 12. huius veraciter & euidenter ostendimus. Quod vero addebatur ex Ioannis 10. *Et fiet vnum ouile & vnus pastor*, dicendum quod loquebatur Christus de se ipso. *Ipse enim solus fuit vniuersalis * pastor, & princeps pastorum, non alius post ipsum, sicut ipse solus fuit, caput & fundamentum ecclesiæ*, quemadmodum decimosexto huius monstrauius, & aliis plerisque locis repetiuimus. Et fuit hæc aperta & literalis sententia beati Petri. Inquit enim sua canonica prima, capitulo quinto: *Cum venerit princeps pastorum* (de Christo loquens) *percipietis immarcescibilem gloriam*. Hæc etiam est sententia sanctorum super hunc locum. Inquit enim glossa secundum Gregorium, *Quasi ex duobus gregibus * vnum ouile efficit, quia Iudaicum & Gentilem populum in sua fide coniungit*. Ecce qualiter ouile sit vnum, quoniam in fidei vnitatem. Non dixit Gregorius vnum ouile fieri, quia sub episcopo Romano vel alio vnico, præter Christum, omnes fideles sint positi. Adhuc secundum Theophylactum; *Idem namque omnibus est baptismi signaculum, vnus pastor, verbum Dei*. Attendant ergo Manichæi, quoniam vnum ouile & vnus pastor est noui & veteris testamenti. Nusquam enim nominatus est ad hanc vnitatem ouilis Petrus aut Paulus, vel alter Apostolus, sed sola fidei vnitatem, & Christi persona, qui solus ordinatione immediata Dei caput est & fundamentum, & omnium princeps pastorum, vt ex præmissis diximus, & per certitudinem ostendimus 16. huius. Ad aliam vero illationem, qua concludebatur, Romanum episcopum solum, aut cum suorum clericorum solo collegio esse primam

Ad testimonium Christi.

* Quomodo vnus sit pastor.

* & vnum ouile.

Ad t. conclusionem responsio:

& auctorita-
tem Ambro-
sio.

causam effectiuam institutionis secundariæ omnium aliorum ministrorum ecclesiæ, & eisdem assignare seu determinare templa in ipsius potestate mediata vel immediata, vel vtraque fore, negando respondeo. Et dum confirmatur per *Ambrosium*, de tradendis basilicis, qui sacerdotes ad templa siue basilicas determinare siue instituere, dicit *ius Cæsaris esse non posse*, quoniam *ecclesia Dei est*: dicendum sane, quod hoc propterea dixit *Ambrosius*, quoniam *temporibus illis non erat tutum*, talia officia, scilicet *animarum curas*, *permittere Romanis principibus conferenda*, & quod *nondum erant in fide confirmati sufficienter*, quinimo ipsorum principum quidam magis fauebant quandoque sacerdotibus hæreticis, quam vere fidelibus, velut idem *Valentinianus Imperator*, ad quem epistolam dirigebat *Ambrosius*. Verum tamē fide radicata & firmata, tam in subditis, quam in principantibus, & tali existente cōmunitate: tutius, & vtilius, & magis conformiter legi diuinæ sit episcoporum & aliorum animæ curatorum electio siue institutio, per auctoritatem vniuersitatis fidelium, quam per vnicum & parziale ciuitatis seu cōmunitatis collegium, vel per vnus solius hominis voluntatem, *quam prece aut pretio, amore vel odio, aut alia quauis affectione sinistra, leuiter & quasi quotidie videmus perueriti*. Conuenimus ergo cum beato *Ambrosio* in hoc, quod curatores animarum, episcopos aut sacerdotes reliquosque templorum ministros instituere, non sit *ius Cæsaris*, in quantum persona talis, aut alterius singularis personæ, sed vniuersitatis fidelium, aut illius vel illorum cui fidelium vniuersitas auctoritatem huiusmodi sponte tradiderit; neque hoc negauit ipse. Vnde aduersus Imperatores semper recurrebat ad plebem fidelem, per quam etiam idem ipse fuerat institutus episcopus, secundum quem modum determinauimus 17. huius. *Neque unquam dixit auctoritatem hanc fuisse Romani aut alterius cuiusquam Pontificis*, sed propter causam prædictam dixit, ecclesiam siue templum solius Dei esse, ac ipsius fidelium multitudinis tanquam

pertinere videtur, basilicas siue templa disponenda tradere, ac sacerdotes in illis statuere: quod etiam *catholici Francorum reges* faciunt in quibusdam ecclesiis, nullum sacerdotem seu episcopum recognoscens, à quo deriuetur ad eos auctoritas hæc. Sic etiam beatum *Ambrosium* intellexisse, & si vere intelligere oportuisse credimus. Et si contrarie huic (quam canonis scimus & credimus esse sententiam) senserit, eius opinione relicta, quam credere non compellimur ad salutem, cum ipsius scriptura canonica non sit, scripturis canonicis inhærentes, eam quam diximus, tanquã veram tenemus sententiam. Et cum ab eadem auctoritate Ambrosii videbatur *inferri*, ad Romanum episcopum pertinere, auctoritate diuina immediate supremam iurisdictionem ecclesiasticorum temporalium, quæ propter officia ministris euangelicis conferuntur; apparet ex dictis *illationem inuvalidam fore*, sicut etiam 17. huius sufficienter conclusimus: quam in hoc etiam sententiam confirmat Ambrosius iam dicta epistola de tradendis basilicis, vbi sic inquit; *Si tributum petit* (Imperator scilicet) *non negamus, agri ecclesia solunt tributum. Si agros desiderat Imperator, potestatem habet vindicandorum, nemo nostrum interuenit, potest pauperibus collatio populi redundare, non faciant de agris inuidiam, tollat eos si libitum est, Imperatori non dono, sed non nego.* Sed forte obiiciet, qui semper agros defendere quærit, dicens hos esse *iura sponse Christi* (parum curans de vera sponsa, fide scilicet catholica defendenda, vt *Rex & regnum Alamania* sibi manifeste testificari potest) quod beatus Ambrosius dixit hæc, non quia agri ecclesiæ de iure debeant tributum, sed quia per vim & oppressionem Imperatorum exigebatur ab ipsis.

Responsio. *Hac profecto falsa expositio est*, qua quidam etiam Romani episcopi cum suis complicibus ad effugiendam & declinandam coactiuam principum iurisdictionem, frequenter vtuntur, dicentes se de facto violenter, non iure in seculare deductos iudicium: quoniam oppositum dixit Christus, Ioannis 19. & supra

Ad 1. Conclusionem.

Obiectio.

supra induximus 4. huius, & hoc est quod iuxta sententiam quam secundum canonem tenemus, subdit *Ambrosius*: *Soluimus*, inquit, *qua Caesaris sunt, Caesari, & qua sunt Dei, Deo. Tributum Caesaris est, non negatur. Ecclesia Dei est, Caesari utique non debet adscribi*: sed fidei supple sacerdoti, secundum iudicium fidelis multitudinis, quemadmodum pridem diximus, & 17. huius euidenter astruximus. Est igitur tributum & iurisdictio principantis super ecclesiastica temporalia non violenter, sed de iure.

Ad aliam vero illationem qua videbatur concludi, omne collegium clericorum Romano episcopo, coactiua iurisditione subiectum, eo quod diuina ordinatione sit omnium princeps, *negandum est antecedens*. Ostensum enim est prius, quod nullus episcopus aut sacerdos immediata Dei ordinatione seu lege diuina inferior est aut subditus episcopo Romanorum, auctoritate aliqua, essentialiter aut accidentaliter debita sacerdoti. Et quod inducitur consequenter ex *Isidori* codice, de *verbis Constantini*, dicendum, quod verbum fuit exhortationis & monitionis, quo siquidem deuotus Constantinus ostendit, quales esse deberent episcopi & sacerdotes: tales enim esse deberent inuicem & ad alios, quod in seculari iudicio non oporteret ipsos contendere, secundum doctrinam Apostoli 1. ad Corinthios 6. *Quare*, inquit: *non magis iniuriam accipitis? quare, non magis fraudem patimini, quam inter vos habere iudicia?* Et quod additur ex dicto Constantini, *Potestatem vobis Deus dedit de nobis iudicandi*, &c. Dicendum, quod verum est iudicio primæ significationis, nullius in hoc seculo coactiuo, de quo siquidem dictum est sufficienter 6. 7. 8. & 9. huius. Nec tamen ex prædicta serie, quam inducit *Isidorus* siue dicta à Constantino, siue non dicta, sequitur, reliquos *episcopos Romano* fore iurisditione subiectos. Inquit enim Constantinus, Dei solius inter vos exspectate iudicium, & vestra iurgia quæcumque sunt, ad id diuinum reseruentur examen, non dixit ad iudicium

Ad 3. Conclusionem.

& Isidorum.

*Rom episcopus
vicem Dei gerit
non a/iter quā
alium episcopum:
& quatenus.*

vel examen Romani Pontificis. Et quod additur, *Romanum episcopum esse vicem Dei gerentem in terris*, dicendum, quod ordinatione diuina immediate non plus ipse vicem Dei gerit, quam alter episcopus, vt sæpe dictum & ostensum est prius. Neque si vicem Dei gereret in terris, quam ad spiritualia docenda & ministranda, propter hoc Dei vicem gerit, quam ad iudicium coactiuum, super quemquam clericum aut laicum, vt ex 4. & 5. huius, & aliis plerisque locis ostensum est prius: sed in hoc ministri Dei sunt principes, quemadmodum dixit Apostolus *Paulus* ad Romanos 13. & beatus *Petrus* prima canonica sua, capit. 2. Adhuc esto quod *Constantinus* hoc asserendo aperte dixisset esse verum, negarem ipsius dictum, quoniam nec canonicum est, nec ad canonicum consequens. Quod si hoc per modum statuisset edicti, id obseruari expediret, sicut reliquas humanas leges, non tanquam Dei ordinatione immediate statutum. Verum ex ipsa *Isidori* serie liquet aperte, cunctos episcopos Romano principi coactiua iurisdictione subiectos. Ad ipsius enim iudicium, non autem Romani Pontificis, spontanei, non coacti suas contentiones & iurgia detulerunt, ipsius interpellantes examen atque iudicium, vt *Isidorus* narrat ibidem. *Et cum infertur ulterius ex eisdem antecedentibus, ad solius Romani episcopi, aut eius cum suo solo collegio sacerdotum auctoritatem pertinere, generalia conuocare concilia sacerdotum & aliorum fidelium, & reliqua ordinare in eisdem, de quibus in argumentatione prædiximus: neganda est illatio cum suo antecedente*: nam antecedentis & consequentiæ & consequentis oppositum demonstratum est 16. & 21. huius. *Ad confirmationes* horum innisas auctoritati siue sententiæ *Isidori* (quoniam interpretationem non patiuntur, eo quod hanc expressit sententiam) dico, negando eas omnes tanquam canoni sacro, & demonstrationi super hunc firmatæ dissonas, quemadmodum 20. 21. & 22. huius seriose ac manifeste deduximus, & ex his etiam quæ ipsemet inducit codice supradicto.

Ad 4. conclusionem:

*& testimonium
Isidori:*

Id au-

Id autem quod dixit *Hieronymus* in expositione catholicæ fidei, in qua sermonem dirigens ad Romanum episcopum, inquit; *Emendari cupimus a te, qui Petri fidem & sedem tenes*, in quibus videtur innuere, Romanum episcopum singulariter beati Petri successorem: dicendum, pro tanto dixisse *Hieron.* Romanum episcopum tenere fidem & sedem Petri, quia in Romana ecclesia beatus Petrus legitur præfuisse tamquam episcopus. Et quoniam ecclesia hæc statuto humano aliarum est caput, ipsam & suum episcopum denominat successorem ab apostolo digniori siue perfectiori, quamuis immediata Dei ordinatione, non sit aut fuerit, auctoritate aliqua sibi per Christum immediate collata, superior reliquis apostolis, ut supra induximus & plene probauimus 16. huius. Et quod addit *Hieronymus*, *Sin autem hac nostra confessio apostolatus tui iudicio comprobatur*, &c. In quo videtur innuere Hieronymus, ad solius Romani pontificis auctoritatem pertinere, legis diuinæ, etiam in articulis fidei, dubias definire seu determinare sententias. Dicendum, nec istud sensisse Hieronymum, sed hæc pro tanto dixit, quoniam ad Romanum episcopum pertinebat dare responsum de his quæ circa fidem catholicam, dubia & circa ritum ecclesiasticum definita seu determinata erant per concilium generale. Nam Romanus episcopus & ipsius ecclesia propter hoc instituta erat caput siue principalior aliarum, secundum quem modum diximus 22. huius. Signat autem, quod dicimus, intellexisse Hieronymum, quoniam in epistola ad Euandrum, ubi reprehendens quosdam ritus circa diaconos ecclesiæ Romanæ, dixit expresse; *Si auctoritas quaritur, orbis maior est vrbe*, id est, auctoritas omnium ecclesiarum orbis maior est ea, quæ vrbis Romanæ. Per illam ergo solam auctoritatem, quæ aliarum maxima est & certissima, debent circa fidem dubia definiri, quemadmodum ostensum est 20. huius. Vnde & idem *Hieronymus* in expositione catholicæ fidei plane sequitur quæ sunt approbata per generalia concilia, ea

*Ad 3. conclusi-
onem.*

*& Bernardi
testimonium*

vero declinat & reprobatur, quæ sunt per eadem concilia reprobata. *Quod si tamen sensisset Hieronymus* solius Romani pontificis auctoritatem esse iam dictam, ipsius declino sententiam, tamquam non canonicam, neque per canonicam ex necessitate deductam. Non enim, ut in prioribus diximus atque probauimus, nec repetere piget, beatus Petrus aut alter apostolus per se solum, auctoritatem assumpsit, quæ dubia circa fidem esse poterant definire. Sed pro talibus conuenerunt apostoli & seniores, ut Actuum 15. inspicienti se offert. *Quod vero inducebatur ex Luca 10. Qui vos audit, me audit, &c.* dicendum: *Qui vos audit, &c.* verum est, vos, id est, generale concilium, quod solum repræsentat Christum legis æternæ latorem vel apostolorum & ipsorum ecclesiæ congregationem. Diuisim vero, *Qui vos audit, &c.* verum est, loquentes secundum legem diuinam, non blasphemantes iniuste. Quomodo dixit Christus de Pharisæis, *Qua dicunt, facite, qua dicunt secundum legem* (diuinam videlicet) ut inquit *Hieronymus*, Matth. 23. super præmissum immediate Christi oraculum. Vel sic, *Qui vos audit, &c.* in præceptis aut prohibitis lege diuina, obligatur. In consiliis vero, qualia sunt ieiunia, non obligatur, nisi fidelium omnium, aut valentioris partis in generali concilio interueniente consensu. Ad rationes autem *Bernardi*, & primum ad eam quæ ad Eugenium est, De consideratione libro 2. Quis es, inquit Bernardus; & idem respondens, ait, *Sacerdos magnus, summus pontifex.* Dicendum, quod si intellexerit hoc immediata Dei ordinatione, aut legis diuinæ præcepto, *neganda est eius responsio*: quoniam sic non esset sacro canoni consona, nec deductis per necessitatem ex ipso 16. & 22. huius. Si vero intellexerit hunc primatum illi conuenire humana electione siue institutione, concedenda est sua responsio, secundum quem modum dictum est 22. huius. Et cum addit, *Tu princeps episcoporum*, verum est accipiendo principem large, id est, principaliorem institutione prædicta, stricte vero accipiendo principem

pem, non est concedenda *Bernardi* oratio. Nam
 & ipse idem ab eodem Eugenio, & consequenter a
 quolibet episcopo principatum negat, vt ab eodem
 Bernardo ad eundem Eugenium libro primo,
 capitulo quinto, supra induximus quinto huius.
Tu habes apostolorum, sic & alii episcopi, quamuis
 hic principalius, secundum modum dictum quin-
 to, 16. & 22. huius. *Tu primatu Abel*, verum est as-
 sumptus pro illo, humana tamen electione, vel pro-
 pter illius reuerentiam, qui tempore fuit primus a-
 postolus. *Gubernatu Noe*, verum est humana insti-
 tutione, inter clericos & supra clericos. *Patriarcha-
 tu Abraham*, verum est in ministrandis spirituali-
 bus tantum, & humana institutione. Tu omnium
 patrum spiritualium pater. *Ordine Melchisedech*,
 verum est quantum ad sacerdotium, quod figura-
 tum est per illum de Christo, quo modo & cæteri sa-
 cerdotes omnes, non autem quantum ad regnum.
 Quoniam secundum hoc solum Christum & nullum
 alium sacerdotem figurauit Melchisedech, qui rex si-
 mul & sacerdos erat, nec tamen Christum figurauit
 hic, quantum ad regnum mundanum: quia nec sic
 Christus regnare venit aut voluit, vt in 4. huius o-
 stenditur, sed ille Melchisedech simul sacerdos &
 mundanus rex, Christi sacerdotium, & cæleste re-
 gnum, non mundanum figurauit, & eo minus
 in aliquo sacerdote vel episcopo, tale enim regnum
 negat ab episcopo Romano *Bernardus*, vbi supra, &
 magis expresse, neque etiam quantum ad prima-
 tum sacerdotii, quemquam alium a Christo figu-
 rauit Melchisedech, sed hic primatus in aliis est,
 vt diximus, ab humana institutione. *Dignitate
 Aaron*, verum est quantum ad similitudinem pri-
 matus inter sacerdotes, differenter tamen vt dixi-
 mus: quoniam Aaron immediata institutione
 Dei, sed non sic quisquam Romanus aut alter epi-
 scopus apostolorum successor. *Auctoritate Mo-
 ses*: huius oppositum aperte dixit idem, vbi supra de
 consideratione libro primo, capitulo quinto & lib. 3.
 capitulo primo. Moyses enim princeps fuit secundum

legem coactiuam, vt apparet Actuum 7. quod *Bernardus* negauit a quolibet apostolorum successore, vbi supra. Rursum Moyses hoc habuit Dei ordinatione immediata, & super omnem Israel. Romanus autem episcopus hoc immediate habet humana concessione solum, & super solos euangelicos siue templorum ministros. *Iudicatu Samuel.* verum est ad similitudinem, *differenter* tamen dupliciter: *primo* quidem, quoniam non immediata Dei ordinatione, quemadmodum Samuel: *secundo*, quoniam super solos sacerdotes, & reliquos euangelicos inferiores ministros. Samuel autem super omnem populum Israel indifferenter. *Potestate Petrus.* verum est essentiali & immediate Dei actione, & sic etiam quilibet alter episcopus aut sacerdos: primatum tamen super alios sola humana institutione immediate obtinet quilibet Romanus episcopus, siue hunc beatus Petrus habuerit immediata institutione Dei, siue non, sed apostolorum electione, quod credimus secundum scripturam, si tamen hunc etiam sic habuerit, quemadmodum ostensum est 16. huius. *Vnctione Christus.* si vnctionem intendat gratiæ, vel spiritus sancti, quæ datur cum sacerdotali character, verum est, quam quilibet sacerdos etiam suscipit. Si vero per vnctionem intelligat primatum super omnem ecclesiam, immediata Dei non hominum institutione, quem Christus solus habuit super omnes sacerdotes, ipsius declino sententiam propter Apostolum dicentem oppositum, in plerisque scripturæ locis, quemadmodum ostensum est 16. huius. Quod vero subdit, *non modo ouium, sed & pastorum tu vnus omnium pastor*: si intelligeret humana institutione immediate, concederem; si autem Dei ordinatione seu legis diuinæ statuto, quemadmodum videtur intendere, ipsius declino sententiam, quoniam non est canonica nec ex canone per necessitatem deducta, sed oppositum magis. Et cum eam ex canone nititur astruere, subiungens: *Vnde id probem quaris? ex verbo domini, Si me amas Petre, pasce oues meas. Cui enim (inquit) non dico episcoporum,*
sed

*sed etiam apostolorum, sic absolute & indiscrete tota commissa sunt oues? Cui non planum, non designasse oues? Nihil excipitur, ubi distinguitur nihil. Dicendum, & cum reuerentia semper, quod miranda est interrogatio hæc, qua quærit, cui apostolorum, non modo dicit episcoporum, sic absolute & indiscrete totæ commissæ sint oues. Dico quod omnibus apostolis communiter & diuissim. Vnde id probem quæritis? ex verbo domini euidentius quam ipse in am Matthæi ultimo, & omnium quasi præceptorum nouissime dixit Christus ad apostolos omnes, *Euntes ergo docete omnes gentes, &c.* Euidentius autem dico, quoniam Ioan. 20. dixit, *Pasce oues*, nec addit omnes: certum est autem, quod plures comprehendit oues, qui omnes tradit vniuersaliter, quam qui solum indefinite, dicens, *Pasce oues*. Propter quod rursum, cum reuerentia, videtur scripturæ quam inducit Bernardus, aliam, & magis scripturæ conuenientem interpretationem recipere, quam supra tetigimus parte nona, nec repetere piget. Nam Christus Matth. 15. dixisse legitur, *Non sum missus, nisi ad oues quæ perierunt domus Israel.* Quod siquidem oraculum, iuxta sanctorum interpretationes, debet intelligi, *non quidem* (vt inquit Hieronymus) *quin & ad gentes missus, sed quod primum ad Israel missus est, &c.* Remigius vero & magis ad propositum & literæ consonum; *Specialiter missus est ad salutem Iudæorum, vt etiam corporali præsentia eos doceret.* Quamuis ergo secundum sanctorum expositionem, Christus missus fuerit ad salutem omnium, specialiter tamen & primum ad salutem Iudæorum, sicut etiam sonant verba Christi secundum Matthæum, dum dixit; *Non sum missus nisi ad oues, &c.* Has igitur oues inter ceteras sibi appropriauit, cum subdit; *Quæ perierunt domus Israel.* Et quoniam hic populus semper fuit duræ ceruicis, vt apparet Exod. 32. & prophetarum occisor, vt veritas ipsamet dixit Lucæ 13. Petrum vero quoniam Christus nouerat constantiorem fide, ac charitate sui & proximi feruentiorem, eidem singulariter has oues recommen-*

Omnibus apostolis commissa oues.

Explicatur locus Bernardi.

Cui Petro Iudæis potissimum commendata.

clauit, dum dixit; *Si amas me, pascue oues meas*, id est, insiste specialiter ad docendum populum Israel. Signat autem hoc verum esse quod scribitur ad Galatas 2. *Cum vidissent quod creditum est mihi euangelium praputii, sicut Petro circumcisionis, &c.* Nec aliunde per euangelium posset dictum apostoli confirmari. Et rursum; *Dexteram dederunt mihi & Barnaba societatis, ut nos in gentes, ipsi vero in circumcisionem*, id est, ad iudæos. Non igitur ex hoc quod dixit Christus, *Pascue oues meas*, beato Petro generaliore curam commisit, immo specialiore alicuius populi. Ea enim, quam dedit omnibus apostolis, Matthæi ultimo, & Ioan. 20. dum dixit, *Euntes ergo docete omnes gentes, &c. Et accipite spiritum sanctum, & quorum remiseritis peccata, remittuntur, &c.* nulla generalior esse potest. His enim verbis auctoritatem & curam pastorem acceperunt omnes apostoli, & ad omnes indifferenter, quemadmodum etiam dixit *Augustinus* de quæstionibus noui testamenti. q. 94. & supra induximus 16. huius. Quam etiam dicat Bernardus generaliore curam commisit Christus alicui, ea quam Paulo, Actuum 9. dum dixit? *Vas electionis est mihi ille, ut portet nomen meum coram gentibus & regibus & filiis Israel.* Et quod infra subdit Bernardus; *Inde est, quod alii singuli singulas sortiti sunt plebes*, apparet scripturæ dissonū, nec id cōsentit series epistolarum Pauli, nisi posset ex scriptura conuinci, sed oppositum, ut pridem ostendimus. Et quod infra subiungit 6. *Iuxta canones tuos, alii in partem sollicitudinis, &c.* Si intellexerint immediata institutione Dei, ipsorum dicta declino, tam scilicet Eugenii scripturam, quam sibi consentientis Bernard. eo quod *canonica non sunt, nec vocari debent*, nisi scripturæ, de quibus diximus 19. huius, & quoniam oppositum eius quod dicunt, sæpe probauimus per scripturam. Si vero intellexerint humana institutione immediate plenam illam potestatem, secundum quem modum diximus 22. huius. ecclesiarum curam vniuersalem, concedimus eius dictum. Et rursum quod addit; *Aliorum potestatem*

Quibus verbis
apostoli aucto-
ritatem acce-
perunt.

potestas certis arctatur limitibus, tua extenditur & in ipsos qui potestatem super alios acceperunt, nonne, si causa exstiterit, tu episcopo calum claudere: tui ipsum, &c. Dicendum, ut prius, quod Dei ordinatione immediata non plus habet Rom. episcopus aut quiuis alter auctoritatis in reliquos, quam econuerso. Non enim ex crimine potest Rom. episcopus alium episcopum excommunicare vel deponere auctoritate sibi per Christum immediate collata, magis quam econuerso, ut 15. & 16. huius, per scripturam ostensum est, & pridem etiam repetitum. Si vero intelligat *Bernardus* hunc primatum ab humana concessione immediate, tunc illum habet super reliquos episcopos, in spiritualibus ministrandis, qui sibi per generale conciliū concessus fuerit: & in temporalib. eum qui eidem super reliquos per mortalem legislatorē concessus exstiterit. Et quod additur ultimo, quantum ad hanc orationem, *Stat ergo inconcussum priuilegium tuū tibi, &c.* Dicendum quod verum est, nam potestatem ligandi & soluēdi homines a peccatis, ipsosq; docendi & sacramenta legis æternæ salutis ministrandi potestatem habet Romanus episcopus, & sic lege diuina quilibet alter episcopus & sacerdos. Si vero per priuilegiū intelligat *Bernardus*, primatum aliquem Romano episcopo lege diuina seu Dei ordinatione immediata super reliquos episcopos debitū, eius velut prius, & propter assignatas causas declino sententiam. Ad aliam vero eiusdem *Bernardi* orationem, qua libro & capitulo 4. ad eundem Eugenium innuere videtur, ad Romanum episcopum pertinere iurisdictionē coactiuam, quam sub metaphora *temporalē gladium* appellauit, non modo super clericos, verum etiam super laicos, cum dixit; *Quem tamen* (gladium scilicet) *qui tuum negat, non satis mihi videtur attendere verbum Domini, &c.* Et in fine concludens, inquit; *Vterq; ergo ecclesia & spiritalis* (scilicet gladius) *& materialis.* Cum reuerentia, nec minus cum admiratione dicendum, quod idem ipse *Bernardus* sibi de hac materia dissonē, quinimo contraria pronuntiauit aperte:

Obiectio.

Responsio.

inquit enim, de hac auctoritate seu potestate loquens, vbi supra immediate; *Quid tu denuo* (Papa scilicet) *usurpare gladium tentes, quem semel iussus es reponere in vaginam?* Constat autem, quod quis *usurpat*, ad suam auctoritatem minime pertinere. Sed dicet Bernardus aut eius interpretes, iuxta id quod dixit in fine sermonis huius, quod quamuis auctoritas iam dicta ad sacerdotem pertineat, tamen executio per ipsum fieri non debet, quod exercere materiale gladium dixit. *Verum responsio* hæc non est ad intentionem scripturæ. Non solum enim hanc gladii materialis extractionem *Christus* a se negavit, verum etiam & iudicium id, atque præceptum de illo exercendo, dum dixit *Luca 12.* petenti ab ipso tale iudicium; *Homo, quis me constituit iudicem aut diuisorem super vos?* Quod verbum cum quibusdam aliis, tam Christi quam apostolorum, tractans Bernardus ad Eugenium De consideratione libro primo, capitulo quinto, & supra induximus quinto huius, sic ipsum exponentis in hoc loco interpretationem interimit: inquit enim ad eundem Papam; *Audi apostolum quid de huiusmodi auctoritate* (scilicet temporalia iudicandi) *sentiat, & est prima ad Corinth. 6.* Sic non est sapiens inter vos, ait ille, qui iudicet inter fratrem & fratrem. Et insert, *Ad ignominiam vobis dico, contemptibiliores qui sunt in ecclesia, illos constituite ad iudicium. Itaque secundum apostolum indigne tibi usurpas tu apostolicus officium vile, gradum contemptibilem* (attende quod de officio loquitur, non de executione) *Vnde & dicebat episcopus* (Paulus scilicet) *episcopum instruens* (Timotheum videlicet) *Nemo militans Deo, implicat se negotiis secularibus, ego autem parco tibi. Non enim fortia loquor, sed possibilia. Putasne hac tempora sustinerent, si hominibus litigantibus pro terrena hereditate, & flagitantibus abs te iudicium, voce domini responderes, o homines quis me constituit iudicem super vos. In quale mox iudicium tu venires? quid diceret homo rusticanus & imperitus? Ignoras primatum tuum, inhonoras summam & præexcelsam sedem, derogas*

*rogas apostolica dignitati. Et tamen non monstrabunt, puto, qui hoc dicent, ubi aliquando quispiam apostolorum iudex sederit hominum, aut diuisor terminorum, aut distributor terrarum. Stetisse denique lego apostolos iudicandos, sedisse iudicantes non lego; erit, illud non fuit. Itane imminutor est dignitatis seruus, si non vult esse maior domino suo, aut discipulus si non vult esse maior eo, qui se misit, aut filius, si non transgreditur terminos quos posuerunt patres sui? Quis me constituit iudicem, ait ille magister & dominus, & erit iniuria seruo, discipuloque, nisi iudicet vniuersos? Non solum ergo remouet Bernardus, quinimo verius Christus & apostoli a suis successoribus, sacerdotibus, & episcopis, executionem secularis iudicii, verum etiam officium, siue auctoritatem de talibus iudicandi, propter quod infra subiungit idem; *Habent hæc infima & terrena iudices suos, reges & principes terra. Quid fines alienos inuaditis? quid falcem vestram in alienam messem extenditis?* Hanc rursum sententiam repetit & confirmat, libr. 2. cap. 4. & supra induximus quinto, 11. & 22. huius. Vbi ad propositam intentionem, sic inquit; *Numquid dominationem* (supple, reliquit apostolus Petrus) *successoribus suis? audi ipsum* (Petrum videlicet) *Non dominantes, ait, de clero, sed forma facti gregis. Et ne dictum sola humilitate putes, ne etiam veritate, vox domini est in euangelio, reges gentium dominantur eorum, & qui potestatem habent super eos, benefici vocantur. Et infert, Vos autem non sic. Planum est, apostolis interdicitur dominatus. I ergo tu, & tibi usurpare aude, aut dominus apostolatam, aut apostolicum dominatum, plane ab utroque prohiberis: supple simul habendo. & hoc est quod subdit ibidem Bernardus; Si utrumque simul habere voles, perdes utrumque, alioquin non te exceptum illorum numero putes, de quibus queritur Deus sic; *Ipsi regnauerunt & non per me, principes exstiterunt, & non cognoui eos.* Amplius eandem profert sententiam in epistola quadam ad archiepiscopum Senonensem, ubi sic inquit, *Hæc isti suggestores* (inobedientiæ scilicet) *sed Chri-***

stus aliter & iussit & gessit. Reddite ait, quæ sunt Cæsari, & quæ sunt Deo, Deo. Quod ore locutus est, mox opere implere curauit. Conditor Cæsaris non cunctatus est Cæsari reddere censum. Exemplum enim dedit vobis, ut & vos ita faciatis. Quomodo vero Dei sacerdotibus debitam negaret reuerentiam, qui hanc quoque secularibus potestatibus exhibere curauit? Noluit ergo Christus principibus huius seculi temporaliter dominari, sed subiici, & debitum illis censum atque reuerentiam reddere, id faciendi cunctis eius successoribus, apostolis primum, demum sacerdotibus. & episcopis præbens exemplum. Adhuc expressius eamdem sententiam infra subiungens, ait; Quid igitur vos ô monachi sacerdotum grauat auctoritas? metuitis infestationem? sed si quid patimini propter iusticiam, beati secularitatem contemnitis, id est, principantes in seculo. Sed secularior nemo Pilato, cui Dominus assistit iudicandus. Non haberes, inquit, in me potestatem, nisi tibi data esset de super. Iam tunc pro se loquebatur, & in se experiebatur, quod post per apostolos clamauit in ecclesiis, Non est potestas nisi a Deo. Et qui resistit potestati, Dei ordinationi resistit. Ite nunc ergo resistere Christi vicario, cum nec suo aduersario Christus restiterit, aut dicite si audetis, sui præsulis Deum ordinationem nescire, cum Romani præsidis potestatem Christus quoque super se fatetur fuisse calitus ordinatam. Viurpat ergo episcopus alienum officium, & in alienam messem falcem extendit, dum se iudicio secularium actuum ingerit inter homines, cuiuscumque conditionis existant. Et quod addit Bernardus in præmissa instantia: Quem tamen qui tuum negat, non satis mihi videtur attendere verbum Domini, &c. Dico quod nullus quem viderim aut audiuerim, id negauit aut negare potest expressius, ut ex ipsius præinductis orationibus liquet. Quibus etiam adiungendum, cum reuerentia semper, conuenientiore esse aliorum sanctorum expositionem super hunc locum. Fuit enim (ut omnes concordant) locutio Christi metaphorica, dum dicentibus discipulis, Ecce duo gladii, respondit Dominus, satis est. Vnde Chrysost. Equi-

Equidem si humano volebat eos uti praesidio, nec centum sufficerent gladii. Quod si nolebat eos uti humano subsidio, etiam duo superuacui sunt. unde apparet verborum Christi sensum fuisse mysticum, quod etiam signat manifeste ipsius sermo, dum Matth. 26. & Ioan. 18. tempore defensionis, si qua per illos gladios fieri debuisset, inquit Petro, *Conuerte gladium tuum in locum suum, vel in vaginam*, in quo significauit se non praecipisse, munitionem fieri per apostolos gladiatorum, sed mystice fuisse locutum, secundum quem sensum sufficienter attendens verbum Domini, beatus *Ambrosius* exponit verba praedicta, sic inquit, *Duo gladii permittuntur, unus noui, alter veteris testamenti, quib. aduersus diaboli munimur insidias. Et dicitur satis est, quia nihil deest ei, quem utriusq. testamenti doctrina munierit.* Verum, qui ad usurpandos principatus sacerdotes anhelant, & toto exteriori conamine, licet indebite, tendunt: peregrinas expositiones scripturae, quae ipsorum opinionem corruptam & affectionem peruersam sapere videantur, libenter recipiunt. Quod si tamen literaliter verba Christi sumantur, nihil sunt contra nostram sententiam: quoniam gladius materialis non est principatus, neq; iudicium secularium actuum, neq; etiam secundum metaphoram, iuxta Christi sententiam, principatum siue officium secularis iudicii, quod Christus Petro aut alteri apostolo commiserit, signare potest, ut idem *Bernardus* probauit alibi manifeste, ubi supra induximus, & etiam per scripturam indubie monstrauius 4. huius, & 5. Et quod subiungit; *Forssitan tuus, & tuo nutu exerendus*, dico, & dixit forssitan, quamuis non debuisset in hoc dubitare, nisi fortasse hoc sane intelligat, quod princeps in exerendo gladium ad nutum sacerdotis, id est, ad consilium sacerdotis in generali vel speciali consilio secundum exigentiam facti emergentis, attendere debet: ut in mouendo bellum, dubitans utrum iuste secundum legem diuinam, debet uti consilio sacerdotum, ne mortale peccatum incurrat, sicut & in reliquis suis actibus monasticis & ciuilibus, praesertim etiam in quib. dubitat per ignorantiam mortale peccatum incurrare, non quidem quod propterea sacerdoti subiiciatur in tali officio. Sic enim

Duo gladii, vtriusq. testamenti.

in conferendis disciplinarum licentiis & expellendis a ciuitate leprosis, vti debet consilio peritorum, quibus in iurisdictione non subiicitur, quemadmodum diximus decimo huius. Vnde *Bernardus* in fine sermonis iam dicti ait, *quod nutu sacerdotis & iussu Imperatoris hic gladius exeri debet*, nō ergo per nutū intellexit Imperium, siue auctoritatem coactiuam, sed consilium, quoniam hoc ad Imperatorem, siue principem expressit pertinere, *quamuis Romanus episcopus hunc gladium exeri persape etiam inter Christi fideles aduersus inuicem, minus iuste præcipiat*. Et ad vnum dicere, si *Bernardus* ex his verbis intelligat tale officium siue iudicium ad sacerdotis siue episcopi cuiusquam auctoritatem pertinere, tamquam in hoc superiorem alicui principanti, secundum tertiæ significationis iudicium in hoc seculo: dico quod in manifesto, tam sibi quam scripturæ sacrae quam inducit, contradicit aperte, vt ex prædictis apparet, propter quod simpliciter eius in hoc loco, si talis fuerit, declino sententiam, tamquam non canonicam sed canoni dissonam atque contrariam. *Ad dicta vero sanctorum atque doctorum, & præcipue super scripturam inductam ex Matth. 16. Tu es Petrus & super hanc petram, &c. Et rursus super illud Lucæ 22. Ego autem rogaui pro te Petre, &c. Amplius & super illud Ioan. 21. Si amas me, pasce oues meas.* Quibus siquidem dictis videntur intendere, beato Petro per Christum immediate super reliquos apostolos traditam potestatem seu auctoritatem, ipsum vocantes apostolorum principem, & vniuersalem pastorem & ipsorum quidam caput ecclesiæ. *Dicendum* (cum reuerentiā tamen) quod auctoritatem nullam essentialē, quam sacerdotalem diximus, neque accidentalem aliquam pastoratus præexcellētiā super reliquos apostolos *Christus* immediate beato *Petro* tradidit, sed ab illo & ceteris inuicem remouit, vt 16. huius per scripturam & sanctorum atque doctorum expositionem euidenter ostendimus. Et modo quodam repetiuimus circa principium capit. huius. Vnde Christum & Apostolum

*Ad testimonia
Patrum quæ
inserta sunt au-
toribus.*

lum & ipsorum quorundam alibi dicta sequens, quam super inducta iam scripturæ loca & alia quæcumq; similia dicere videntur sententiam de tali primatu seu principalitate, aliter quam 16. & 22. huius, dixerimus, declino: quoniā canonica nec est, nec canonicam sequitur, quinimo ipsorum aliqui oppositum dixerunt alibi, exponendo scripturam. Hic autem talia proferunt extra scripturam, ex propria sententia, sequentes *consuetudinem, & magis attendentes quadam dicta famosa, quam verba scriptura. Quis enim non admirabitur*, contendentibus apostolis, quis eorum esset maior, Christum respondisse, semper inter ipsos æqualitatem & prioritatem auctoritatis ab ipsorum quocumque negasse, si intendebat beatum Petrum inter ipsos principaliorrem & caput? *Quid etiam Christus* non dabat reliquis mandatum, vt Petro subessent in officio pastoralis, ne tantum mysterium lateret eos & ipsorum successores, quantum erat caput ecclesiæ? Nusquam enim legitur in scriptura tale mandatum fuisse datum apostolis. Quomodo etiam dexteram dedit Petrus Paulo societatis? imo mandatum dare debuit tamquam superior. Et ad vnum dicere, tota scriptura, vbi tangitur materia hæc, huius sententiæ oppositum clamat aperte. Esto amplius, quod tamen secundum scripturam negauimus, beato Petro, per Christum immediate fuisse commissam curam pastorem aliorum apostolorum, non tamen propterea per scripturam conuinci posset, Romanum aut alium quemuis episcopum post mortem beati Petri esse pastorem omnium aliorum immediata Christi ordinatione, sed conuenit alicui talis auctoritas per electionem humanam immediate, quemadmodum 16. 17. & 22. huius ostendimus prius. *Et cum inducebatur, ecclesiam acephalam esse*, neque fuisse ordinatam a Christo secundum optimam dispositionem, si eam absque capite in sui absentia reliquisset, possumus dicere secundum Apostolum vt prius, quod *Christus semper caput remansit ecclesia*: omnesque apostoli & ecclesiastici

Ad rationem.

ministri, *membra*, vt plane patet ad Ephesios 4. & alijs plerisque locis, de quibus sufficienter induximus 22. huius, parte quinta. Et hoc etiam Christus ipse manifeste significauit Matthæi ultimo, dum dixit; *Ego autem vobiscum sum usque in seculi consummationem*. Et dicat disputans, numquid etiam sit acephala, mortali capite vacante ab episcopo, Romana sede plerumque? & constat quod sic. Nec tamen propterea concedendum eam inordinatam, aut prauè dispositam a Christo relictam, propter quod redire oportet ad prædicta, & ea quæ in solutione sequentis instantiæ dicturi sumus. Rationi vero quæ apparens est, vt amplius satisfaciatur, dicamus in forma. Cum enim ex ipsa deducitur & infertur, Christum non ordinasse ecclesiam secundum optimam dispositionem, si caput mortale determinatum, in sui absentia, non reliquisset eidem: *neganda est illatio*. Et cum *videtur id astrui*, propterea quod ecclesia est in meliori dispositione per huius capitis institutionem, *concedendum utique* credo, meliorem ecclesiastici ritus & obseruandæ fidei dispositionem, per huiusmodi capitis mortalis institutionem, non tamen immediate fiendam per Christum. Quoniam si sic, tunc semper, vel vt in pluribus hoc modo prouenire deberet, ex Christi ordinatione. Sed melius fuit determinandum & eligendum per fidelium institutionem, & hanc fuisse optimam dispositionem a Christo traditam ecclesiæ militanti, vt hic ad exemplum traherentur imposterum, & scandali materia tolleretur, tam ab apostolis quam reliquis eorum successoribus atque fidelibus. Quoniam Romanæ vrbis aut cuiusuis alterius, fortasse non semper sunt clerici sacra scriptura & vita præstantiores, ceteris mundi collegiis. Vt in ipsorum comparatione ad *Parisiensis vniuersitatis* & *cleri collegium satis apparet*, propter quod relinquendo fidelibus institutionem talis capitis ecclesiæ, quemadmodum diximus 22. huius, parte 8. & 9. Christus eam in optima conuenientium humanæ conuersationi, dispositione reliquit, *quo modo fortasse*

Parisienses peritiores in sacris literis quàm Romani

Passé apostoli Petrum caput instituerunt ecclesie, quæ admodum ex Anacleti decreto induximus 16. huius, parte duodecima. Quod autem dixit Augustinus, super illud Ioan. 21. Si cum volo manere, quod vita qua est in fide, signata est per apostolum Petrum propter sui apostolatus primatum. Dico primatum intellexisse tempore, quoniam inter ceteros ad apostolatum per Christum vocatus est prius, sicut etiam clauium promissionem tempore primus accepit, secundum eundem Matth. 16. super illud, Tibi dabo clauis regni calorum. Vita enim quæ est in fide, videlicet corruptibilis huius seculi, præcedit tempore illam, quæ est in spe, incorruptibilem alterius seculi. Ad eam vero confirmationem objectionum, quæ inducebatur ex Decretis siue Decretalibus pontificum Romanorum, dicendum generaliter ad omnes huiusmodi scripturas atque sermones, non quales diximus 19. huius, quod ipsis veritatis credulitatem non tenemur præstare, neque in quibus sententiarum prædictarum, quas cum scriptura tenemus, oppositum continent, sed eas, quamuis cum reuerentia, declinamus, & aperte negamus. Et quod singulariter cōcludere volunt, ad Romanum episcopum solum, aut cum suo clericorum collegio, pertinere auctoritatem instituendi personas ad ecclesiastica officia, & pro illis temporalia siue beneficia conferendi: dicendum, quod si per officia ecclesiastica intelligantur sacri ordines & characteres, qui cum his imprimuntur in anima velut habitus quidam; Hæc inquam officia, per solos episcopos siue pastores posse conferri, siue a Deo per ministerium eorum tantummodo, & nullius alterius collegii, vel singularis personæ. Et hoc credendum de necessitate salutis, vel non ipsius oppositum, quia sic ordinatum reperitur lege diuina, non quidem quoniam sic statutum est per humanas aliquas Decretales siue Decreta. Quamuis tamen vt diximus 17. huius, personarū habilitatis ad hæc suscipienda officia examen & determinatio, nō sine legislatoris fidelis auctoritate, vel eius principantis fieri

*Ad Decreta
Decretum &
Decretalium,
non omnia ad
hibenda fides.*

Officia ecclesiastica a quibus institui debent.

debeat, ut vbi supra monstrauiamus, & 15. primæ. Si vero per *officia ecclesiastica* intelligantur determinationes seu institutiones presbyterorum & aliorum iam dictorum officialium ad curas animarum, maiores aut minores, in certis locis & ad certos populos gubernandos, *talia instituere officia*, siue personarum ad hæc determinationes facere, & pro his ecclesiastica temporalia distribuere seu conferre, ad fidelem legislatorem pertinet, secundum quem modum diximus 17. huius. Idque generaliter & vbi-que, nullius vnici episcopi, aut collegii sacerdotum, auctoritatis esse, nec expedire, quemadmodum 17. & 21. huius ostensum est. Quod ergo *obiicitur* nobis oppositum horum, ex Decretis & Decretalibus Romanorum pontificum. Dicendum, quod quamuis huiusmodi Decretales siue Decreta, & quæcumque aliæ scripturæ siue sermones consimiles, non quales diximus 19. huius, possint continere plurima documenta & consilia, etiam vtilia, tam pro statu præsentis seculi, quam venturi, in quantum ab episcopo Romano, etiam cum suo collegio clericorum, præter licentiam fidelis legislatoris aut principis, aut aliter seu contra formam dictam 21. huius, statuta huiusmodi neminem obligare ad culpam vel pœnam, & præcipue temporalem. Sic namque *disponuntur eiusmodi ferentes traditiones, quemadmodum pharisei & scribae*, ad quos Christus Marci 7. inquit, *In vanum autem me colunt, docentes doctrinam & præcepta hominum, relinquentes enim mandatum Dei, tenetis traditiones hominum.* Et parum infra, *Bene irritum facitis præceptum Dei, ut traditionem vestram seruetis.* Decretales atque Decreta videlicet de temporalibus vsurpandis. Non enim sunt Decretales in quantum huiusmodi, leges diuinæ aut humanæ, sed narrationes aut documenta, & in pluribus *oligarchica quadam statuta.* Propter quod talium ordinatores, contra formam, & præter auctoritatem iam dictam, ad ipsorum quoque obseruationem quemquam inducentes verbis subrepticiis, quasi cogentes, comminando simplicibus eorum trans-

Decretalium
legulatores
quales.

Decretales
non sunt leges.

Eos, Papa qui
eos anathema-
tu pœna propo-
sita sancit
grauiter pu-
niendi sunt;

transgressoribus, damnationem æternam, aut blasphemias siue anathemata, vel alias maledictiones inferentes in quemquam verbo vel scripto, corporaliter sunt extremo puniendi supplicio, tanquam conspiratores & ciuilibus schismatis concitatores. Est enim hæc *Quia rei sunt*
grauissima species criminis læsa maiestatis. Quoniam *læsa maiestas*
 in principatum directe committitur, ad eius etiam *et.*
 supremi pluralitatem, & consequenter per necessitatem ad solutionem cuiuslibet politiæ perducens.

C A P V T X X I X.

Obiectionum theologicarum pro Papæ primatu, quæ initio huius dictionis propositæ sunt, refutatio.

AD reliquas vero instantias ex scriptura indutas 3. huius, propter quas fortassis alicui videretur posse conuinci, Romanum Papam vel alium quemuis episcopum, iudicem esse secundum tertiam significationem super omnes clericos, aut indifferenter super reliquos omnes absque tamen humani legislatoris institutione, sed Dei ordinatione immediatâ. Dicendum, * & primo ad eam quæ sumebatur ex Matthæi 16. dum dixit Christus beato Petro, *Tibi dabo clauēs regni calorum*, &c. quod ex his verbis non aliam potestatem beato Petro aut alteri Apostolo tradidit Christus, quam ligandi & soluendi homines à peccatis, sicut expresse dicit beatus Bernardus ad Eugenium De consideratione libro 1. cap. 5. & supra induximus 5. huius, parte 1. de qua etiam seriose dictum est 6. & 7. huius. Nec illius plenitudinem aliter, quam dictum sit 23. huius. Vnde propter hæc verba, Romanus aut alter episcopus vel sacerdos, in Apostoli aut Apostolorum persona, coactiuam in hoc seculo auctoritatem siue iurisdictionē in quemquam clericum aut laicum non accepit à Christo. Dictum enim est, *Tibi dabo clauēs regni calorum*, ad differentiam regni mundani. Ab huiusmodi namq; regimine sui exemplo Christus vnumquemq; Apo-

Pro Papa domino obiectio- nes ex S. literis desumptæ diluuntur.

* Prima.

Clauēs regni calorum, non huius mundi, Petro datæ.

•Secunda.

stolum & eorum successorem episcopum siue presbyterum significauit exclusum, dum dixit Lucæ 12. *Homo, quis me constituit iudicem*, terrenorum videlicet? Idemque per alia præinducta 4. & 5. huius. Eodem quoque siue consimili modo dicendum est ad auctoritates sumptas ex canone, Matth. 18. & Ioan. 20. dum dixit Christus Apostolis, *Quaecunq; alligaueritis super terram, &c. Et quorum remiseritis peccata, &c.* Non enim ex his verbis aliam, quam iam dictam & secundum quem modum diximus, Christus illis tradidit potestatem. * Ad *aliā* quæ sumebatur ex Matth. 11. dum dixit Christus, *Omnia mihi tradita sunt à Patre meo.* Dicendum quod non sequitur, Omnia mihi tradita sunt à Patre meo: ergo potestatem omnium Apostolo vel Apostolis tradidi: sicut etiam diximus 4. huius. Non enim ex hac inquisitione dubitatur, quid Christus tradere potuerit potestatis & auctoritatis, Apostolo vel Apostolis, & ipsorum successoribus, sed quid tradere voluerit & de facto tradiderit, & à qua ipsos prohibuerit consilio vel præcepto. Hæc enim ostensa sunt sufficienter 4. 5. & 6. ac 9. huius. Vnde *Bernardus* etiam hoc intendens ad Eugenium de consideratione libro 3. cap. 1. sic inquit: *Non enim reor omnem modum, sed sane quodam tenus, ut mihi videtur, dispensatio tibi super illum credita est (videlicet super orbem) non data possessio. Si pergis usurpare hunc, contradicit tibi, qui dicit, Meus est orbis terra & plenitudo eius. Non tu ille de quo Propheta, Et erit omnis terra possessio eius. Christus hic est, qui possessionem sibi vendicat, & iure creationis & merito redemptionis.* Et plura subiungit ad propositum, quæ omisi propter sufficientiam præmissorum & abbreviationem sermonis. Non igitur Christus omnia, & secundum modum sibi tradita, tradidit Apostolo vel Apostolis, sed certa solum, & secundum certum modum. Amplius secundum *glossas* omnium sanctorum super hunc locum, intendebat Christus, hanc traditionem sibi factam secundum diuinitatem; qua Dei Filius æternus erat: quod nulli Apostolorum aut successorum conuenire po-

re po-

re potuit, propter quod hic sermo Christi nec etiam apparenter aliquid infert contra sententiam quam tenemus. Ad eam vero quæ sumebatur Matthæi 28. & ultimo, dum dixit Christus, *Data est mihi omnis potestas in calo & in terra*: dicendum, sicut diximus ad immediate præmissam, non enim propter hoc sequitur, esto etiam quod secundum humanitatem omnem potestatem susceperit in terris, non tamen sequitur, quod omnem potestatem Apostolo vel Apostolis tradiderit, sed solum eam, de qua dictum est Mat. ult. & Ioan. 20. quā etiā explicauimus 6. huius, & 7. Quoniam & secundum hanc solum regnare venit Christus, vnde Hieronymus super hunc locum: *In calo autem & in terra potestas data est, ut qui ante regnabat in calo, per fidem credentium regnet in terris.* * Quod autem ex Matthæi 8. & Marci 5. sumebatur: *Damones autem rogabant eum, dicentes, &c.* Dicendum, nec id dictum obuiare sententiæ, quam tenemus. Esto namq; (sicut verum est) Christum habuisse si voluisset, etiam secundum humanitatem, dominium, & omnem potestatem temporalium, nō ex hoc per necessitatem potest inferri, eum tradidisse Apostolo vel Apostolis, aut ipsorum successoribus consimilem potestatem, quinimo, tam opere quam sermone Christus illis monstrauit, temporalium fugere possessionem atque dominium, sic etiam iurisdictionem coactiuam cuiusquam in hoc seculo, siue iudicium, vt 4. & 5. huius, monstratum est, & repetitum capitulo præcedente. Quod si tamen Christus aliquando vsus fuerit talium potestate siue dominio, non tamen humani principantis seu iudicis modo, sed miraculose ac raro valde diuina potestate potius quam humana, vt in proposito & arefactione ficulneæ, suis Apostolis ex hoc significare volens sui diuinitatis naturam, vnde ipsos amplius in fide firmaret, vel etiam propter aliquod melius, occultum homini & in occultum sibi, sicut dicunt ibidem Chrysostomus & Hieronymus. *Vt sit (inquit Hieronymus) salutis hominum occasio per porcorum interfectionem.* Et ideo Christus, nec ipsos miracula

* Tertia.

Occupatio ob-
iunctionis.

- facere docuit, vt ex *Augustino* de verbis Domini, super Matth. sermone 10. supra induximus i 4. huius. Eoque minus ipsos voluit exercere potestatem, in alienam iacturam & scandalum. Propter quod talia non exercuit, vt ipsi talia exercere deberent; sed vt illis se verum Deum ostenderet esse. * *Ei vero instantia*, quæ inducebatur ex Matthæi 21. Marci 11. & Lucæ 19. *Tunc misit duos discipulos, dicens eis Iesus, ite in castellum quod contra vos est, & inuenietis asinam alligatam, &c.* similiter dicendum est, quemadmodum *instantia* immediate præmissæ. * *Ea vero* quæ de duobus gladiis, sumpta Lucæ 22. & quæ de pastuuium ex Ioann. 21. nil contradicunt, aut contradicens inferunt necessario sententiæ, quam tenemus, sicut seriose monstrauius præcedenti capitulo: non enim ex his beato Petro vel alteri Apostolo, aut ipsorum successori cuiquam coactiuam in hoc seculo cuiusquam iurisdictionem tradidit, siue iudicium, sed officium pastoratus, de quo traditum est sufficienter 9. huius. * *Quod autem* inquit Apostolus 1. ad Corinthios 6. *Nescitis quoniam angelos iudicabimus, quanto magis secularia?* nec contradictorium est sententiæ quam tenemus, nec contradictorium infert. Non enim sermone seu scriptura prædicta, monebat seu alloquebatur Apostolus sacerdotes tantummodo; sed generaliter omnes fideles de Corintho: nam iisdem generaliter (vt ex salutatione patet) scripsit epistolam. Contendebant enim inuicem de secularibus & ciuilibus, coram infidelibus iudicibus se trahentes; propter quod monebat ipsos Apostolus, tamquam pastor ipsis consulendo, vt ex cœtu fidelium sibi iudices constituerent, non quidem sacerdotes aut episcopos, sed alios ab his: propter quod immediate subdit Apostolus: *Secularia igitur iudicia si habueritis, contemptibiles qui sunt in ecclesia, illos constituite ad iudicandum, ad verecundiam vestram dico, sic non est inter vos sapiens quisquam, qui possit iudicare inter fratrem suum; sed frater cum fratre contendit iudicio apud infideles?* Quam siquidem Apostoli seriem exponens *glossa* secundum *Augustinum*,

num, Ambrosium & Gregorium, inquit sic: Secularia igitur, &c. Sicut iam reprehendit eos, quia causas agebant apud infideles contemptis fidelibus, ita nunc reprehendit eos, quod contemptibiles indices, licet fideles, constituebant, qui, & quia debetis iudicare: igitur si habueritis secularia iudicia, ideo dicit, si habueritis, quia nec habenda sunt, sed potius sunt contemnenda: si inquam habueritis, constituite ad iudicandum illos contemptibiles, id est, indiscretos & viles, qui sunt in ecclesia: qui, hoc est, quod vos fecistis. Vnde coacti fratres recurrerent ad illos, id est, ad infideles. Hoc redarguit in eis Apostolus, ironice eis loquens, & quia non decet fieri, adiecit, ad verecundiam vel ad reuerentiam vestram dico, qui non impero, sed memoro, ut verecundemini, & debetis erubescere, quia non est inter vos quisquam sic, id est, adeo sapiens, quod possit iudicare inter fratrem suum, ut ita necesse sit, ut stultos statuatis iudices. Et hi tamen potius statuendi sunt, quam ad infideles iudices eatur, si desint sapientes: sic inquam non est sapiens, sed frater cum fratre contendit in iudicio, quod malum est; etiam apud infideles, quod peius est. Vel ita: Secularia igitur, quia dixerat Apostolus, eos posse de his minimis iudicare, determinat, qui ad huiusmodi definienda negotia sunt constituendi, scilicet contemptibiles qui sunt in ecclesia. Maiores enim spiritualibus intendere debent, qui, & quia iudicare debetis, igitur hoc modo facite, si secularia negotia habueritis, illos constituite ad iudicandum, qui sunt in ecclesia contemptibiles, id est, aliquos sapientes, qui tamen sunt minoris meriti: Apostoli enim predicando circumeuntes talibus non vacabant. Sapientes ergo qui in locis consistebant fideles & sancti, non qui hac atque illac propter euangelium discurrebant, talium negotiorum examinatores esse voluit. A quibus nos excusare non possumus, et si velimus. Christum enim testem inuoco, quoniam mallem per singulos dies certis horis manibus aliquid operari, & certas horas habere liberas ad legendum & orandum, vel ad agendum aliquid de diuinis literis, quam tumultuosas perplexitates causarum pati de negotiis secularibus,

vel iudicando dirimendis, vel interueniendo praecidentis. Dico contemptibiles constituite, hoc autem ad reuerentiam vestram dico, ut videlicet, hi terrenas causas examinent, qui exteriorum rerum sapientiam perceperunt, qui autem spiritualibus donis ditati sunt, terrenis non debent negotiis implicari, ut dum non coguntur inferiora bona disponere, valeant bonis superioribus deservire: sed tamen curandum magno opere est, ut hi qui donis spiritualibus emicant, nequaquam proximorum infirmantium negotia funditus deserant: sed hac aliis, quibus dignum est tractanda committant, vel per segerant. Sunt autem hæc Apostoli

Ex patrū præcedente glossa consuetudinarium primum.

Ratio.

Occupatio.

& sanctorum scripta notanda. Apparet enim ex ipsis primo, quod omnes contentiones inter quascunque personas, de his quæ non pertinent ad legem diuinam, sunt seculares & non spirituales, & ad seculare iudicium pertinentes. Nam generaliter locutus est Apostolus, & sancti super hunc locum, non facientes differentiam (sicut nec est) inter contentiones temporales seu ciuiles, quæ sunt presbyterorum inuicem, & generaliter clericorum, aut quæ sunt inter presbyteros & laicos, & inter eas quæ sunt secularium inuicem. Dicat enim quæso sophista, & vocabulorum abutor, qui spirituale vocat, quod est simpliciter seculare, secundum Apostoli & sanctorum appellationem, si presbyter iniuriam inferens fratri, sacerdoti, siue non sacerdoti, verbo vel facto, facit iniuriam spirituales, magis ea quam laicus intulerit? hoc enim dicere, derisio est: credere vero, summa vesania: quippe, quoniam carnalior seu secularior & detestabilior est iniuria, quæ per sacerdotem infertur illata per laicum. Nam turpius peccat & grauius quàm alium docere tenetur, tam opere quam sermone, iniuriam non inferre, quemadmodum serius ostensum est 8. huius. Quod autem seculares, non spirituales sint, & dici debeant huiusmodi clericorum actus, aperte testatur Augustinus in prædicta glossa, dum causas contentiosas presbyterorum & clericorum, quæ coram ipso agebantur, qui episcopus erat, vocauit, tumultuosas perplexi-

plexitates causarum de negotiis secularibus, non faciens harum causarum siue contentionum, differentiam, propter personarum conditiones. Hæc enim differentia, presbyteri scilicet, ac nō presbyteri, quantum ad hoc accidentalis est, velut ea quæ circuli per aureum & argenteum, quam nullus artifex assignat, eo quod distinctionem non efficit in effectu per se.

Apparet secundo, quod horum actuum iudicium, aut *Secundum*. iudicem esse, non est sacerdotum, & quod talem iudicem instituere non plus, imo fortasse minus, ad ipsorum auctoritatem pertinet, quam reliquorum fidelium, sed pertinet hoc ad fidelium vniuersitatem, quemadmodum ostensum est 15. primæ. Et propterea dixit Apostolus, *constituite*, nec dixit alicui episcopo vel sacerdoti, Constitue. Vbi namq; agendum erat aliquid pertinens ad officium sacerdotis seu episcopi, id facere mandabat singulariter illi, non multitudini fidelium, sicut presbyteros seu episcopos, aut diaconos constituere, aut euangelium prædicare, ac reliqua exercere officia, quæ propria sunt presbytero aut pastori. Vnde ad Titum 1. *Huius gratia reliqui te Creta*, vt ea quæ desunt corrigas, quantum videlicet ad doctrinam salutarem & mores. Et constituas per ciuitates presbyteros, sicut ego disposui, non tamen dixit illi, Constitue iudicem negotiorū seculariū examinatore. Nec Corinthiis scribens, dixit, Vobis cōstituet episcopus vel sacerdos, sed dixit Apostolus ad vniuersam fidelium multitudinē, *Cōstituite*, nō quidem imperans, sed consulens siue memorans. Vnde *glossa* super illud, *Ad reuerentiam vestrā dico*, inquit: *quasi non impero, sed memoro, vt verecundemini*. Bene enim nouerat Apostolus, tales iudices instituere, ad suum officium minime pertinere, & eo minus, ad sacerdotem seu episcopum alium. Nec rursus ad huiusmodi officium exercendum assumi consuluuit presbyterum aut episcopū quenquam, sed oppositum magis: *quoniā nemo*, vt inquit, *militans Deo, implicat se secularibus negotiis*: sed cōsuluuit statui iudices contēptibiles in ecclesia, id est, de numero fideiū, eos qui nō erant idonei ad euangelizandū, quamuis non

omnes, sed secundum glossam sanctorum, illos *terrenas causas examinare voluit*. Apostolus, siue *consultuit*, qui exteriorum rerum scientiam perceperunt: qui autem spiritualibus donis dotati sunt, non debent terrenis negotiis implicari, quod manifeste dicebat beatus *Bernardus* ad Eugenium, De consideratione libro 1. cap. 5. & pridem induximus capit. præcedenti.

1. *Obiectio.* *Obiiciet* autem aliquis *Augustini* dictum, in superioribus glossis. Inquit enim ille, de secularium contentiosorum actuum iudiciis loquens, *A quibus nos excusare non possumus, etsi velimus*. Cuius etiam sententiam ibidem confirmans, *Gregorius* addit: *Sed tamen curandū magno opere est, &c. sed hæc* (scilicet, iudicia secularium actuum) *quibus dignum est, tractanda committant episcopi, vel per se gerant*. Sic talia iudicare, ac talium iudices constituere, ad episcopos seu presbyteros, in quantum huiusmodi, pertinere videtur, ex quo ab his secundum sanctorum sententiam excusari non possunt, & ipsis

Responsio. hoc magno curandum est opere. Nos autem ad hæc obiecta, & reliqua consimilia dicta sanctorum aut doctorum, *dicamus*, quod antiquis temporibus & iam dictorum sanctorum, propter status sacerdotalis reuerentiam, & ipsorum moris siue virtutis confidentiā, ac reliquas causas, de quibus diximus 25. huius parte 5. concessum fuit per fideles legislatores & principes, iudiciale officium tertiæ significationis episcopis & principalibus animarum pastoribus supra clericorum personas, & temporalia, ut minus vexarentur, aut turbarentur à diuinis officiis, & honestius in causis secularibus tractarentur. Et quoniam iam dictorum sanctorum aliqui constituti erant episcopi in prouinciis siue locis, quorum principes aut incolæ supradictum iudiciale officium illis contulerant, nisi episcopatui renunciaissent, ab huiusmodi gerenda causarum secularium inter clericos cura, excusari non poterant rursus.

2. *Obiectio.* Sed rursus *dubitabit*, aliquis merito quærens, cur viri sancti, ut beatus *Siluester*, & aliorum plurimi, iudicia & potestates seculares, ac temporalium possessionem & administrationem

tionem assumpserint, si talia presbyterorum, episcoporum, & reliquorum euangelizantium officio non conueniunt neque conuenerint. *Dicendum* arbitror, secundum veritates inductas prius, præsertim 17. & 25. huius, quod fidelium ecclesia seu multitudo, modica existens circa principium, & consequenter etiam tempore multo, à principantibus & subditis infidelibus persecutiones plurimas vsque ad mortalia martyria patiebatur frequenter, & in multa paupertate viuebat. Propter quod sancti episcopi veri pastores propter gregis salutem, augmentum, conseruationem & sustentationem ab Imperatoribus fidelibus, deuotis, & sibi propitiis, gratias, & fauores, concessionem, seu priuilegia impetrabant, aut oblatas suscipiebant, non quidem vt præessent, sed vt prodesse possent, & fidelem protegere populum atque fouere. Sic ergo iudicia secularium actuum inter clericos præcipue, propter iam dictas causas sancti episcopi susceperunt. Sic etiam quorundam temporalium administrationem absque possessione siue dominio, seu auctoritate vendicandi, curam acceperunt, vt posset hoc in fideles pauperes redundare. Vnde *Ambros.* de tradendis basilicis, vbi supra: *Si agros desiderat Imperator, potestatem habet vendicandorum: nemo nostrum interuenit; potest pauperibus collatio populi redundare.* Nemo ergo sacerdotum seu episcoporum interueniebat pro agris, quoniam Christum & apostolos imitantes, horum abdicabant dominium, pro fide vero agonizabant constanter vsque ad mortem: *quamuis moderni episcopi & præcipue Romanorum, pro agris & secularibus dominiis fortissime pugnent, & pugnas undique inter Christi fideles concitent,* dicentes se in hoc iura sponsæ Christi defendere, cum tamen ipsius iura non sint, sed iniuria, veram sponsam, fidem videlicet, doctrinam & mores defendere, ne per prauos vsus aut actus, aut infidelium impetum corrumpatur, quasi totaliter negligentes, quemadmodum diximus 22. huius. His ergo de causis, antiquis temporibus, huiusmodi officia & beneficia susceperunt sanctorum aliqui,

Responsio.

*Iudicia ciuilia
& opes unde ad
episcopos manarint.*

*Papa degenerantes a pijs
episcopi pugnas
mouent.*

Sponsa Christi.

*Papas cedere
debere suo do-
minio demon-
stratur.*

quibus siquidem conuenienter renuntiare possent moderni, ad minus in cōmunitatibus fideiū. Sufficiens enim per principantes ab oppressionibus defenditur clerus, quinimo vix ab offensionibus in aliquos reprimi potest. Verum talibus renuntiare secularibus officiis, possessioni atque dominio temporalium, nō est propositum modernorum pastorum, sed pro huiusmodi etiam armata pugnare potentia, non solum habitis conseruandis, verum etiam pro reliquis vsurpandis, sicut quilibet quantumcunque rudis sensu, si non alio, doceri potest: vniuersitatem fidelium etiam quamplurimum scandalizantes, ex hoc ambitionis exemplo, non attendentes Christi comminationem, Matth. 18. dum dixit, *Qui scandalizauerit unum de pusillis istis, &c.* Vbi glossa secundum Hieron. *Et quanquam generalis possit esse sententia aduersus omnes, qui aliquem scandalizant, tamen iuxta consequentiam sermonis etiam contra apostolos dictum intelligi potest, qui interrogando, quis maior esset, videbantur inter se de dignitate contendere. Et si in hoc vitio permansissent, poterant eos quos ad fidem vocabant, per suum scandalum perdere, dum apostolos viderent inter se de honore pugnare.* Quod autem de apostolis Hieron. dixit, intelligendum est etiam de ipsorum successoribus omnibus, episcopis siue presbyteris. *Qui si tamen sponte huiusmodi officia iudicialia, & auctoritatem distribuendi temporalia relinquere nolint, ipsisque abutantur, secundum diuinam & humanam legem, licite possunt & debent principantes aut fideles legislatores eadem ab ipsis reuocare, quemadmodū demonstratū 15. primæ, 17. & 21. huius. Quod autem obiiciebatur ex apostolo primæ ad Corinth. 9. & secundæ ad Thess. 3. Nunquid non habemus potestatem, &c. dissolutum fuit 14. huius. Talis enim potestas, vt ibi dicebatur, non est iurisdictionis, sed licite petendi secundum legem diuinam, quamuis tamen non in iudicio coactiuo, alimentum & tegumētum sibi debitum propter euangelii ministrationem a potentibus exhiberi. Ei vero quæ inducebatur ex primæ ad Timoth. 5. dum dixit Aposto-*
lus:

Si nolunt, cogendi.

Officia iudicialia a sacerdotibus reuocanda.

Quæstio.

lus: *Aduersus presbyterum noli accipere accusationem, &c.* Dicendum, hic Apostolum intellexisse, si debeat sacerdos publice increpari a suo superiori, pastore siue doctore, non enim iurisdictionem coactiuam alicui sacerdoti vel episcopo in quemquam exercere mandauit, quoniam & hoc ad suam & cuiuslibet sui successoris auctoritatem non pertinere nouit Apostolus. Significauit autem Apostolus, correptionem quæ ad pastorem pertinet, solum esse verbalem, in eo quod subdit, *Peccantes coram omnibus argue, ut ceteri timorem habeant*, nec dixit cape vel incarcerationem, sed incorrigibiles sermone docuit euitari. Vnde ad Titum 3. *Hæreticum hominem post primam & secundam correptionem deuota, cum sit proprio iudicio condemnatus.*

C A P V T X X X.

Obiectionum politicarum pro Papa primatu refutatio.

RELIQUVM vero & vltimum huius dictionis, *est soluerationes*, quas etiam tertio huius induximus, ad astruendum errorem dicentium, iurisdictiones coactiuas ad presbyteros siue episcopos, ipsarumq; supremam omnium in hoc seculo, ad Romanum episcopum (inquantum huiusmodi) pertinere. Ad earum * ergo *primam*, cum dicebatur, Sic ut se habet corpus ad animam, sic princeps corporis ad principem animæ. Hæc *propositio falsa est* vniuersaliter sumpta. Nam quamuis anima distinguatur à corpore; quoniam anima non est corpus, nullus tamen est corporis princeps, quin sit etiam animæ aliquo modo princeps, & econuerso, sumendo principem proprie, quemadmodum apparet 8. & 9. huius. Si vero per principem corporis, secundum

*Rationum pro
Papa dominie
refutatio.*

* *Primæ.*

*distinctione
Propositionis.*

metaphoram intelligatur medicus, qui eius curam gerit tamquam doctor operatiuus, & quantum ad actus qui sunt particulæ irrationalis & nutritiue: per principem autem animæ, cum qui medicus est & doctor siue præceptor operatiuus, quantum ad actus partis rationalis & appetitiue tam in statu & pro statu præsentis seculi, quales sunt humanarum scientiarum vel disciplinarum doctores, quam pro statu futuri seculi, quales sunt pastores & sacerdotes, posset iam dicta *propositio* indefinite sumpta concedi, quoniam vniuersaliter sumpta, semper instantiam multiplicem pateretur. Anima enim ad corpus, & rursus rationalis ad irrationalem, multas habet differentias, quas doctor aut curator secundum vnā, non habet ad doctorem seu curatorem secundum aliam. Etenim rationalis ad imaginem trinitatis est syllogizans, irrationalis vero minime, nec tamen inter harum curatores seu doctores est huiusmodi differentia, sic & in aliis. Ea ergo in aliquo sensu concessa, vt videlicet sicut anima rationalis & appetitiua nobilior est corpore, id est, animato secundum nutritiuam, in quantum huiusmodi; ita doctor vel curator animæ rationalis, &c. dignior est eo qui curator & doctor irrationalis: siue etiam fiat comparatio hæc, inter doctorem animæ rationalis pro statu seu fine præsentis seculi tantum, ad eum qui eiusdem doctor est, principaliter pro statu, seu fine futuri seculi. Esto sic, inquam, alterum altero perfectiorem esse, non ex hoc sequitur, ipsorum perfectiorem iudicem esse super imperfectiorem iudicio coactiuo: sic enim mathematicus princeps esset coactiuus medici, & plurima manifeste inconuenientia sequerentur ex hoc. Quod si per principem corporum intelligatur principans siue iudex hominum coactiuus, seu tertiæ significationis, in statu & pro statu siue fine præsentis seculi tantum, aut principaliter: per principem vero animarum eum qui iudex est secundum tertiam significationem principaliter pro statu seu fine venturi seculi, sicut videtur intendere disputans; posset concedi comparatio siue

proportio

proportio secundum aliquem sensum, seu indefinite sumpta: quoniam vniuersaliter, vt prædiximus, multas pateretur instantias. Et cum assumitur, corpus subest animæ vel irrationale omnino, aut secundum modum aliquem subest animæ, id est, rationali, simpliciter concessio secundum perfectionem subesse, non ex hoc sequitur subesse secundum iurisdictionem: sic enim inferens peccaret secundum consequens. Esto tamen (quamuis non propter argumentationem hanc) principem corporum, id est, hominum iudicem coactiuum pro statu præsentis seculi tantum, subesse secundum iurisdictionem iudici animarum coactiuo pro statu venturi, non propter hoc sequitur, quemquam huius seculi principem, siue iudicem coactiuum, subesse secundum iurisdictionem alicui episcopo vel sacerdoti. Quoniam nullus episcopus aut sacerdos, in quantum huiusmodi, est princeps, seu iudex coactiuus cuiusquam pro statu præsentis seculi vel venturi, quemadmodum 4. 5. & 9. huius ostensum est. Iudex enim co-

Christus solus iudex animarum.

actiuus animarum, siue pro statu futuri seculi Christus est solus, vnde Iacobi 4. quod nec repetere piget, *Vnus est legislator & iudex, qui potest perdere & liberare.* Hic autem neminem mortalem statuit iudicare irreuocabiliter, neminemque punit aut præmiat in hoc seculo, sed punire aut præmiare in venturo tantummodo statuit, vt diximus & per scripturam probauimus 9. huius. *Romanus autem episcopus cum reliquis etiam pastoribus est animarum doctor, quemadmodum medicus, non iudex coactiuus aut princeps,* vt vbi supra monstrauius per seriem euangelicam, per *Apostolum, Hilarium,* atque *Chrysostomum,* & ratione cogente. Quæ vero amplius

Rom. episcopus doctor.

inducebatur *ratio,* quoniam sicut corporalia spiritualibus comparatur, sic princeps corporalium ad eum qui spiritualium, quia eidem quasi radici cum prior innititur, quasi eodem aut consimili modo repellenda est: *maior* enim instantias patitur plurimas; ad minorem, qua dicitur, Corporalia subdi spiritualibus, si accipiatur, subdi, pro esse minus perfecto,

Secunda.

debet concedi iuxta proprias significationes horum nominum, temporale & spirituale. Cum vero subiungebatur, Romanum episcopum esse principem siue iudicem spiritualium, si iudex sumatur secundum primam iudicis significationem, utque horum iudicator, speculatiuus aut operatiuus, verum est, Romanum episcopum & alium quemlibet huiusmodi iudicem esse vel esse debere, & ex hoc concluditur, quod perfectior est eo qui iudicat tali iudicio de corporalibus tantum, præsertim propter bonitatem iudicatarum rerum; sed propter hoc non sequitur, iudicem spiritualium talem superiorem esse altero iurisdictione seu iudicio coactiuo. Sic enim qui animalia speculatur princeps esset siue iudex coactiuus astrologi vel geometræ, vel econuerso, cum tamen neutrum sit nec necessarium, neque verum. Si vero intendatur, Romanum aut quemuis alium episcopum, iudicem esse spiritualium secundum tertiam significationem, videlicet coactiuum, neganda est tanquam manifeste falsa, ut ex Iacobi quarto pridem induximus, & nono huius. Solus enim Christus huiusmodi iudex est, cui iudicem huius seculi quantum ad coactiuam iurisdictionem pro statu futuri seculi, nusquam negauimus, neque negamus subesse. Vnde Apostolus ad Ephes. 6. & Coloss. ultimo: *Illorum & vester dominus est in calis.* Vbi tunc nullus erat Apostolus, aut sacerdos nouæ legis, alter a Christo. Propter quod ab hoc iudice solo, iudicio coactiuo, iudicabuntur huius seculi iudices, & qui demeruerint arcebuntur per pœnam coactiuam, in alio seculo tamen, secundum suam legem, ut apparuit nono huius: *per equiuocationem, ergo huius nominis iudex, fallebat iam dictus paralogismus.*

* Tertiz.

* *Ei autem argumentationi;* Quoniã sicut finis ad finem, lex ad legem, &c. sic iudex ad iudicem, negari posset, vniuersaliter sumpta. Ea tamen indefinite concessa, cum minore adiuncta, concluditur fortasse propter materiam, iudicem coactiuum secundum legem diuinam, superiorem esse ad iudicem coactiuum

uum secundum humanam legem, quod concessimus prius. *Quod si assumatur*, Romanum aut alium quemvis episcopum iudicem esse secundum legem diuinam, distinguenda est oratio, secundum æquiocationem huius dictionis, iudex. Et interimenda in sensu, secundum quem disputans concludere querit, Romanum aut alium quenquam episcopum iudicem esse coactiuum in hoc seculo vel futuro secundum legem diuinam. * Quæ vero ratio accipit, eum cuius actio nobilior est siue perfectior, non debere illi subiici secundum iurisdictionem coactiuam, cuius actio minus nobilis est, siue minus perfecta: hoc autem sustinet episcopi seu presbyteri actio, ad eam quæ principantis. Est enim nobilior & perfectior eucharistiam consecrare, cætera quoque ministrare sacramenta ecclesiæ, quod est opus episcopi, siue sacerdotis, quam de ciuilibus seu contentiosis actibus humanis iudicare atque præcipere, quod opus est principantis seu iurisdictionem coactiuam habentis solummodo, in quantum huiusmodi. *Primam propositionem*, recipit falsam & negandam vniuersaliter sumptam, quoniam nec aliter ratiocinatio formam conuenientem haberet. *Minor* etiam vniuersaliter sumpta, similiter pro quocunque, scilicet sacerdotio vel sacerdote, pateretur instantiam. Non enim actio sacerdotum in aliis legibus nobilior est actione principantis: eius enim oppositum ostensum est in primæ, sed in sola lege Christianorum actio sacerdotum est aliarum perfectissima, quod tamen sola fide tenemus. Est igitur huius argumentationis *prima propositio falsa*, nihil enim prohibet, nobiliorem seu perfectiorem simpliciter habens actionem quantum ad aliquid, dependere ab habente minus perfectam, & sic quod ad quid esse, imperfectius. Corpus enim humanum, quod est perfectius simpliciter omni corpore simplici aut mixto, generabili saltem, quantum ad aliquid positum est, & minus perfectum multis mixtis atque simplicibus. Est etiam hoc videre in partibus eiusdem totius.

*Quartæ.

Nam quamuis oculus sit membrum siue pars perfectior manu vel pede, quoniam perfectiorem efficit actionem, nil minus ab ipsis pendet & recipit aliquam actionem aut motum, è quoque conuerso, hæc ipsa dependent ab oculo, quoniã in finem ad quem mouent aut mouentur, diriguntur per ipsum. Sic etiam dicebat Apostolus primæ ad Corinth. 12. *Non potest autem oculus dicere manui, opera tua non indigeo.* Quo siquidem igitur seu proportionali modo, principatus etiam dependet ac recipit aliqua, per actiones aliquarum & inferiorum partium ciuitatis, de quibus diximus quinto primæ, quamuis non secundum iudicium coactiuum, cum tamen ipsæ secundum aliquid melius & perfectius à principatu dependeant, & coactiuum iudicium, vt ostensum est decimoquinto primæ. Sic ergo sacerdotium à principatu dependet ac recipit, & principatus à sacerdotio. Recipit enim sacerdotium à principatu iustificationem suorum ciuiliu actuum, & custodiam ab iniuria, ne siquidem hanc inferat alteri, nec illi ab altero inferatur in statu & pro statu præsentis seculi: quoniam hoc est officium principantis & nullius alterius partis ciuitatis, quemadmodum demonstratum est 15. primæ. Quod etiam expressit Apostolus ad Romanos 13. & prius induximus quinto huius, hoc etiam ad Timoth. primæ, quinto capite sensit, cum dixit; *Obsecro igitur primum fieri obsecrationes, &c. pro regibus & omnibus qui in sublimitate sunt, vt quietam & tranquillam vitam agamus, id est, habeamus.* Conuersa vice indiget ac pendet principatus ab actione sacerdotii: recipit enim ab hoc, doctrinam videlicet cum sacramentis disponentibus homines in hoc seculo, & contraria remouentibus ad salutem seu beatitudinem æternam pro statu venturi seculi. Verum differenter inuicem has agunt & recipiunt actiones, quoniam princeps iudex coactiuus existens in hoc seculo Dei ordinatione, quamuis immediate humani legislatoris aut alterius cuiusvis humanæ voluntatis institutione suam actionem, per coactiuam potestatem, supplicium

cium vel pœnam inferendo imprimere potest licite in sacerdotem, etiam non volentem, si legis humanæ, non contrariæ diuinæ legi, transgressor extiterit, vt demonstratum est quinto, & octauo huius, & xv. primæ. Episcopus autem siue sacerdos, quoniam secundum legem diuinam non est iudex coactiuus cuiusquam in hoc seculo (vt xv. primæ, quarto, quinto, & nono huius ostensum est) sed iudex est secundum primam iudicis significationem, quasi doctor operatiuus, vt medicus per suam actionem siue præceptum, neminem cogere potest, nec debet pœna vel supplicio reali aut personali, secundum vitam præsentem. Sic igitur falsa fuit prima propositio iam dictæ argumentationis, qua sumebatur, Omne quod perfectiorem efficit actionem, secundum iurisdictionem non debere subesse minus perfectam actionem agentis. Cum dictis enim ad ipsam sequitur per necessitatem aliud manifestum inconueniens, falsum videlicet, nullum speculatiuum artificem, aut saltem primum philosophum, seu metaphysicum subesse iurisdictioni principantis secundum legem humanam; Cum nullus habituum operatiuorum aliorum à fide in principante vel alio, aut actio proueniens ab hiis, sint æque perfecti habitui philosophi primi, aut actioni prouenienti per illum, quo tamen carere contingit principantem sufficientem, & recte etiam institutum. Quod autem posterius obieiebatur, inconueniens videri, vicarium Christi singularem Romanum episcopum, aut quemuis apostolorum successorem alium, subesse debere iudicio coactiuo principantis secundum legem humanam. Dicendum, nullum inconueniens, vicarium alicuius, illi vel consimili subesse iudici, cui dominus eiusdem vicarii sponte subesse decreuit, propter conuenientem seculi huius ordinationem obseruandum. Christus enim Deus & homo, sub Pilati Pontii, principantis secundum legem humanam, vicarii iudicium coactiuum sponte subiuit, sic etiam & Apostoli sancti fecerunt, & alios facere præceperunt secundum legem diuinam,

quemadmodum liquide ostensum est per scripturam & dicta sanctorum atque aliorum doctorum quarto & quinto huius, & in 28. repetitum. Vnde etiam cum seruus non sit maior domino, nec apostolus, eo qui misit illum, (vt ex scriptura per Bernard. induximus, 28. huius) nullum inconueniens, sed valde conueniens, quinimo necessarium ad ciuilitatis, seu politiae quietem, omnem episcopum atque presbyterum & clericum subesse iudicio coactiuo, principantium secundum legem humanam: huius vero contrarium, inconueniens omnino est & importabile, sicut demonstratum est decimo septimo primae, & vbi supra in hac pridem confirmatum testamentis aeternis. Adhuc, quoniam Romanus aut quiuis episcopus, non est Christi vicarius, seu minister ad omne officium exercendum in hoc seculo, sed secundum determinatum, verbi causa, Sacerdotium, in quo siquidem in quantum huiusmodi, non attenditur coactiuum iudicium, inferius aut superius secundum ipsum, vt ex Aristotele induximus palam, nono huius, parte octaua, principans vero secundum legem humanam Dei vicarius seu minister est, secundum principatus officium, in quo superius & subiectum attenditur quantum ad coactiuam potestatem, vnde ad Romanos tertio decimo neminem excipiens Apostolus, episcoporum aut presbyterorum, inquit, *Omnis anima subdita sit potestatibus sublimioribus*; causam subiungens, *Dei enim minister est*. Ecce vicarium Dei, non violentum, sed coactiuum malorum, in hoc seculo. Vnde subdit, *Vindex in iram & qui malum agit*. Sed malum agere potest episcopus aut sacerdos, quibus nunquam Christus aut apostolus aliquis, opere seu exemplo vel sermone, alium iudicem assignauit, vt in hac, vbi supra monstrauius. * Ei vero, quae per modum conclusionis proponitur, *instantia*; quod si expediat principantes secundum auctoritatem humanam corrigere, dum delinquent in diuinam aut hominum legem, non videri hos corrigi posse conuenienter, cum superiore careant in politia, primi saltem, aut primus

Princeps Dei
vicarius.

* Sexta.

primus ipsorum. Et propterea eos subiici debere sacerdotum, aut episcoporum iudicio coactiuo. *Dicendum*, quod principans delinquens in diuinam aut humanam legem corrigi potest & debet, conuenienter per ministrum ecclesiasticum, episcopum, siue presbyterum per sermonem exhortatorium aut increpatorium, modestum tamen iuxta doctrinam *Apostoli*, secundæ ad Timotheum secundo, & quarto, & *Chrysostomi* explicationem, quam induximus nono huius, per coactiuam vero potestatem nequaquam. Quoniam hæc ad episcopum vel sacerdotem, inquantum huiusmodi, super quemquam in hoc seculo minime pertinet, vt sæpe probatum & repetitum est in prioribus dictis. Corrigere vero principantem propter excessum in leges, & inquantum in legem humanam, (vt in decimo huius diximus) secundum legem tamen humanam, & arcere quoque si oporteat, poena vel supplicio temporali, ad solius humani legislatoris auctoritatem pertinet, vel ad hoc statutorum ab illo, vt 18. primæ sufficienter ostensum putamus. Quæ autem finaliter addebat^{ur} deductio, quoniam secundum iurisdictionem ille superior est ad Romanum Imperatorem, ipsumque de iure instituere atque deponere potest, qui transtulit imperium à Græcis in Germanos in persona *magni Karoli*, vt iam dictum est: *hic autem est Papa Romanus*: ergo Imperatore superior, ipsumque instituere atque deponere de iure potest. *Dicendum*, quod si maior indefinite sumatur, ex ipsa cum minore nihil infertur, propter non fieri syllogismum ex indefinita cum particulari. Si vero sumatur vniuersaliter, vt dicatur, Omnis translator imperii Romani à Græcis in Germanos, superior est, &c. nisi determinetur subiectum, quam plures haberet hæc *propositio* veras instantias. Si enim quis de facto, & non de iure transtulisset imperium, aut si aliena, ceu sibi ab altero tunc data potestate ad hoc, tanquam procuratori vel quasi, qui sic inquam transtulisset, non propter hoc solus superiorem iurisdictionem haberet, nec potestatem iustam, Ro-

Quomodo princeps corrigendus.

*Quinta ratio-
nis refutatio
per apostropha.*

*Romani imperii
translatio à
Græcis ad Ger-
manos.*

manum principem instituendi aut deponendi. Sic vero determinata iam dicta *priori propositione*, ut omnis mortalis qui transtulit aut transferre potest Romanum imperium à Græcis in Germanos iuste, auctoritate propria, non sibi concessa per alterum, superior est secundum coactiuam iurisdictionem ad Romanum principem, ipsumque iuste instituere atque deponere potest, sic ipsa concessa. Quæ huic annectitur *secunda*, videlicet, Romanus episcopus siue *Papa* est qui transtulit imperium, ut dictum est, neganda est tamquam omnino falsa. Nam eius opposita demonstrata est 15. primæ, & rursum tam ipsius quam *ex ipsa illata conclusionis* oppositum, per scripturam & dicta sanctorum atque catholicorum doctorum certificatum est quarto huius & quinto, & repetitum in aliis plerisque locis: sicque obseruatum de facto sine reclamatione fuisse per antiquos patres & pastores Romanos episcopos, persuasimus 21. huius ex approbatis historiis. Quod autem scribitur in septimo quarundam narrationum, quas *Decretales* appellant de iureiurando, & in *epistola quadam vocati iam Papa Romani, ad inclytum Ludovicum ex Bauaria Ducibus, Romanorum Regem assumptum*, per sedem apostolicam siue Romanum Papam vel solum, aut cum suorum collegio clericorum, Romanum imperium à Græcis ad Germanos, in persona magni Karoli fuisse translatum rationabiliter siue iuste, supponatur ad presens, quamuis non ipsorum auctoritate propria, hac enim translatione *quantum de facto praeceperit, dicturi sumus in altero quodam ab hoc tractatu seorsum*. Esto igitur imperii translationem à Græcis in Germanos iuste factam. Dico tamen quod non auctoritate Romani Papæ solius, aut cum suo solo collegio clericorum, ut pridem diximus. Et propterea oportet attendere secundum demonstrationes inductas 12. 13. & 15. primæ, quod eiusdem est auctoritas prima, secundum rationem rectam intendentibus leges humanas statuendi, principatum instituendi, principem assumendi, auctoritatem illi concedendi, &

di, & hæc omnia mutandi, destruendi, augendi, vel minuendi, suspendendi, corrigendi, deponendi, transferendi, reuocandi, & reliqua faciendi circa ea, quæ iam dictam auctoritatem habenti principaliter non ab altero expedire videntur, & per suam exprefserit voluntatem. Cuius autem sit auctoritas supradicta, determinatum est duodecimo, & decimo tertio primæ. Propter quod ubicumque legatur & à quocumque dicatur translatum fuisse imperium, aut alter quicumque principatus vel princeps aliquis qui per electionem assumitur, institutus per *Papam* vel aliam personam singularem, aut per collegium singulare aliquod prouinciæ siue regni; si vera debeat esse scriptura vel sermo, & valida seu iusta institutio, siue translatio talis, oportet fieri aut factam esse auctoritate legislatoris primi in prouincia, vel prouinciis; super quas, à quibus, & ad quas debet institutio aut translatio fieri aut facta fore. Ideoque si translatio imperii Romani vel Imperatoris alicuius institutio, dicatur aut scribatur rite facta fuisse per Papam Romanum solum, aut per ipsum cum suo solo collegio clericorum, & verum sit huiusmodi dictum aut scriptum, oportet translationem aut institutionem iam dictam per ipsos intelligere factam, per auctoritatem illis concessam ad hoc à Romani imperii legislatore humano supremo, per medium, aut sine medio, vel ab eis quidem non factam simpliciter, sed modo quodam, vt publicatam vel pronunciatam, auctoritate tamen prædicta. Trāstulit enim fortasse aut instituit circa imperium aliquid legislator prædictus, quod postmodum soli Papæ Romano tamquam reuerentiori personæ vniuersitatis humanæ, vel sibi cum suis sacerdotibus, velut venerabiliore clericorum collegio pronuncians & publicandum commisit, non quidem propter facti vel fiendi necessitatem, sed sollemnitatem tantummodo, cum translationes principatus legum & principantium institutiones, similiter & officia ciuilia reliqua, in quantum huiusmodi quantum ad eorum robur, ex sola legislatoris iam

dicti electione seu ordinatione dependent, vt demonstratum est duodecimo, & decimotertio primæ, ac 26. huius, parte quinta, cum declaratione quadam non inutiliter repetitum. Sic quoque per omnia sentiendum, de institutione officii principum eligentium Imperatorem Romanum: non enim aliam in hoc, neque ab alio habent auctoritatem, neque ab ipsis per alium suspendi vel reuocari potest, quam à supremo imperii Romani humano legislatore prædicto. De propositis quidem igitur dubitationibus tertio & vigesimo septimo huius, sic pertransisse sufficiat. Et finem imposuisse quæsitis.

LIBRI SECVNDI FINIS.

DEFEN-






DEFENSORIS PACIS
 DICTIO SEV PARS TERTIA,
 QUÆ EST INDEX PRÆ-
 missarum.

CAPUT I.

Anacephalaosis, & ordo totius libri.



QVONIAM autem in prioribus, regnorum
 & communitatum quarundam singula-
 rem ciuilis *discordia*, seu intranquillita-
 tis iam existētem assignauimus *causam*,
 omniumque reliquarum, nisi prohibeatur futuram,
 existimationem, desiderium, atq; conatum, quibus
Romanus episcopus & suorum cœtus clericorum, sin-
 gulariter ad seculares tendunt principatus, & tempo-
 ralia possidenda superflue. Quorum etiam supre-
 mum omnium sibi vindicare nititur memoratus e-
 piscopus ex eadem præcipue, vt asserit, concessa per
 Christum, in persona beati Petri, *Plenitudine potestatis*,
 vt in vltimo primæ diximus, & in plerisque Di-
 ctionis 2. capitulis non inconuenienter extirrit repe-
 titum. Cum tamen nullus principatus seu cuius-
 quam coactiuum iudicium in hoc seculo, nedum su-
 premus omnium illi conueniat, neq; alteri cuiquam
 episcopo, sacerdoti vel clerico, in quantum huiusmo-
 di, communiter aut diuifim: veluti viis certis huma-
 nis demonstrauius 12. 13. & 15. primæ. Idemque 4.
 & 5. secundæ firmauius testimoniis veritatis æter-
 næ, nec non sanctorum eius interpretum expositio-
 nibus, ac plurimorum approbatorum eiusdem do-
 ctorum, postquam etiam 6. & 7. Dictionis secundæ
 assignauimus ex scripturis & rationibus certis, quæ,
 quantave sit, ac in quibus sacerdotum, seu episcopo-

rum potestas. Quibus omnibus etiam aut ipsorum alicui, ostendimus eiusdem 23. nec communiter vel diuissim, quam sibi sumpserant, præsertim Romanus episcopus, conuenire plenitudinem potestatis. Propter quæ malignitatis illius singularis in dictis pro-œmialiter sæpius nominatæ sufficienter radices succisæ videntur. Nunc, vt quos hætenus *pestilentia* hæc regnis, & communitatibus palmites, & germina discordiæ siue litis adduxit, nec inducere cessat, arescant citius, & de cetero propagari non valeant: ex iam præmissis dictionibus, reliquam & *tertiam* producemus: quæ nil aliud erit, quam ex antea positis per se notis vel demonstratis necessaria & explicita illatio *conclusionum* quarundā, quibus adhibita, diligenti attentione meditationis & opere, supradicta pestis, eiusque sophistica causa, non difficulter excludentur à regnis, ipsisque deinceps ad ea, reliquasque ciuilitates præcludetur ingressus.

CAPVT II.

De conclusionum quarundam explicata illatione, ad determinata in prioribus dictionibus de necessitate sequentium, quarum attentione facilius assequi possunt principantes, & subditi finem per hunc librum intentum.

Harum autem inferendarum conclusionum hanc primam ponemus.

CONCLUSIO PRIMA.

SOLA diuinam seu *canonicam scripturam*, & ad ipsam per necessitatem sequentem quamcunque, ipsiusque interpretationem ex communi concilio fidelium factam, *veram esse*, ad æternam beatitudinem

dinem consequendam necesse credere, si alicui debite proponatur. Huius siquidem certitudo est, & summi potest, 19. secundæ.

II. Legis diuinæ dubias definire sententias, in his præsertim, qui Christianæ fidei vocantur articuli, reliquisque credendis de necessitate salutis æternæ, solum *generale concilium* fidelium, aut illius valentio rem multitudinem, siue partem determinare debere, nullumq; aliud partiale collegium, aut personam singularem cuiuscunque conditionis existat, iam dictæ determinationis auctoritatem habere. huius autem certitudo habetur 20. secundæ.

III. Ad obseruanda præcepta diuinæ legis, pœna vel supplicio temporali, seu præsentis seculi nemo euangelica scriptura compelli præcipitur: 9. secundæ.

IV. Solius nouæ legis diuinæ præcepta, vel ad ipsa per necessitatem sequentia, & quæ secundum rectam rationem fieri aut omitti conuenit, propter æternam salutem necesse seruari; antiquæ vero legis nequaquam omnia: 9. secundæ.

V. In diuinis nouæ legis præceptis, aut prohibitis, neminem mortalem dispensare posse, permixta vero prohibere, obligando ad culpam aut pœnam pro statu præsentis seculi vel venturi, solum posse generale concilium, aut fidelem legislatorem humanum, nullumque aliud partiale collegium, vel singularem personam cuiuscunque conditionis existat: 12. primæ, 9. & 21. secundæ.

VI. Legislatorem humanum, solam ciuium vniuersitatem esse, aut valentio rem illius partem: 12. & 13. primæ.

VII. Decretales vel Decreta Romanorum, aut aliorum quorumlibet Pontificum, communiter aut diuissim absq; concessione legislatoris humani constituta, neminem obligare pœna vel supplicio temporali, seu seculi huius: 12. primæ, & 28. secundæ.

IX. In humanis legibus solum legislatorem vel illius auctoritate alterum dispensare posse: 12. primæ.

IX. Principatum electum aut alterum quaecunque officium, à sola electione auctoritatem habentis ad illam, nullaque alia confirmatione seu approbatione pendere: 12. primæ, & 26. secundæ.

X. Cuiuslibet principatus aut alterius officii per electionem instituendi, præcipue vim coactiuam habentis, electionem à solius legislatoris expressa voluntate pendere: 12. & 15. primæ.

XI. Solum vnum numero supremum principatum esse debere in ciuitate vel regno: 17. primæ.

XII. Personas & ipsarum qualitatem ac numerum ad officia ciuitatis, sic quoque ciuilia omnia determinare, ad principantis fidelis auctoritatem secundum leges aut probatas consuetudines, tantummodo pertinere: 12. & 15. primæ.

XIII. Nullum principantem, eoque minus collegium partiale vel singularem personam cuiuscunque conditionis existat, alienorum actuum monasticorum aut ciuiliū absque mortalis legislatoris determinatione, *Imperii plenitudinem* seu potestatis habere: 11. primæ, & 23. secundæ.

XIV. Principatum seu iurisdictionem coactiuam, supra quemquam clericum aut laicum, etiam si hæreticus extet, nullum episcopum vel sacerdotem, in quantum huiusmodi, vllam habere: 15. primæ, 4. 5. & 9. ac 10. secundæ.

XV. Super omnem singularem personam mortalem cuiuscunque conditionis existat, atque collegium laicorum ac clericorum, auctoritate legislatoris solummodo principem iurisdictionem tam realem quam personalem, coactiuam habere: 15. ac 17. primæ, 4. 5. 8. ac 21. secundæ.

XVI. Excommunicare quemquam aut diuinorum officia interdicare, absque fidelis legislatoris auctoritate, nulli episcopo vel sacerdoti aut ipsorum collegio licere: 6. & 21. secundæ.

XVII. Omnes episcopos æqualis auctoritatis esse im-

se immediate per Christum, neque secundum legem diuinam conuinci posse, in spiritalibus aut temporalibus præesse inuicem vel subesse: 15. & 16. secundæ.

x i i x. Auctoritate diuina, legislatoris humani fidelis interueniente consensu seu concessione, sic alios episcopos communiter aut diuim excommunicare posse Romanum episcopum, & in ipsum auctoritatem aliam exercere, quemadmodum è conuerso: 6. 15. & 16. secundæ.

x i x. Coniugia seu matrimonia diuina lege, noua præsertim, prohibita, per mortalem neminem dispensari posse, humana vero lege præhibita, ad solius legislatoris, vel per ipsius principantis auctoritatem pertinere: 12. primæ, & 21. secundæ.

x x. Natos non ex legitimo thoro seu matrimonio, legitimos facere, sic, vt hæreditarie succedere possint, aliaque suscipere ciuilia & ecclesiastica officia & beneficia ad solum fidelem legislatorem noscitur pertinere: vbi supra immediate.

x x i. Ad ecclesiasticos ordines promouendos, ipsorumque sufficientiam iudicare iudicio coactiuo, ad solum legislatorem fidelem spectare, ac sine ipsius auctoritate quemquam promouere ad hoc, cuiquam sacerdoti vel episcopo non licere: 15. primæ, 17. & 21. secundæ.

x x i i. Numerum ecclesiarum siue templorum, ac in ipsis ministrare debentium, sacerdotum, diaconorum, & reliquorum officialium, ad solum principantem secundum leges fidelium pertinet mensurare: vbi supra immediate.

x x i i i. Ecclesiastica officia separabilia solius fidelis legislatoris auctoritate debere conferri, & similiter auferri posse, sicut quoque beneficia, & propter pias causas reliqua constituta: 15. primæ, 17. & 21. secundæ.

x x i v. Notarios aut alios officiales publicos ciuiles statuere, ad nullum episcopum pertinere, in-

quantum huiusmodi, communiter aut diuifim: 15. primæ, & 21. secundæ.

xxv. Docendi aut operandi publice secundum artem aut disciplinam aliquam, neminem episcopum communiter aut diuifim, in quantum huiusmodi, licentiam concedere posse; sed hæc ad legislatorem saltem fidelem aut eius auctoritate principantem, tantummodo pertinere: vbi supra immediate.

xxvi. Promotos ad diaconatū aut sacerdotium, reliquosque Deo irreuocabiliter consecratos in ecclesiasticis officiis & beneficiis, ceteris non sic consecratis debere præferri: 14. secundæ.

xxvii. Ecclesiasticis temporalibus, expleta sacerdotum & aliorum euangelii ministrorum, & his quæ ad cultum diuinum pertinent, ac impotentum pauperum necessitate, licite ac secundum legem diuinam, pro communibus seu publicis vtilitatibus, aut defensionibus vti posse legislatorem humanum totaliter & in parte: 15. primæ, & 17. & 21. secundæ.

xxix. Cuncta temporalia quæ ad pias causas seu misericordiæ opera statuta sunt, vt quæ testamentis legantur pro vltamarino transitu ad resistendum infidelibus, aut pro captiuorum ab ipsis redemptione, vel pauperum impotentum sustentatione, ceterisque similibus, ad solum principantem secundum legislatoris determinationem ac legantis, vel aliter largientis intentionem, disponere pertinet: vbi supra immediate.

xxx. Collegii cuiuscumque vel religionis vacationem concedere, ipsamque approbare vel reprobare, ad auctoritatem pertinet solius legislatoris fidelis: 15. primæ, 17. & 21. secundæ.

xxx. Hæreticos, omnesque delinquentes, & arcendos pœna vel supplicio temporali, iudicare iudicio coactiuo, pœnasque personales infligere, ac reales exigere, ipsasque applicare, ad solius principantis auctori-

Autoritatem pertinet, secundum legislatoris humani determinationem: 15. primæ, 8. 10. & 21. secundæ.

xxx i. Neminem subditum & per iuramentum licitum alteri obligatum, absque causa rationabili per fidelem legislatorem tertiæ significationis iudicio iudicanda, per episcopum aut presbyterum aliquem solui posse, huiusque oppositum aduersari sanæ doctrinæ: 6. 7. & 26. secundæ.

xxx i i. Episcopum, aut ecclesiam aliquam metropolitanam simpliciter omnium statuere, atque priuare seu deponere ab huiusmodi officio, ad solum generale concilium fidelium omnium pertinere: 22. secundæ.

xxx i i i. Generale concilium, aut parziale sacerdotum & episcoporum, ac reliquorum fidelium per coactiuam potestatem congregare, ad fidelem legislatorem aut eius auctoritate principantem in communitatibus fidelium tantummodo pertinere, nec in aliter congregato determinata vim aut robur habere, ad obseruationem quoque neminem obligare temporali aut spiritali pœna vel culpa: 15. & 17. primæ, 8. & 21. secundæ.

xxx i v. Ieiunia & aliquorum ciborum prohibitiones, solius generalis concilii fidelium, seu fidelis legislatoris auctoritate fieri debere. Opera quoque mechanicarum artium ac doctrinas disciplinarum, quæ lege diuina, nulla dierum excerceri prohibita fuerint, solum prædictum concilium seu legislatorem prædictum, interdicare posse: ad obseruationem quoque talium, arcere pœna vel supplicio temporali, solum legislatorem fidelem, aut eius auctoritate principantem: 15. primæ, & 21. secundæ.

xxx v. Canonizari, aut tanquam sanctam adorari quempiam, per solum generale concilium statui & ordinari debere: 21. secundæ.

xxx v i. Episcopis, aut presbyteris aliisque templorum ministris, si vxores interdicare conuenit, reliqua quoque circa ecclesiasticum ritum, per genera-

le solum fidelium concilium id statui & ordinari, aut illud solum collegium aut personam in hoc cum prædictis dispensare posse, cui data fuerit eius auctoritas per concilium supradictum: vbi supra immediate.

xxxvii. A iudicio coactiuo episcopo vel sacerdoti concessio, semper ad legislatorem contendentem, liceat appellare, vel ad eius auctoritate principantem: 15. primæ, & 22. secundæ.

xxxix. Perfectionem euangelicam summæ paupertatis seruare debentem, nihil immobilium in sua potestate habere posse absque determinato proposito, quodlibet tale habitum vendendi, cum primum potuerit, pretiumque pauperibus tribuendi: mobilis autem, aut immobilis rei nullius habere dominium seu potestatem, cum proposito scilicet vendicandi eam coram iudice coactiuo ab auferente vel auferre volente: 13. & 14. secundæ.

xxxi. Episcopis, reliquisque ministris euangelicis, quæ ad alimentum & tegumentum necesse fuerint, saltem quotidiana vitæ, quæ ministrat euangelium, multitudo vel persona singularis, secundum legem diuinam & suam possibilitatem exhibere tenetur, decimas vero vel alterum quid aliud, si super fuerit dictorum ministrorum necessitati supplendæ nequaquam: 14. secundæ.

xl. Legislatorem fidelem, aut eius auctoritate principantem, in subiecta sibi prouincia compellere posse tam episcopos quam reliquos euangelicos ministros, quibus de sufficientia victus & tegumenti prouisum est ad diuina officia celebranda, & sacramenta ecclesiastica ministranda: 15. primæ, & 8. secundæ.

xli. Episcopum Romanum & alium quemlibet ecclesiasticum, seu spiritualem ministrum, secundum legem diuinam per solum fidelem legislatorem, aut eius auctoritate principantem, vel fidelium generale consilium ad officium ecclesiasticum separabile

rabile promoueri debere , ab eodem quoque suspendi atque priuari, exigente delicto: 15. primæ, & 22. secundæ.

XLII. Possent autem aliæ quam plures & vtilis conclusiones ex prioribus diuisionibus per necessitatem inferri, quas tamen deduximus, contenti sumus, quoniam ad prædictam pestem cum ipsius causa succidendam, facilem atque sufficientem præbent ingressum.

DEFENSORIS PACIS TERTIÆ
DICTIONIS, FINIS.

